

---

Ex Bibliotheca  
majori Coll. Rom.  
Societ. Jesu

82  
D  
!



8. 77. 4. 1





# HIBERNIA ANTIQVA




HIBERNIA.

*Dives Lactis ac Mellis Insula,  
Cervorum venatu insignis.*

*Ven. Bel. Eccles. Hist. Lib. 1. Cap. 1.*

JACOBI WARÆI  
*Equitis Aurati*

DE  
HIBERNIA  
& Antiquitatibus ejus,  
*DISQUISITIONES.*



EDITIO SECUNDA,  
Emendatio

& quarta parte auctior.

Accesserunt

RERUM HIBERNICARUM

Regnante *Henrico V. II.*



ANNALES.

*Nunc primum in lucem editi.*

LONDINI,

Typis E. TYLER, Impensis JO. CROOK,  
sub Signo *Navis*, in cœmeterio S. Pauli.

MDCLVIII.





Editionis Primæ

## PRÆFATIO.

**H**Abes, Lector, Disquisitiones hasce, eo fine editas, ut vel bono rei literariæ serviant, vel saltem alios, melioribus auspiciis, certiora ex Antiquitatis tenebris eruere incitent. Per exiguam superesse notitiam rerum in Hibernia gestarum, ante exortam ibi Evangelii auroram, liquido constat. Neq; me latet, à viris nonnullis doctis, pleraque quæ de antiquioribus illis temporibus, ante adventum S. Patricii in Hiberniam, à scriptoribus traduntur, tanquàm figmenta esse explosa. Notandum quidem descriptio-

*nes fermè omnium quæ de illis temporibus (vetustioribus dico) extant, opera esse posteriorũ seculorum: Idcirco in hac indagine, de iis, admodum parcè loquutus sum, nec usquàm, nisi ubi rem æquâ (ut potui) lance, pensitavi. In aliis etiam, ad recentiora tempora spectantibus, interdum coactus sum, (fateor) veritatis studio, vel à viro aliquo erudito, vel à recepta opinione, dissentire; sed in utroque casu, redditâ plerumque ratione. Veruntamen, si in hoc tam disita veritatis scrutinio sæpius erraverim, haud mirum. Ardua res est (ait Plinius) vetustis novitatem dare, obsoletis nitorem, obscuris lucem, dubiis fidem. Et è Senatu doctorũ quis idẽ non fatebitur?*



PRÆFATIO.

fatebitur? Porro, ut non negandū multa hīc aptius disponi potuisse, si id tanti mihi visū fuisset, ita fatendum non pauca etiā addi potuisse, ex parte eā schedarū mearum, quæ ad manū non fui, dum hæc molirer, licet hunc defectum partim suppleverint amicorum meorum Bibliothecæ, Londini & Westmonasterii. Ut cūq; in his quæ nunc offero, præter ea quæ à viris in hoc eruditionis genere versatissimis, ante me sunt observata, multa etiā hætenus latētia, et scitu fortasse non indigna, invienes patefacta, commentis quibus scatent scripta nonnullorum, tum veterum tum recentiorum, de Hibernia agētium, vel consultò prætermisissis, vel, quantum potui (è

densis vetustatis tenebris) dete-  
dis; at sine aliquâ meritis, ut  
ex iis quæ postea dicturus sum,  
(spero) liquebit. Veruntamen tum  
ob rerum ipsarum obscuritatem,  
tum opinionum varietatem, sæpè  
non ausu sum, fateor, quicquam  
certò statuere, sed coactus multa,  
vel conjecturis venari & explica-  
re, vel pleniori aliorum indagi-  
ni relinquere: quanquam non ne-  
gem conjecturas, ad magnam po-  
litioris literaturæ partem esse ne-  
cessarias. Nec dubito quin mul-  
ta veterum ex conjecturis adhuc  
feliciter illustrari possint, præter  
ea quæ à viris doctis antehac sunt  
explicata, magno rei literariæ,  
atque ad ò humanæ cognitionis  
commodo.

Sed

PRÆFATIO.

*Sed ne longè progrediar; Ex  
hoc quocunq; labore, si utilitatem  
aliquam percipias, me operæ non  
pœnitebit, imò horas succisivas  
itâ impensas, me benè collocâsse  
existimabo. Vale. Londini; IV  
Nonas Maias, MDCLIV.*

---

*Editionis Secundæ  
Ansa & Institutum.*

*Prioris Editionis (quam an-  
te annos jam IV in lucem emisi)  
Consilium indicat Præfatio pri-  
or. Cæterum tempus nuper nactus  
opportunum, dum in Hibernia  
essem, è schedis & codicibus meis  
MSS. non pauca selegi, quæ in  
jam dicta editione deesse vide-  
bantur. Atque hinc sanè, cum  
in Angliâ postcâ Bibliopolam, di-  
vendi-*

# EDITIONIS SECUNDÆ

*venditis prioris editionis exemplaribus, novam moliri acceperissem, ansam arripui non solum Editionem primam recognoscendi, sed multa etiam prætermissa interserendi, ac cæteris postremo quatuor integra capitula adjiciendi. In primo, de Basilicis agitur, sive Ecclesiis cathedralibus Hiberniæ, ubi id nunc Basilicis, quod antea Cœnobiis præstiti. In secundo, de priscorum Hibernorum Servis, sive Mancipiis, Deque illorum Villanis, sive Nativis, vel Betagiis, fundo quem colebant adscriptis. In tertio, de priscis, apud Hibernos, Probationum sive Purgationum generibus, post conversionem Gentis ad fidem Christianam.*

*Ac*

PRÆFATIO.

*Ac in quarto denique, de veterum Hibernorum & Ostmannorum in Hibernia Funeribus, Sepulturis & Cryptis subterraneis.*

*Atque, de secunda hac Editione, ista sunt quæ dicenda habui. Londini, IX Kalendas Julias, Anno Dom. MDCLVIII.*


---

Syllabus

---







## Syllabus Capitem.

### C A P. I.

**D**E variis nominibus quibus Hibernia veteribus innotuit : Deque Hibernia Etymo. Pag.1.

### C A P. II.

De Hibernorum Origine : Deque linguâ Hibernorum veterum; an eadem fuerit cum Britannicâ. P.7.

### C A P. III.

De Hiberniæ Divisione & Dimensione : ubi nonnulla etiam de Situ ejus. P.13.

### C A P. IV.

De Forma Imperii apud veteres Hibernos: Deque Successione & serie Regum Hiberniæ, ab anno Christi CCCGXXVIII, ad annum usque MCLXXI, quo Insula Anglici juris facta est. P.16.

### C A P. V.

De Druidibus eorumque superstitionibus; Ubi obiter nonnulla de Diis, quos olim Hiberni, dum Ethnici, maxime colebant : Deque Bardis antiquis. P.30.

### C A P. VI.

De variis nominibus quibus veteres Hiberni Externos appellârunt, præsertim vicinos. P.35.

### C A P. VII.

De Hiberniæ Ornamentis, Commodis & Privilegiis quibusdam specialibus. P.38.

C A P.

Syllabus Caputum,

CAP. VII.

*De Tanistria, Lege Brebonica & Consuetudinibus dictis Gossipred, Fostering, & Gavelkind.*

P.40.

CAP. IX.

*De Hibernorum veterum Cognominibus; Et quando Cognomina ceperint esse fixa & Familiis annexa.*

P.44.

CAP. X.

*Hiberniae Antiquae Populi & Loca, de quibus fit mentio apud Ptolemaeum, qui floruit sub Antonino Pio, una cum adjunctis nominibus recentioribus.*

P.46.

CAP. XI.

*De Hibernorum veterum Vestitu & Ornatu.*

P.60.

CAP. XII.

*De priscis Equitibus & Peditibus Hibernicis: Sed potissimum de iis qui fuerunt mediorum temporum: Deque eorum Armis & Clamore Militari.*

P.63.

CAP. XIII.

*De priscis Exactionibus Hibernicis, dictis Bonaght, Sorohen, Coshery, Cuddy, Shragh & Mart. Deque tributis ab Anglis introductis, vice Bonaghti, vocatis Coyne & Liberty.*

P.68.

CAP. XIV.

*De Mirabilibus nonnullis Hiberniae: Deque aliis adscriptitiis.*

P.71.

CAP. XV.

*De Academiis sive Scholis insignioribus Hiberniae: Deque aliis, apud exterarum nationum, Hibernorum opera excultis.*

P.74.

CAP. XVI.

*De Antiqua Dispositione Episcopatus Hiberniae.*

P.83.

CAP.



## Syllabus Caputum.

### C A P. XVII.

*De Corbis sive Corbanis, Erenachis, Scribis, Colideis & Anachoretis Hiberniæ: Deque Igne dicto inextinguibili, à Monialibus cænobii S. Brigidæ Kildaræ, olim custodito.* P.91.

### C A P. XVIII.

*De veterum Hibernorum Navigiis quibusdam coriis obtectis.* P.98.

### C A P. XIX.

*De More antiquo creandi Milites, apud Hibernos.* P.101.

### C A P. XX.

*In quo ostenditur Hiberniam in Romanorum potestatem nunquàm concessisse.* P.103.

### C A P. XXI.

*De Cormaco Culinani filio Rege simul & Episcopo Casseliensi: ubi obiter de aliis qui Reges fuerunt simul & Pontifices, vel Sacerdotes: Deque miro more tonsuræ ab Ædo, dicto Clerico Barbofo, introductio.* P.105.

### C A P. XXII.

*De Hibernorum veterum Domiciliis & Ædificiis: Deque eorum Victu, Conviviis & Musicis Instrumentis.* P.110.

### C A P. XXIII.

*De Erroribus nonnullis & figmentis veterum aliquorum Scriptorum, de Hibernia agentium: Deque aliis Scriptorum mediorum temporum.* P.116.

### C A P. XXIV.

*De Ostmannis, sive Danis & Norwægis; Deque eorum Rebus gestis in Hibernia, ab anno Christi 795, usque ad Anglorum ingressum, sub Henrico secundo, scil. per quatuor ferme centurias annorum.* P.120.

C A P.



DE  
HIBERNIA,  
ET  
Antiquitatibus ejus,  
DISQUISITIONES.

---

CAP. I.

*De variis nominibus quibus Hibernia veteribus  
innotuit : Deque Hiberniæ Etymo.*



Hec Insula, variis coloniis, è Britannia, Scythia, Iberia, Germania & Gallia deductis, olim habitata, duobus potissimum nominibus Veteribus innotuit, Hiberniæ scil. sive Ibernix, & Scotiæ. Hibernia (ita vocant Cæsar, Plinius, Solinus, Tacitus, Orosius, alii). Regio totius Europæ ad Occasum remotissima, derivatur vel à voce *Hiar*, quæ apud Hibernos, Occasum, sive plagam Occidentalem significat, uti conjicit Camdenus, vel

B ab

ab Iberis, qui hîc olim habitabant : unde fortasse & ipsa Insula, in Antonini Itinerario, *Hiberione* appellatur, & in Epistola S. Patricii ad Coroticum, bis, *Hiberione*, semel, *Hiberia*. Ex alterutro fonte emanare videntur Ierne, Hierna, Juverna, Iris, Bernia, Overnia, & vox Hibernica, *Eri* : His enim nominibus Hibernia olim etiam vocabatur. Ab *Eri*, Hibernus Erigena dicitur, & ita olim Johannes Scotus, Scriptor antiquus seculi noni, Erigena vulgò appellabatur. Sunt qui ab Ebero Hispano, uno è Milesii filiis, alii, qui ab Herimone Eberi fratre ducant. Sed viri sanioris judicii has sententias rejecerunt, non minùs quam istas aliorum, vel ab Irnalpho duce Hispanico, vel ab aquis, hyberno tempore, ibi congelacientibus, vel ab Ibero Hispaniæ fluvio, vel ab Iëra Regina, vel à *Jurin*, (i.) *Judæorum terra*, deducendum. Neque hîc prætermittenda est Samuelis Bocharti Cadomensis conjectura, qui Geographiæ sacræ, *lib. 1. cap. 39*, Hiberniam Phœnicibus, navigationibus, in oras remotissimas, olim clarissimis, non fuisse ignotam, ex nomine conjicit, quod planè, ait, videtur fuisse Phœnicium, *Hibernia enim nonnullis Iërna, &c. Nihil aliud est quàm Ibernae, Ultima habitatio, quia ultra Hiberniam, versus Occasum, veteres nihil noverant, præter vastum mare*. Ita ille ibi. Sed (ut quod sentio dicam) inter has omnes, quæ de Hiberniæ nomine invaluerunt, divinationes, mihi arridet opinio Isidori & aliorum ab Iberia deducendum, tum ob fixas ibi quasdam Iberorum sedes & colonias, de quibus postea suis locis, tum ob nominis affinitatem. Quò etiam spectasse videtur Johannes Lelandus, in cygnea cantione, cum Hibernos *Iberos* vocarit, *Fractos*



*Frañtos undique prnitudo Iberos  
Sylvestres domuit, suave Legis  
Ferre & perdocuit jugum Britannæ:  
Quæ victoriâ comparanda magnis.*

Sed de etymo, hæc est conjectura tantum:  
Veram nominis rationem reddere quàm difficilimum existimo, nihil igitur pro certo affirmo, quin potius rem totam in medio relinquo.

Ab aliis hæc insula Scotia (uti diximus) antiquitus appellabatur; atq; ita nominata videtur à coloniis quibusdā è Scythia deductis. Ita Radulphus de Diceto, in Imaginibus Historiarum, ad annum MCLXXXV, *E Regione ait quadam quæ dicitur Scythia, dicitur Scita, Sciticus, Scoticus, Scotus, Scotia.* Ex eo, idem ferè habet Thomas Walsinghamius, in Hypodigmate Neustriæ. Et rectè Reinerus Reinecius, in Historiæ Juliæ prolegomenis, hodie Scytharum nomen in Scotis asserit esse reliquum. Scytharum nomen, apud antiquissimos scriptores, valdè generale fuisse docti nôrunt, ac Scythas Europæos, sive Celto-Scythas colonias variis temporibus in Hiberniam misisse, recepta est opinio solertissimorum Antiquitatum Hibernicarum indagatorum. De tempore adventus Scytharum in Hiberniam, sic Nennius sive Ninius Britannus, qui floruit anno Domini DCCCL, *Novissimè (inquit) venerunt Scoti à partibus Hispaniæ ad Hiberniam, &c. Novissimè venit Clan-Heñor, & ibi habitavit cum omni gente sua usque hodiè. Nulla tamen certa Historia originis Scotorum reperitur. Si quis scire voluerit, quanto tempore fuit inhabitabilis & deserta Hibernia, sic mihi peritissimi Scotorum nunciaverunt, Scythæ in*

*quarta etate Mundi obtinuerunt Hiberniam. Is verò sub initium libri, quartam etatem Mundi computat à Davide usque ad Danielelem, sive ad Persicum Imperium. Item Henricus Huntindoniensis Histor. lib. 1, Britones, ait ille, in tertia Mundi etate, in Britanniam, Scoti in quarta, venerunt in Hiberniam. Propertius Getas Scythiæ populos, (quos non alios fuisse quàm qui postea Gothi dicti fuerunt, plerique tenent,) hinc sedes fixisse innuit, lib. 4, eleg. 3.*

*Hibernique Geta, pictæque Britannia curru.*  
 Et quamvis Hibernia à Plinio, lib. 4. cap. 16. & ab Apuleio, lib. de Mundo, inter Britannias numeretur, ac etiam à Ptolemæo, Britannia parva appelletur, & à Diodoro Siculo. lib. 6, cap. 9, pars Britanniae, quasi à Britannis olim occupata, liquidò tamen constare videtur Scythas etiam (ut de aliis hinc taceam) ibi habitasse, unde inquam, verisimile est Insulam eam, ab iis Scythiam primò nominatam, licet postea corruptè Scotia diceretur. Sed, in hac re, nihil definio. Fingunt nonnulli Scotiam eam nominatam à voce *σκῆτος*, quasi obscuritate fuerit involuta, alii à Scota Gaotheli uxore, filia Pharaonis Regis nescio cujus, item linguam Hibernicam, à dicto Gaothelo (aliàs, Gao-delo) compositam fuisse, & *Gaolic*, vulgò *Gellic* dictam, quasi ex cæteris linguis desumptam. Sed à viris doctis explosa sunt ista fragmenta. Hibernos ipsos cum Scotis, à Britannis, *Guydbill* appellatos, docet Humfredus Lhuidus Cambro-Britannus, in Fragmento Britannicæ descriptionis. Isidorus Hispalensis Originum lib. 9. cap. 2. *Scotos* asserit propria lingua nomen habere à picto corpore, eo quòd aculeis ferreis cum atramento, variarum figurarum

*rarum stigmata annotentur.* Atqui inde Pictos non Scotos nomen traduxisse certum ; & Isidorus ipse lib. 19, cap. 23, Pictos inde denominatos fatetur. Sunt denique qui *Gaulic* à Gothis emanasse volunt. Quære si non à Gallæcis Hispaniæ, vel à Gallis Veteribus. Venio jam ad Scriptorum testimonia Nennio vetustiorum, quibus vel Hibernia Scotiæ nomine innotuit, vel ejus incolæ nomine Scotorum. Nam recentiorum testimonia libens hîc prætermitto. Sic igitur Claudianus, qui sub Honorio & Arcadio Impp. vixit, in Panegyrico de quarto Honorii Consulatu.

-----*Incaluit Pictorum sanguine Thule,  
Scotorum cumulos flevit glacialis Ierne.*

Et lib. 2, de laudibus Stilichonis,

-----*Totam cùm Scotus Iernen  
Movit, & infesto spumavit remige Tethys.*

Post eum, ita Paulus Orosius, lib. 1, cap. 2, de Hibernia loquens, *Hæc propior, ait, Britannia, spatio terrarum angustior, sed cæli solisque temperie, magis utilis, à Scotorum Gentibus colitur.* Ei astipulantur Gildas, Cogitosus, Beda, aliique è Veteribus. Sed Insulam ipsam Scotiam olim dictam disertè asserit supradictus Isidorus, qui floruit anno Christi DCXXX, lib. 14 Originum, cap. 6, *Scotia inquit, eadem & Hibernia, proxima Britannia Insula, spatio terrarum angustior, sed situ fecundior. Hæc ab Africo in Boream porrigitur, cujus partes priores Iberiam & Cantabricum Oceanum intendunt, unde & Ibernica dicta. Scotia autem, quod à Scotorum gentibus colitur, appellata. A Scotis his Hiberniæ, genuinos Albanæ Scotos originem traxisse, ex Beda, Gir. Cambrensi, Johanne Majore (Scoto) & aliis, liquidò*

liquidò constat, ipsarúmque linguarum communitas evincit.

Ad alia jam venimus nomina, antiquitùs etiam Hiberniæ adscripta. Homerus & Hesiodus in partibus his occiduïs, Insulas Fortunatas sive Beatorum collocant. Sunt qui Hiberniam eandem esse afferunt cum Plutarchi Ogygia, quam ille ad Britanniae occasum statuit, in libro de facie in Orbe Lunæ: Atqui hoc non patitur distantia Ogygiæ à Britannia, in Plutarcho memorata. Festus Avienus *Insulam sacram* appellat, in libello cui Titulus est, *Oræ Maritime*. Ibi enim postquam de Ostrimidi-bus Insulis egisset, quæ hodiè Silly dicuntur, de Hibernia ita canit,

*Est hinc duobus in SACRAM, sic insulam  
Dixere Prisci, solibus cursus rati est  
Hæc inter undas multum cespitem jacet.  
Eamque latè gens Hibernorum colit.  
Propinqua rursus insula Albionum patet.*

Neque desunt qui Hiberniam, ab Historicis patriis, olim vocatam etiam volunt Insulam Nemorosam, Inisalgam sive Insulam nobilem, Banuam, sive Beatam, quamvis alii Banuam, & Fodlam (quo nomine etiam vocabatur) à Reginis nescio quibus *Thuathededanorum* ita dictis, deriveant: Item Inisfaliam, à fatali saxo, *Liafail* dicto, ibi olim magna cura asservato, Ethnicismi temporibus. Alii denique *Culamuam* vocant, à qua voce (ut videtur) fluxit *Cu-alemalec*; Nam linguam Hibernicam sic olim dictam afferit Thaddæus Doulingus, in Collectaneis suis Historicis. Sed ad alia transeamus.

CAP.



## CAP. II.

*De Hibernorum Origine ; Deque Lingua Hibernorum Veterum ; An eadem fuerit cum Britannica.*

**D**E Cæsaræ Noachi neptis adventu in Hiberniam, cum colonia, paulò ante Diluvium, apud Giraldum Barrium (Cambrensem vulgò dictum) & alios Scriptores fit mentio. Anno itidem à Diluvio CCC, Bartholanum Seræ filium, de stirpe Japheti, devictis Gigantibus nescio quibus, Insulam subjugasse scribunt ; sed peste postea cum suis, Ruano excepto, sublatum : Inde Nemethum Scytham, cum quatuor filiis, ad tempus incoluisse ac posteros ejus, à Gigantibus Fomoriis dictis, tandem ejectos, partim in Scythiam, partim in Græciam trajecisse, atque post 200 annos, quinque Delæ filios, Gandium, Genandium, Sangandium, Rutheraigum, & Slanium, è Nemethi progenie, colonias novas in Hiberniam traduxisse volunt, eamque postquam expugnassent, inter se in quinque partes divisisse. Slanium verò tandem Monarchiam obtinuisse. Hanc Coloniam Scythicam Hiberni *Ferbolg* vocant, unde corruptè, apud Camdenum, Hibernia *Tirvolac* vocatur. Addunt in posteris ejus, & postea Nuadæ *Thuathededanorum* Regis, Monarchiam durasse, donec quatuor filii Milesii Hispani, seculo XIV, ante Christum natum, cum nova colonia & sexaginta navium classe, in Hiberniam appulerunt, eamque, post prælia aliquot, cum incolis, subjugarunt. Duo eorum, *Iberus* scil. (seu *Hiberus*) & *Heremon* Regnum inter se divisisse dicuntur, ac *Here-*



moni cessione partem Australem, Hiberno sive Ebero Aquilonalem. Sed,

*Nulla fides Regni sociis.*

Orta demum inter fratres discordia, post varios conflictus, Eberum in Prælio ad *Gessill*, aliis, ad *Argetros*, ab Heremone occisum tradunt, tumque Heremonem, tanquam alterum Romulum, factum Monarcham. Ita plerumque Giraldus Cambrensis & qui eum sequuntur, ex historiis Hibernicis. Neque hac occasione omittendus, licet in quibusdam dissentiat, Oengulus *Celide* Author antiquus, qui in libro dicto *Psalter-narran*, de Milesii posteris sequentia tradit: *Hibernia Insula*, inquit, *inter duos filios principales Militis* (vulgò dicti Milesii,) *Heremon & Eber in duas partes divisa est: Eber autem australem partem Hibernie accepit, Heremon quidem Septentrionalem, cum Monarchia accepit. Heremon autem primus de Scotis omnem Hiberniam regnavit, per 13 annos, & quinque filios electos genuit, quatuor ex iis regnaverunt Hiberniam, per 3 annos, & Jarel Propheta, 10 annos. De semine ipsius, Hiberniam 58 Reges dominaverunt, antequam Patricius Hiberniensibus Passionem & Catholicam fidem regulamque Christi narraret: Et post Patricium, de prole ejus, 50 Reges dominaverunt Hiberniam. Ab Ebero, originem duxisse dicuntur (sed quàm verè nescio) O-Brieni, Mac-Cartæi, O-Carolli, O-Sullevani, Mac-Cohlani, O-Kennedæi, O-Hogani, O-Haræi, O-Garæi, alii. Ab Heremone, O-Neali, O-Connori, O-Donelli, O-Birni, O-Kellei, O-Flahertæi, O-Rourki, O-Relei, O-Melach-*

O-Melachlini, &c. Et ab Jëro alio fratre, O-Connorî Kerriæ, O-Feralli, Mac-Ranelli, Mageniffi, & alii pauci. Pergo. Immigrationum *Partholani*, *Nemethi*, ac demum *trium filiorum Militis Hispani cum CXX Ciulis*, (navibus ita dictis,) meminit Nennius, Sed *Partholanum* & suos peste asserit extinctos, *Nemethum* in Hispaniam rediisse & Militis filios *mansisse ibi per spatium unius anni*. Ex Nennio, rectè colligit doctissimus Camdenus horum immigrationes, ex profunda illa antiquitate quam fabulantur, in recentiora tempora retrahendas. Neque est cur miremur; Res etenim priscom seculorum, *velut quæ magno ex intervallo loci vix cernuntur* (ut rectè Livius) *vetustate nimia esse obscuras*; etiam sæpè prorsus ignotas, è doctis quis nescit? Et ne longè digrediamur, constare videtur penè omnia, quæ de vicinis rebus Britannicis, ante Cæsaris tempora, à Galfrido Monumethensi traduntur, ne dicam fictitia esse, certè spissis tenebris obducta. In his porro quæ desumpta sunt ex Historiis Hibernicis, de Gentis Origine, falsa veris mixta, æquo lectori satis liquet. Ad primos verò Incolas quod attinet, mihi placet eorum sententia, qui è Britannia ducunt, utpote ad veritatem propensior, tum ob Britanniae vicinitatem, unde facilius est transitus in Hiberniam, tum ob linguam, mores & ritus Hibernorum veterum, Britannicis persimiles. In hac re, Taciti vestigia sequor, qui in vita Julii Agricolæ, post similem disquisitionem, unde primùm deductæ coloniæ in Britanniam, an scil. ex Germania, vel ex Hispania, probabilius tandem statuit, *Gallos vicinum solum occupasse, idque ex eorum sacris & superstitionum persuasione*

*suasione deprehendi.* Quàm vicina sit Hibernia Britanniae satis notum, & Hiberniam ipsam inter Britannias olim fuisse numeratam, testes sunt (ut suprâ diximus,) Plinius, Apuleius, Ptolemæus & Diodorus Siculus. Verisimile etiam videtur Brigantes Hibernicos, quos Ptolemæus locat prope Brigum flu. è Brigantibus Britanniae ortos. De moribus & ritibus Hibernorum veterum, ita jam dictus Tacitus; *Solum cælumque, inquit, cultus & ingenia hominum haud multum à Britannia differunt,* & speciatim ut Britanni, juxta Cæsarem (lib. 5. cap. 5.) barbam alebant in superiori tantum labro, & capillum habebant promissum, ita Hiberni veteres barbam alebant, & comas (à recentioribus *Glibs* vocatas,) ad terga usque demittebant. Druidæ porro & Bardi, (de quibus postea suo loco) ab utraque natione, eximio honore habiti. Cæterum ut veteres Hiberni non paucos proculdubio mores accipiebant & ritus à Britannis, ita alios, à Scythiis, ut colligere est ex eorum moribus & ritibus antiquis, in Juramentis, Nuptiis, Conviviis, Saltationibus & Funeribus, collatis cum iis Scytharum, apud Herodotum, Solinum, Diodorum, Lucianum, & alios è Veteribus. Porro scuta eorum viminea, atque arcus & sagittæ breves arma erant merè Scythica. Cæterum an Scytharum more Anthropophagi fuerint, ut habet Strabo, lib. 4 Geograph. multum dubito, siquidem Strabo ipse fatetur, de ea re, se non habuisse dignos fide testes. Neque prætermittere hîc possum nonnullos magni nominis viros in Senatu literario suspicari utramque gentem à Sagittandi peritiâ, hoc nomen obtinuisse. Hûc accedit, quod

quòd Belgæ Scythas & Scotos uno nomine *Scutten* appellant. More denique Scythico, ante prælium, tum ad robur incitandum, tum ad hostes perterrendos, clamore Martio utebantur, *Farah, Farah*, acerrimè sæpè iterantes. Sic Græci olim ad prælium euntes *Elelen* (ut notant Plutarchus & Suidas) acclamare solebant, vel, ut alii volunt, *Alala*. Atque vocem undique Martiam, ante pugnam Romanis non fuisse inusitatam, testatur Ammianus Marcellinus, lib. 31. ubi talem clamorem *Barritum* appellat; fortè quod imitabantur Elephantorum vocem, qui (teste Pompeio Festo,) *barrire* dicuntur. Designare tempus exactum, quo Hibernia primùm habitari cœperit, non est cur quis à me expectet. Rerum antiquarum initia, nisi quæ ex sacris Scripturis hausimus, plerùmque admodùm incerta esse non ignotum. Cæterùm ut verisimile est & valdè probabile, primos ejus incolas è Britannia appulisse, proximâ nempe insulâ, & à tenuibus, ut fit, initiis, pedetentim novas inde colonias, putà Brigantes, &c. Hiberniæ partes quasdam Orientales (Britanniæ proximas) occupasse; ita etiam non negandum alias nationes colonias postea in Hiberniam misisse, licèt de exacto tempore nihil supersit. Speciatim (ut de Scythiis jam tandem sileamus,) Cauci Hibernici à Caucis Germaniæ orti videntur, Gangani & Luceni, à Concanis & Lucensiis Iberiæ five Hispaniæ, (quæ & demùm universam Insulam, secundùm Isidorum, nomini suo fermè integrè adoptavit) & Menapii, de Galliæ Belgicæ Menapiis, &c. Hactenus de Hibernorum Origine; Secunda pars restat de eorum Lingua.



*suasione deprehendi.* Quàm vicina sit Hibernia Britanniae satis notum, & Hiberniam ipsam inter Britannias olim fuisse numeratam, testes sunt (ut suprâ diximus,) Plinius, Apuleius, Ptolemæus & Diodorus Siculus. Verisimile etiam videtur Brigantes Hibernicos, quos Ptolemæus locat prope Brigum flu. è Brigantibus Britanniae ortos. De moribus & ritibus Hibernorum veterum, ita jam dictus Tacitus; *Solum cælumque, inquit, cultus & ingenia hominum haud multum à Britannia differunt,* & speciatim ut Britanni, juxta Cæsarem (lib. 5. cap. 5.) barbam aiebant in superiori tantum labro, & capillum habebant promissum, ita Hiberni veteres barbam aiebant, & comas (à recentioribus *Glibs* vocatas,) ad terga usque demittebant. Druidæ porro & Bardī, (de quibus postea suo loco) ab utraque natione, eximio honore habiti. Cæterum ut veteres Hiberni non paucos proculdubio mores accipiebant & ritus à Britannis, ita alios, à Scythis, ut colligere est ex eorum moribus & ritibus antiquis, in Juramentis, Nuptiis, Conviviis, Saltationibus & Funeribus, collatis cum iis Scytharum, apud Herodotum, Solinum, Diodorum, Lucianum, & alios è Veteribus. Porro scuta eorum viminea, atque arcus & sagittæ breves arma erant merè Scythica. Cæterum an Scytharum more Anthropophagi fuerint, ut habet Strabo, lib. 4 Geograph. multum dubito, siquidem Strabo ipse fatetur, de ea re, se non habuisse dignos fide testes. Neque prætermittere hîc possum nonnullos magni nominis viros in Senatu literario suspicari utramque gentem à Sagittandi peritiâ, hoc nomen obtinuisse. Hûc accedit,

quod

quòd Belgæ Scythas & Scotos uno nomine *Scutten* appellant. More denique Scythico, ante prælium, tum ad robur incitandum, tum ad hostes perterrendos, clamore Martio utebantur, *Farah, Farah*, acerrimè sæpè iterantes. Sic Græci olim ad prælium euntes *Elelen* (ut notant Plutarchus & Suidas) acclamare solebant, vel, ut alii volunt, *Alala*. Atque vocem undique Martiam, ante pugnam Romanis non fuisse inusitatam, testatur Ammianus Marcellinus, lib. 31. ubi talem clamorem *Barritum* appellat; fortè quod imitabantur Elephantorum vocem, qui (teste Pompeio Festo,) *barrire* dicuntur. Designare tempus exactum, quo Hibernia primùm habitari cœperit, non est cur quis à me expectet. Rerum antiquarum initia, nisi quæ ex sacris Scripturis hausimus, plerùmque admodùm incerta esse non ignorum. Cæterùm ut verisimile est & valdè probabile, primos ejus incolas è Britannia appulisse, proximâ nempe insulâ, & à tenuibus, ut fit, initiis, pedetentim novas inde colonias, putà Brigantes, &c. Hiberniæ partes quasdam Orientales (Britanniæ proximas) occupâsse; ita etiam non negandum alias nationes colonias postea in Hiberniam misisse, licèt de exacto tempore nihil supersit. Speciatim (ut de Scythiis jam tandem fileamus,) Cauci Hibernici à Caucis Germaniæ orti videntur, Gangani & Luceni, à Concanis & Lucensibus Iberiæ five Hispaniæ, (quæ & demùm universam Insulam, secundum Isidorum, nomini suo fermè integrè adoptavit) & Menapii, de Galliæ Belgiçæ Menapiis, &c. Hactenus de Hibernorum Origine; Secunda pars restat de eorum Lingua.

*Seç. 2.* Priscam Hibernorum linguam fuisse Britannicam, viri aliqui eruditi censent, & ex magna vi verborum Britannicorum, quibus etiamnum, aut integris aut paulò mutatis, utuntur Hiberni, demonstrare nituntur. His ego quidem assentior: sed ut existimo antiquissimam eorum linguam fuisse Britannicam, cum primis scil. Coloniais Britannicis introductam, ita non possum non asserere, linguam eorum propriam, partim temporum revolutionibus fuisse mutatam (juxta Horatiũ, in Arte Poeticã).

*Multa renascentur quæ jam cecidere, cadentque  
Quæ nunc sunt in honore vocabula, si volet usus,  
Quem penes arbitriũ est, et jus et norma loquendi.*

partim aliarum coloniarum deductione interpolatam. Nobis sunt exemplis Græci & Itali. Et quod hîc prætermittendum non est, nonne constat linguam Britannicam in ipsa Britannia, aliquot annis post Saxonum adventum, in Wallyam & Cornubiam fuisse detrusam, & quasi in exilium pulsam, adeò ut in cæteris Insulæ partibus, vix vola hodiè remaneat aut vestigium prisce sermonis. Porro ut Hiberni olim utebantur linguâ antiquâ Britannicâ, ita etiam à priscis Britannis accipiebant Alphabetum sive literas, uti fortè Saxones postea ab Hibernis, dum ad Scholas Hibernicas, discendi gratiâ, confluerent. Porro præter characteres vulgares, utebantur etiam veteres Hiberni variis occultis scribendi formulis, seu artificiis, *Ogum* dictis, quibus secreta sua scribebant. His refertum habeo libellum membraneum antiquum Sed hoc obiter. Denique ut, inter alia argumenta, ex linguæ cognatione, primi  
Hiberniæ

Hiberniæ incolæ existimantur coloniæ Britan-  
 norum, ita Scoti Albanæ, præsertim boreales,  
 Hibernorum, *Multiplici argumento certum est,*  
 (ait Johanes Major) *nos ab Hibernicis origi-*  
*nem traxisse. Hoc ex Beda Anglo didicimus,*  
*qui sui Regni progeniem attenuare nolebat. Hoc*  
*idem loquela manifestat. Adhuc Scotiæ fermè*  
*medietas Hibernicè loquitur, & à paucis retro-*  
*actis diebus, plures Hibernicè loquuti sunt. Hæc*  
*ille, lib. 1. de Gestis Scotorum, cap. 9. Sed con-*  
*sule etiam Bed. Eccles. histor. l. 1. cap. 1.*

## CAP. III.

*De Hiberniæ Divisione & Dimensione : ubi  
 nonnulla etiam de Situ ejus.*

**A**Ntiquissima Hiberniæ Divisio fuit in *Seci. I.*  
*Legh-Cuinam, seu Leghcon, & Legh-moam.*  
 Legh-cuina, quæ pars fuit Septentrionalis, li-  
 mites habuit ab Ostio Lifii fluvii, qui Dubli-  
 nium Hiberniæ Metropolim (Ptolemæo Ebla-  
 nam) perfluit, usque ad ostium fluvii, è Lacu  
 Curbemissi, qui Galviam præterfluit: Residuū  
 Insulæ, partem nempe australem, Legh-moa  
 complexa est. Hûc accedit quod Beda, lib. 3,  
 cap. 4, Hiberniam dividit inter Scotos Sep-  
 tentrionales & Australes. Alia est antiqua Hi-  
 berniæ Divisio in quinque Provincias, Momon-  
 niam, Lageniam, Conatiam, Ultoniam  
 & Midiam. De hâc Divisione, sic codex M S.  
 (ut putatur) Minoritarum Montis Fernan-  
 di; *Momoniam continet Cantredas 70. Lage-*  
*nia, 31. Conatia, 30. Ultonia, 35. Midia, 18.*  
*Cantreda continet 30 villatas terræ, Quali-*  
*bet villata potest sustinere 300 vaccas in pas-*  
*cuis,*



cuis, & vaccae, si dividantur in quatuor armenta, nullum eorum approximabit reliquis. Qualibet villata continet octo carucatas terre. Liber, unde hanc divisionem desumpsimus, descriptus est sub initium regni Edwardi primi, & extat etiamnum in Bibliothecâ instructissimâ Usseri-  
anâ. Similis divisio Hiberniæ habetur in Rege-  
sto Cœnobii Duiskenensis, nisi quòd Conatia ibi  
dicitur continere Cantredas tantum 26. Au-  
thor hujus Divisionis appellatur Fyntinus.  
Quando Fintinus ille vixerit, non constat, ne-  
que possum affirmare eundem fuisse cum S. Fin-  
tano qui decessit an. Domini DCIII. Ex priorē  
divisione (secundum Librum Montis Fernandi,  
emergit numerus 184 Cantredarum, id est  
5520 Villarum, sive 44160 carucatarum ter-  
ræ. Giraldus Cambrensis Topograph. Hiber-  
niæ, distinctione I. c. 6. habet divisionem Hiber-  
niæ ab ea Fyntini diversam. In quinque inquit  
portiones ferè æquales antiquitus hæc Regio divi-  
sa fuit, has scil. Momoniam duplicem, borealem  
& australem: Lageniam, Ultoniam, & Cona-  
tiam. Et paulò postea, Hic autem notandum  
videtur duas Momonias, australes Hiberniæ par-  
tes obtinere, Ultoniam, boreales, Lageniam,  
orientales, Conatiam, occidentales. Differt eti-  
am in quantitate cantredæ: Sic enim ille Iti-  
ner. Camb. lib. 2, cap. 7. Cantredus tanta est  
terræ portio, quanta centum villas continere so-  
let. Ita quantitas Cantredæ sive Centuriæ,  
quæ eadem est cum Saxonico Hundredo, nus-  
quam certa. Quemadmodum autem Cantre-  
dæ quantitas est incerta & varia, ita etiam Ca-  
rucatæ, quæ major aut minor pro soli natura  
& qualitate, licet vulgò accipiantur pro terræ  
portione, quæ uno aratro coli potest per an-  
num.

num. Recentioribus temporibus quatuor tantum Provinciæ numerantur, Lagenia scil. Mononia, Conatia & Ultonia. Nam Midia (quæ olim continebat non modò Midiam, agrum inquam qui nunc ita dicitur, sed West-Midiam etiam, five Midiam Occidentalem, Longfordiam, Fercalliam & aliqua alia territoria) nunc pars censetur Provinciæ Lageniæ. Sed de tempore quo ita cœperit censerì, non constat. Nunc igitur hæ quatuor Provinciæ in Comitatus five Regiones ita dividuntur. In Lagenia sunt Comitatus 12; Dublinium, Louth, Midia, West-Midia, Longfordia, Kildaria, Comitatus Regis, comitatus Reginæ, Catherlagh, Kilkennia, Wexfordia, & Wicklo: In Mononia, VI, Waterfordia, Corcagia, Kerria, Limericum, Tipperaria, (cui nuper Crocea Tipperariæ annexa) & Clare, antiquitus Tuomonia: In Conatia, 5, Galvia, Mayo, Sligo, Roscoman, & Letrim: In Ultonia, IX, Armagh, Dunum, Monaghan, Antrim, Donegall, Cavan, Fermanagh, Tir-oen & London-derry. De uribus illis hîc taceo, quæ comitatum etiam privilegiis gaudent, & suos habent distinctos vicecomites.

Ad Insulæ magnitudinem quod attinet, continet in longitudine, à Meridie ad Aquilonem, plusquam 200 Milliaria Hibernica, & in latitudine, ab Oriente ad Occidentem, centum & viginti. Ab Ortù Angliam versus, mari, quod vocatur Hibernicum & nautis vulgò Canalis S. Georgii, alluitur, ab Occasu, immenso Oceano, à Septentrione, Deucalidonio, & ab Austro, Vergivio, quod mare à Britannis *Morweridb* dictum est, quasi Mare Hibernicum. Atque inde antiquum vocabulum Vergivium derivatum

tum putat Humfredus Lhuidus. Camdenus autem, in Hiberniâ suâ, denominatum vult vel à dicto *Morweridh*, vel à *Farigi*, quod Hibernis Mare significat. Quàm malè conveniebant veteres de Hiberniæ dimensione, ex Cæsare, Strabone, Plinio, Solino & Ptolemæo, inter se collatis, liquet.

## CAP. IV.

*De Formâ Imperii apud Veteres Hibernos : Deque successione & serie Regum Hiberniæ, ab Anno Christi 428, ad annum usque 1171, quo Insula Anglici Juris facta est.*

Sect. I.

**D**Urante Pentarchiâ, qui Regū potentissimus, dominiū totius Insulæ sibi arripiebat; vulgò Rex Hiberniæ dicebatur, & à nonnullis Rex Regū: Non eo tamen sensu quo Agamemnon olim vocabatur Rex Regū, cum reverà esset duntaxat Dux ducū, sive Dux Belli, sed ut cui Imperii summum, cæteri Reges vel potius Reguli permiserant, & Belli tempore & Pacis. *Prædicti verò Reges (verba sunt Giraldi Cambrensis, Topographiæ Hiberniæ, distinct. 3. cap. 45.) non alicujus coronationis solennitate, nec inunctionis sacramento, nec etiam jure hereditario, vel aliqua successionis proprietate, sed vix tantum & armis, totius Insulæ Monarchiam obtinuerunt, & suo more Regni gubernacula susceperunt.* Hæc paucis mutatis, habet etiam Liber niger Ecclesiæ S. Trinitatis Dublinii. Aliquando tamen duo erant simul Reges ejusdem Regni, more Spartæ, ut suo patebit loco. Quando cœperit Pentarchia non liquet. Fuisse autem seculo quinto à Nativitate Christi, certum. Neque hîc prætermittendum, paucos



tum circumquaque haurit & bibit. Quibus ita ritè non rectè completis, regnum illius & dñm est confirmatum. Sic ibi ille. Neque præmittenda hîc incondita ea ceremonia antehac usitata, in electione O-Neali, per calcei jactum, trans electi caput. Sed, de barbaris, & inconditis ritibus satis superque. Sunt tamen qui asserunt aliquos è familia O-Brienorum admodum solenniter Reges Hiberniæ fuisse creatos, ac coronâ aureâ redimitos: Speciatim in Historicis Hibernicis legimus Donatum O-Brien anno Domini MLXV, peregrinationem Romam usque suscepisse, & majorum suorum coronam Regiam secum detulisse. Hactenus diximus de Regibus Hibernicis, qui vixerunt ante Anglorum ingressum sub Henrico secundo: Nonnullos verò quavis subditos etiam post Anglorum adventum Regio nomine gavilos & Reges fuisse appellatos, ab ipsis Angliæ Regibus, liquidò constat: Sic enim Hovedenus ad annum Domini MCLXXV, *Hic est finis & concordia quæ facta fuit apud Windeshores, in Octavis Sancti Michaëlis anno Gratiae MCLXXV, inter Dominum Regem Angliæ Henricum filium Matildis Imperatricis, & Rodericum Regem Conatiæ, per Catholicum Archiepiscopum Tuamensem, & Abbatem Cantordem S. Brandani, & Magistrum Laurentium Cancellarium Regis Conatiæ, sci. quod Rex Angliæ concedit prædicto Roderico, Ligeo suo, Regi Conatiæ, quamdiu ei fideliter serviet, ut sit Rex sub eo, paratus ad servitium suum, ut homo suus, &c.* Quo ordine, hîc licet Reges dicti, iis temporibus ponebantur, innuere videtur Diploma Henrici secundi, quo negotia sua Hibernica commisit Gulielmo filio Aldelmi



*Aldelmi Dapifero suo, cujus hoc fuit initium, Henricus Dei grātia Rex Angliæ, Dominus Hiberniæ, Dux Normanniæ, Aquitaniæ, & Comes Andegaviæ, Archiepiscopis, Episcopis, Regibus, Comitibus, Baronibus, & omnibus fidelibus suis Hibernicis, Salutem. Roderici successorem, dictum similiter Regem Conactiæ liquet, ex rotulo clauso anni sexti Johannis, membr. 3, in arce Londinensi. Item in Rotulo clauso ann. 5 Hen. 3, Diplomata quædam Regis directæ sunt, inter alios, K. Regi Conactiæ, & O. Regi de Kinel-ean, Annoque sequente idem Rex concessit Regi Tosmond, terram Tosmond: Sic enim rotulus chartarum An. 6 Hen. III. memb. 2. Rex Regi Tosmond, Salutem, Concessimus vobis terram Tosmond (i. Tuomond) quam prius tenuistis, per firmam centum & triginta Marcarum, tenendam de nobis, usque ad ætatem nostrā. De querela Fedlinidi O-Conner, Londini exhibita, coram Henrico III, & Curia, vide Matthæum Parisium, ad annum MCCXL, ubi illius partis Hiberniæ Regulum eum appellat, quæ Cunnoc (i. Conactia) nuncupatur. Et Fedlimidum ipsum Regis Conactiæ nomen assumpsisse, ex Sigillo ejus liquet, cujus ectypon expressum hîc exhibeo,*



Eundem morem apud Romanos olim viguisse in regionibus eorum Imperio subditis, docet Josephus, Antiquit. Judaic. lib. 18, cap. 11, Et Tacitus in vita Agricolæ, veterem dicit ac jam pridem receptam Populi Romani consuetudinem, ut haberet instrumenta servitutis, & Reges. Sed de Regulis hisce nomine, reverà subditis, hîc satis. Nam ut rectè Martialis,

*Qui Rex est Regem, Maxime, non habeat.*

Plurimum cupidus consulat Johannem Seldenum, in eximio suo opere, de Titulis Europæ Honorariis.

Sequitur jam Catalogus Regū Hiberniæ, à Lægario filio Nelli usque ad Henrici Secundi adventū, sub quo, ea Insula Anglici Juris facta est, ex Historiis & Annalibus rerum Hibernicarū desumptus. Ad Prædecessores Lægarii quod attinet, eos certè consultò omisi, quia pleraque, quæ de iis traduntur (ut quod sentio dicam) vel fabulæ sunt, vel fabulis & anachronismis mirè admixta. Cæterum in serie quam hîc exhibemus, ne quis deesse putet Reges aliquos Hiberniæ, de quibus fit mentio apud Scriptores, Notandum Regulos, sive Reges Provinciæ alicujus, vel particularis Regionis in Hibernia, apud eos, aliquando Reges Hiberniæ falsò dictos. Sic in Chronico Caradoci Lhancarvanensis, circa annum Domini 905, Corniacus Culinani filius Rex & Episcopus Casseliensis appellatur Rex & Episcopus totius Hiberniæ: Itē, circa annū 958, Abloicus Rex Ostmannorum Dublinii dicitur ibi Rex Hiberniæ, atque ita etiam vocatur Elermaen dicti Abloici filius, qui occisus dicitur circa ann. 987. Sic porro apud Giraldū Cambrensem; fit mentio Fedlimidi tanquam

tanquam Regis Hiberniæ, *De gente igitur ista, ab adventu Patricii, usque ad Fedlimidi Regis tempora, XXXIII Reges per CCCC annos in Hibernia regnaverunt.* Vid. Topograph. Hiberniæ distinct. 3, cap: 36. Atqui Fedlimidus ille, cujus tempore idem Giraldus, (capite sequenti) asserit Norwegienses Hiberniam expugnasse, sub ductu Turgesii, fuit Rex Momoniæ (ut vulgò creditur) non totius Hiberniæ. Denique, ut alios hîc mittam, Jocelinus Furnessensis, quâ autoritate nescio, Forchernû quendâ Regem appellat Hiberniæ, tempore mortis S. Patricii, anno sc. CCCXCII. Cæterum refragantur Historici Hibernici, quibus, in hâc successione Regum, fides potiùs adhibenda. His præmissis, ad ea quæ dicenda viam habemus planiorem.

Lægarius filius Nelli *Nigialac* regnavit a. 35. & à Lageniensibus in prælio *Campi Li*, interfectus est, anno CCCCLXIII. Sunt qui eodem anno occisum tradunt in prælio ad *Tooli-caiffe*, dùm tributum pecorum, quod jurejurando Lageniensibus remisera, armis extorquere conaretur.

Aililus *Molt* Nathii filius (è Rege Conariæ Monarcha factus) regnavit annos 20, tumque à Successore, in prælio dicto *Cath-Ocha*, occisus est, anno Dom. CCCCLXXXIII.

Lugdathus aliàs Lugaidus Lægarii filius regnavit annos 25. Periisse ferunt fulmine ictum anno DVIII, iusto Dei judicio, ob pertinaciam in Gentilium superstitionibus colendis.

Interregnum annorum 5.

Moriertacus filius Ercæ, (nomine à matre tracto) dùm vino se ingurgitaret, misere ebrius periit. Non desunt qui immersum asse-



runt in dolio vini, anno DXXXIV, cùm regnâssent annos 21.

Tuathalus *Melgarb* regnare cœpit anno Dom. DXXXIV. Regnavit annos 10, à Mælmorda filio Airgetæ occisus, anno DXLIV, apud *Grellache'te*, in Conatia. Homicida autem à famulis dicti Regis captus, statim confossus est.

Dermicius Primus Cerbaili filius (qui successit) occisus est ab Ædo sive Hugone *Nigro* filio Suibnei Rege Dalnaraide, anno Dom. 565, in loco dicto *Rath-beg*. Stenima suum is duxit à Conallo, de cujus posteris, vide prophetiam S. Patricii, apud Jocelin, cap. 53.

Fergusius & Donaldus Primus filii Mori-ertachi nepotes Ercæ successerunt anno 565. Sed Donaldus in prælio occiso anno sequenti, Imperium suscepit Amirachus.

Amirachus filius Setnai occisus est à Fergusio filio Nelli, anno Domini 569. ob quod facinus, ipse Fergusius, ab Édano Amirachi filio, anno sequenti confossus est.

Beotanus & Eochanus, hic *filius*, ille *frater* Mori-ertachi occisi sunt, à Cronano filio Tiger-naci, in prælio ad *Glengenin*, cùm triennium regnâssent.

Edanus sive Æd Primus aliàs Hugo filius Amirachi successit anno 572. & à Brandubo Etaci filio Rege Lageniæ, in prælio de Belachduin, aliàs *Dunbolg*, occisus est, 4 Idus Januarii anno 598, ætatis suæ 66.

Edanus II aliàs Æd *Slane*, & Colmannus Rex Temoriæ regnaverunt simul annos 6, tùmque Edanus interfectus est à Conallo filio Suibnei, & Colmannus, à Locano *Delman*.

Edanus III cognomento *Varidnac*, filius Donaldi

Donaldi regnavit annos 7. Obiit Temoriæ, anno 612.

Mælcobus filius Edani III regnavit annos 3. Occubuit in prælio dicto *Cath-toad*, ubi Suibneus successor victor fuit.

Suibneus *Mend* filius Fiacri interfectus est à Congalo filio Scanlani, anno 628, cùm regnasset annos 13.

Donaldus II filius Edani sive Hugonis I Amirachi nepos obiit sub exitum Januarii anno 642, regni sui 14, in loco dicto *Ardfothaig*. De placida ejus morte, in senectute, Sanctum Columbam prophetasse asserit Adam nanus. Frater ejus Mælcobus Episcopus fuit Clochorensis.

Cellacus & Conallus filii Mælcobi Regis regnârunt simul annos 12. Conallus interfectus est anno 654, à Dermotio filio Edani Slani. Cellacus supervixit & postea regnavit 4 annos. Obiit 658.

Dermotius II & Blathmacus filii Edani Slani regnârunt annis 7. Obierunt ex peste, quâ universa Hibernia miserè fuit afflicta, anno 665.

Secnefacus filius Blathmaci regnavit annis 6, interfectus sub initium hyemis anno 671, à Duibdino rege Coirpriæ.

Cænfeladus filius itidem Blathmaci regnare cœpit anno 671, & in prælio victus est & occisus à Finsa successore anno 675.

Finsa aliàs Finacta filius Donati, Edani Slani nepos regnavit annos 20, in prælio ad *Grelachdallas* occisus, unâ cum Bressailo filio, ab Hugone filio Luthaigi & Congelacho filio Connaingi, an. Dom. 695. Is annum tributum pecorum *Boruma* dictum, Lageniensibus remi-



fisse fertur, quod prædecessores sui Hiberniæ Reges ab iis recipere solebant.

Eodem anno successit Loingssecus Finsæ ex fratre Engusa nepos. Regnavit is annos 8, & à Cellaco filio Ragalli rege Conatiæ, in prælio victus, cecidit, unà cum tribus filiis, Ardgallo, Consaco & Flano, anno Dom. 703.

Congallus cognomento *Cennaccair* filius Fergusii Rex Temoriæ successit, anno sequenti, & morte obiit repentinâ, anno 710.

Fergallus filius Mæladuini (qui successit) in prælio dicto *Cath-Almain* occisus est, unà cum 160 è suis, à Murchardo filio Brieni rege Laginiæ, 3 Idus Decembris, anno 722.

Fogertachus O-Cernaig regnavit unicum duntaxat annum, in prælio *de Cindelgin* occisus, à Cinædo successore, anno 724.

Cinædus filius Irgalli (qui successit) interfectus est in prælio de *Dromcorcain*, à Flachertaco filio Loingsfeci anno 728.

Flachertacus ille regnavit annos 6. Mortem obiit Armachæ, ubi monasticam amplexus est vitam,

Edanus IV cognomento *Allain* Fergalli filius, rex Temoriæ cœpit regnare anno 734, & post novennium, in prælio occisus est Kenanulæ, à Donaldo successore.

Donaldus III filius Moriertachi cœpit regnare anno 743, & regnavit annos 20. Obiit 12 Calend. Decembris anno 763, in Jona Insula, quò peregrinationem susceperat.

Nellus *Frassach* sive Nimbosus filius Fergalli obiit anno 778. cùm regnâset annos 15, & sepultus est in Jona Insula, aliàs dicta Hu & Y-Columb-Kill, fortè sub tumulo, in cœmeterio Ecclesiæ ibidem, cui incisus est

est (secundùm Buchananum) hic titulus,

*TUMULUS REGVM HIBERNIÆ.*

Donatus Primus filius Dónaldi rex Temoriæ regnavit annos 19, tumque occisus est ab Edano *Ornaid* successore, in prælio dicto *Cath-Dromairg*. Sunt verò qui febre sublatum tradunt; ut ut fuerit, certum est duos Donati filios, paulò postea, ab Edano in prælio superatos fuisse & interfectos, dum de summa Imperii cum eo depugnarent. Atque ita demùm Edanus regnum obtinuit, quod postea tenuit, per annos plùs minùs 22.

Edanus V, aliàs Hugo cognomento *Ornaid* filius Nelli *Frassach* obiit anno 819, vel ut alii habent 820, ætatis suæ 60, *ad vada de Athda-ferta* in Tirconallia. Sunt qui in prælio *Cath-droma* dicto, occisum tradunt.

Concobarus alias Cornelius filius Donati obiit anno 832, cùm regnasset annos 12. De Fedlimido (Crimthani filio) rege Momoniæ, quem Giraldus regem appellat Hiberniæ, & sub hoc tempore regnasse asserit, vide quæ suprà diximus. Fedlimidus ille fato functus est anno 847.

Nellus *Cail*, aliàs Gracilis filius Edani quinti successit Concobaro anno 832, & submersus est Callinæ, anno 846, ætatis suæ anno 55.

Melsechlinus Primus, unde gratiori sono Malachias efformatur, filius Mælrui regnavit annos 16. Obiit pridie Calend. Decembris, anno 862, & Clonmacnoisæ sepultus est.

Edanus VI, filius Nelli, dictus *Finliat*, rex Temoriæ successit, & regnavit annos fermè 17. Obiit 12. Calend. Decembris anno 879, *ad Druim-Inisclain* in Terconallia.

Flanus

Flanus Melsechlini filius Rex Temoriæ regnavit annos 36, menses 6 ac dies 5. Obiit *Taltenæ*, (ubi olim nundinæ fuerunt totius Hiberniæ celeberrimæ) 8 Calend. Junii anno 916, ætatis 68.

Nellus *Glundub*, à Genu nigro ita cognominatus, filius Edani 6 regnavit vix annos 3, tùmque à Danis sive Ostmannis, in prælio prope Dublinium, occisus est.

Donatus I I Flani filius regnavit annos 25, morte repentinâ sublatuſ interiit anno 944.

Congelacus filius Melmithi, qui successit, occisus est ab Ostmannis Dubliniensibus, in prælio ad *Tiguran*, anno Dom. 956, Caradoco Lhancarvanensi perperam, 953.

Donaldus O-Neal successor ejus mortem obiit Armachæ anno . . . . . Ejus tempore Edgarum regem Angliæ maximam Hiberniæ partem subjugasse docet Charta dicti Edgari, de ~~Oswalds-lath~~, hoc est, de ejiciendis clericis uxoratis, & introducendis monachis, data Glocestriæ, anno Christi DCCCCLXIV, Indictione VIII, Regni sui VI. Præfationem Chartæ visum est integrè hîc transcribere.

*Altitonantis Dei largifluâ clementiâ, qui est Rex Regum & Dominus Dominantium; Ego Edgarus Anglorum Basileus, omniumque regum Insularum Oceani, quæ Britanniam circumjacent, cunctarumque nationum, quæ infra eam includuntur Imperator & Dominus; Gratias ago ipsi Deo omnipotenti, Regi meo, qui meum Imperium sic ampliavit, & exaltavit super regnum patrum meorum, qui licet Monarchiam totius Angliæ adepti sint, à tempore Æthelstani, qui primus regum Anglorum omnes nationes, quæ Britanniam incolunt, sibi armis subegit, nullus tamen*

tamen eorum, ultra ejus fines, Imperium suum dilatare aggressus est; Mibi autem concessit propitia Divinitas, cum Anglorum Imperio, omnia regna Insularum Oceani, cum suis ferocissimis Regibus, usque Norwegiam, maximamque partem Hiberniæ, cum sua nobilissima Civitate Dublinia, Anglorum regno subjugare, quos etiam omnes meis Imperiis colla subdere, Dei favente gratiâ coëgi. Ita Præfatio Chartæ Edgari Regis.

Melsechlinus al. Malachias II filius Donaldi, patri defuncto successit anno 980, Is Danos præliis aliquot superavit. Sed cum regnasset annos circiter 23, regnum cessit Brieno regi Momoniæ, principi bellicosissimo. Occiso verò post 12 annos in prælio, Brieno, regnum quasi postliminio repetiit. Obiit 4 nonas Septembris anno 1023, septuagenarius, ad *Inislogh-bainin*.

ienus filius Cenedi Lorcani nepos cognomē *Boruma* sive *Boro* rex Momoniæ, Princeps ob animi virtutes celeberrimus, postquam Danos multis præliis vicisset, totius Hiberniæ rex declaratus est anno 1002. Deindè exactis 12 annis ipse (post cruentam pugnam) in prælio occisus est ad *Clontarf*, propè Dublinium, die Parasceves, 23 die Aprilis 1014, ætatis suæ 74, (*manibus & mente, inquit Marianus Scotus, ad Deum intentus*) unà cum filio suo Murchardo & multis aliis, à Sitrico rege Dublinii. Cæsi etiam, ex parte Sitrici, Mailmorda rex Lageniæ & alii quamplurimi. Sunt qui asserunt corpus Brieni ad Ecclesiam Sancti Maignani deportatum (*Kil-mainam* nunc vulgò vocamus, quæ unico milliari à Dublinio distat) ibidem sepulturæ fuisse traditum, non procul à cruce lapidea circulo inclusa



clusa in summitate, quæ etiamnum visitur, intra muros Prioratus (olim celeberrimi) militum Hospitalariorum. Alii verò Brienum Armachæ sepultum volunt. Ut cūque fuerit, eo interfecto, Malachias (uti diximus) regnum recuperavit, & tenuit usque ad 2 Septemb. 1023, quo naturæ cessit.

Interregnum annorum (ut aliqui volunt) 20, Cuano O-Lachnan & Corcrano clerico illustri clavum interim gubernantibus. Corcranum autem obiisse anno 1040. (qui nobis est 1041) produnt Annales Ultonienses.

Dermitius III filius Mælnaniboi regnum adeptus est, illudque tenuit annos plusquam 30, occisus tandem in prælio (licet copiis Ostmannicis adjutus) à Conochoro O-Melaglin rege Midix, 4 Idus Februarii anno 1073. Is idem videtur cum eo quem Caradocus Lhancarvanensis appellat *Dermitium Maken-Anel, dignissimum & optimum Principem, qui unquam in Hibernia regnavit, & trucidatum asserit*, circa annum 1068. Aliud Chronicon Walliæ annum habet 1070.

Tirdelvacus O-Brien, Brieni Borumæ è Thaddæo filio nepos, rex Momoniæ successit, obiitque Kincoræ pridie Idus Julii anno 1086. al. 1087. ætatis an. 77. Kincora Urbs erat iis temporibus (obiter adnoto) frequens & (ut annales Ultonienses habent ad annum 1061) *Regalis*, nunc villula ad *Brassinogh* fluvium, in Regione Mac-Coghlan, quæ pars est agri Regii.

Paulò postea regnum adeptus est Moriertachus O-Brien, Tirdelvaci filius, qui, cū multos regnasset annos, decessit 6 Idus Martii anno 1120, & sepultus est in Ecclesia Cathedrali



thedrali Sancti Flannani Laonensi. Hunc Caradocus Lhancarvanensis & (qui tum vixit) Guilielmus Malmesburiensis Murchardum appellabant. Eum & successores ejus (sic Malmesburiensis) quorum fama non extulit, ita devotos habuit noster Henricus (Primus) ut nihil nisi quod eum palparet, scriberent, nihil nisi quod juberet, agerent, quamvis feratur Murchardum, nescio quâ de causâ, paucis diebus inflatus in Anglos egisse, sed mox, pro interdicto navigio & mercimonio navigantium, tumorem pectoris sedâsse. Sunt qui interregnum 15 annorum subsequutum asserunt. Sed quàm verè, quarant alii.

Tirdelvacus, O-Conner rex Conatiæ Monarchiam adeptus, eam tenuit usque ad annum 1157, quo mortem obiit, ætatis suæ 68, sepultus Clonmacnoisæ, in ecclesia cathedrali, prope summum altare S. Ciarani.

Mauritius aliàs Moriartachus Nelli filius Loghlini Nepos, sed vulgò dictus Mauritius Mac-Loghlin, cognomento ab avo ducto, regnavit annos plùs minùs 9, occisus à Donato O-Carroll rege Ergalliæ, sive Urielis, an. 1166. Meminit, ad annum MCXI, Henricus Marleburgensis, Concilii magni Episcoporum & Magnatum Hiberniæ, à Mauritio Mac-Loghlin rege Hiberniæ convocati. Atqui is regnum non iniit ante annum 1157; Unde sub Muriertacho O-Brien rege, de quo suprâ, dictum Concilium habitum fuisse constare videtur.

Rodericus (filius Tirdelvaci) O-Conner, rex Conatiæ successit anno 1166, obiitque 1198, sepultus in Cœnobio de Cong. Ejus tempore Hibernia Anglici Juris facta est. Et quanquàm Angliæ Reges olim Domini Hiber-

mè colebant. Neque defuerunt Dii Montani & Fluviatiles, quibus, Britannorum more, venerationem exhibebant. Mulieres etiam Baccho sacra fecisse in Insulis Britannicis, Dionysius Afer testatur. De duobus ex his, Sole sc. & Vento, in Juramento Lægarii filii Nelli Regis Hiberniæ, mentionem faciunt Annales Ultonienses, ad Annum Dom. CCCCLVIII. Et Scythas olim per Ventum & Acinacem jurasse tradit Lucianus, in Toxari. Neque mirum videatur Ethnicos Hibernos Ventum coluisse, cum certum sit Augustum Cæsarem, *Circio* vento templum condidisse in Gallia.

Celinus monachus Cisterciensis cœnobii Arneshensis apud Lancastrienses, in vita S. Patricii, cap. 56, jam dictum Lægarium adorasse tradit Idolum quoddam dictum *Cean-croithi*, id est, caput omnium Deorum, eo quod (inquit) responsa dare putabatur, à populo stulto. An eo nomine Apollinem Hiberni intelligerint, dubium. De alio Idolo quod sub eodem tempore *Clochoræ*, è lapide aureo (unde urbi nomen) responsa dare solebat, fit mentio in Regesto Clochorensi. Neque hîc præmittendum Saxum illud fatale *Liafail* olim dictum, à *Thuathededanis* in Hiberniam portatum, atque inde regnante Moriertacho Ercæ, ad Fergusium fratrem in Argatheliam ablatum, sed à Kenetho rege ligneâ cathedrâ postea inclusum, Regibus Scotorum consecrandis, in Monasterio Sconensi collocatum, ac tandem à Rege Edwardo Primo Angliæ, Westmonasterium translatum. De hoc Saxo miramur; Sed quàm verè judicent alii: Speciatim fama tenet, Ethnicismi temporibus, ante Christum natum, eum duntaxat Hiberniæ Monarcham

Monarcham approbatum, sub quo saxum illud collocatū, ingemiscebat, vel (ut liber Houthensis nuper penes Thomā Staffordiū equitem habet,) loquebatur. De Orbis universi falsis Oraculis, nato Christo, plerūque obmutescantibus, vide quæ habent Eusebius, Præparationis Evangelicæ lib. 5, Suidas, in Augusto, & Nicephorus Calistus Ecclesiasticæ Historiæ lib. 1. cap. 17. Sed ad rem. Hujus erant sectæ Magi illi quos adventum sancti Patricii in Hiberniam, tribus annis antequam veniret, prædixisse, narrat jam dictus Jocelinus, in vita ejusdem Patricii, quam descripsit, circa annum MCXC. Superstitio Druidum in Hibernia permansit, usque ad admissam ibi religionem Christianam. Sacerdotes Ægyptii scientiam suam Hieroglyphicis, vice literarum, obscurabant; unde Lucanus,

——— *Volucrèsque feræque*

*Sculptæque servabant magicas animalia formas.* Atqui Druides non fas esse duxerunt mysteria sua scriptis, aliquo modo, communicare: Sed ut per traditionem, à majoribus, per manum receperunt, ita posteris reliquerunt. Talem traditionem Judæi Cabalam appellârunt, etiam si reverà vana eorum ars Cabalistica, nihil minus fuerit quàm Cabala, utpote descripta (quasi ænigmatis) literarum numeris & transpositionibus, vocum inversionibus, allusionibus, amphibologiis, homonymiis. Druidibus opinionem de Pythagorica migratione animæ post mortem, assignant Cæsar & Diodorus Siculus. Apud Lucanū fit mentio doctrinæ eorū, de aliâ longâ vitâ, & alio Orbe; at de Pythagorico eo dogmate, de animæ migratione, vel metempsychosi, altū est silentiū; Sic enim ille, lib. 1,

D

--Vobis

fisse fertur, quod prædecesores sui Hiberniæ Reges ab iis recipere solebant.

Eodem anno successit Loingssecus Finsæ ex fratre Engusa nepos. Regnavit is annos 8, & à Cellaco filio Ragalli rege Conatiæ, in prælio victus, cecidit, unà cum tribus filiis, Ardgallo, Confaco & Flano, anno Dom. 703.

Congallus cognomento *Cenmaccair* filius Fergusii Rex Temoriæ successit, anno sequenti, & morte obiit repentinâ, anno 710.

Fergallus filius Maladuiui (qui successit) in prælio dicto *Cath-Almain* occisus est, unà cum 160 è suis, à Murchardo filio Brieni rege Lageniæ, 3 Idus Decembris, anno 722.

Fogertachus O-Cernaig regnavit unicum duntaxat annum, in prælio *de Cindelgin* occisus, à Cinædo successore, anno 724.

Cinædus filius Irgalli (qui successit) interfectus est in prælio de *Dromcorcain*, à Flachertaco filio Loingsfeci anno 728.

Flachertacus ille regnavit annos 6. Mortem obiit Armachæ, ubi monasticam amplexus est vitam,

Edanus IV cognomento *Allain* Fergalli filius, rex Temoriæ cœpit regnare anno 734, & post novennium, in prælio occisus est Kenanulix, à Donaldo successore.

Donaldus III filius Moriertachi cœpit regnare anno 743, & regnavit annos 20. Obiit 12 Calend. Decembris anno 763, in Jona Insula, quò peregrinationem susceperat.

Nellus *Frassach* sive Nimbosus filius Fergalli obiit anno 778. cùm regnâset annos 15, & sepultus est in Jona Insula, aliàs dicta Hu & Y-Columb-Kill, fortè sub tumulo, in cœmeterio Ecclesiæ ibidem, cui incisus est



est (secundùm Buchananum) hic titulus,

*TUMULUS REGUM HIBERNIÆ.*

Donatus Primus filius Dònaldi rex Temoriæ regnavit annos 19, tumque occisus est ab Edano *Ornaid* successore, in prælio dicto *Cath-Dromaig*. Sunt verò qui febre sublatum tradunt; ut ut fuerit, certum est duos Donati filios, paulò postea, ab Edano in prælio superatos fuisse & interfectos, dum de summa Imperii cum eo depugnarent. Atque ita demùm Edanus regnum obtinuit, quod postea tenuit, per annos plùs minùs 22.

Edanus V, aliàs Hugo cognomento *Ornaid* filius Nelli *Frassach* obiit anno 819, vel ut alii habent 820, ætatis suæ 60, *ad vada de Athda-ferta* in Tirconallia. Sunt qui in prælio *Cath-droma* dicto, occisum tradunt.

Concobarus alias Cornelius filius Donati obiit anno 832, cùm regnasset annos 12. De Fedlimido (Crimthani filio) rege Momoniæ, quem Giraldus regem appellat Hiberniæ, & sub hoc tempore regnasse asserit, vide quæ suprà diximus. Fedlimidus ille fato functus est anno 847.

Nellus *Cail*, aliàs Gracilis filius Edani quinti successit Concobaro anno 832, & submersus est Callinæ, anno 846, ætatis suæ anno 55.

Melsechlinus Primus, unde gratiori sono Malachias efformatur, filius Mælrui regnavit annos 16. Obiit pridie Calend. Decembris, anno 862, & Clonmacnoisæ sepultus est.

Edanus VI, filius Nelli, dictus *Finliat*, rex Temoriæ successit, & regnavit annos fermè 17. Obiit 12. Calend. Decembris anno 879, *ad Druim-Inisclain* in Terconallia.

Flanus



Flanus Melsechlini filius Rex Temoriæ regnavit annos 36, menses 6 ac dies 5. Obiit *Taltenæ*, (ubi olim nundinæ fuerunt totius Hiberniæ celeberrimæ) 8 Calend. Junii anno 916, ætatis 68.

Nellus *Glundub*, à Genu nigro ita cognominatus, filius Edani 6 regnavit vix annos 3, tumque à Danis sive Ostmannis, in prælio prope Dublinium, occisus est.

Donatus I I Flani filius regnavit annos 25, morte repentinâ sublatuſ interiit anno 944.

Congelacus filius Melmithi, qui successit, occisus est ab Ostmannis Dubliniensibus, in prælio ad *Tiguiran*, anno Dom. 956, Caradoco Lhancarvanensi perperam, 953.

Donaldus O-Neal successor ejus mortem obiit Armachæ anno . . . . . Ejus tempore Edgarum regem Angliæ maximam Hiberniæ partem subjugasse docet Charta dicti Edgari, de ~~Oswalds-law~~, hoc est, de ejiciendis clericis uxoratis, & introducendis monachis, data Glocestriæ, anno Christi DCCCCLXIV, Indictione VIII, Regni sui VI. Præfationem Chartæ visum est integrè hîc transcribere.

*Altitonantis Dei largifluâ clementiâ, qui est Rex Regum & Dominus Dominantium; Ego Edgarus Anglorum Basileus, omniumque regum Insularum Oceani, quæ Britanniam circumjacent, cunctarumque nationum, quæ infra eam includuntur Imperator & Dominus; Gratias ago ipsi Deo omnipotenti, Regi meo, qui meum Imperium sic ampliavit, & exaltavit super regnum patrum meorum, qui licet Monarchiam totius Angliæ adepti sint, à tempore Æthelstani, qui primus regum Anglorum omnes nationes, quæ Britanniam incolunt, sibi armis subegit, nullus tamen*

tamen eorum, ultra ejus fines, Imperium suum dilatare aggressus est; Mibi autem concessit propitia Divinitas, cum Anglorum Imperio, omnia regna Insularum Oceani, cum suis ferocissimis Regibus, usque Norwegiam, maximamque partem Hiberniæ, cum sua nobilissima Civitate Dublinia, Anglorum regno subjugare, quos etiam omnes meis Imperiis colla subdere, Dei favente gratiâ coëgi. Ita Præfatio Chartæ Edgari Regis.

Melsechlinus al. Malachias II filius Donaldi, patri defuncto successit anno 980, Is Danos præliis aliquot superavit. Sed cum regnâset annos circiter 23, regnum cessit Brieno regi Momoniæ, principi bellicosissimo. Occiso verò post 12 annos in prælio, Brieno, regnum quasi postliminio repetiit. Obiit 4 nonas Septembris anno 1023, septuagenarius, ad *Inislogh-bainin*.

ienus filius Cenedi Lorcani nepos cognomē *Boruma* sive *Boro* rex Momoniæ, Princeps ob animi virtutes celeberrimus, postquam Danos multis præliis vicisset, totius Hiberniæ rex declaratus est anno 1002. Deindè exactis 12 annis ipse (post cruentam pugnam) in prælio occisus est ad *Clontarf*, propè Dublinium, die Parasceves, 23 die Aprilis 1014, ætatis suæ 74, (*manibus & mente*, inquit Marianus Scotus, *ad Deum intentus*) unà cum filio suo Murchardo & multis aliis, à Sitrico rege Dublinii. Cæsi etiam, ex parte Sitrici, Mailmorda rex Lageniæ & alii quamplurimi. Sunt qui asserunt corpus Brieni ad Ecclesiam Sancti Maignani deportatum (*Kil-mainam* nunc vulgò vocamus, quæ unico milliari à Dublinio distat) ibidem sepulturæ fuisse traditum, non procul à cruce lapidea circulo inclusa

clusa in summitate, quæ etiamnum visitur, intra muros Prioratus (olim celeberrimi) militum Hospitalariorum. Alii verò Brienum Armachæ sepultum volunt. Ut cunque fuerit, eo interfecto, Malachias (uti diximus) regnum recuperavit, & tenuit usque ad 2 Septemb. 1023, quo naturæ cessit.

Interregnum annorum (ut aliqui volunt) 20, Cuano O-Lachnan & Corcrano clerico illustri clavum interim gubernantibus. Corcranum autem obiisse anno 1040. (qui nobis est 1041) produnt Annales Ultonienses.

Dermotius **III** filius Mælnamboi regnum adeptus est, illudque tenuit annos plusquam 30, occisus tandem in prælio (licet copiis Ostmannicis adjutus) à Conochoro O-Melaglin rege Midia, 4 Idus Februarii anno 1073. Is idem videtur cum eo quem Caradocus Lhancarvanensis appellat *Dermotium Maken-Anel, dignissimum & optimum Principem, qui unquam in Hibernia regnavit, & trucidatum asserit, circa annum 1068. Aliud Chronicon Walliæ annum habet 1070.*

Tirdelvacus O-Brien, Brieni Borumæ è Thaddæo filio nepos, rex Momoniæ successit, obiitque Kincoræ pridie Idus Julii anno 1086. al. 1087. ætatis an. 77. Kincora Urbs erat iis temporibus (obiter adnoto) frequens & (ut annales Ultonienses habent ad annum 1061) *Regalis*, nunc villula ad *Brassinogh* fluvium, in Regione Mac-Coghlan, quæ pars est agri Regii.

Paulò postea regnum adeptus est Moriertachus O-Brien, Tirdelvaci filius, qui, cum multos regnasset annos, decessit 6 Idus Martii anno 1120, & sepultus est in Ecclesia Cathedrali

thedrali Sancti Flannani Laonensi. Hunc Caradocus Lhancarvanensis & (qui tum vixit) Guilielmus Malmesburiensis Murchardum appellabant. *Eum & successores ejus* (sic Malmesburiensis) *quorum fama non extulit, ita devotos habuit noster Henricus (Primus) ut nihil nisi quod eum palparet, scriberent, nihil nisi quod juberet, agerent, quamvis feratur Murchardum, nescio quâ de causâ, paucis diebus inflatus in Anglos egisse, sed mox, pro interdicto navigio & mercimonio navigantium, tumorem pectoris sedâsse.* Sunt qui interregnum 15 annorum subsequutum asserunt. Sed quàm verè, quarant alii.

Tirdelvacus, O-Conner rex Conatiæ Monarchiam adeptus, eam tenuit usque ad annum 1157, quo mortem obiit, ætatis suæ 68, sepultus Clonmacnoisæ, in ecclesia cathedrali, prope summum altare S. Ciarani.

Mauritius aliàs Moriartachus Nelli filius Loghlini Nepos, sed vulgò dictus Mauritius Mac-Loghlin, cognomento ab avo ducto, regnavit annos plùs minùs 9, occisus à Donato O-Carroll rege Ergalliæ, sive Urielis, an. 1166. Meminit, ad annum MCXI, Henricus Marleburgensis, *Concilii magni Episcoporum & Magnatum Hiberniæ, à Mauritio Mac-Loghlin rege Hiberniæ convocati.* Atqui is regnum non iniit ante annum 1157; Unde sub Muriertacho O-Brien rege, de quo suprâ, dictum Concilium habitum fuisse constare videtur.

Rodericus (filius Tirdelvaci) O-Conner, rex Conatiæ successit anno 1166, obiitque 1198, sepultus in Cœnobio de Cong. Ejus tempore Hibernia Anglici Juris facta est. Et quanquàm Angliæ Reges olim Domini Hiberniæ



*niæ dicti fuerint, donec Henricus VIII in Parlamento Dublinii habito, anno Domini MDXLI, Hiberniæ Rex declaratus est. Sub priore tamen nomine, dicti Reges (uti verba sunt Statuti tunc editi) habuerunt omnimodam Regiam Jurisdictionem, potestatem, præheminentiã & auctoritatem regalem, spectantem & pertinentem ad regalem statum & Majestatem Regis. Quandoquidem Regia Majestas & nobilissimi sui Progenitores justè & rectè fuerunt & de jure debuerunt esse Reges Hiberniæ, & ita reputandi, accipiendi, nominandi, & vocandi. Ita Statutum.*

---

## CAP. V.

*De Druidibus eorumque Superstitionibus; Ubi obiter nonnulla de Diis, quos olim Hiberni, dum Ethnici, maximè colebant: Deque Bardis antiquis.*

*Seç. 1.* **D**RUIDAS & BARDOS, apud Gallos, Britannos & Hibernos eximio fuisse olim in honore certissimum. Ad Druidas quòd attinet, ii Flamines fuerunt, five Sacerdotes, Philosophi, Legislatores & Judices, uti testatur Cæsar, lib. 6 Commentariorum; Ubi de eorum Ordine, Officio, Jurisdictione & Doctrina, longam habemus narrationem. Porro Magicarum artium callentes fuerunt, ut è Plinio constat, locis sequentibus inter se collatis, viz. lib. 26, cap. ultimo, ubi Druidas Gallorum Magos appellat, lib. 24, cap. 11, ubi narratio est, quâ superstitione legere soliti, manu dextrâ, herbam quæ ab iis *Selago* nominata est, & sinistrâ, aliam quam *Samolin* dixerunt, *contra*



contra morbos suum boumq̃ue, &c. & lib. 29, cap 3, in narratione de ovo anguino. Hinc *Dri*, apud Hibernos, pro Mago accipitur. Sed Druidis ipsis nomen dedit Δρῦς, id est, quercus, arbor Jovi sacra, si non (quod alii asserunt) *Deru*, vox Celtica, quæ idem sonat, siue quòd in Nemoribus & Quercetis, superstitiones suas exercerent, unde Lucanus, lib. 1,

————— *Nemora alta remotis*  
*Incolitis lucis,* —————

siue quòd quercum, vel saltem viscum ejus, sacris suis adhiberent, unde Ovidius,

*Ad viscum Druidæ, Druidæ clamare solebant.*

De hac re, vide plura apud Apuleium, in Apologia priore. Neque desunt qui Hiberniam ipsam, ob copiam roborum & aliarum arborum, olim dictam asserunt *Insulam nemorosam*. Sed instar omnium erit Plinius, qui lib. 16, cap. 44, ita loquitur. *Nihil habent Druidæ (ita Galli suos adpellant Magos) visco & arbore in qua gignatur, si modo sit robur, sacratius. Jam per se roborum eligunt lucos, nec ulla sacra sine ea facere consueverunt, ut inde adpellati quoque interpretatione Græca possint Druidæ videri. Quicquid adnascitur illis arboribus, è calamissum putant, signumque esse à Deo electæ arboris. Sacerdos candidâ veste cultus arborem scandit, viscum aureâ falce demetit, candido id excipitur sago, omnia sanare credunt. Horum doctrinâ Hiberni, dùm Ethnici, Jovem, Martem, Mercurium, Apollinem, siue Solem, Dianam, siue Lunam, & Ventum maximè*

mè colebant. Neque defuerunt Dii Montani & Fluviatiles, quibus, Britannorum more, venerationem exhibebant. Mulieres etiam Baccho sacra fecisse in Insulis Britannicis, Dionysius Afer testatur. De duobus ex his, Sole sc. & Vento, in Juramento Lægarii filii Nelli Regis Hiberniæ, mentionem faciunt Annales Ultonienses, ad Annum Dom. CCCCLVII. Et Scythas olim per Ventum & Acinacem jurasse tradit Lucianus, in Toxari. Neque mirum videatur Ethnicos Hibernos Ventum coluisse, cum certum sit Augustum Cæsarem, Circo vento templum condidisse in Gallia.

Caelinus monachus Cisterciensis cœnobii Arneshensis apud Lancastrienses, in vita S. Patricii, cap. 56, jam dictum Lægarium adorasse tradit Idolum quoddam dictum *Cean-croithi*, id est, caput omnium Deorum, eo quod (inquit) responsa dare putabatur, à populo stulto. An eo nomine Apollinem Hiberni intelligerint, dubium. De alio Idolo quod sub eodem tempore *Clochore*, è lapide aureo (unde urbi nomen) responsa dare solebat, fit mentio in Regesto Clochorensi. Neque hîc præmittendum Saxum illud fatale *Liafail* olim dictum, à *Thuathededanis* in Hiberniam portatum, atque inde regnante Moriertacho Ercæ, ad Fergusium fratrem in Argathelianum, sed à Kenetho rege ligneam cathedrâ postea inclusum, Regibus Scotorum consecrandis, in Monasterio Sconensi collocatum, ac tandem à Rege Edwardo Primo Angliæ, Westmonasterium translatum. De hoc Saxo miræ feruntur; Sed quàm verè judicent alii: Speciatim fama tenet, Ethnicismi temporibus, ante Christum natum, eum duntaxat Hiberniæ Monarcham

Monarcham approbatum, sub quo saxum illud collocatū, ingemiscebat, vel (ut liber Houthensis nuper penes Thomā Staffordiū equitem habet,) loquebatur. De Orbis universi falsis Oraculis, nato Christo, plerūque obmutescantibus, vide quæ habent Eusebius, Præparationis Evangelicæ lib. 5, Suidas, in Augusto, & Nicephorus Calistus Ecclesiasticæ Historiæ lib. 1. cap. 17. Sed ad rem. Hujus erant sectæ Magi illi quos adventum sancti Patricii in Hiberniam, tribus annis antequam veniret, prædixisse, narrat jam dictus Jocelinus, in vita ejusdem Patricii, quam descripsit, circa annum MCXC. Superstitio Druidum in Hibernia permansit, usque ad admissam ibi religionem Christianam. Sacerdotes Ægyptii scientiam suam Hieroglyphicis, vice literarum, obscurabant; unde Lucanus,

——— *Volucrèsque feræque*

*Sculptæque servabant magicas animalia formas.* Atqui Druides non fas esse duxerunt mysteria sua scriptis, aliquo modo, communicare: Sed ut per traditionem, à majoribus, per manum receperunt, ita posteris reliquerunt. Talem traditionem Judæi Cabalam appellârunt, etiamsi reverà vana eorum ars Cabalistica, nihil minus fuerit quàm Cabala, utpote descripta (quasi ænigmatis) literarum numeris & transpositionibus, vocum inversionibus, allusionibus, amphibologiis, homonymiis. Druidibus opinionem de Pythagorica migratione animæ post mortem, assignant Cæsar & Diodorus Siculus. Apud Lucanū fit mentio doctrinæ eorū, de aliâ longâ vitâ, & alio Orbe; at de Pythagorico eo dogmate, de animæ migratione, vel metempsychosi, altū est silentiū; Sic enim ille, lib. 1,

D

--Vobis

—————*Vobis auctoribus umbræ,  
Non tacitas Erebi sedes Ditisque profundi  
Pallida regna petunt: Regit idem spiritus artus  
Orbe alio, longæ, canitis si cognita, vitæ,  
Mors media est.*

Cui consentiunt Pomponius Mela, lib. 3, cap. 2. & Ammianus Marcellinus, lib. 15. Denique Druidæ tempora numerârunt, non à Solis, sed Lunæ cursu, ut è Plinio liquet, lib. 17, cap. ultimo. Sed de Druidis, satis.

*Seçt. 2.* Ad Bardos jam ventum est; Illi Poëtæ erant, ut è Strabone liquet, lib. 4 Geographiæ. Bardus juxta Pompeium Festum, *Gallicè Cantorem significat, qui virorum fortium laudes canit.* Diodorus Siculus, lib. 5, Factorem cantionum appellat, & Lucanus lib. 1, Poëtam sive vatem,

*Vos quoque qui fortes animas belloque peremptos  
Laudibus, in longum, Vates, dimittitis ævum,  
Plurima securi fudistis carmina Bardi.*

Hujus generis fuit Dubtachus Vulgairi filius, Poëta egregius Hibernicus, qui ab Ethnismo ad fidem Christianam conversus, Carmina quæ quondam studio florente peregit, in laudem falsorum Deorum, jam in usum meliorem mentem mutans & linguam, Poëmata clariora composuit, in laudem Omnipotentis Dei & sanctorum ejus Præconium. Ita Jocelinus, in vit. Sancti Patricii, cap. 45. Cæterum recentioribus temporibus, inferioris notæ Poëtæ, vulgò dicti Rythmici (Anglicè *Rimers*,) Bardi ibi appellabantur, Hique Rythmos plerùmque compone-



componebant, vel ad Juventutis corruptelam, vel ad Seditionis incitamentum: Qui abusus anſam tandem præbebant ſanciendi Statuta quædam Parliamentaria contra eos eorūque receptores. In Wallia, Bardi juxta D. Povellum, custodiebant etiam nobiliū Inſignia & Genealogias. De antiquioribus, vide plura, in legibus Hoëlis *Dha*, i. boni. Denique non hîc prætermittendum ſcriptores aliquos Latinos Bardum, pro ſtolido & impoſito accepiſſe, quia hujusmodi Poëtæ, barbari iis videbantur. Ad carminum *relatum* quod attinet, *Barditum vocatum*, Richardus Vitus, è Pſeudo-Beroſo, ita dictum vult à *Bardo Britannorum Rege* 5. carminum & illius *muſicæ inventore*, & inde *vocatos Bardos*, Poëtas *melo-des*, Sed à viris doctis exploſa eſt ea fabula, unâ cum cæteris commentis Annii Viterbienſis, qui primus ſuppoſititium illum Beroſum mundo obtruſit.

## CAP. VI.

*De variis nominibus quibus veteres Hiberni Externos appellârunt, præſertim Vicinos.*

**H**iberni veteres, Externos, præſertim vicinos Europæos, cujuſcunque fuerint nationis, non raro Gallos promiſcûe appellabant. Hinc Regiuncula prope Dublinium, verſus Septentrionem, à Norwegis olim occupata, vocabatur *Fingall*; Item Dermitius Murchardi filius rex Lageniæ dicebatur *Ni-gall*, quaſi Anglorum amicus, quòd ejus gratiâ, Angli, regnante Henrico II, Hiberniam invaſerant. Ita Judæi aliquandò omnes extraneos, *Græcos* appella-



quos *Kernos* vocant, necnon *Secures* & *Loricæ* ferreæ peditum illorum gravioris armaturæ, quos *Gallo-glassios* appellant. Item, quia Hiberni veteres sylvestres comas suas intortas, *Glibbs* vulgò dictas, alebant, more Gallorum & Britannorum veterum. Scio Saxonem Grammaticum, lib. 5 Historiæ Danicæ, asseruisse *Hibernorum* gentem novaculis olim *comam* extenuasse, & totum occipitii crinem obrasisse, ne fugiens capillitio teneatur. Atqui satis nota sunt ejus figmenta. De Britannorum veterum capillitio, vide quæ suprâ diximus, Cap. 2. De Gallorum autem, consule Diodorum Siculum, Lib. 5, Plinium, Lib. 3. cap. 20, & Dionem, Lib. 46, sub finem, ubi Galliæ Transalpinæ partem alteram dictam asserit *Comatam*, quod incolæ comam gerebant promississimam, eoque à reliquis dignoscebantur. Neque in comâ tantum imitabantur Britannos & Gallos veteres, sed etiam in barba, quàm alebant tantum (ut suprâ diximus) in superiori labro. Ita Britannos olim barbam aluisse testatur Cæsar, ita Gallos, jam dictus Diodorus. Eundem morem apud Anglos in Hibernia, præsertim qui *Marchias* habitârunt: postea viguisse docet Statutum editum in Parlamento Trimmæ habito, anno MCCCCXLVI, coram Johanne Talboto comite Salopiæ, Hiberniæ *Locum-tenente*, & ut Angli ab Hibernis facilius distinguerentur, sub gravi pœna tunc prohibitum. Sed pergamus. Unde derivetur Donegallia in Ultonia, an ut à Gallæcis Hispaniæ, vel à Gallis olim occupata, quærant alii: mihi certè prorsus ignotum. Externos ferme

mò deductos. Ab hoc equi genere (ut id obiter adnotemus) equites quidam levis armaturæ dicti sunt Hobellarii. De 2000 Hobellariis, ex Hibernia contra Scotos, per mandatum regis, mittendis, fit mentio in rotulo Patent. an. 15 Edwardi 2, par. 2, membr. 19, penes custodem Archivorum arcis Londinensis; Sed quot fuerint missi, non comperi. In exercitu Edwardi 3 Caletum obsidentis, anno Dom. MCCCXLVII, numerati sunt (inter alios milites) sub Mauricio comite Kildariæ, Hobellarii 27, & sub Domino Fulcone de la Freign Hiberno, Hobellarii 14. Ex hoc genere, 12 *candoris eximii*, *purpurâ & argenteis habenis exornatos, in Pompa Summorum Pontificum, sessore vacuos*, se duci vidisse testatur Paulus Jovius. Neque hîc prætermittendi sunt Canes illi venatici, quos vulgò, à persequendis lupis, Canes luporum vocant, robore, magnitudine, & elegantia eximiâ præditi. Inter volucres, Aquilæ, Accipitres qui anseres capiunt, Anglicè **Goshawks**, aliis (ni fallor) Phasianophani dicti, Falcones, Haliæti, sive Aquilæ Marinæ & Æsalones. Item Galli (ut vulgò appellantur) sylvarum, iidem scil. cum iis quos Giraldus Cambrensis, *Distinct. 1, cap. 10 Topograph. Hiberniæ*, Pavones sylvestres vocat, Pavonibus magnitudine æquales. Ibi etiam inveniuntur Margaritæ, sed pleræque vel pallidæ vel subfuscæ. His addendæ piscaturæ copiosæ Salmonum, Halecum & Halecularum **Pilchards** vulgò dictarum, quæ salitæ & doliis inclusæ, quotannis, magno mercatorum lucro, in partes transmarinas exportantur. Neque possum non hîc memorare magnam navium multitudinem, quæ bobus, ovibus, carne

bovinâ,

bovinâ, coriis, pellibus, lanâ, lino, plumbo, ferro, stragulis, &c. onustæ, nostrâ ætate, solitæ fuerunt quotannis ex Hibernia in partes transmarinas exportari. Item ad Hiberniæ Dignitatem, vide si placet argumentum Oratorum Henrici quinti Regis Angliæ, in Concilio Constantiensi, inter Acta ejusdem Concilii Mss. in Bibliotheca Cottoniana.

Restat ut aliquid hîc dicamus, de viris sanctis (maximis illis Insulæ ornamentis) qui Christi Evangelium prædicârunt, primis surgentis Ecclesiæ Hibernicæ temporibus, vel in ipsa Hibernia, vel in partibus transmarinis. Acta eorum, licet compendio descripta, justum requirunt tractatum. Satis videatur hîc indicare Hiberniam, ob eorum multitudinem, meritò olim dictam Insulam Sanctorum, & Sanctorum Patriam. Nuda eorum nomina, etiam eorum quorum res gestæ descriptæ extant, subjungere, inpervacaneum videatur: veruntamen eorum partem potiore, unâ cum temporibus quibus claruerunt & actis nonnullis, aptius petant postea qui volunt, in Diatriba nostra de Basilicis Hiberniæ.

## CAP. VIII.

*De Tanistria, Lege Brehonica & Consuetudinibus dictis Golsipreo, Fostering & Gabel-kind.*

**L**Eges & consuetudines Anglicanas, unâ cum Lipsio Anglorum adventu in Hiberniam, sub Henrico II, fuisse introductas, deindè à Johanne Rege, firmius stabilitas & Dublinii in Scaccario, sub sigillo suo relictas, non negandum; vim tamen & virtutè postea, per aliquot annorū centurias,

turias, non extendisse, ultra regiones ab Anglicâ gente habitatas liquet: Nam in cæteris Hiberniæ partibus, vigeat Tanistria, cum lege Brehonica & Gaveleto; quæ etiam leges & consuetudines inter Anglicos nonnullos, (etiam melioris notæ) paulatim irrepebant, ut è Statuto in Parlamento Kilkenniæ edito anno XL Edwardi III, sub Leonello Duce Clarentiæ Hiberniæ *Locum-tenente*, liquet, in quo Anglici, in omnibus controversiis, gubernari jubentur, per communem Legem Angliæ, & qui se submitteret Legibus vel *Brehonorum*, vel *Marchiarum*, proditor declaratur. Cæterum Statuto eo non obstante, Leges & consuetudines illæ Hibernicæ, à quamplurimis Anglicæ Gentis, hîc & illic postea erant receptæ. Neque ante pacem, sub Jacobo Rege redditam, Leges Anglicanæ universim, per totam Hiberniam, receptæ & agnitæ. Lege Tanistriæ, (de qua nunc agimus) Jus hæreditarium successionis, apud Magnates, seu Regionum Dynastas, non observabatur, sed qui viribus & clientela potentior, plerumque Senior & dignissimus sanguinis & cognominis defuncto Dynastæ succedebat, Isque, postquam communibus populi suffragiis, vivente prædecessore, successor designatus fuerat, *Tanista* tum dicebatur, quasi secundus; quod nomen derivatum videtur à *Thanis*, viris apud Saxones honoratis, è quibus, qui superioris erant classis, *Thani Regii*, i. e. Regis Ministri appellabantur. Dynasta sive Dominus factus, se suamque sequelam sustentabat, partim ex terris quibusdam mensalibus, *Loghty* dictis, præsertim verò ex tallagiis vocatis *Colherings*, &c. ad libitum suum impositis, Ecclesie



clesiæ possessionibus & eorum quibus specialia concedebat privilegia, exceptis. Sic quot apud eos Domini, tot Tyranni. Habebat is Judices quosdam *Brehonos* dictos, qui statis temporibus, sub dio, in colle aliquo plerumque, è sedibus aggesto cespite constructis; Jus dicebant vicinis, coram iis litigantibus. Hi Juris Anglicani imperiti erant, sed in rebus ad eorum Judicium pertinentibus, Aphorismis, partim ex Jure Civili & Canonico desumptis, partim ex præscriptis & consuetudinibus quibusdam Hibernicis, se dirigebant. Et ut *Brehonos* habebat unius stirpis sive familiæ, ita etiam Historicos, Medicos, Chirurgo, Poëtas & Citharædos aliarum peculiarium familiarum, quibus singulis sua assignata sunt prædia. Asserebat etiam sibi (si ex Dynastis potentioribus esset) potestatem Belli vicinis indicendi, & cum iisdem Pacis ineundæ. Cæterum, ut ad legem *Brehonicam* redeamus; eâ lege homicidium, raptus & furtum multa è peculio, *Eric* dictâ, puniebantur. Multæ ad judicatæ *Brehonus* habebat pro salario partem undecimam. Hoc multa genus *Scoti Albanienses* (quibus idem mos in usu olim erat) *Cro* appellabant. Vid. *Spelman.* in voce *Cro.* Latrocinium verò ex finibus alienis importatum, tanquàm pro bono publico actum, honestum atque laude & præmio dignum, more *Spartæ* & veteris *Galliæ*, existimabatur.

Dux alia erant Consuetudines dictæ *Golsi-pied* sive compaternitas & *Fostering* sive liberorum educatio à nutritiis, quæ per temporum corruptelam, multorum malorum erant fontes; Hinc enim profluebant (quod mire ris) combinationes & confederationes Partium



tium, ortâ aliquâ discordiâ inter potentiores, in omnibus rebus tam licitis quam illicitis. Atque ita, ex his quæ dicta sunt, miserrima subditi conditio, in locis ubi istæ consuetudines vigeant, perspicui potest.

Denique ut caput hoc claudamus, restat tantum ut aliquid hic dicatur de consuetudine Gaveleti, nos **Gavel-kind** dicimus. Ad Etymon quod attinet, Lambardus ejusque sequaces exponunt esse fundum omnibus cognatione proximis datum, à Sax. *gife-eal-cyn*; Sed probabilius opinor Somnerus, in Glossario, à Saxon. *gafel* i. *census*, *tributum*, *pensio*, & *cyn*, *natura*, *genus*, *conditio*, Sic **Gavel-kind**, *fundum significat censualem, vel tributarium, redditui annuo, cæterisque plebeiorum prædiorum servitutibus & oneribus obnoxium*. De hoc disquirant alij. Hæc consuetudine, apud Hibernos, Hæreditas defuncti, (infra Tanistæ gradum) divisa fuit æqualiter, inter filios, tam nothos quam legitimè natos, & iis deficientibus, inter proximos hæredes masculos, fæminis penitus exclusis ab hæreditate: in his contra morem prisce Gaveleti Anglo-Saxonici, quo fæminæ solebant adire hæreditatem, deficiente prole masculâ, & nothi excludebantur ab hæreditate. Hinc quilibet filiorum, licet pudendâ pressus paupertate, generosum se existimans, agriculturâ, mercaturâ, vel arte aliquâ mechanicâ instrui dedignabatur. Neque est prætermittendum consuetudinem eam Hibernicam Gaveleti, in Venedotia, sive Wallia Boreali, etiam usitatam fuisse, usque ad annum 12 Edwardi Primi, quo, per Statutum *de Rutland*, dicta consuetudo fuit reformata, & ita remanebat, donec denum anno 34 Hen-

rici

rici VIII, per aliud Statutum, penitus fuit abolita. Extant etiamnùm, ut accepi, volumina nonnulla, in quibus conscriptæ sunt Hibernicè Leges aliquorum Regum antiquorum Hiberniæ, ante Anglorum ingressum, promulgatæ, quæ ad formam Regiminis apud veteres Hibernos detegendam, proculdubio sunt perquam necessariæ, & plenum merentur scrutinium.

## CAP. IX.

*De Hibernorum veterum Cognominibus ; & quando Cognomina ceperint esse fixa & familiis annexa.*

**P**ropriis Hibernorum veterum nominibus addita sunt cognomina, vel à re gesta, vel ab animi qualitate, vel à colore, vel à corporis five notâ aliquâ, five defectu, vel à casu, vel ironicè. Sic Nellus Rex Hiberniæ dictus est *Nigialac*, quod à Regulis, novem obsides exegerat, eosque aliquamdiù, compedibus vinctos, detinuerat, Brienus Rex, *Boruma*, quod tributum annuum ita dictum, à Lageniensibus recuperaverat, Cænfelda, *Sapiens*, S. Barrus, *Finbarrus*, five Barrus albus, S. Cominus, *Fada*, hoc est longus, & Æd Clericus *barbosus*, à prælonga barba ita dictus, in impresso Mariano Scoto, ad an. MLIII, malè Atdericus vocatus. Non secùs ac apud Græcos, Seleucus III Rex Syriæ dictus est *Ceraunus*, i. Fulmen, ob præcipitem naturam, Ptolemæus VII Rex Ægypti, *Physcon*, five ventricosus; ob ventris crassitudinem, & (ut cæte-

os prætermittam) Ptolemæus penultimus, *Ar-  
etes*, ab infano tibiarum amore: vel ut, apud  
Romanos, M. Valerius dictus est *Corvus*, &  
posterius ejus *Corvini*, quòd Gallum provo-  
cantem, *Corvi* advolantis ope, duello interfe-  
cisset, alter *Scipio*, *Africanus*, alter, *Asiaticus*,  
hic, ob partas victorias in *Asia*, ille, in *Africa*;  
Sic qui absente patre editus, *Proculus* vo-  
catus, , qui defuncto, *Posthumus*, & qui  
claudus, *Claudius*. Sed de cognominibus  
Romanis, qui plura scire avet, consulat  
*Plutarchum*, in vita *C. Marcii Coriolani*. Ad  
*Hibernica* jam redeo. Atque notandū hīc quòd  
veteres *Hiberni* præter cognomina, de qui-  
bus suprā fit mentio, nomina alia etiam, mo-  
re illo antiquo, è paterno nomine acceperunt,  
ut *Dermotius* filius *Cormaci*, *Cormacus*  
filius *Donaldi*, *Donaldus* filius *Tirdelva-*  
*ci*, &c.

Regnante tandem supradicto *Brieno*, *Hi-*  
*bernorum* Cognomina, sive familiarum no-  
mina cœperunt esse fixa posterisque tradi-  
ta, cum præposita vel aspiratione *h*, vel  
voce *ua*, quæ postea mutata est in voca-  
lem [ *O* ] & significat unum è posteris vi-  
ri alicujus *Primarii*, ut *O-Brien*, *O-Con-*  
*ner*, &c. Non paucæ tamen familiæ, per  
aliquot postea annorum centurias (quod  
fatendum) fixa cognomina non assumpse-  
runt. Observant alii circa annum Dom. Mil-  
lesimum, (quo vixit *Brienus*) Cognomina eti-  
am fixa esse cœpisse, in *Gallia*, *Anglia* & *Sco-*  
*tia*, primū inter nobiliores, & pedetentim po-  
stea, inter alios inferioris notæ. Denique in *Hi-*  
*bernia*, nonnullis ex singulis familiis *Hiber-*  
*nici*, etiam postquam cognomina essent fixa,  
agnomina

agnomina quædam fuerunt addita, ut *Bane*,  
*i.* albus, *Boy*, *i.* flavus, *Bacca*, claudus,  
*Moil*, calvus, &c. Idemque mos sensim  
inter aliquas Anglicæ prosapiæ familias ir-  
repfit. De hoc argumento plurimum cupidus  
petat. Paralipomena Anglica, sive reliqui-  
as V. C. L. Gulielmi Camdeni, ubi mes-  
sem iuveniet uberem, præsertim de Origi-  
ne Cognominum Anglicorum. Ad alia jam  
transeamus, quæ ut difficiliora, ita fortè  
gratiora.

IA . . . . .

## CAP. X.

*Hiberniæ Antiquæ Populi & Loca, de quibus  
fit mentio apud Ptolemæum, qui floruit  
sub Antonino Pio: undè cum adiunctis  
Nominibus recentioribus.*

**R**Em arduam hîc aggredior, tantaque  
obscuritate passim involutam, ut hæ-  
reant sæpè qui acutissimi quicquam certò  
statuere. Siquidem nomina antiqua, tem-  
porum revolutionibus, ita mutata sunt, ut  
in hodiernis, sæpissimè vix vestigia aliqua  
veterum remaneant, & ut cum Seneca loquar,  
*hæc Urbium fundamenta jaciuntur, nova  
tium nomina, extinctis nominibus priori-  
bus, aut in accessionem validioris conversis,  
oriuntur*: Idcirco tanquàm optimi duces  
habendi locorum situs, prout à Ptolemæo,  
ex Marino Tyrio plerumque descripti in-  
veniuntur. Facem mihi in multis, quod  
libens fateor, prætulit Camdenus; quan-



quàm non negem, in non paucis, me, veritatis studio, ab illo dissentire coactum. Neque deerunt (spero) alii, qui plura invenient corrigenda. Interim hæc, qualiacunque sunt, ordine digesta Alphabetico, lectori hîc visum est exhibere, unà cum *Tabula Chorographica* sequente *Hiberniæ veteris*, secundum *Ptolemæum*, additis duntaxat *Lucenis*, ex *Orosio*, qui clauit sub *Theodosio Juniore*. Ad notationem graduum longitudinis & latitudinis quod attinet, vide *Ptolemæi regulam*, lib. 2, cap. 1, quæ & semper observanda, ad sinceram lectionem cognoscendam.

---

*Argita*

---





## A.

*Argite flu. Ostium.*

Nunc portus seu lacus dictus *Loghfoil*, in agro Londino-derensi, Camdeno, *Suilly* lacus.

*Ansona flu. al. Ausoba.*

Fluvius è lacu *Curb* emissus, qui *Galviam* perluit. Hic flu. idem est opinor cum *Galvia* seu *Galiva*, cujus meminerunt *Annales Roscomanenses*, ad ann. 1177 & 1190. Flumen *Galviam* Urbem nomini suo adoptasse videtur. Sed nominis ratione veniuntur alii.

*Auteri populi.*

Hi olim incolebant partes aliquas regionum, quæ hodie comitatus *Galviensis* & *Roscomanensis* dicuntur. *Auterorum* nomen in se prodit *Athenria* urbecula in pago *Galviensi*.

## B.

*Boreum Promontorium.*

Hodie *Saint Helens head* al. *Telen*, in *Donegallensi* Comitatu.

*Brigantes pop.*

Habitabant regiones quæ nunc appellantur comitatus *Catherlaghensis*, *Kilkennyensis* & *R. ginalis*.

*Brigus flu. al. Birgus.*

Hodie *Barous* dictus, qui *Neoro* auctus, post aliquot milliaria, *Suiro* se confociat. Hi tres fluvii è *Bladinis* montibus *Hibernicè Slen-bloom*, profluunt, & divisis alveis diu decurrentes, uno tandem co-

E

demq;

demq; ostio in mare se exonerant, prope turriculam de *Hook*, in agro *Wexfordiensi*, unde tres sorores olim dictæ.

*Buuinda flu.*

Qui, nomine non prorsus deperdito, *Boinus* hodiè dicitur, *Nechamo*, *Boand fluvius* in *Midia*, à *Boan* dictione tam *Britannica* quàm *Hibernica*, quæ velocem significat, ita, ut opinantur, denominatus.

C.

*Cauci pop.*

Olim incolebant regiones quæ nobis hodiè comitatus *Wickloensis* & *Kildarensis* appellantur. Hi de *Caucis Germaniæ* orti videntur. Vid. *Ortelii Thesaur. Geograph. in Chaucis.*

*Coriondi & Udia al. Vodii pop.*

Hi olim infidebant regiones quæ hodiè dicuntur *Com. Corcagiensis*, *Tipperariensis* & *Limericensis*. *Corcagia* urbs *Coriondorū* nomen in se prodere videtur. An *Coriondi* hi à *Coritanis Britannia* in *Hiberniam* demigraverint, dubiū. Haud multū sanè abludunt nomina.

D.

*Darnii, vel Darnini pop.*

Incolebant eas regiones quæ nobis hodiè vulgò appellantur *Comitatus London-dery, Antrim & Tir-oen*. In *Deria* (olim *Daire-calgic*) nominis *Darniorum* nonnullæ

nonnullæ supersunt reli-  
quæ, uti etiam in Dalrieta,  
quo nomine ager Antri-  
mensis, vel magna ejus pars  
Routa hodiè dicta, antiqui-  
tùs appellabatur.

*Daurona flu.*

Camdeno, *flumen quod*  
*Corcagiam præfluit, Giraldo*  
*Cambrensi, (ut ille habet)*  
*Saverennus.* Giraldus qui-  
dem Topogr. Hiberniæ di-  
stinct. 1, cap. 6, asserit *Save-*  
*rennum & Luvium per Cor-*  
*cagiam* (Provinciam scil.  
ita dictam, non urbem) ma-  
nare. Fluvius verò qui ur-  
bem eam circumfluit, hodiè  
Læus dicitur, & eundem ef-  
se censeo cum jam dicto Lu-  
vio. Daurona autem nunc  
(ni fallor) *Aven-more*, i. e.  
fluvius magnus, qui Ocea-  
num prope Yoghallam in-  
greditur.

D.

*Dunum.*

*Dunamause*, in Comita-  
tu Reginæ, ut situs loci a-  
pud Ptolemæum, à quo inter  
urbes mediterraneas nume-  
ratur, indicare videtur. Ibi,  
ante aliquot secula, Marchiæ  
comites castrum habuerunt  
firmissimū, æditiori colli im-  
positum, cujus cadaver eti-  
am nūm visitur. Camdenus  
quasi sub alio sole locat, &  
Dunum vult, esse in agro  
E 2 Dunensi,

Dunensi. *Dunum* priscis Gallis, Britannis & Saxonibus, montem seu collem denotabat, unde Lugdunum in Gallia & Dunelmum, Camalodunum Sorbiodunum, & similia in Angliâ manârunt.

*Dur. flu.*

Dingliæ sinus, seu Mangi flu. ostium, in agro Kerriensi, Camdeno, malè fluviolus qui Traleiam præterfluit, *Dur.* Britannis aquam denotat, ut habet Humfredus Lhuydus Cambro-britannus, & ventos venare videtur qui aliam vocis originem indagat.

**E.**

*Eblana urbs.*

Dublinium Hiberniæ Metropolis, Jocelino, *Athcliath*, aliis, *Ballecliath*, id est, *Opidum super crates*, utpote subjectis olim in palustri loco cratibus, conditum.

*Eblani pop. al.  
Blanii*

Incolebant regionem prope Dublinium quæ nunc ager Dubliniensis appellatur, nec non Midiam, vel majorem ejus partem.

*Edri Insula.*

Plinio, *Andros*. Hæc Insula à Ptolemæo, inter eas ponitur quæ orientali parti Hiberniæ adjacent. Et eadem est, uti conjicio, cum *Beg-Eri*, id est,



est, parva Hibernia, Insula sub ostium Slani flu. in agro Wexfordiensi. Camdenus *Berdsey* al. *Enbty* vult esse, quæ ad Caernarvonensem agrum in Wallia spectat. Sed perperam opinor.

*Erdini pop.*

Hi olim habitabant regiones quæ sunt prope lacum & flu. *Ern*, speciatim utramque *Breniam* & regionem quæ hodiè appellatur com. Fermanaghensis. In *Erno*, nominis Erdinorum reliquæ supersunt.

G.

*Gangani pop.*

Incolebant Tuomoniam & australes aliquas partes agri Galviensis. Camdenus ortos putat à Concanis Hispaniæ, à Scythis procreatis.

H.

*Hieron, id est, sacrum Prom.*

*Grenore*, non longè à portu Wexfordiensi. Stint qui locum, *Salangam*, & postea montem Domini dictum volunt, vel montem S. Domini (Ossoriensis sc.) de quo loquitur Giraldus Cambrensis, Topograph. Hiberniæ dist. 1, c. 5.

I.

*Iernus flu.*

Kilmar flu. in agro Keriensi, ubi portus est nobilis.

*Isamnum Prom.*

Nautis dictum **Saint Johns Isoland**, in agro Dunensi.

*Juernis.*

Dunkeran esse censuit Camdenus ad Iernum flu. Quid judicem nescio : in hac re me cæcutire fateor.

L.

*Laberus.*

Fortè *Cenanus*, vel *Cane-nus*, temporis progressu nunc vulgò *Kells* in Midia, antiquitus inter insigniores urbes numerata, Jos. Molesto, *Ampreston* nescio quæ, Camdeno, *Killair* in Midia Occidentali. Sed in hac urbe indagandâ desudent alii.

*Libnius, al. Li-boeus flu.*

*Sligous* flu. quem *Slich-neium* vocat Giraldu Cam-brensis, & situs apud Ptole-mæum *Sligoæ* finem indi-cat. Camdenus malè eun-dem vult cum *Liffio* flu. qui *Dublinium* perfluit.

*Limni Insula.*

Nunc *Lambey*, Insula litori vicina, ad agrum Dub-liniensem spectans, idque tum nomen indicare vide-tur, tum situs apud Ptole-mæum, Camdeno, *Ramsey*, apud Penbrochienses, in Wallia. *Lambeia* exponi-tur *insula agnorum*, sicuti jam dicta *Ramseia*, *insula arietum*, & *Shepeia* in Can-tio, *insula ovium*.

*Logia. flu.*

*Bannus* flu. (ex Lacu *Logh-eagh* amplissimo emis-sus) in limite Orientali a-gri Londinoderensis, opimâ Salmonum

M.  
*Macolicum.*

Salmonum piscatione celebris, Villanovano, corruptè Bone, Camdeno, lacus *Logh-foil*,

*Menapia.*

Mercator & Camdenus hunc locum *Malc* vocant. Sed ubi locum sic dictum inveniam, planè nescio, Ego existimo *Milick* esse, quam Shenanus alluit, in agro Galviensi : nec multum absonant nomina.

Situs apud Ptolemæū, Wexfordiam indicat. Sunt verò qui eandē cum Waterfordiā putant, Hibernis & Cambris *Port-largi* dicta. Vox **FORD** in posteriore parte utriusq; nominis, exoticam sapit originem; Anglis & Germanis vadum significat vel trajectum, Sic **Oxford** in Anglia, utraque Francofordia in Germania, à vadis vel trajectibus nomina sua deducunt.

*Menapii pop.*

Incolebant regiones quæ nunc Comit. Wexfordiensis & Waterfordiensis appellantur. An ex his, vel è Gallia Belgicæ Menapiis, Carausius ille fuerit, qui purpuram in Britannia assumpsit, Diocletiano & Maximiano imperatibus, non facile quis dicat. Videtur tamē

fuisse ex Menapiis Hiberniæ, nam *Menapia* civem, eum diserte appellat Sextus Aurelius Victor. Et *Menapia Urbs* (ut rectè notat Camdenus) *Non in Belgica, sed in Hibernia* à Ptolemæo ponitur, licet *Menapiorum* populus utrobique ab eodem statuatur.

*Modonus flu.*

N.

*Nagnata. al.  
Magnata.*

Nunc (antiquato priore nomine,) *Slanus* vocatur, in agro Wexfordiensi, ut situs apud Ptolemæum innuit.

Hanc urbem insignem appellat Ptolemæus. Situs loci apud eum, locum aliquem denotare videtur non procul à *Sligoa*. Atqui in eo tractu, nulla (quod sciam) vestigia supersunt urbis sic dictæ, ita omnia delet temporis vetustas. Sunt quidem nominis antiqui reliquiæ, in *Magio* hodiè *Maio*, (cujus meminit Beda) nota proximi (ad austrum) comitatus villa, Ptolemæi tamen *Magnatam* fuisse, repugnat situs distantia, Fortè suspicentur aliqui urbem loco suo apud eum paulum exturbatū. Sed hæc viderint alii.

*Nagnate pop. al.  
Magnati.*

*Nagnatæ*, vel, pro exemplarium varietate, *Magnati* incolebant regionem quæ hodiè



hodiè dicitur ager Sligoensis, fortasse etiam pagum Maionensem.

*Notium, sive australe prom.*

Nautis *Spissen-head* in comitatu Corcagiensi.

O.

*Ovoca al. Oboca. flu.*

*Aven-more*, vel *Owen-more* ut vulgò appellatur, id est, fluvius magnus, qui Arkloam præterfluit in agro Wickloensi, Josepho Moletio, perperam, *Arcellius* dictus.

R.

*Ravius flu.*

Ernus fluvius ex Erno lacu emissus, in agro Donegalensi, à Giraldo Cambrensi Samarius dictus, à Camdeno, Mercatore & Spensero malè *Trowis*.

*Rheba.*

*Rheban* ad Baroum flu. in agro Kildarensi, nunc solum castello nota, olim urbe.

*Ricina Insula.*

Insula *Recran*, vulgò *Rachlin*, Plinio, Ricnea, quæ hodiè pars censetur agri Antrimensis.

*Rigia al. Regia.*

Gerardo Mercatore, Limericum, Gulielmo Camdeno, è nomine & situ probabilius, locus aliquis non procul à Loghrie lacu insuloso & amplo, in quem Shenanus flu. se refundit.

*Rigia al. Regia altera.*

Camdeno *Reglis* in Insula (petrosâ) Lacus *Derg*, ubi S. *Patricii Purgatorium*. Atqui refragatur tum litus.

fitus apud Ptolemæum, tum ipsius Insulæ exiguitas, quæ continet vix tres quartas partes unius acræ ordinariæ Hibernicæ. Ego censeo *Athnery*, seu Athenriam esse, in Comitatu Galviensi.

*Robogdii, al. Rhobogdii, & Vennicnii, pop.*

*Rhobogdium Prom.*

S.  
*Senus flu.*

V.  
*Udia, vel Vodii, vid. Coriondi.*

• *Velabri pop. nonnullis exemplaribus, Vellibori.*

*Vennicnii pop. vid. Rhobogdii.*

*Vennicnium Prom.*

Incolebant regionem quæ hodiè appellatur ager Donnegallensis, necnon partem agri Londino-derensis.

Extremum totius Hiberniæ Promontorium quod Oceano Deucalidonio incumbit, in Pen-insula de *Inis-Oen*.

Shenanus, Orosio *Scenna*, fluvius totius Hiberniæ celeberrimus, è monte *Slew-neren* (ita dicto à ferri venis quibus abundat) in agro Leytrimensi effusus.

Incolebant partes Kerriæ Boreales, An ab Iberis ita nominati, dubium. His Lucenos vicinos facit Orosius, *ad Scenæ fluminis ostium*.

Nautis *Rams-head*, aliis *Horn head*, quod in cornu tenuatur,

tenuatur, in agro Donegal-  
lenfi.

*Vidue fluvii O-  
stium.*

Lacus *Suilly*, in eodem  
comitatu.

*Vinderii flu. O-  
stium.*

Carigfergusii sinus, five  
Laganus flu, qui ibi in ma-  
re se exonerat.

*Voluntii pop. al.  
Uluntii.*

Incolebant regionem olim  
dictam *Ullagh*, five Ulidiam,  
ubi hodiè comitatus Dunen-  
fis. His fortè Ultonienses no-  
men suū debent, si non, quod  
alii asserunt, Ollomaino regi  
antiquo ethnico Hiberniæ.

*Uterni pop.*

Vel, pro exemplarium  
varietate, Iberni, Iberi & Ju-  
ëni incolebant australiores  
Desmoniaë partes. Forſan  
coloniæ fuerunt Iberorū: E  
nomine & positu contra Hi-  
spaniā, hoc conjectare licet.

Hæc, ordine alphabetico digessimus. Cæte-  
rū non alienum erit, quantulumcunque fit,  
hīc etiam annotare Ptolemæum, in Geogra-  
phiā suā, Septentrionale Hiberniæ latus pri-  
mū descripsisse, postea Occidentale, deindè  
Australe, ac demū Orientale; tūque, post  
latera, civitates mediterraneas, ac postremo  
Insulas Hiberniæ adjacentes. Ex iis verò plu-  
rimæ hodiè inter Insulas magnæ Britanniaë cui  
proprioſ, numerantur, Ebudæ scī. Maleos,  
Epidium, Mona-æda & Mona, quas ideò in  
hāc disquisitione prætermisimus. Denique  
cū de antiqua Hibernia hīc agatur, non ta-  
cendum est, quod de ea Marcianus Heracle-  
ota,

ota, in Periplo suo, tradit, *Habet* (Hibernia) *Gentes seu Provincias XVI, Urbes insignes XV, Promontoria insignia V, Insulas insignes VI.* De Hiberniæ veteris descriptione, hoc dixisse sufficiat.

## CAP. XI.

*De Hibernorum veterum Vestitu & Ornatu.*

*Seç. 1.* **S**Agum villosum cum limbo jubato vestis est Hibernica exterior, ad talos usque fermè demissa, In vita S. Cadoci Cambrensis, *Coccula* dicitur; ubi & describitur quoddam genus indumenti quo Hibernienses utuntur, de foris plenum prominentibus jubis, seu villis, in modum crinium contextis. Spenserus, in Dialogo inter Eudoxum & Irenæum, hanc vestem latinè dictam vult *Mantile*. Sed malè proculdubiò, Nam *Mantile* linteolum est ad manus tergendas factum, ut è Virgilio liquet. *Æneid. l. 1, Ubi de Ænea à Didone hospitio excepto, ita canit,*

*Jam pater Æneas, & jam Trojana Juventus  
Conveniunt, stratoque super discumbitur ostro;  
Dant famuli manibus lymphas, Cererèq; canistris  
Expediunt, tonsisque ferunt mantilia villis.*

*Et Georgic. lib. 4,*

— *Manibus liquidos dant ordine fontes  
Germanæ, tonsisque ferunt mantilia villis.*

Cæterùm Isidorus lintea pro operiendis mensis suo tempore *Mantilia* dicta notat. Angli quidem hanc vestem a *Mantell* vocant, &

in eodem sensu, Radulphus de Diceto & Johannes Bronitonus *Mantillum* habent, quod nomen à Gallico *Manteau* derivatur, pro pallio nunc usurpato. Atque ut Pallia Græcorum propriæ erant vestes, & Togæ Romanorum, unde Virgilius *Æneid.* l.1,

*Consilia in melius referet, mecumque fovebit  
Romanos, rerum Dominos, gentemque togatam.*

Ita Saga Hibernorum veterum. Hac veste utebantur etiam fœminæ Hibernicæ, talari quam gerebant tunicæ superindutæ. Neque inusitatum est idem vestimenti genus fœminis Mælovianis in Gallia, id quod notabam, dum ibi essem anno MDCXLIX. Porro ut quod sentio dicam, valdè probabile videtur Hibernos hanc vestem laneam à Gallis veteribus mutuatos. Nam Sagum Gallicum esse nomen asserit Isidorus, & Saga propria fuisse Gallorum vestimenta tradit Varro, l.4, de lingua Latina, ubi de vestium generibus agens, *In his* (inquit) *multa peregrina, ut Sagum, Rbeno, Gallica, Gaunacum, majus Sagum & Amphimalon Græca.* Idem docet Strabo, lib.4. Geographiæ. Hinc Galli sæpè Sagati olim dicti. Hactenus de veste exteriori Hibernica. De aliis Hibernorum vestibus, tunicellis sc. & femoralibus illis arctissimis, *Trowses* vulgò dictis; vix habeo quod dicam memoratu dignum. Ad Etymologiam verbi *Trowse* quod attinet, fortè petenda à Gallico *Trouser*, connectere. Gir. Cambrensis *braccas caligatas, seu caligas braccatas vocat, Topograph. Hiberniæ distinct. 3. cap. 10.* Braccas vestes fuisse varii coloris tradit Dioscorus



demq; ostio in mare se exonerant, prope turriculam de *Hook*, in agro *Wexfordienfi*, unde tres sorores olim dictæ.

*Buinda flu.*

Qui, nomine non prorsus deperdito, *Boinus* hodiè dicitur, *Nechamo*, *Boand fluvius in Midia*, à *Boan* dictione tam *Britannica* quàm *Hibernica*, quæ velocem significat, ita, ut opinantur, denominatus.

C.

*Cauci pop.*

Olim incolebant regiones quæ nobis hodiè comitatus *Wickloensis* & *Kildarensis* appellantur. Hi de *Caucis Germaniæ* orti videntur. Vid. *Ortelii Thesaur. Geograph. in Chaucis.*

*Coriondi & Udia al. Vodii pop.*

Hi olim infidebant regiones quæ hodiè dicuntur *Com. Corcagiensis*, *Tipperariensis* & *Limericensis*. *Corcagia* urbs *Coriondorū* nomen in se prodere videtur. An *Coriondi* hi à *Coritanis Britannia* in *Hiberniam* demigraverint, dubiū. Haud multum sanè abludunt nomina.

D.

*Darnii, vel Darini pop.*

Incolebant eas regiones quæ nobis hodiè vulgò appellantur *Comitatus London-dery*, *Antrim* & *Tir-oen*. In *Deria* (olim *Daire-calgaic*) nominis *Darniorum* nonnullæ

nonnullæ supersunt reli-  
quia, uti etiam in Dalrieta,  
quo nomine ager Antri-  
menfis, vel magna ejus pars  
Routa hodiè dicta, antiqui-  
tùs appellabatur.

*Daurona flu.*

Camdeno, *flumen quod*  
*Corcagiam præfluit, Giraldo*  
*Cambrensi, (ut ille habet)*  
*Saverennus.* Giraldus qui-  
dem Topogr. Hiberniæ di-  
stinct. 1, cap. 6, asserit *Save-*  
*rennum & Luvium per Cor-*  
*cagiam* (Provinciam scil.  
ita dictam, non urbem) ma-  
nare. Fluvius verò qui ur-  
bem eam circumfluit, hodiè  
Læus dicitur, & eundem ef-  
se censeo cum jam dicto Lu-  
vio. Daurona autem nunc  
(ni fallor) *Aven-more*, i. e.  
fluvius magnus, qui Ocea-  
num prope Yoghallam in-  
greditur.

D.

*Dunum.*

*Dunamause*, in Comita-  
tu Reginæ, ut situs loci a-  
pud Ptolemæū, à quo inter  
urbes mediterraneas nume-  
ratur, indicare videtur. Ibi,  
ante aliquot secula, Marchiæ  
comites castrum habuerunt  
firmissimū, æditiori colli im-  
positum, cujus cadaver eti-  
am nūm visitur. Camdenus  
quasi sub alio sole locat, &  
Dunum vult, esse in agro

E 2

Dunensi,

Dunensi. *Dunum* priscis Gallis, Britannis & Saxonibus, montem seu collem denotabat, unde Lugdunum in Gallia & Dunelmum, Camalodunum Sorbiodunum, & similia in Angliâ manarunt.

*Dur. flu.*

Dingliæ sinus, seu Mangi flu. ostium, in agro Kerriensi, Camdeno, malè fluviolus qui Traleiam præterfluit, *Dur.* Britannis aquam denotat, ut habet Humfredus Lhuydus Cambro-britannus, & ventos venare videtur qui aliam vocis originem indagat.

**E.**

*Eblana urbs.*

Dublinium Hiberniæ Metropolis, Jocelino, *Athcliath*, aliis, *Ballecliath*, id est, *Opidum super crates*, utpote subjectis olim in palustri loco cratibus, conditum.

*Eblani pop. al.  
Blanii*

Incolebant regionem prope Dublinium quæ nunc ager Dubliniensis appellatur, nec non Midiam, vel majorem ejus partem.

*Edri Insula.*

Plinio, *Andros*. Hæc Insula à Ptolemæo, inter eas ponitur quæ orientali parti Hiberniæ adjacent. Et eadem est, uti conjicio, cum *Beg-Eri*, id est,

est, parva Hibernia, Insula sub ostium Slani flu. in agro Wexfordiensi. Camdenus *Berdsey* al. *Enbly* vult esse, quæ ad Caernarvonensem agrum in Wallia spectat. Sed perperam opinor.

*Erdini pop.*

Hi olim habitabant regiones quæ sunt prope lacum & flu. *Ern*, speciatim utramque *Breniam* & regionem quæ hodiè appellatur com. Fermanaghensis. In *Erno*, nominis Erdinorum reliquæ supersunt.

G.

*Gangani pop.*

Incolebant Tuomoniam & australes aliquas partes agri Galviensis. Camdenus ortos putat à Concanis Hispaniæ, à Scythis procreatis.

H.

*Hieron, id est, sacrum Prom.*

*Grenore*, non longè à portu Wexfordiensi. Sicut qui locum, *Salangam*, & postea montem Domini dictum volunt, vel montem S. Domini (Ossoriensis sc.) de quo loquitur Giraldus Cambrensis, Topograph. Hiberniæ dist. 1, c. 5.

I.

*Iernus flu.*

*Kilmar* flu. in agro Keriensi, ubi portus est nobilis.

*Isamnum Prom.*

Nautis dictum *Saint Johns sozeland*, in agro Dunensi.

*Juernis.*

L.

*Laberus.*

*Libuius, al. Li-  
boeus flu.*

*Limni Insula.*

*Logia. flu.*

Dunkeran esse censuit  
Camdenus ad Iërrum flu.  
Quid iudicem nescio : in  
hac re me cæcutire fateor.

Fortè *Cenanus*, vel *Cane-  
nus*, temporis progressu nunc  
vulgò *Kells* in Midia, anti-  
quitus inter insigniores ur-  
bes numerata, Jos. Molesio,  
*Ampreston* nescio quæ, Cam-  
deno, *Killair* in Midia Oc-  
cidentalī. Sed in hac urbe  
indagandâ desudent alii.

*Sligous* flu. quem *Slich-  
neium* vocat Giraldu Cam-  
brensis, & situs apud Ptole-  
mæum *Sligoæ* sinum indi-  
cat. Camdenus malè eun-  
dem vult cum *Liffio* flu. qui  
Dublinium perfluit.

Nunc *Lambey*, Insula li-  
tori vicina, ad agrum Dub-  
liniensem spectans, idque  
tùm nomen indicare vide-  
tur, tum situs apud Ptole-  
mæum, Camdeno, *Ramsey*,  
apud Penbrochienses, in  
Wallia. *Lambeia* exponi-  
tur *insula agnorum*, sicuti  
jam dicta *Ramseia*, *insula  
arietum*, & *Shepeia* in Can-  
tio, *insula ovium*.

*Bannus* flu. (ex Lacu  
*Logh-eagh* amplissimo emis-  
sus) in limite Orientali a-  
gri Londinoderensis, opimâ  
Salmonum



Salmonum piscatione celebris, Villanovano, corruptè Bone, Camdeno, lacus Loghfoil,

M.

*Macolicum.*

Mercator & Camdenus hunc locum *Malc* vocant. Sed ubi locum sic dictum inveniam, planè nescio, Ego existimo *Milick* esse, quam Shenanus alluit, in agro Galviensi : nec multum absonant nomina.

*Menapia.*

Situs apud Ptolemæū, Wexfordiam indicat. Sunt verò qui eandē cum Waterfordiā putant, Hibernis & Cambris *Port-largi* dicta. Vox **FORD** in posteriore parte utriusq; nominis, exoticam sapit originem; Anglis & Germanis vadum significat vel trajectum, Sic **Orford** in Anglia, utraque Francofordia in Germania, à vadis vel trajectibus nomina sua deducunt.

*Menapii pop.*

Incolebant regiones quæ nunc Comit. Wexfordiensis & Waterfordiensis appellantur. An ex his, vel è Galliæ Belgicæ Menapiis, Carausius ille fuerit, qui purpuram in Britannia assumpsit, Diocletiano & Maximiano imperatibus, non facile quis dicat. Videtur tamē

fuisse ex Menapiis Hiberniæ, nam *Menapia* civem, eum diserte appellat Sextus Aurelius Victor. Et *Menapia Urbs* (ut rectè notat Camdenus) *Non in Belgica, sed in Hibernia* à Ptolemæo ponitur, licet *Menapiorum* populus utrobique ab eodem statuatur.

*Modonus flu.*

N.

*Nagnata. al.*  
*Magnata.*

Nunc (antiquato priore nomine,) *Slanus* vocatur, in agro *Wexfordiensi*, ut situs apud Ptolemæum innuit.

Hanc urbem insignem appellat Ptolemæus. Situs loci apud eum, locum aliquem denotare videtur non procul à *Sligoa*. Atqui in eo tractu, nulla (quod sciam) vestigia supersunt urbis sic dictæ, ita omnia delet temporis vetustas. Sunt quidem nominis antiqui reliquiæ, in *Magio* hodiè *Maio*, (cujus meminit Beda) nota proximi (ad austrum) comitatus villa, Ptolemæi tamen *Magnatam* fuisse, repugnat situs distantia, Fortè suspicentur aliqui urbem loco suo apud eum paulum exturbatū. Sed hæc viderint alii.

*Nagnate pop. al.*  
*Magnati.*

*Nagnatæ*, vel, pro exemplarium varietate, *Magnati* incolebant regionem quæ hodiè

hodiè dicitur ager Sligoensis, fortasse etiam pagum Maionensem.

*Notium, sive australe prom.*

Nautis *Spissen-head* in comitatu Corcagiensi.

O.

*Ovoca al. Oboca. flu.*

*Aven-more*, vel *Owen-more* ut vulgò appellatur, id est, fluvius magnus, qui Arkloam præterfluit in agro Wickloensi, Josepho Moletio, perperam, *Arcellius* dictus.

R.

*Ravius flu.*

Ernus fluvius ex Erno lacu emissus, in agro Donegalensi, à Giraldo Cambrensi Samarius dictus, à Camdeno, Mercatore & Spensero malè *Trowis*.

*Rheba.*

*Rheban* ad Baroum flu. in agro Kildarensi, nunc solum castello nota, olim urbe.

*Ricina Insula.*

Insula *Recran*, vulgò *Rachlin*, Plinio, Ricnea, quæ hodiè pars censetur agri Antrimensis.

*Rigia al. Regia.*

Gerardo Mercatore, Limericum, Gulielmo Camdeno, è nomine & situ probabilius, locus aliquis non procul à Loghrie lacu insuloso & amplo, in quem Shenanus flu. se refundit.

*Rigia al. Regia altera.*

Camdeno *Reglis* in Insula (petrosâ) Lacus *Derg*, ubi S. *Patricii Purgatorium*. Atqui refragatur tum litus.

fitus apud Ptolemæum, tum ipsius Insulæ exiguitas, quæ continet vix tres quartas partes unius acræ ordinariæ Hibernicæ. Ego censeo *Athnery*, seu Athenriam esse, in Comitatu Galvieni.

*Robogdii, al. Rhobogdii, & Vennicnii, pop.*

*Rhobogdium Prom.*

S.  
*Senus flu.*

V.  
*Udia, vel Vodii, vid. Coriondi.*

*Velabri pop. nonnullis exemplaribus, Vellibori.*

*Vennicnii pop. vid. Rhobogdii.*

*Vennicnium Prom.*

Incolebant regionem quæ hodiè appellatur ager Donegallensis, necnon partem agri Londino-derensis.

Extremum totius Hiberniæ Promontorium quod Oceano Deucalidonio incumbit, in Pen-insula de *Inis-Oen*.

Shenanus, Orosio *Scena*, fluvius totius Hiberniæ celeberrimus, è monte *Slew-neren* (ita dicto à ferri venis quibus abundat) in agro Leytrimensi effusus.

Incolebant partes Kerriæ Boreales, An ab Iberis ita nominati, dubium. His Lucenos vicinos facit Orosius, *ad Scenæ fluminis ostium*.

Nautis *Rams-head*, aliis *Horn head*, quod in cornu tenuatur,

tenuatur, in agro Donegal-  
lenfi.

*Vidua fluvii O-*  
*stium.*

Lacus *Suilly*, in eodem  
comitatu.

*Vinderii flu. O-*  
*stium.*

Carigfergusii sinus, five  
Laganus flu, qui ibi in ma-  
re se exonerat.

*Voluntii pop. al.*  
*Uluntii.*

Incolebant regionem olim  
dictam *Ullagh*, five Ulidiam,  
ubi hodiè comitatus Dunen-  
fis. His forè Ultonienses no-  
men suū debent, si non, quod  
alii asserunt, Ollomaino regi  
antiquo ethnico Hiberniæ.

*Uterni pop.*

Vel, pro exemplarium  
varietate, Iberni, Iberi & Ju-  
erni incolebant australiores  
Desmonia partes. Forſan  
coloniæ fuerunt Iberorū: E  
nomine & positu contra Hi-  
spaniā, hoc conjectare licet.

Hæc, ordine alphabetico digessimus. Cæte-  
rū non alienum erit, quantulumcunque fit,  
hic etiam annotare Ptolemæum, in Geogra-  
phiā suā, Septentrionale Hiberniæ latus pri-  
mū descripsisse, postea Occidentale, deinde  
Australe, ac demū Orientale; tūque, post  
latera, civitates mediterraneas, ac postremo  
Insulas Hiberniæ adjacentes. Ex iis verò plu-  
rimæ hodiè inter Insulas magnæ Britannia cui  
proprio, numerantur, Ebudæ scilicet. Maleos,  
Epidium, Mona-æda & Mona, quas ideò in  
hac disquisitione prætermisimus. Denique  
cū de antiqua Hibernia hic agatur, non ta-  
cendum est, quod de ea Marcianus Heracle-  
ota,



in eodem sensu, Radulphus de Diceto & Johannes Bronitonus *Mantillum* habent, quod nomen à Gallico *Manteau* derivatur, pro pallio nunc usurpato. Atque ut Pallia Græcorum propriæ erant vestes, & Togæ Romanorum, unde Virgilius *Æneid.* l.1,

*Consilia in melius referet, mecúmque fovebit  
Romanos, rerum Dominos, gentemque togatam.*

Ita Saga Hibernorum veterum. Hac veste utebantur etiam fœminæ Hibernicæ, talari quam gerebant tunicæ superindutâ. Neque inusitatum est idem vestimenti genus fœminis Mælovianis in Gallia, id quod notabam, dum ibi essem anno MDCXLIX. Porro ut quod sentio dicam, valdè probabile videtur Hibernos hanc vestem laneam à Gallis veteribus mutuatos. Nam Sagum Gallicum esse nomen asserit Isidorus, & Saga propria fuisse Gallorum vestimenta tradit Varro, l.4, de lingua Latina, ubi de vestium generibus agens, *In his* (inquit) *multa peregrina, ut Sagum, Rheno, Gallica, Gaunacum, majus Sagum & Amphimalon Græca.* Idem docet Strabo, lib.4. Geographiæ. Hinc Galli sæpè Sagati olim dicti. Hactenus de veste exteriori Hibernica. De aliis Hibernorum vestibus, tunicellis sc. & femoralibus illis arctissimis, *Trowfes* vulgò dictis; vix habeo quod dicam memoratu dignum. Ad Etymologiam verbi *Trowse* quod attinet, fortè petenda à Gallico *Trouser*, connectere. Gir. Cambrensis *braccas caligatas, seu caligas braccatas vocat*, Topograph. Hiberniæ distinct. 3. cap. 10. Braccas vestes fuisse varii coloris tradit Diosdorus

## CAP. XII.

*De priscis Equitibus & Peditibus Hibernicis, sed potissimum de iis qui fuerunt mediorum temporum : Deque eorum Armis & Clamore militari.*

**A**Ntiquioribus seculis, Equites Hibernici Sed. 1: equos nudos, absque ephippiis ascendebant; Postea sellis utebantur, sed absq; stapede five scala ea equestri, quâ hodiè utimur, ut in equos nos collocemus. Hiq; Equites, vel hastis, vel sagittis dimicabant. Aliqui prætereà (mediis seculis) loricis ferreis erant armati. Neque mos ille equitandi inusitatus erat olim ipsis Anglis, ut testantur tam figilla nonnulla antiqua quæ expressam ostendunt Equitis Anglici imaginem, quàm Statutum Parlamentî Pontanæ inchoati anno decimo Henrici VII. Ita porrò Britanni olim, ita Galli, & ita Romani equitabant. Murchardidem unum è potentioribus Dynastis Hibernicis absque ephippio equitantem exprimit Gallus quidam qui expeditionem secundam Richardi 2 in Hiberniam metro Gallico descripsit; Equum verò ejus generosissimum (attende pretium) emptum asserit vaccis 400. Equitibus Hibernicis servi quidam erant à pedibus *Daltini* vulgò dicti, jaculis amentatis tantùm armati, qui eorum equos curabant. De Equitibus vocatis Hobellariis, suprâ à nobis dictum, cap. VII, nec hîc repetendum. *ἵππος* Equum significat, atque inde fortè vox *Hobby*.

Hiberni

Hiberni mediorum seculorum Peditibus duplicis generis utebantur, Quidam *Gallo-glassii* dicti, casside ferrea & lorica ferreis annulis confecta, erant armati, gladioque longo cincti; Item alterâ manu securim acutissimam gestabant, more Gallorum illorum veterum, de quibus loquitur Maccellinus, lib. 19. Alii levioris armaturæ, Henrico Marleburgensi *Turbiculi*, quibusdam *Turbarii*, vulgò, *Kerni* dicti, jaculis amentatis, machæris, & cultris sive ficis, **Skepnæ** vocatis, dinicabant. An tales fuerint cultri illi *Seaxes* dicti, quibus olim accingebantur Saxones, quærant alii. In rotulo clauso ann. V. Edwardi III, memb. 25, inter articulos in Hibernia observandos, sextus est, contra sustentatores & ductores *Kernorum & gentis vocatæ Jole-men*, nisi in *Marchiis* (sive confiniis) suas proprias ad custas. Ita Archivum arcis Londinensis. In bello, pro tympano, tibia utricularis in usu erat. Sic *Lacedæmonios olim, non cornuum turbarumve signis, sed tibiæ modulis, in præliis usos* testatur A. Gellius, lib. 1. cap. 11.

Sec. 2.

Ad Hibernorum antiquiorum Arma quod attinet, eos armis æneis fuisse usos constat, Sic Græcos olim, sic Britannos armatos certum. Est mihi æs securis militaris, rudi quidem sed admodum antiquo opere, jampridem è loco uliginoso in agro Letrimensi, effossus. Hibernis præcipuam fuisse gloriam in armorum nitela, asserit Solinus, cap. 25, & speciatim tradit eos, qui studebant cultui, dentibus marinantium belluarum insignisse ensium capulos, & candicasse ad eburneam claritatem. Labracum Loinsæ regem Hiberniæ, quoddam hastæ genus dictum *Lagenib*, ex partibus transmarinis, secum in Hiberniam

Hiberniam portasse anno Mundi 3670, tradunt (quàm verè nescio) Historici Hibernici: atque inde orientalem Hiberniæ Provinciam, Lageniam dictam volunt, cùm antea vocaretur *Coigidugarian*. In Annalibus Róscomanensibus, ad annum MCXC, fit mentio *capitis hastæ, ad longitudinem unius cubiti, reperti in fluvio Galliva tùm desiccato*. De Hibernorum armis, tempore adventus Anglorum, sub Henrico II, sic Giraldus Cambrensis, Topograph. Hiberniæ, distinct. 3. cap. 10, *Tribus utuntur armorum generibus, lanceis non longis, & jaculis binis in quibus & Basclensium morem sunt imitati, Securibus quoque amplis, fabrili diligentia optimè calibatis, quas à Norwagiensibus & Oustmannis, (de quibus post diceretur) sunt mutati. Una tantum manu & non ambabus securi percutiunt, pollice desuper manubrium in longum extenso ictumque regente, à quo nec galea caput in conum erecta, nec reliquum corpus ferrea lorice tricatura tuetur. Unde & in nostris contigit temporibus, totam militis coxam ferro utcunque fideliter vestitam, uno securis ictu, præcisam fuisse, ex una equi parte coxa cum tibia, ex altera verò, corpore cadente moribundo: Lapidem quoque pugilares, cùm alia defecerint, hostibus in conflictu damnasissimos, præ alia gente, promptius, & expeditius, ad manum habent. De scutis eorum, nec non arcubus & sagittis suprâ diximus, cap. 2. Gladius iis ingens erat & prælongus, unâ tantum parte acutus, quo cæsim non punctim pugnant. Apud aliquos in usu fuit Cudo five Galea ferarum tergoribus induta, uti habet in Nomenclatore suo, Ha-*



drianus Junius. Ocrearū usum ab Anglis tandē acceperunt, necnon armorum diversa genera, quæ ad recentiora tempora spectant, ideóque hīc prætermittenda. In prælia ituri, cū ita propè essent hostes, ut ab iis exaudiri possent, clamore quodam Martio utebantur (uti suprà diximus) *Farab, Farab*, sæpius iterantes. Scythas, Germanos, & ipsos Græcos & Romanos tali olim usos fuisse clamore, ante pugnam constat. An verò à clamore illo *Eleleu* quo Græci (uti suprà diximus cap. 2) ad prælium euntes utebantur, vox *Aleleu* fluxerit, quam iterare solebant mulieres merè Hibernicæ, in ululatibus & palmarum complosionibus, dum amicorum funera prosequerentur, non definio : Nam de Græcorum habitatione in Hibernia, parum aut nihil mihi legenti occurrat : Superesse quidem vestigia nonnulla veterum Græcorum in Hibernia, innuit Ecclesia quædam Trimmæ in Midia, dicta *Græcorum Ecclesia*. De Dobda Episcopo, Græco, qui S. Virgilium ex Hibernia secutus est, vid. Wiguleum Hundium, in Juvaviensium sive Salisburgensium Episcoporum catalogo, & vitæ ejusdem Virgilii descriptorem Eberhardi Salisburgensis Episcopi Discipulum. Vid. porrò quæ suprà diximus, de Nemethi progenie. Pan militaris illius barritus dicitur inventor, & à tali stratagemate noctu, cū in Indica Bacchi expeditione, subito hostes in fugam essent versi, ortum proverbium *Terror Panicus*. Sed hoc extra oleas. Hactenus de prisco milite Hibernico ejusque armis & clamore militari, nunc iconem ejus Lectori visum exhibere,

An





An Hiberni habuerint currus militares *Eseda* olim dictos, more Gallorum & Britannorum veterum, non certò constat. Sed verisimile est habuisse, præsertim si credamus anonymo vitæ S. Columbæ scriptori antiquo poëtice magis quàm historicè Prælium Culedrenense, anno 561 gestum, describenti. Habuisse currus illos quos Galli olim *Bennas* vocabant, ad usum sc. viatorum, & alios, linguâ Gallicâ *Carros* dictos, quibus sarcinæ eorum vehebantur, certissimum. Nescio an operæpretium sit hîc memorare certamina Ludicra (militiam quidem redolentia) Equitû Hibernicorum, qui jaculis ferro non munitis, lusus & spectatores oblectandi gratiâ dimicare solebant, necnon eorum ardorem in ferarum, Luporum putà & Cervorum venationibus. Venatio quidem non parvam habet cum militia affinitatem, &, si Xenophonti in *Cyropædia* credimus, ad fortitudinem adsequendam est omninò necessaria. Beda (*Eccles. Histor. lib. 1, cap. 1,*) Hiberniam *Insulam* vocat *Cervorum venatu insignem*. Sed hæc Corollarium loco.

## CAP. XIII.

*De priscis Exactionibus Hibernicis, dictis Bonaght, Sorohen, Coshery, Cuddy, Shragh & Mart : Deque Tributis ab Anglis introductis, vice Bonaghti, vocatis*  
**Coyne & Libery.**

Sec. I.

**B**onaght Exactio erat pro Domini libito imposita, ad alendos Equites, triarios quos Gallo-glassios appellabant & alios pedites levioris armaturæ, quos *Kernos* vocabant. Istique milites ita sustentati, aliquandò promiscuè *Bonaghti* dicebantur.

*Sorohen* Taxatio erat quater in anno imposita liberè tenentibus, (sive iis qui prædia habebant, ad hæredes transmittenda) pro victu, hospitio & stipendiis dictorum militum.

*Coshery* exactio erat Dynastæ Hibernici, quando ab incolis sub ejus potestate & clientela, victum & hospitium capiebat, pro seipso suaque sequela.

Aliæ erant Exactiones dictæ *Cuddies*, sive cœnæ nocturnæ : Item aliæ (præsertim in Mononia) vocatæ *Shragh & Mart*, partim in nummis, partim vel in pecore vel in cibo, plerumque pro Domini libito, impositæ. Hisq; direptionibus nec non *tasciis* quibusdam, Anglicè **Cuttings** dictis, vel quando Dominus iter ingrediebatur, vel epulo aliquem excipiebat, vel è simili occasione, impositis, prisca plebis Hibernicæ conditio penè servilis perspicui potest.

Hibernorum

Hibernorum vestigia premens Mauritius filius Thomæ postea Comes Desmonia, Anglorum (uti fertur) fuit primus qui subditis imposuit tributa illa gravissima, **Corn & Liberty** dicta, nummos scil. cibum & hospitium pro militibus, & pabulum pro equis. Hæc introduxisse fertur tempore Edwardi II Regis Angliæ, ad sustentationem exercitus Regis, contra Scotos in Hibernia tum longè latèque grassantes, sub ductu Edwardi Brucei, qui se Regem Hiberniæ declaraverat. Ut ut fuerit, siue is primus, siue non, Scotis postea devictis, ac pace restitutâ, Tributa illa,

————— *per longas invaluere moras :*

Nam in plurimis Hiberniæ locis, per multos postea annos, imposita, misellum populū graviter afflixerunt, etiam non obstantibus Statutis quibusdam Parlamentariis, quibus istæ direptiones & expilationes prohibitæ fuerunt, sub pœna proditiōis. Sed plus valent boni mores (ut rectè Tacitus) quàm bonæ leges. De Comitibus illius Seneschallo Johanne Cotterell, morte mulctato, Radulphi de Ufford Hiberniæ Justitiarīi mandato, quod *multas graves, extraneas & intollerabiles leges exercuisset, tenuisset, & invenisset*, vid. Joh. Clynny Annales, ad annum 1345. Notant aliqui hoc ipsum exactionum genus, uni ex jam dicti Mauritiī posteris fuisse exitiale: Nam Thomas Comes Desmonia, ob similia tributa, quæ subditis imposuerat, capite plexus est Pontanæ, (quam Droghedam & vulgò *Tredagh* vocamus) Februarii 15, anno Domini MCCCCLXVII, jussu Johannis Tiptofti Wigornia comitis Hiberniæque Deputati. Atqui Thomas Russellus in Historia Geraldino-

rum, quo authore nescio, Desmonium sublatum asserit, machinationibus Elizabethæ Uxor-  
 ris Edwardi IV, in ultionem verborum quæ  
 contra eam, ad Regem loquutus fuerat. Ad  
 voces ipsas quod attinet; **Copn** verbum est  
 Anglicum, quod pecuniam significat, & **Li-**  
**borg**, in mitiori sensu, *res necessarias, quæ vel*  
*ex debito, vel honoris causâ* (ut ait Spelman-  
 nus) *Magistratui, hospitibus, seu peregrinantibus*  
*ministrantur.* Cæterum in Hiberniâ, Exaction-  
 nes istæ tanto rigore & insolentiâ fuerunt im-  
 positæ, neque porro certis temporibus, neque  
 locis limitatæ, ut inde profluxerint depopu-  
 latio, exilium & extirpatio multorum è pri-  
 mariis subditis; aliique ociosi facti, miseria-  
 rum & malorum temporum eventum expectâ-  
 rint. Sic ferè Jo. Davisius Eques aur. Jacobi  
 Regis, ad tempus, Procurator in Hibernia.  
 Quibus miseriis addi possunt (ex Statuto anni  
 X Henrici VII) homicidia, raptus & latrocinia,  
 ab ipsis militibus, quos exactiones istæ susten-  
 tabant, frequenter perpetrata. Denique, inva-  
 luerunt etiam paulatim, apud Anglos nonnul-  
 los eminentioris loci, speciatim apud Comites  
 Desmonia, Exactiones Hibernicæ suprâ memo-  
 ratæ, vel saltem earum pars maxima. Cæte-  
 rum, clauso tandem Jani templo, altæ Pacis  
 beneficio, sub Jacobo rege, Leges terræ uni-  
 versim receptæ sunt, tûmque tributa illa gra-  
 vissima & direptiones evanuerunt. Ad alia jam  
 festinamus: Siquidem de Exactionibus, satis  
 superque dictum.

## CAP. XIV.

*De Mirabilibus nonnullis Hiberniæ; Deque aliis ascriptitiis.*

**D**E Mirabilibus Hiberniæ, multa scripsit Giraldus Cambrensis, sed fabulis mirè admixta: Nonnulla etiam habet Nennius Britannus, seculis aliquot Giraldo antiquior, quæ, quia Author est adhuc ineditus, visum est transcribere. Sic igitur ille, in fine Historiæ suæ, *De primâ Inhabitatione Britonum Britanniæ Insulæ*, sub titulo, *De Mirabilibus Hiberniæ*. Sed aliqua exemplaria Gildæ nomen (ut hoc obiter annotemus) falsò præferunt.

Est ibi Stagnum (inquit Nennius) quod vocatur *Luch-lein*; (hodiè *Logb-lein* in Kerria) Quatuor circularis ambitur, Primo circulo, *Gronnâ* (sive venâ \* vel fodinâ) Stanni ambitur, Secundo circulo, *Gronnâ plumbi* ambitur, Tertio \* Afferius autem & Flor. Wi- circulo *gronnâ ferri* ambitur, & quarto circulo gorn. lo. a *gronnâ æris* ambitur. Et in eo stagno margaritæ palustria & aquis obducta multe reperiuntur, quas ponunt Reges in auribus suis.

Est aliud Stagnum quod facit ligna durescere in lapides. Homines autem findunt ligna, & postquàm formaverunt, projiciunt in stagnum, & manent in eo, usque ad caput anni, & in capite anni lapis invenitur, & vocatur stagnum (vel ingens lacus potius) *Luch-echac*. Hodiè vulgò *Logb-each*, in Ultonia.

Est aliud Miraculum in regione quæ vocatur *Cereticum*; Est ibi Mons qui cognominatur *Cruc-*



maur, & est sepulchrum in cacumine illius, & omnis homo quicumque venerit ad sepulchrum, & extenderit se juxta illud, quamvis brevis fuerit homo & parvus, similiter longitudo Sepulchri juxta staturam hominis invenitur; Et si fuerit longus & procerus, etiamsi fuerit in longitudine quatuor cubitorum, juxta staturam unius cujusque hominis, sic tumulus invenitur. Et omnis peregrinus tædiosus, qui tres flectiones flectaverit, juxta illud, non erit tædium super eum, usque ad diem mortis suæ, & non gravabitur ullo iterum tædio, quamvis habitasset solus in extremis finibus cosmi. Hoc postremum in quibusdam exemplaribus, rectius ponitur inter Mirabilia Britanniae, in quâ certè est Cereticû five Ceretica, quæ nunc nobis Cardigan-shire appellatur. Sed ut quod sentio dicam, de miraculo ipso, commentum est notissimum: in duobus verò prioribus, Nennius miscet vera falsis, De aliis ejusdem farinae Mirabilibus, apud Historicos nonnullos fit mentio, quæ sciens hîc prætereo. De Bernaclæ five Brantæ prodigiosa generatione, ex ligno in salo, tractu temporis putrefacto, vid. Giraldum Cambrensem. Topograph. Hiberniæ distinct. 1, cap. 11. Bernacla anserini est generis, fero ansere paulo minor, pectore subnigro, cætero cinereo, & anserum ferorum more volat, strepit, paludes frequentat, & segetem destruit. Caro autem paulo insuavior est & divitiis minùs appetita. Hæc ferè Gulielmus Turnerus. Vidi ego ligni putrefacti fragmentum, ex quo erumpebant minuta quædam corpuscula, testis inclusa, ex quo genere, uti recepta est opinio eorum qui prope litora habitant, à Bernaclis frequentata, tam in Hibernia quàm in Scotia, Bernaclæ originem

nem sumere solent. Porro hæc Bernacle generatio non usque adeò prodigiosa illis videbitur (inquit jam dictus Turnerus) qui quæd Aristoteles de volucre Ephemero scripsit, legerint, quòd in Hypani fluvio, ex folliculis quibusdam erumpat. Ad hanc opinionem firmandam vid. porro quæ habet Jo. Gerardus, ad finem historię suæ Plantarum. Quid è contra objicitur, petendum ex Pontani Rerum Amstelodani. Histor. lib. 2. cap. 22, & ex Fabii Columnæ Piscium aliquot historiâ, Neapoli editâ 1592. Utcunque, in re quæ plenius scrutiny mereri videatur, nihil definitio. Sed (ut caput hoc claudamus) inter verè miranda non omittendum, licèt suprâ dictum, cap. VII, Hiberniam non gignere venenatum quicquam, nec alere aliundè invecum, habere tamen araneas & lacertas, sed eas non venenatas. Unde Hiberniam de se suisque dotibus, ita loquentem introducit Hadr. Junius,

*Cui Deus & melior rerum nascentium origo  
 Jux commune dedit cum Creta altrice tonantis,  
 Noxia ne nostris diffundant sibila in oris  
 Terrifici creti tabo Phorcynidos angues;  
 Et fortè illati compressis faucibus atris  
 Viroso pariter vitam cum sanguine ponant.*

Cæterùm an lignum Hibernicum valeat contra venenata, quod aliqui asserunt, non indignum est indagine penitiore, eoque studiosius, quia venerabilis Beda Eccles. histor. lib. 1, cap. 1, asserit omnia penè quæ de eadē insula (Hibernia sc.) sunt, contra venenū valere. Denique vidimus (sic porro ille) quibusdā à serpente percussis, rasa folia codicū, qui de Hibernia fuerunt, & ipsam  
 rasuram

*rasuram aquæ immixtam, ac potui datam, talibus protinus totam vim veneni grassantis, totum inflati corporis absumpsisse ac sedasse tumorem. Interim corrigendus est Cardani error, qui lib. 10, de Subtilitate, pro Hibernia Britanniam asserit carere Serpentibus. Hæc ejus assertio in eundem errorem duxit Jul. Cæs. Scaligerû, licet ille immunitatis causas à Cardano assignatas, meritò confutet, Exercitatione 200.*

## CAP. XV.

*De Academiis, sive Scholis insignioribus Hiberniæ. Deque aliis, apud exteras nationes, Hibernorum operâ excultis.*

Sec. I.

**F**uisse olim in Hibernia Scholas insigniores, sive ut nunc appellamus, Academias, ad quas Hiberni & Britones, ac demùm Galli ac Saxones, tanquàm ad bonarum literarum Emporia confluxerunt, ex antiquis scriptoribus, fide dignis, liquidò constat. De hac re, vid. Bed. lib. 3. Histor. Eccles. gentis Anglorum cap. 7, & 27, & lib. 4, cap. 26. Item Alcuin. in prosaicâ S. Willibrordi vitâ, cap. 4, & lib. 2, de vitâ ejus, carmine, cap. 1, & 33, Eric. Autissiodorens. Monach. lib. 1, cap. ultim. de miraculis S. Germani, & Sulgeni vitam, à filio ejus Johanne, (qui claruit anno Dom. M L X X X I X) carmine descriptam. Inter Scholas eas, ut antiquissima, ita olim eminebat Armachana; De qua, ita scriptor vitæ S. Patricii, qui eam tribus libris complexus est, diù ante Anglorum adventum in Hiberniam. *Ibi B. Patricius civitatem, quæ dicitur Armachana,*

cha, instituit, in qua est omnis Archiepiscopatus Hiberniæ, quam valdè dilexit S. Patricius viper vens, & in qua summum constituit suum honorem secula. In ipsa jam civitate, scil. Armacha, Summum Studium literale manet semper. Gildam Albanium ibi ad tempus Studium rexisse tradit Carodocus Lhancarvanensis Superfunt porro etiamnùm nomina Prælectorum quorundam ibidem, sub ipsis Norwegorum in Hibernia sævientium temporibus, tanquàm antiqui splendoris reliquiæ : Atque si Florentio Cartæo credamus, ex M S. nescio quo Oxoniensi, census studiosorum ejusdem Academiæ, uno eodemque tempore olim septem millium numerum excessit. Sed hoc transeat. Author Annalium Ultoniensium ad annum 1020 (qui nobis est 1021) Armacham universam tunc combustam asserit, eodemque incendio periisse (inter alia ibi memorata) antiquam Cathedram Præceptorum : Ad annum itidem 1162 vel 1163, Synodum 26 episcoporum coactam asserit in loco dicto Cleonad, præfidente Gelasio Armachano Archiepiscopo, in qua decretum est, ut nullus deinceps ad Theologiam publicè prælegendammitteretur, nisi qui Academiæ Armachanæ fuerat Alumnus. De Schola Clonardenfi, ad Boinum flu. in Midia, hæc habemus in vita S. Finiani fundatoris, qui clârui anno Dom. DXXX, In loco qui Cluanaraird dicitur, velut Sol in medio cæli, Finianus radios virtutum & salutaris doctrinæ atque miraculorum illustrando mundum, emisit. Fama enim bonorum operum ejus, ex diversis terræ partibus, viros illustres, partim ad scripturam sacram addiscendam, partim ad Ecclesiasticam institutionem percipiendam,



dam, quasi ad quoddam totius sapientiae Sacra-  
 rium, attraxit : quorum nomina sunt, duo Kiera-  
 ni, (Kieranus filius Artificis, qui Mac-Itair di-  
 citur & Kieranus Saigre) Columba-Kill & Co-  
 lumba filius Crimthaind, duo Brandani (Br-  
 danus filius Findlogæ, & Brandanus Birra, qui  
 Propheta in Scholis illis & sanctorum Hibernensi-  
 um habebatur) & Lasarianus filius Nathsfraith,  
 & Sinel filius Maënaci, & Cainecus filius Ne-  
 potis Daland, & Ruadan Lothra, & Nannyd  
 Lamdere, & Mugenoc Killicumuli, & Episco-  
 pus Sennach. Et in vita S. Molæ, Venit ad  
 sanctam Scholam S. Finiani, in sua Civitate  
 quæ est in confinio Lagenensium, & nepotum  
 Neill : in qua Schola, multitudo Sanctorum  
 Hiberniæ Divinitatem apud S. Finianum scru-  
 tabantur. Scholam ibi Academiam vel Gym-  
 nasium significare res ipsa loquitur. Scholam  
 etiam eandem Ciceronis ætate habuisse sig-  
 nificationem, ubi vox grammaticalis non ad-  
 juncta fuit, è Cicerone rectè colligit Johan-  
 nes Caius, de Antiquitate Cantabrigiensis  
 Academiæ lib. 1, pag. 177. Neque dubitan-  
 dum est, Studium de quò suprà, idem olim  
 denotasse : Atque ita eodem sensu D. Hiero-  
 nymus ad Rusticum Monachum scribens, vo-  
 cat *Studia Galliarum florentissima*. Fuit & ali-  
 ud bonarum literarum Domicilium Rossæ in  
 Carbria, antiquitùs Ross-ailithri dictæ, à  
 S. Fachnano, Seculo sexto erectum ; De  
 quo ita Scriptor vitæ S. Mocoëmogi, Habi-  
 tavit S. Fachnanus in australi Hiberniæ parte,  
 juxta mare, in suo Monasterio quod ipse funda-  
 vit. Ibi crevit Civitas, in qua semper mansit  
 magnum Studium Scholarium, quæ dicitur  
 Ross-ailithry. Sanctum Brendanum ibi ar-  
 tes



tes liberales prælegisse asserit, quâ authoritate nescio, in Chronico suo Hiberniæ, Meredythus Hanmerus. Inter Academias itidem numerandæ sunt fortassè *Beg-Eri*, sub S. Ibaro, Clonferta, sub S. Brendano, Bangora, sub S. Congallo, Rathena (in Fercallia) & Lismora, sub S. Carthago, & Leghlina, sub S. Laferiano, Mirum est sanè, quod de magnis monachorum agminibus, sub eorum tutelis, à Scriptoribus traditum. De aliis antiquis Musarum Sedibus in Hibernia, Casseliensi sc. & Dunensi, fit nuda mentio in Epistola quadam Florentii Cartæi supradicti, ad Donatum non ita pridem comitem Thomoniæ. Sed, de iis, nihil prætereà traditum reperi. De hac re, qui plura scire avet, consulat profundæ eruditionis virum D. Jacobum Usserium Armachanum, in Britannicarum Ecclesiarum Antiquitatibus.

Venio jam ad recentiorum temporum Academias; & hîc primò se nobis offert Academia Dubliniensis. Johannem Lechum, Archiepiscopum Dubliniensem, à Clemente V, Bullam procurâsse foundationis *Universitatis Scholarium* Dublini, datam 3 Idus Julii, Pontificatus anno 7, certò constat. Sed per Archiepiscopi mortem, quæ secuta est 10. Augusti, anno Dom. MCCCXIII, irritò successu. Anno verò MCCCXX, Alexander de Bicknor successor ejus in Archiepiscopatu Academiam de novo fundavit, & Johannis XXII authoritate confirmari curavit. De regulis in ea observandis, en tibi ipsissima Instrumenti verba, *In Dei nomine, Amen. Nos Alexander de Bicknore permissione divina Dubliniensis Archiepiscopus, Volumus Concedimus & Ordinamus,*

Ordinamus, de consensu & assensu Capitulorum nostrorum S. Trinitatis & S. Patricii Dublin. Magistris & Scholaribus Universitatis nostrae Dublin. quod Magistri actu regentes dictae Universitatis possint eligere Cancellarium, Doctorem in sacra pagina, seu jure Canonico. Ita quod si in altera Ecclesiarum nostrarum S. Trinitatis vel S. Patricii ejusdem loci, in dictis scientiis fuerit aliquis in iisdem facultatibus adeptus, in Cancellarium pra omnibus ceteris, per eosdem eligatur. Et si, quod absit, in electione ejusdem Cancellarii fuerit discordia, quod tunc stetur electioni majoris partis dictorum regentium in numero duntaxat. Et Cancellario dictae Universitatis cedente vel decedente, alius infra XV dies eligatur, & idem electus nobis & successoribus nostris presentibus, seu Vicariis nobis vel illis in remotis agentibus, Sede Dubliniensi plena, & Sede vacante, Custodi Spiritualitatis ejusdem, pro confirmatione obtinenda, infra quindecim dies, a tempore electionis presentetur, pro confirmatione sua petenda & obtinenda. Volumus ad haec, quod duo Procuratores actu regentes, cum fuerit copia magistrorum regentium, simili modo ut prius eligantur. Et quod iidem Procuratores, cum Universitas praedicta Cancellario caruerit, vices suppleant ejusdem Cancellarii. Et si electio Cancellarii infra quindecim dies celebrata non fuerit, extunc devolvat Jurisdictio ad Officialem curiae Dublin. Sede plena, vel Sede vacante, ad Custodem Spiritualitatis, quousque Cancellarius electus fuerit & confirmatus, vel saltem aliquid non obsistat canonitum, quo minus debeat confirmari. Concedimus etiam quod dominus Cancellarius habeat Jurisdictionem spirituales in Magistros & Scholares, ubi actor & reus sunt de Universitate praedicta,

dicta, & in eorum familiares, & approbationem  
& reprobationem testamentorum eorum Magi-  
strorum, Scholarium, & familiarium, ac dispo-  
sitiones bonorum eorum, si intestati decesserint.  
Ita tamen quod multa ipsi delinquentibus indi-  
cenda, & emolumenta inde, & ex quacunque a-  
lia causa, de Jurisdictione predicta provenien-  
tia, in cista quadam Universitatis predicta re-  
ponantur, convertenda in utilitatem dictæ Uni-  
versitatis communem, secundum dispositionem  
Cancellarii & Magistrorum; & quod duas cla-  
ves ciste habeant Procuratores, & tertiam nomi-  
natus per Cancellarium; Et inde dicti Procura-  
tores bis in anno, coram Cancellario & Magi-  
stris rogentibus, computum reddere teneantur, vel  
coram Deputatis seu Deputandis ab iisdem. Ju-  
risdictionem verò nostram & Decani nostri S. Pa-  
tricii predicti, in familiares nostros, & Canoni-  
cos Ecclesiarum predictarum, & ad eorum fami-  
liares, & super gleba præbendarum existentes  
nullatenus à nobis seu ab ipso Decano abdicantes.  
Provisò tamen quod pro officio Cancellarii & e-  
jus oneribus supportandis, pro loco & tempore,  
secundum Universitatis facultates honorificè or-  
dinetur. Si verò Cancellarius predictus vices  
suas aliquibus, vel alicui committere voluerit, in  
causis specialiter & universaliter cognoscendis,  
facultatem eidem concedimus per presentes. Et  
si ab iisdem Commissariis appelletur, primò ad  
eundem Cancellarium & Regentes appelletur,  
qui per se in dicta causa appellationis cognoscent,  
vel per alios illa vice; à quibus si secundo appel-  
letur, ad nos vel officialem curiæ nostræ, seu Cu-  
stodem, ut præmittitur, ipsa appellatio interpo-  
natur. Licentiandi insuper Baccalarii, in fa-  
cultate quacunque, presententur Cancellario  
predicto,



prædictio & Magistris regentibus, qui si sufficientem numerum, pro tempore per ipsos ordinando, obtinuerint. Magistrorum in eadem facultate, pro literatura, & quoad illos & alios aliarum facultatum, pro moribus, deponentium, quibus credi volumus, si iurati de credulitate deponantur, non obstante minoris partis numero Magistrorum contradictione, licentientur, ali quin per gratiam transeant Universitatis. Et si quis contra licentiandus in quacunque facultate, aliquid objecerit, & illud in formâ Juris non probaverit, eo ipso habeatur pro malitiosè opponente, & propter refusionem damnorum & expensarum parti faciendarum, Universitatis privilegio privetur ad tempus, vel ad perpetuum, prout Cancellario & regentibus visum fuerit, habitâ consideratione ad qualitatem rei objectæ & conditionem utriusque personæ. Concedimus etiam, pro nobis & successoribus nostris, quod Cancellarius, de consilio Magistrorum regentium & non regentium, si necesse fuerit, Statuta condere possit, ad honorem & pacem Universitatis, & ad scandala dirimenda, quæ contingere poterint, in eventus, & illa Statuta debent nobis & successoribus nostris præsentari, & per nos & eosdem successores confirmari. Ordinamus etiam quod nos & successores nostri eligere possimus secularem in Theologia regentem, vel de quacunque religione, qui in Ecclesia nostra S. Patricii præfata actualiter legat in sacra pagina, sine alicujus contradictione vel calumnia, perpetuis temporibus in futurum. Ac nobis vel illis successoribus nostris agentibus in remotis, quod Cancellarius hoc faciat vice nostra & eorundem successorum. (Eo non obstante quod Scholæ fratrum Prædicatorum ac Minorum duximus canonizandas.) Et quod Cancellarius

cellarius electus, & à nobis & successoribus nostris confirmandus Juramentum nobis & successoribus nostris præstet fidelitatis. In cujus rei testimonium, Sigillum nostrum, unà cum Sigillis Capitulorum nostrorum S. Trinitatis & S. Patricii Dublin. prædictorum, presentibus est appensum. Datum Dublini, decimo die Februarii anno Dom. MCCCXX, & Consecrationis nostræ quarto. Tūque S. Theologiæ Doctores creati sunt ibidem Gulielmus de Hardite ordinis Prædicatorum, Henricus Cogry ordinis Minorum & Edmundus de Karmardin ordinis Prædicatorum. Item ad gradum Doctoratus in Jure Canonico, promotus est Gulielmus Rodiart Decanus Ecclesiæ S. Patricii Dublin. Qui constitutus est etiam primus Academiæ Cancellarius. Lecturam Theologicam, ab Edwardo III, ibi postea institutam docet Regem Johannis Alani Archiepiscopi Dublin. Cæterum deficientibus facultatibus, quibus alumni alerentur, Academia ipsa paulatim defecit. Remanebant quidem vestigia aliqua Academiæ, tempore Henrici VII, Nam in Concilio Provinciali Dublini habito, in Ecclesia S. Trinitatis, coram Waltero Fitz-Simons tunc Archiepiscopo Dubliniensi, concessa sunt, ad septennium, Lecturibus Universitatis, stipendia quædam, ab Archiepiscopo, Suffraganeis & Clero Provinciæ Dubliniensi, annuatim solvenda. Tandem verò Elizabetha Regina, Dublinio Academiæ honorem restituit: Nam Collegium SS. Trinitatis nomini consecratum, posuit (in loco ubi olim Dermotus filius Murchardi rex Laginæ, cænobium omnium Sanctorum, vulgò dictum *Al-Hallows*, Canonicis ord. Aro-



censis construxerat) prædiis ditavit & Academicis ornavit Privilegiis. Primum lapidem posuit Thomas Smithus Prætor Dubliniensis, 13 Martii anno MDXCI, stylo Anglicano, & 9 Januarii MDXCIII, studiosi primum admissi. Eidem postea Collegio rex Jacobus præter annuam 388 librarum & 15 solidorum Monetæ anglicæ, è fisco, pensionem, amplissimas in Ultonia possessiones elargitus est. Atque hæc unica nunc est Hiberniæ Academia, Athenæ nostræ. Neque silentio prætermittenda est Academia \*Pontanæ erecta, authoritate Parlamenti ibi habitæ, Menſe Novembri MCCCCLXV, coram Thoma Comite Desmondæ, Deputato Georgii Ducis Clarentiæ, Hiberniæque Locum-tenentis, & Academiæ Oxoniensis Privilegiis adornata. Cæterum ea Academia, ex defectu proventus, brevi evanuit.

\* al. Drog-  
hedæ.

Fundationis Statutum ipsum (Gallicè, pro more illorum temporum) typis antehac non excusum, lectori integrum hîc visum est exhibere, ex Archivo Cancellariæ Hiberniæ, anni V Edwardi IV, cap. 46.

*Item a la requisition des Communes, Que pource que la terre d'Irland a nulle Université, ni Estude generale, dans la mesme, laquelle œuvre voudroit cause si bien l'encreſſe du science, richesse & bonne governance, comme l'avoidance du riot, male governance & extorsion dans la dite terre. Ordonné est & establié & granté par authorite du dit Parlement, que soit une Université à la ville de Drogheda, en laquelle Université, pouvoient estre faits Bacheluers, Maistres & Docteurs en toutes sciences & facultez, si comme ils sont en l'Université de Oxenford, & aussi*

aussi d' avoir , occuper & enioier toutes manières, libertes, privileges, & loix , & laudables coustumes, que la dite Université d' Oxenford a occupié & enioié. Perainsi qu' elle ne soit prejudiciable au Maire , vicomité , ni communauté de la ville de Drogheda. Ita Statutum.

De Academiis apud exteras nationes ab *Seç. 2.*  
Hibernis excultis, Parisiensi nimirum in Gallia, & Ticinensi, sive Papiensi, in Italia, vid. quæ habet Notkerus Balbulus, vetustus cœnobii Sangallensis Monachus, lib. de Gestis Caroli Magni, quem ex MS. codice Bavarico, edidit Henricus Canisius, tomo I antiquæ Lætionis, anno Dom. MDCI. Consule etiam D. Rothæum, in Brigidâ Thaumaturgâ, & Hiberniâ resurgente.

## CAP. XVI.

*De antiqua Dispositione Episcopatum  
Hiberniæ.*

**P**Arnassum Hibernicum obambulavimus. Nunc Sedes Episcopales videamus. Johannes Paparo Presbyter Cardinalis tituli S. Laurentii in Damaso, Legatus ab Eugenio III, in Hiberniam missus quatuor Pallia secum detulit, quæ (ut aliàs diximus) in Synodo habitâ Mense Martio, anno MCLII, quatuor Archiepiscopis tradidit, Armachano scil. Dubliniensi, Casseliensi & Tuamensi. De loco Synodi variant Scriptores; Nam aliqui in cœnobio Mellifontis, alii Kenanusæ sive Kenlisæ, (quam hodiè contractè *Kells* dicimus)

in Midia habitam volunt. In ea Synodo cui-  
libet Archiepiscopo certus Suffraganeorum  
numerus subjectus est & assignatus. Horum  
Dispositio, in codice Censuum cameralium  
Centii Camerarii, qui fuit postea Honorius  
III, ita exhibetur.

*Sub Archiepiscopo Armachano.*

Epis- copa- tus de	{	Conner.	Sive recē- tiori- bus nomi- nibus, Epis- cop.	{	Conorensis.
		Dū-daleghlas.			Dunenſis.
		Lugud.			Ludunenſis,
		Cluainiard.			al. Louthenſis.
		Connanas.			Clonardenſis.
		Ardachad.			Kenanenſis,
		Rathboth.			al. Kellenſis.
		Rathlurig.			Ardachadēſis.
		Damliag.			Rapotenſis.
					Rathlurienſis.
					Damliagenſis
					al. Dulekenſis.
		Darrich.			Derenſis.

De hac Distributione, non pauca hîc notanda :  
Nam si ad recentiora tempora veniamus, Se-  
des Clonardenſis, Kenanenſis, & Damlia-  
genſis, non diu post Anglorum adventum in  
Hiberniam, coaluerunt; ideoque Episcopi jam  
inde, à Midia, in qua dictæ sedes sitæ, sty-  
lum mutuati, Episcopi Midenſes sunt appel-  
lati. Item Sedes Rathlurienſis adjecta est Ca-  
thedræ Derenſi. Ad Lugudunenſem quod at-  
tinet; illius Sedis Episcopus quandoque  
Ludunenſis sive Lugudunenſis, quandoque  
Clochorensis dicebatur. Nam licet illæ  
duæ Sedes (Ludunenſis & Clochorensis)  
originitus fuerint distinctæ, tandem tamen  
coaluerunt,

coaluerunt & unitæ manserunt, usque ad tempus Davidis O-Bragan Episcopi Clochorensis (qui vixit sub Henrico III,) Tùm verò omnes Ergalliæ sive Urielis Decanatus, qui olim suberant Episcopo Ludunensi sive Clochorensi, unà cùm ipsa Ecclesia Ludunensi, ab eo abstracti fuerunt, & Diœcesi Armachanæ adjecti. Qua de re extat jam dicti Davidis Actio, data Perusii, Id. Augusti anno MCCLII, contra Reinerum Archiepiscopum Armachanum, licèt irritò successu. Denique in hac Distributione, (quod hîc non prætermittendum) defunt Sedes Dromorensis, Clonmacnoisensis & Triburnensis, quæ postrema, vetusto eo nomine tandem deposito, nomen accepit Sedis Kilmorensis, ex quo Andreas, (Bradæus ni fallor) loci Episcopus circa annum MCCCCLIII, Ecclesiam parochialem S. Felimei de Kilmore, Nicolai quinti Papæ assensu, in Ecclesiam erexit Cathedralem. Ad sedendi ordinem quod attinet, inter Episcopos Suffraganeos Hiberniæ, in Conciliis & alibi, Episcopus Midensis primū habuit locum; Secundum sibi asseruit Episcopus Darenensis, Cæteri secundum tempora ordinationum sederunt.

*Sub Archiepiscopo Dublinensi.*

Episcopus de	{	Clendelachi.	{	Postea dicti Episcopi.	{	Glendelatenensis.
		Fern.				Fernensis.
		Cainic.				Orioriensis,
		Leghlin,				Lechlinensis.
		Childar.				Darenensis.



Sedes Glendelacensis quæ (in Bulla Lucii Papæ III data 1182, à Johanne Comino Archiepiscopo Dublin. impetrata) dicta est *Episcopus Insularum*, unita fuit postea & annexa cathedræ Dublinensi, tempore Henrici Loundres Archiepiscopi Dublinensis. Non defuerunt qui tradidere Sedem Fernensem olim subfuisse Cathedræ Menevensi in Wallia ; Sed transeant conceptus isti imaginarii.

*Sub Archiepiscopo Casseliensi.*

<i>Episcopus de</i>	Cendaluan.	<i>Postea di- citur Episcopus</i>	Laonensis al.
	Limerich.		Killalow.
	Insula Gathay.		Limericensis.
	Cellumabrach.		Iniscattiensis.
	Ole-imlech.		Fenaborens. al.
	Roscreen.		Kilfenoragh.
	Waltifordian.		Imelacensis.
	Lismor.		Roscræensis,
	Cluainvanian.		Waterfordiens.
	Corcaia.		Lismorensis.
	Ros-ailither.		Clonensis.
	Ardfert.		Corcagiensis.
			Rossensis.
			Ardfertensis.

Ex his, Sedes Iniscattiensis, post Anglorum ingressum, adjecta est Cathedræ Limericensi, & Roscræensis, Laonensi. Item adunatæ sunt sedes Waterfordiensis & Lismorensis, deinde Corcagiensis & Clonensis, atque demum Imelacensis adjuncta est Casseliensi.

*Sub*

*Sub Archiepiscopo Tuamensi.*

Epis- copa- tus de	{	Mageo.	{	Po- stea dicti Epi- sco- pa- tus	{	Magionensis.
		Cell-alaid.				Alladenfis, vul- gò <i>Kill-alla</i> .
		Roscoman.				Roscomanensis
		Cluanfert.				Clonfertenfis.
		Achad.				Achadenfis.
		Cinani.				vulgò <i>Achoury</i> .
		Celmun-duac.				Cluanensis.
						Duacensis vul- gò <i>Kilmacogh</i> .

Ex his, sedes Episcopalis Magionensis po-  
stea adjuncta est Cathedra Tuamensi, sicut,  
quæ in dicta distributione omissa, Enaghdu-  
nensis. Porro Roscomanensis Elphiniæ po-  
stea translata est, & Chuanensis Provinciæ Ar-  
machanæ adjecta, post longam nimirum ea de  
re contentionem Romæ agitatam, inter Archi-  
episcopos Armachanum & Tuamensem. Nam  
non possum non suspicari *Cinani* corruptè  
ibi legi pro Cluana (vulgò Clonmacnoisa) tum  
ob nominis affinitatem, tum ob sedis illius  
propinquitatem, ut quæ à provincia Tuamensi  
Shenano flumine tantum determinatur.

Nomina Episcoporum qui Synodo interfu-  
erunt, in qua facta fuit dicta distributio, ex  
antiquo codice MS. visum est hic appo-  
nere; quia huic rei lucem aliquam præ-  
bent,

*Giola-Christ* (sive Christianus) *O Conarchi*  
*Episcopus Lismorensis Legatus, Giolla mac-liab*  
(al. Gelafius) *Primas Hiberniæ, Domnaldus O*  
*Lonargain Archiepiscopus Momoniensium, i.*  
*Casseliensis, Æda O Hossin Archiepiscopus Con-*  
*naghten-*

*naghtensium*, i. *Tuamensis*, *Greri* (five *Gregorius*) *Episcopus Athacliath*, i. *Dubliniensis*, *Giolla-na-namb* *Episcopus Glendelacensis*, *Dungallus O-Cellaid* *Episcopus Lechlinensis*. *Tristius* *Episcopus Waterfordiensis*. *Domnaldus O-Fogortaie* *Episcopus Ossoriensis*, *Find mac Tiarcain* *Episcopus Kildarensis*, *Gillo-anchomdheh* (five *Deicola*) *O-Ardmail* *Episcopus Imelacensis*; *Giolla-Æda* *O-Margin* *Episcopus Corcagensis*, *Macronan* *Episcopus Kierensis*, i. *Ardfertensis*, *Torgesius* *Episcopus Limericensis*, *Muirchertachus O-Melider* *Episcopus Cluainmicnois*, *Meliosa O-Conachtain* *Episcopus Airthir-conacht*,  
 ——— *O-Ruadan* *Episcopus Luigni*, i. *Achadensis*, *Macraith O-Morain* *Episcopus Conmacne*, i. *Ardachadensis*, *Ethru O-Miadachain* *Episcopus Cluanairardensis*, *Tuathal O-Connachtaig* *Episcopus Huambruin*, i. *Enachdunensis*, *Muiridheach O-Cobthaig* *Episcopus Ceanla-Eogain*, i. *Derenfis*, *Mel-Patricius O-Bainan* *Episcopus Dailairaid*, i. *Connorensis*, *Maliosa Mac-Incle-ricuir* *Episcopus Ullagh*, i. *Dunensis*. *Cæteris*, quorum tituli, à regionibus, in quibus *Sedes* eorum sitæ, quandoque mutuabantur, suprà recentiora nomina adjecimus. Huic *Distributioni* sic absolutæ visum est adjicere *Insignia* jam dictarum *IV Sedium Archiepiscopalium*.


Fuerunt

# INSIGNIA

89

Sedium Archiepiscopatum  
Hiberniæ,

Sed. Armagh.



Sed. Dublin.



Sed. Cassel.



Sed. Tuam.





Fuerunt & aliæ sedes Episcopales in Hibernia, ante Paparónis adventum, de quibus fit mentio apud Scriptores Hibernicos, Trimmenfis nimirum, Sleptensis, Lusensis, Ardmorenfis, Ardsrathensis, Slanensis & (ut cæteras hic prætermittamus) Saigerensis. Sed illæ partim in Synodo suprâ memorata, partim antea, & partim brevi postea aliis cathedris adjunctæ fuerunt & annexæ. Denique si prima surgentis Ecclesiæ Hibernicæ tempora spectemus; Jocelinus Furnessensis in vita S. Patricii cap. 186, affirmat eum CCCL (Nennius habet CCCLXV,) *Episcopos manu suâ consecrâsse*. Ut ut fuerit, Sedes illius ævi Episcoporum, in villis exiguis plerumque sitas, non diu postea, ad longè minorem numerum fuisse redactas, certò constat. Sed hæc pleniorē requirunt disquisitionem; Nos aliò festinamus.

---

C A P.

---

## CAP. XVII.

*De Corbis sive Corbanis, Erenachis sive Herenachis, Scribis, Colideis & Anachoretis Hiberniæ:*

*Deque Igne dictoq inextinguibili, à Monialibus Kildariensibus, olim custodito.*

**D**E ordinibus hîc agimus in Ecclesia Hibernica olim repertis, è quibus nomina aliqua rarò alibi audita. Corba sive Comorba, Corbanus sive Comorbanus, (nam variè legitur) significat, secundùm aliquos Chorepiscopum, unde nomen (ut putant) barbara contractione sortitum; Alii volunt *Comfurbach* Hibernis significare comprædianum, sive ejusdem prædii vel patrimonii possessorem. Passim verò (ut rectè Colganus) usurpatur, apud priscos nostros Scriptores, pro successore in Prælatura, vel dignitate Ecclesiastica. Et hoc sensu in Annalibus & Historicis Hibernicis sæpè occurrit mentio Comorbanorum Patri-  
cii, Albei, Jarlathi, Columbæ, Fechini, aliorum. Cæterum hoc loco, loquimur tantùm de Comorbanis qui laici fuerunt, & plerumque uxorati, licèt ex iis aliqui impropriè olim appellabantur Abbates, & alii, Priores. Illis, eorùmque familiis assignatæ sunt terræ quædam liberæ, vulgò **Termon-lands** dictæ, de quibus plura postea in Erenacho. Neque Wallis olim (ut opinor) ignotus fuit hic Ordo, licèt alio vocatus non in-. Nam Comorbanum denotare videtur Giraldus Cambrensis, Itinerarii

rarii Cambriæ lib. 2, cap. 4, nomine Abbatis laici. Sic enim ille. Notandum autem quòd hæc Ecclesia (de Lhan-Padern-Vaur, sive Ecclesia Paterni magni loquitur) sicut & aliæ per Hiberniam & Walliam plures, Abbatem suum habet. Usus enim inolevit & prava consuetudo, ut viri in Parochia potentes, primò tanquam Oeconomi, seu potius Ecclesiarum Patroni & Defensores, à clerò constituti: postea processu temporis, auctâ cupidine totum sibi jus usurparent, & terras omnes cum exteriori possessione, sibi impudenter appropriarent: solum altaria cum decimis & obventibus clerò relinquentibus, & hæc ipsa filiis suis & cognatis assignantes. Sed pergamus.

Seç. 2.

Ad Erenachum sive Herenachum jam ventum est: Is Archidiaconi munere functus, unde nomen accepit, non autem superioris generis (ut in Dom. Henrici Spelmanni Archæologo, ex observationibus D. Jacobi Usserii Armachani legimus) qui hodiè sub Episcopo, Jurisdictione fruitur, sed antiqui illius, qui Presbytero inferior, pauperes & Xenodochia (diaconias inde appellata) curabat. Illi porrò ejusque stirpi assignatæ sunt olim terræ dictæ **Termon-lands**, utpote liberæ & immunes à secularibus impositionibus, sed pensionibus quibusdam & refectionibus, annuatim Episcopo in cujus Diocœsi fuerunt, pendendis, oneratæ. Verbum *Termon* mutuatum videtur à Termino Deo, cui Ethnici olim templa construebant, quòd rusticorum lites, in dividendis agris, eum sustulisse crederent. Ita *Termon* fuit quasi terminus, sive prædium limitatum & distinctum à prædiis Laicorum, unde & dici cœpit pro Sanctuario. Sed

Sed ad Erenachum redeamus. Mortuo aliquo Erenacho, cæteri ejusdem stirpis, qui terras eas possederunt, talem è suâ familiâ, ad hoc munus suscipiendum elegerunt, qualem ob ætatem & mores, idoneum judicârunt. Is, uxoratus plerûmque, sed qui primam habuit tonsuram, Episcopo præsentatus, ab eo admisus est & confirmatus, ac sub introitu, subsidium Episcopo solvit; sin ob justas aliquas rationes rejectus, alium in ejus locum elegerunt. Si discreparet de electione familia, tunc ab Episcopo & clero electus est Erenachus, at ex eadem stirpe. Si porrò stirps ea deficeret, tunc ab Episcopo & clero, ad munus illud subeundum, alia electa est familia, sub conditionibus olim usitatis. Sunt qui Herenachum à verbo *hæreo* ducunt, quòd gremio Ecclesiæ quasi hærebat, & alii, qui per *Termon*, *Terram Monachorum* intelligunt. Sed ego priores deductiones magis probo.

*Scribe* apud Judæos, Lectores erant & Do- Sect. 3.  
ctores sive Interpretes Legis. Ad veteres Hibernorum Scribas quod attinet, non possum non per eos intelligere Theologiæ Lectores. Ita olim vocabantur viri eruditione clari, Suibneus Clonmacnoisensis, qui obiit anno Dom. DCCCXCI, Cormacus Culiani filius, Rex & Episcopus Casseliensis, in prælio occisus an. Dom. DCCCCVIII, & (ut alios hîc prætermittamus) Cele *Comorbanus S. Comgalli* qui ex hac vitâ migravit an. Dom. DCCCCXXVIII. *Lectoris* nomen longè frequentius (fateor) apud historicos Hibernicos invenitur. Non desunt tamen (ne quid lectorem celemus) qui per veteres Hibernorum *Scribas*, Scriptores intelligunt. *Quære.*

Erant



Sed. 4.

Erant porrò apud Hibernos, Presbyteri nonnulli, *Colidei*, five *Culdei*, i. e. cultores Dei appellati. Ita in Insula Viventium, Hibernicè Inchintemeo, apud Tipperarienses in Momonia, erat *Capella*, cui (ut Giraldus Cambrensis testatur, Topograph. Hiberniæ distinct. 2. cap. 4.) *pauci cælibes*, quos *Cælicolas* vel *Colideos* vocant, devotè deserviebant. Ibi certè cœnobium erat olim Canoniorum regularium. Quære an dicti Colidei ejus fuerint ordinis. Monachos quosdam ita dictos in *Enbly* (five *Berdseja*) insula, apud Cambros, disertè asserit dictus Giraldus, Itinerar. Cambr. lib. 2, cap. 6. Erant porrò Presbyteri quidam seculares, choro inservientes in Ecclesiâ Cathedrali Armachanâ qui Colidei appellabantur, & eorum Præses, Prior collegii Colideorum, eratque loco Præcentoris dictæ Ecclesiæ. Hunc, vacante Prioratu, eligebant Colidei, & sic electum confirmabat Archiepiscopus Armachanus. Erat item Prior Colideorum apud *Cluain-Inis* in agro Monaghanensi. Item alius, apud *Devenish* in agro Fermanachano, uti testatur Regestum Johannis Kyte, sub Henrico VIII, Archiepiscopi primum Armachani, deinde Thebani, ac demùm Episcopi Carleolensis in Anglia. Monachos porrò & Sacerdotes apud Scotos Albanienſes, *Culdeos* olim dictos, notat Hector Boëthius, Histor. Scotiæ lib. 6. Denique non ignotum erat hoc nomen, apud ipsos Anglos: Nam Regestum chartarum Hospitalis S. Leonardi Eboraci (quod in Bibliotheca instructissima D. Thomæ Cottoni Baronetti asservatur) docet *Ministros* Ecclesiæ Cathedralis S. Petri Eboracensis, tempore Æthelstani regis Angliæ, dictos

Etos fuisse *Colideos*, ac ejusdem ecclesiæ *Colideos*, sub Gulielmo Victore, fundasse *Hospitale* S. Petri Eboraci, *pauperibus ad ipsam civitatem confluentibus*, sed à Gulielmo Rufo rege postea translatum ad locum Regium; & jam inde à Stephano rege, qui ecclesiam ibidem, in honorem S. Leonardi, construxit, dictum *Hospitale* S. Leonardi.

Neque deerant Anachoretæ, qui cellas suas *Sec. 5.* habebant *Fouræ*, *Lismoræ*, *Kilkennia*, ad S. *Dulachi*, & alibi in Hibernia. Hi alio nomine dicebantur *Inclusi*, quod in cellis sive Anachoretagiis se includerent. Atqui mos ille non tam strictè observabatur, quin qui semel inclusus, aliquandò dispersione aliò migraret. Sic in annalibus Ultoniensibus, ad annum 928, ita legimus, *Cele Comorbanus Comgalli Scriba, Anachoreta & Apostolicus Doctor totius Hiberniæ, anno 59 ætatis suæ, 18 Calendas Octobris, in peregrinatione, feliciter Romæ quievit. Et Marianus Scotus, in Chronico suo, ad annum 1069, Ego miser Marianus, jussu Episcopi Moguntinensis & Abbatis Fuldensis, feria sexta ante Palmas, 3 nonas Aprilis, post annos decem meæ inclusionis, solutus de clusa in Fulda, ad Moguntiam veni, & in festivitate septem fratrum secundo includor. Sic ille de seipso. Regula vitæ Anachoreticæ extat in libro MS. olim pertinente ad cœnobium S. Thomæ juxta Dublin. cum adjunctâ Epistolâ Roberti cujusdam Presbyteri, ad Hugonem Anachoretam, de eodem argumento, scriptâ (ut conjicio) circa tempora Henrici III. Sed eorum varias olim fuisse regulas certò liquet. In Regesto Octaviani de Palatio, Florentini, Archiepiscopi Armachani, fit mentio Meileri Bratnagh, Ordinis*

dinis Minorum de Observantiâ, qui oculorum  
 mine orbatus admissus est per dictum Archie-  
 piscopum, 10 Julii MDVIII, *Anachoriticam*  
*ducere vitam, juxta Ecclesiam Cathedralem*  
*Casseliensem, ubi sibi locum in pariete con-*  
*struxerat.* De Inclusis, vid. plura apud Mari-  
 anum Scotum & Florentium Wigorniensem,  
 ad ann. MXLIII & MLVIII. De alio Ana-  
 choretarum genere, vid. *vitae Patrum*, lib. 4,  
 cap. 8. *Seniores* hîc prætermitto, à Scriptori-  
 bus antiquis Hibernicis ita nempe appellatos,  
 quòd *Senior*, dignitatis, apud eos, non Ordini-  
 nis alicujus specialis neque Officii fuerit no-  
 men. Præterea itidem regulas monasticas,  
 Sanctis Albeo, Columbæ, Congallo, Colum-  
 bano, & Comano adscriptas, ut quæ ad præ-  
 sens institutum non pertinent.

*Sec. 6.*

De igne dicto inextinguibili, à Monialibus  
 cœnobii S. Brigidæ Kildaræ, olim custodito,  
 ita Giraldus Cambrensis, *Topograph. Hiber-*  
*niæ* distinct. 2, cap. 34, *Apud Kildariam, quam*  
*gloriosa Brigida reddit illustrem, digna sunt*  
*memoratu, miracula multa; Inter quæ primum*  
*occurrit ignis Brigidæ, quem inextinguibilem di-*  
*cunt, non quòd extingui non possit, sed quòd tam*  
*solicite tam accurate Moniales & sanctæ mulie-*  
*res ignem, suppetente materia, fovent & nutri-*  
*unt, ut à tempore Virginis, per tot annorum cur-*  
*ricula semper manserit inextinctus, & cum tan-*  
*ta lignorum strues, tanto in tempore sit hîc con-*  
*sumpta, nunquam tamen cinis excrevit.* Hinc  
 ipsum Monalium cœnobium, **the fire house** sive  
 domus ignis vulgò vocabatur. Ceterum extin-  
 ctum fuisse hunc ignem Kildariæ, per (Henricum  
 Loundres) Archiepiscopum Dubliniensem, anno  
 Dom. MCCXX, tradit author quidam anony-  
 mus

mus ordinis (ni fallor) Prædicatorum, qui Annales rerum Hibernicarum breviter descripsit, ab anno Dom. 1163, ad annum usque 1314, quo vixit. Hoc ideò fortè factum est ab Archiepiscopo, quòd mos ille alibi inusitatus originem suam traxisse videretur ab imitatione Virginum Vestalium, quas Numa Pompilius primùm instituerat, Vestæque sacris ac perpetuæ ignis custodiæ dicârat. *Focum Vestæ virginibus*, ait Lucius Florus, de Numa loquens, *colendum dedit, ut ad similitudinem cælestium Syderum, custos Imperii flamma vigilaret.* Vestam porrò pro igne perenni aliquando usurpari, docet Ovidius, Fastor. 6,

*Nec tu aliud Vestā quàm vivam intellige flammā.*

Sed hoc obiter. Ut ut fuerit, morem ignis fovendi in jam dicto cœnobio à Monialibus S. Brigidæ usitatum durâsse postea (pro pauperibus, ut dicitur, & hospitibus refocillandis,) ad tempus usque suppressionis cœnobiorum sub Henrico VIII, certò constat. De hoc igne, si plura velis, Giraldum Cambrensem consulas, Topographiæ Hiberniæ distinct. 2, cap. 35 & 36. Hæc sufficient hîc.

---

H

C A P.

---



## CAP. XVIII.

*De Veterum Hibernorum Navigiis quibusdam,  
coriis inteētis.*

**H**iberni veteres, navigiis vimineis, coriis vaccinis inteētis, usi sunt, nec in fluviis tantum, sed interdum etiam in ipso Oceano. Naviculæ illæ, vel cymbæ potius, Hibernis *Corraghs* appellantur, à Britan. ut videtur *Eorag*, quod cymbam sonat corio conteētam: Vid. Guliel. Somneri Glossarium, ubi nomina etiam invenies doctorum quorundam viro- rum, qui de naviculis hujusmodi scripserunt. S. Cormacum tali usum fuisse naviculâ, cum pelliceo teētō, in tertia sua navigatione, docet Adamnanus, vit. S. Columbæ lib. 2. cap. 29. Item Probus, lib. 2. vitæ S. Patricii, de Mac-fil five Mac-Cuil episcopo Manniensi loquens, *Cum esset (inquit) super mare, in navi pelleâ, as- pirante aquilone, projectus est in insulam Euboniam nomine, &c.* Meminit porro hujus generis na- vigii Florentius Wigorniensis, in Chronico suo, ad annum Domi. (secundum Dionysium) DCCCXCII, Tres (ait ille) Scotici viri Duf- slanus, Macbethus, Magulmumenus, peregrinam ducere vitam pro Domino cupientes, assumpto se- cum unius hebdomadæ viatico, occultè de Hiber- nia fugerunt, carabumq; qui ex duobus tantum co- riis & dimidio factus erat, intraverunt, mirumq; in modum, sine velo & armamentis, post sep- tem dies, in Cornubiâ applicuerunt, & postmo- dum Regem Alfredum adierunt. Hæc ille, ex Mariano Scoto. Item Gildas, in Epistolâ suâ, de Britannia excidio, *Emergunt certatim de Carruchis*

*Carruchis* (sive carrabis) quibus sunt trans Scythicam vallem eveēti &c. tetri Scotorum Pictorumque greges. Sed classis Hibernicæ in Britanniam appulsum sub Honorio & Arcadio Impp. intelligere videtur Claudianus, cum lib. 2, de laudibus Stilichonis, Britanniam ita loquentem inducat,

*Me quoque vicinis pereuntem gentibus, inquit,  
Munivit Stilicho, totam quum Scotus Iernen  
Movit, & infestis spumavit remige Tethys.*

Sed ut cœpta persequamur; Isidorus, Originum lib. 19, cap. 1, *Carabum* exponit esse parvam scapham, ex vimine factam, crudoque corio contectam. Tales naviculas habuisse olim Britannos testatur Plinius, lib. 4, cap. 16, & lib. 7, cap. 56. Item Lucanus, lib. 4,

*Primum cana salix madefacta vimine, parvam  
Texitur in puppim, cæsoque inducta Juvenco  
Veētoris patiens tumidum supereminet amnem.  
Sic Venetus, stagnante Pado, fusoque Britannus  
Navigat Oceano.*

Et Solinus Polyhistor, cap. 35, *Mare quod inter eam (Hiberniam sci.) & Britanniam interfuit undosum inquietumque, &c. Navigant autem vimineis alveis, quos circumdant ambitione tergorum bubalorum. Eodem modo & Saxonicos Piratas olim navigasse docet Apollinaris Sidonius, carm. 7,*

*Quin & Aremoricus piratam Saxona tractus  
† Sperabat cui pelle salum sulcare Britannum  
Ludus, & assueto glaucum mare findere lembo.*

† Sperabat;  
i. timebat.

Sed idem Navigii genus olim apud alias gentes in usu fuisse, è Seneca, Solino, Orofio & aliis è veteribus intelligimus. Non negandum tamen Anglo-Saxones antiquos, (ut de Phœnicibus, Græcis, Romanis, &c. hîc taceamus) præter naviculas eas prædatorias, naves etiam habuisse præfidiarias. De remorum numero quibus agebantur naves Alfredi Regis Angliæ, ita Henricus Huntindoniensis, Rex *Alfredus naves longas sc. 40 remorum vel plurimum fecit parari, contra puppes Dacorum.* De Edgari Regis ingenti classe, vid. Florentium Wigornienf. ad an. DCCCCLXXIII, & Florilegum ad annum DCCCCLXXV. Et si ad recentiora tempora veniamus, non sumus nescii quantum honorem Anglicæ genti addiderunt copiæ maritimæ, naves instructissimæ, *Muri illi lignei Angliæ*, (ut eas appellat D. Walterus Raleghus equ. aur.) & nautarum exquisita peritia in re nautica, cum adjuncta indefatigabili industria in navigationibus ad oras remotissimas. Non abs re erit forsan hîc etiam annotare Hibernos veteres alio cymbæ genere, in fluviis & lacubus fuisse usos, è quercu cavata, quod aliquibus in locis etiamnum in usu est, & Hibernicè *Cotti* Anglicè *a Cot* dicitur.

---

## CAP. XIX.

*De More antiquo creandi Milites,  
apud Hibernos.*

**P**Rimus (quod sciam) qui de hac re literis quicquam commisit, fuit Johannes Froissardus Gallus, in Historiâ suâ. Narrationem is habet (vol. 4, cap. 63,) de 4 regibus (vel dynastis potius) Hibernicis, qui licet more patrio, ordinem militare suscepissent, iterum tamen à Richardo II rege Angliæ, dum Dublinii esset, in prima sua expeditione Hibernica, milites creati fuerunt, more Anglicano. Rem verò ita ille aperit. Hi reges, post submissiones & agnitas Regi Richardo fidelitates, committebantur curæ Henrici Castilii Angli, qui linguam Hibernicam callebat, Mandatum is à rege acceperat, de iis informandis & instruendis in moribus Anglicanis, & speciatim de iis inducendis ad ordinem militare suscipiendum, more Anglicano. In hac re, ita se gessit Castilius, ut ejus suasu & rationibus evicti reges, manus dederint. Dicebant tamen se à patribus suis, diù antea, nimirum cum annos nati essent septē, creatos fuisse milites, more antiquo, quo singuli reges Hibernici solebant creare filios milites, & (quod ad ceremonias attinet) quemq; tyronem, tempore creationis, hastam tenuem, tam puerili ætati aptatam, in clipeum, palo in medio prati affixum, cursu impingere solitum, deinde pro numero hastarum ibi fractarum, magis aut minus honoratum. Addit Froissardus reges illos ple-



nius, ab Ormonia comite instructos, & Richardi regis jussu, pro dignitate, vestitos, admodum solenniter Dublinii in Ecclesia Cathedrali, vigiliis peractis & missâ auditâ, iterum manu Regis, milites fuisse creatos, eodemque tempore alios itidem eundem suscepisse ordinem. Hæc ferè Froissardus. Atqui de puero creato milite, longè antiquius habemus exemplum, apud Guliel. Malmesbur. de gestis Regum Angliæ, lib.2, cap.6, in creatione Athelstani, qui postea rex fuit Angliæ, *Nam & avus ejus Alfredus (verba sunt Gulielmi Malmesburiensis) prosperum ei regnum olim imprecatus fuerat, videns & gratiosè complexus speciei spectatæ puerum, & gestuum elegantiam, quem etiam præmaturè militem fecerat, donatum chlamide coccinea, gemmato balttheo, ense Saxonico, cum vaginâ aureâ.* Hic obiter (ex Archivo fiscali Angliæ, an. 18 Richardi 2) observare liceat Dynastarum Hibernicorum submissiones factas fuisse Pontanæ in domo fratrum Prædicatorum, Rege ipso coram, 16 die Martii 1394, stylo Anglicano, unâ cum ritu insequenti; Quilibet ante verba submissionis, zonam cum cultello, & capitium ipsius à se amovens, genibus flexis, ad pedes dicti Dom. Regis procidit, & ambas manus suas, palmis ad invicem junctis erigens, inter manus dicti Domini Regis erectas, tenuit. Atque hæc gesta sunt paulò ante Militum creationem à Froissardo memoratam. Videamus jam alia.

CAP.

## CAP. XX.

*In quo ostenditur Hiberniam in Romanorum potestatem nunquam concessisse.*

**R**omanos olim in Hibernia subjuganda aliquid tentasse credunt nonnulli, & ægrè colligunt ( ut ait Camdenus ) ex illo Juvenalis,

————— *Arma quid ultra*  
*Litora Juvernæ promovimus, & modo captas*  
*Orcadas, & minimâ contentos nocte Britannos.*

Aliqua exemplaria Chronici Eusebii Galbam in Hibernia imperium arripuisse habent, Sed Hiberia legendum. In Hispaniâ enim (quæ & Hiberia dicta) hoc factum, è Suetonio liquet, uti rectè notat Ortelius. Innuit etiam Panegyricus Constantio Chloro Augusto dictus, Hiberniam sub ejus fuisse nutu, *Britannia* (inquit) *ita recuperata est, ut illæ quoque nationes terminis ejusdem Insulæ coherentes, vestris nutibus obsequantur.* Et in recentiorum Chronicis (ut jam dictus Camdenus notat) Hiberniam cum Britannia & Thule Constantino Constantini Maximi filio, in Imperii Divisione obvenisse scribitur. Veruntamen, de expeditione aliquâ Romanorum in Hiberniam, vel insulæ illius expugnatione ab iis, tam apud Historicos Hibernicos, quàm ipsos Romanos, altum est silentium. Et ego quidem Camdeno assentior, quod felix faustumque Hiberniæ fuisset,

fuiſſet, ſi in Romanorum poteſtatem conceſſiſſet, nam citius tunc barbariem exuiſſet. Julio Agricolaë animus quidem fuit Hiberniam invadere, cum Regulum quendam Hibernicum ſeditione expulſum, ſpecie amicitiaë, retinuerit: nihil tamen in ea ſubjuganda tentavit. Sed audiamus jam quid de hac re ſcripſit Tacitus, in Agricolaë vita. *Quinto expeditionum anno (inquit) nave prima tranſgreſſus, ignotas ad tempus gentes, crebris ſimul & proſperis præliis domuit, eamq; partem Britanniaë, quæ Hiberniam aſpicit, copiis inſtruxit, in ſpem magis quam ob formidinem: Siquidem Hibernia medio inter Britanniam atque Hispaniam ſita, & Gallico quoque mari opportuna, valentiſſimam Imperii partem, magnis invicem uſibus, miſcuerit. Spatium ejus, ſi Britannia comparetur, anguſtius, noſtri maris inſulas ſuperat. Solum cælumque & ingenia cultuſque hominum haud multum à Britannia differunt, melius aditus portuſq; per commercia & negotiatores cogniti. Agricola expulſum ſeditione domeſtica unum ex Regulis gentis exceperat, ac ſpecie amicitiaë in occaſionem retinebat. Sæpè ex eo audiſi, legione una & modicis auxiliis, debellari obtinerique Hiberniam poſſe, idque adverſus Britanniam profuturum, ſi Romana ubique arma, & velut è conſpectu libertas toleretur. Sic Tacitus. Ex ejus verbis, colligit Camdenus multos ex Hispania, Gallia & Britannia, in Hiberniam ſe recepiſſe, ut Romanorum jugo colla ſubducerent. Sed hoc alii excutiant: In re obſcura variaë ( ſcio ) oriuntur opiniones.*

Denique, (ut hoc etiam notemus) reperiuntur in Anglia, Gallia & aliis regionibus, ubi

ubi Romani victores fuerunt, præter nummos antiquos Romanos, multæ aræ, statuæ, urnæ, columnæ & inscriptiones marmoreæ, (quasi tot antiqui operis miracula) à veteribus Romanis relictæ, at in Hibernia nullæ, ne quidem nummi Romani, nisi aliundè inveni. Hinc cum Gulielmo Neubrigenfi (Rerum Anglicarum l. 2, c. 26,) concludimus, *Hiberniam Romanis, etiam Orcadum Insularum dominium tenentibus inaccessam.*

---

## CAP. XXI.

*De Cormaco Culinani filio, Rege simul & Episcopo Casseliensi: ubi obiter de aliis qui Reges fuerunt simul & Pontifices, vel Sacerdotes. Deque miro more tonsuræ ab Ædo (dicto Clerico barboso) introductio.*

**D**E Regibus aliquot, qui, regnis renunciatis, vel Monachi facti fuerunt vel Episcopi, apud Historicos, crebra fit mentio: Sic in Hibernia, Cormacus Rex Lageniæ, regno suo renunciato, Monasticam amplexus est vitam in cœnobio Banchorensi, sub S. Congallo. Sic Aidus Niger rex itidem Lageniæ ex rege factus est *Monachus, Abbas & Episcopus Kildariensis*, ut Jo. Colganus habet, & obiit 10 Maii anno DCXXXVIII. Atque ita (ut alios hîc omittamus) in Anglia, Sigebertus Rex orientalium Saxonum, pompâ Regiâ resignatâ, Eursæi Hiberni suâsu, monasticam amplexus est vitam, in cœnobio de *Cnebersburg*, hodiè **Burgh Castle**, in Suffolcia. Atqui Cormacus



macus Culinani filius, de quo nunc loquimur, & Rex fuit simul & Episcopus Casseliensis. Is stemma suum duxit (uti alibi diximus) ab Ængusa Nafrachi filio Casseliensium Regum primo, qui Christianam Religionem amplexus est. Regnum iniit Cormacus an. Dom. DCCCCI, & (quod mireris) Episcopi etiam munus obivit. Morem eum, apud Hibernos, illo ævo viguisse, Scriptores patrii luculenter ostendunt. Speciatim inter Cormaci prædecessores, Olchobarus, qui obiit anno 851, & Cenfeladus, qui anno decessit 872, simul Reges fuerunt Casselienses & Antistites Imelacenses. At non sine exemplo: Nam inter Judæos, Jonathan, Simon & Johannes Hyrcanus, tam Ethnarchiâ, (seu populi principatu) quàm pontificatu, simul gavisi sunt: & qui Regiis diadematibus inter eos ornati fuerunt, Aristobulus nempè, Alexander Jannæus & alii, uno etiam eodemque tempore, summi fuerunt Pontifices. Si de antiquis ethnicis loquamur, habemus ipsos Imperatores Romanos, Pontifices simul Maximos; Inter Reges itidem, Anium regem Deli, de quo Virgilius, Æneid. 3,

*Rex Anius, Rex idem hominū, Phæbiq; sacerdos.*

*Et Ovidius, Metamorph. 13,*

*Hunc Anius, quo Rege homines, Antistite Phæbus  
Ritè colebatur, temploque domoque recepit.*


*Item Mercurium Trismegistum sive ter-maximum, qui (si Alex. ab Alexandro credamus, Genialium dierum lib. 2, cap. 8,) inde  
nomen*

nomen tulit, quòd *Philosophus maximus, Sacerdos ac Rex maximus* esset. De hac re, vid. plura apud Platonem in Politicis. Sed ad nostra jam redeamus. Meminit Cormaci hujus, Caradocus Lhancarvanensis, in Chronico suo Cambriæ, ceu viri pii, sed *Carmotum filium Cukemani Regem & Episcopum Hiberniæ*, five is, five qui Anglicè edidit, perperàm appellat. An. DCCCCVI Flanus Melsechlini filius Rex Hiberniæ, coacto exercitu, in Momoniam irruit, eamque Provinciam, ad Limericum (al. Lumniacum) usque, diripuit & vastavit. Cæterùm Cormacus, qui temporì cedens, fugâ evaserat, hâc injuriâ irritatus, anno insequente, Midiam cum copiis ingressus, Flantum prælio fudit, eumque ad conditiones quasdam observandas, sibi obsides tradere coëgit, iisq; acceptis, Casseliam reversus est. Anno verò DCCCCVIII (al. DCCCCVII) Flanus, ut cladem nuper acceptam ulcisceretur, pactis & obsidibus traditis non obstantibus, cum Lageniensi & Conatiensi regibus egit, ut conjunctis viribus Momonienses adorirentur, còque successu, ut maximis copiis instructus, signa adversus Cormacum extulerit: Momoniensium exercitui in loco dicto *Moy-albe*, obviam actus est, ubi Augusti die XVI, post longam & cruentam pugnam, cessit ei victoria, Cormaco rege ibidem occiso. Cæsi etiam cum eo feruntur Duces ferè omnes primarii, seu majoris, Reguli, Inter quos nominatur Fogertachus Kerriensis & Kellachus Ossoriensis. Sic Annales Hibernici. Cæterùm Caradocus Lhancarvanensis, Cormacum sub hoc tempore, à Danis in prælio occisum tradit. Memini etiam me legisse in codice quodam MS. bibliothecæ

othecæ Cottonianæ, eum à bubulco quodam occisum, ad *Beanree* prope Leghlinam, dum ibidem, pro exercitu suo tunc pugnante, ad Deum preces fundens, in genua procumberet. Tanta est de ejus cæde discrepantia. Ego verò non possum non assentiri, tam Annalibus Ultoniensibus, quàm iis cœnobii Canoniorum Inis-fallanæ in agro Kerriano, qui à dicto Flani exercitu, victum eum & occisum tradunt. Corpus ejus Casseliam delatum ibidem tumulo conditum est. Vir fuit eruditus & Antiquitatum Hibernicarum scientissimus. Scripsit linguâ suâ patriâ, Historiam *Psalter-Cashell* vulgò dictam, quæ etiamnùm extat, & magno habetur in pretio. Excerpta quædâ ex dicta Historia, in vetusto habeo codice membraneo, *Psalter-narran* appellato, ante annos plusquàm 300 exarato, ut ex characteris antiquitate liquet. In eodem codice sunt multa miscellanea de rebus Hibernicis, partim Latinè, partim Hibernicè, collecta per Oengusium *Celide*, inter quæ, Catalogum habemus nudum (solum nimirum nomina) regum Hiberniæ, ab Heremone ad Brienum filium Cinedi, cognomento *Boro*, de quo suprâ, cap. 4. Notandum hîc coronidis loco, Casseliam sedem fuisse olim præcipuam Regum Momoniæ, & unam è primis Hiberniæ Synodis, à S. S. Patricio, Albeo, & Declano, ibi habitam, tempore Ængusæ Regis, de quo suprâ.

*Secl. 2.* Liceat his adjicere, utpote rem inusitatam, mirum tonsuræ morem, ab Ædo Hiberno introductum. Is (à barba promissa, vulgò *Æd clericus barbosus* dictus) magnam eruditionis & sanctitatis opinionē consecutus

cutus fuerat ; Cæterùm anno 1053, vel 1054, in exilium pulsus est , quòd in schola sua, in qua *clericorum, puellarum & laicorum magnum habuit numerum*, Puellas **MORE CLERICORUM** tonderet , ut ex Mariano Scoto & Florentio Wigornienfi liquet. Hîc animo conceperam ansam arripere describendi varias tonsuræ formulas, à veteribus, tam clericis (sive Presbyteris secularibus) quàm monachis, olim usitatas , earúmque origines, dum alii in vertice, tonsurâ uterentur, in modum coronæ spinæ Domini, formâ sequenti,



alii, in anteriore tantùm capitis parte, rotundâ quidem tonsurâ , sed imperfecto orbe , ab aure ad aurem circumducto ; alii, modico circulo in vertice, aliique in toto ferè capite, relictis tamen inferiùs, in modum coronæ, capillis. Cùm verò observârim hæc omnia, aliaque multa ad hanc rem pertinentia, ex intima antiquitate antehac tractata fuisse, ab eruditissimo nuper Archiepiscopo Armachano, in Ecclesiarum Britannicarum Antiquitatibus , & à Prospero Stellartio , in libris de Coronis & Tonsuris Paganorum, Judæorum, Christianorum, mihi satis erit hîc subindicâsse. Plurimum cupido petat libros suprâ citatos.



## CAP. XXII.

*De Hibernorum veterum Domiciliis & Ædificiis; Deque eorum Victu, Conviviis & Musicis instrumentis.*

Seç. I.

**H**ibernis veteribus nullam fuisse curam condendarum urbium munitarum certò constat. Fuerunt quidem in Hibernia Urbes, illæque munitæ, ante Anglorum adventum in Hiberniam, ut Dublinium, Limericum, Waterfordia, Wexfordia & Corcagia, sed ab Ostmannis constructæ. Hæc verò agimus duntaxat de Hibernorum veterum Domibus, quæ ut neque marmoreæ erant, neque latericiæ, sic (nisi rarissimè) neque specus subterranei, neque antra, ut erant veterum Germanorum, apud Tacitum, in sua Germania, sed cratitiæ & stramine vel arundinibus tectæ, de ligno solido rarò. Hæque fuerunt aut amplæ, aut parvæ, pro habitatoris dignitate, aut qualitate, in sylvis & fluviorum ripis plerumque ædificatæ. Neque aliter erat (ut videtur) apud præscos Cambros. De Penbrochiæ castro, ex *virgis & cespite tenui*, ab Arnulpho de Montgomery, sub Henrico Primo extructo, vid. Girald. Cambrenf. Itin. Camb. lib. 1, cap. 12. Et de ipsis Opidis Britannicis antiquissimis, quidni adjiciamus verba Cæsaris, in Bell. Gall. lib. 5, *Opidum vocant Britanni, cum sylvas impeditas vallo atque fossâ munierunt*. Sed redeo. A tenui hoc & exili ædificandi modo, apud Hibernos veteres, evenit, ut tam pauca vestigia

vestigia ostendi possint Domorum vel castro-  
 rum, ab ipsis regibus Hiberniæ extructorum,  
 ante Anglorum ingressum. Hinc cùm Rode-  
 ricus ô Conner rex Conatiæ castrum lapide-  
 um Tuamæ construxisset, an. MCLXI, illud  
 tanquàm novum & inusitatum apud Hibernos  
*Castri mirifici* nomine, iis temporibus, inno-  
 tuit. Sed instar omnium erit Temoria, (quam  
*Taragh* nunc vocamus) in Midia, quæ, ut su-  
 præ diximus, cap. 4, eorum Regia erat præci-  
 pua, ubi etiam Festa Regum solennia & Comi-  
 tia, statis temporibus, olim tenebantur; Ve-  
 runtamen nulla hodiè supersunt ibi rudera,  
 nulla vestigia alicujus ædificii antiqui. Hiber-  
 norum primus, vel saltem inter primos, qui  
 ædificare cœpit è saxo & cæmento fuit Mala-  
 chias O-Morgair Archiepiscopus Armacha-  
 nus. Qua de re, in vitâ ejus, ita S. Bernardus,  
 ejus æqualis; *Visum est Malachia debere con-*  
*strui in Benchor Oratorium lapideum, instar illo-*  
*rum quæ in aliis regionibus extructa conspexerat.*  
*Et cùm cepisset jacere fundamenta, indigenæ*  
*quidam mirati sunt, quòd in terra illa, necdum*  
*ejusmodi ædificia invenirentur.* Et post pauca,  
 malevolum quendam ita loquentem introdu-  
 cit, *O bone vir; quid tibi visum est nostris hanc*  
*inducere regionibus novitatem? Scoti sumus*  
*non Galli. Quenam levitas hæc? Quid opus erat*  
*opere tam superfluo, tam superbo? Unde tibi*  
*pauperi sumptus ad perficiendum? Quis perfe-*  
*ctum videbit?* &c. Ex Bernardo porrò intelli-  
 gimus Malachiam hunc, oratorium ibi, aliquot  
 annos antea construxisse, *de lignis quidem le-*  
*vigatis, sed aptè firmiterque contextum, opus*  
*Scoticum pulchrum satis.* Neque abs re erit hîc  
 memorare Henricum secundum Regem An-  
 glia,

glia, dum Dublinii esset anno 1171, fecisse sibi construi juxta Ecclesiam S. Andreae extra civitatem, Palatium regium, miro artificio, de virgis levigatis, ad modum patriæ illius, extructum, in quo ipse, cum Regibus & Principibus Hiberniæ, Festum solenne tenuit, die Natalis Domini; ut ex Hovedeno intelligimus.

Sec. 2.

Ad Victum veterum Hibernorum quod attinet, vulgi victum quotidianum olim valdè tenuem fuisse certum est, plerumque ex lacte, butyro & herbis; Unde Strabonis Epitome Hibernos vocat, *Herbis vespcentes*. Ex herbis, utebantur præcipuè trifolio pratensi, nasturtio aquatico, oxale & cochlearia, nostris **Scurby grasse**, quam Medicorum nonnulli eandem esse putant cum Plinii *Britannicâ*, de quâ ita ille, *In Germania trans Rhenum: castris à Germanico Cesare promotis, maritimo tractu fons erat aquæ dulcis, solus qua pota, intra biennium dentes deciderent, compagèsque in genibus solverentur. Stomacacem medici vocabant & Sceletyrben ea mala. Reperta auxilio est herba quæ vocatur Britannica, non nervis modo & oris malis salutaris, sed contra anginas quoque & serpentes, &c.* Ad Convivium ordinarium quando conveniebant, super juncis vel toris gramineis, scamnorum aut cubilium vice, in orbem confidebant, iisque ita confidentibus, mensæ lignæ tripedes cibus instructæ, more Gallorum veterum, apponebantur, pane nempe escarite, vel subcinericio, lacticiiniis, carnibus & piscibus tam assis quàm elixis: Pocillatoribus interim potum in poculis ligneis & corneis interdumque æneis, circumferentibus. Priscus & peculiaris Hibernorum sicut & Britannorum potus fuit cervisia. Hujus potus meminit

meminit Dioscorides, lib. 2, cap. 110, cùm Britannos & Hibernos (quos *Hiberos* ibi vocat) usos dicat pro vino, *Curmi* potu, ex hordeo confecto. Sed *Curmi* perperam ibi legitur pro antiquo verbo Britannico *Cwrw*, quod cervisiam significat, uti notat Camdenus. Hibernis porrò olim in usu fuit *Hydromelon*, sive mistura aquæ cum melle (nos hodiè *mead* dicintus) ut tam è vita S. Berachi, qui claruit Seculo VII, quàm ex Annalibus Ultoniensibus, ad annum 1107 intelligimus. De optima eorum *Aqua vitæ*, sive *Uske-bah*, ut vocant, quæ multò minùs quàm Anglica inflamat, & magis tamen inficcat, non est hîc dicendi locus, quia ejus confectio (uti creditur) ad posteriora tempora pertinet.

Transeo ad convivandi tempus : Erat id olim plerùmque sub vesperam ; unde Epulum illud solenne quo regni Ordines, Temoriæ sive Temræ excepit Lægarius Rex Hiberniæ anno Dom. 455, in jam dictis Annalibus appellatur *Cæna Temræ*. Et ab hac Cæna, inchoabant Historici (quod mireris) posteriorum administrationis ejus temporum calculum. Idem convivandi tempus observabant olim Cambro-Britanni, id quod colligimus è legibus Regis Hoëlis *Dha*, cap. *De Cæna Regali & ejus mensura*.

Ad prisca Hibernorum Musica Instrumenta *Secl. 3.* jam ventum : Atque ea *Citharam* fuisse cum chordis æneis, & *Tympanum*, tradit Giraldus Barrius Cambrensis, Topograph. Hiberniæ, Distinctione 3, cap. 11, in quibus eos etiam præ omni natione quam vidit incomparabiliter instructos asserit. An verò instrumentum illud Musicum Hibernicè *Clappreach*, Anglicè a *Harp* dictum




dictum Antiquorum cithara fuerit, vel Lyra, (quamvis Grammaticorum plerique hæc duo Instrumenta confundant) inter doctos controversitur. Venantius Fortunatus, lib. 7, carm. 8, Lyram à Harpâ distinguere videtur,


*Romanusque Lyrâ plaudat tibi, Barbarus Harpâ,  
Græcus Achilliâ, Crotta Britanna canat.*

Nec mira videatur differentia : Nam ipsam Antiquorum Lyram, ab ipsis tam formâ quàm variâ chordarum accessione, mutatam certò constat. Janus Gruterus in Inscriptionibus, p. 38, n. 10, figuram exhibet lyræ antiquæ, Romæ in hortis Cardinalis Cœsii, in manu nempè statuæ Apollinis, visendæ. Item Philippus Cluverius, in Sicilia sua antiqua, p. 93, ætupon ostendit nummi antiqui Græci, cujus una pars exprimit Apollinem *Archagetam*, altera, lyram ejus, sed à priori paulò diversam. Operæ est pretium fortasse ipsa ætupa tam veteris Lyræ Apollinis, quàm hodiernæ Citharæ five (ut aliis placet) Lyræ Hibernicæ subungere, ut lector inde de differentia facilius judicet.

Lyra Apollinis,  
apud Gruterū.



Lyra Apollinis,  
apud Cluveriū.



Cithara seu Lyra  
Hibernica.



De Orphei Lyra, quam aliqui tetrachordem fuisse contendunt, alii, septichordem, consule Seldenum, in notis ad Marmora Arundeliana, pag. 87.

De Lyræ & Cytharæ differentia, vide Had. Junii Nomenclatorem. Neque hac occasione prætermittendum propria Hiberniæ Insignia, vel saltem per secula aliquot ei attributa, esse in campo cæruleo Citharam seu lyram Hibernicam

nican auream, cum chordis argenteis. Cæterum, si Ulissi Aldrovando credimus, Ornithologiæ lib. 1, antiquiora Hiberniæ Insignia fuerunt, ex una scuti parte aurea, Brachium gladio armatum, ex altera, in argenteo campo, Semi-Aquila. Sed hoc obiter. Quàm profunda fuit Citharæ antiquitas, è Geneseos cap. IV, docemur, ubi inventio ejus Jubali tribuitur. Item Tympani usus vetustissimum est exemplum in Exodi XV. Mitto recentiora Instrumenta Musica, post Anglorum ingressum introducta, ut quæ ad nostrum institutum non pertinent.

---

### C A P. XXIII.

*De Erroribus nonnullis & Figmentis veterum aliquorum Scriptorum, de Hibernia agentium; Deque aliis Scriptorum mediorum temporum.*

**D**E Hiberniæ ornamentis & dotibus specialibus, suprâ compendio diximus, cap. 7. Videamus jam quæ de eâ, à scriptoribus antiquis finguntur, & ab eorum sectatoribus creduntur. Solinus ~~atque~~ *ibi raram* asserit. Porro addit postea, *ibi apes nusquam, & advectum inde pulverem seu lapillos, si quis sparserit inter alvearia, examina favos deferere.* Item mare quod inter eam & Britanniam interfluit, undosum inquietumque, toto in anno, nisi pauculis diebus non esse navigabile. Cum tamen avibus & apibus abundet. Et ad mare quod attinet, navigabile esse in ipsa summa hyeme, frequentes navigationes ex Anglia Gallia, Hispania, &c. in Hiberniam,

niam, & ex ea, in externas regiones, sufficienter demonstrarunt.

Prima ejus assertio, de avibus & apibus, in eundem errorem duxit Isidorum Hispalensem, qui iisdem ferè utitur verbis. *Illic* (de Hibernia loquens) *avis rara, apis nulla; adeò, ut advectos inde pulveres, seu lapillos, si quis alibi sparserit inter alvearia, examina favos deferant*, Originum lib. 14, cap. 6. Item Barthol. Cassanæum, in Catalogo Gloriæ Mundi, part. 12, confid. 57, *Ibi* (ait) *avis rara, ac apis nulla*. Neque defuerunt, qui Solinum sequuti sunt, in secunda sua assertione, de æstu maris Hibernici, interque eos Cornelius à Judæis Geographus. Veniamus jam ad climatis dispositionem. Strabo, qui sub Tiberio Cæsare floruit, Geographiæ lib. 2, ex versione Gulielmi Xylandri, ita loquitur, *Extrema navigatio à Celtica versus septentrionem, nostra etate, dicitur esse in Hiberniam: (Iörnenn vocat) quæ ultra Britanniam sita, egrè ob frigus incolitur, ita ut quæ ulterius sunt, habitari non posse existimentur*. Deinde, Pomponius Mela, qui sub Claudio vixit, Cosmographiæ lib. 3, cælum Hiberniæ ad maturanda semina iniquum esse asserit. Speciatim ita Giraldus Cambrensis, Topographiæ Hiberniæ distinct. 1, cap. 4, *multam ait fruges in herba, plurimam in culmis, minorem in granis, spem promittunt. Tritici namque grana contracta sunt & minuta, & vix alicujus vanni beneficia purganda*.

Audianus etiam quid è contra scripserunt aliqui è veteribus, Ita igitur Orosius, *Hæc* (Hibernia scil.) *propior Britannię, spatio terrarum angustior, sed cæli \* solisque temperie \* Solique magis utilis, Scotorum Gentibus colitur. Item melius.*



Isidorus, loco suprâ citato, *Scotia eadem & Hibernia, proxima Britannia Insula spatio terrarum angustior, sed situ fecundior.* Et Beda lib. 1, cap. 1, *Hiberniam tam aëris salubritate quam serenitate, multum Britannia præstare, asserit.* Cæterum (ut quod sentio dicam) si hæ comparationes ad australem Britannia partem, quam Angliam dicimus, referantur, sunt prorsus rejiciendæ: Non negandum tamen Hiberniam, aëris esse adeò temperati, ut prata ibi & campos, in summâ hieme virere videamus, & ad pascua pecudes quotidie duci, nisi quod rarò accidit, nix biduana vel triduana impediat; locis præterea uliginosis & palustribus culturâ siccatis, (quod de regione circa Philippos scribit Plinius) *emendatam aëris temperiem.* Ad tritici grana quod attinet, non contracta sunt vel minuta universim, ut Giraldus Cambrensis ejusque sequaces habent; Nam rarò in vicinis Hibernia regionibus, seu majora, seu graviora, quam in plurimis partibus Hibernia inveniri possunt. Neque audiendus est Raphael Maffæus Volaterranus, qui Commentariorum Urbanorum lib. 3, de Hibernia loquens, *Tellus (inquit) nihil omnino fert, præter frumentum & equos præstantissimos quos Ubinos (Hobinos) vocant, &c.* Corrigendus est itidem error Ranulphi Higdeni, qui in Polychron. lib. 1, cap. 32, asserit ibi deesse *Perdices, Phasianos, Damas & Hericios; Hibernia etiam* (quod è jam dicto Giraldo & Johanne Bromtono addit) *ab austro in boream extensam, à Brandanicis scil. montibus usque ad \*Columbinam Insulam continere octo dierum dietas, quarum qualibet 40 milliarum existit, & à Dublinio usque ad Patricii colles Connacticumque mare, in latum,*

\* al. Torre.

atum quatuor dierum excursus tenere. Sed de Hiberniæ Dimensione, vid. quæ suprâ diximus Cap. III. Porro multa hîc observari possent fabulosa, quæ de Hibernia accumulavit Giraldus Cambrensis, in Topograph. Hiberniæ; Sed aliis ea discutienda relinquimus, Si quidem exacta eorum discussio justum requirit tractatum. Admonendus est interim lector Topographiam eam cautè legendam, id quod ipse Giraldus quodammodo fatetur, in apologia quam habemus in prima sua præfatione in librum Expugnationis Hibernicæ, cum fabulosa, jam dictæ Topographiæ inserta, asimularetur; cui hanc etiam admonitionem, è Retractionum suarum tractatu, hîc ad cere visum, *De Topographia Hibernica, laboris nostri primævo ferè nec ignobili, ubi multe nova, aliisque regionibus prorsus incognita (ideoque magis admiranda) scribuntur, hoc certo sciendum; quod quorundam, quinimò etiam plurium per diligentem & certam indagatorem, à magnis terræ illius & authenticis viris titiam eliciimus; de cæterisque, totius terræ rem potius secuti fuimus. De quibus omnibus, in Augustino sentimus: qui in libro de Civitate Dei, de talibus, quæ solùm fama celebrat, nec certâ veritate fulciuntur, loquens, nec ea affirmando plurimum, nec prorsus abneganda decrevit. Sic ipse Giraldus. Atqui non possum in mirari viros aliquos hujus seculi, alioqui aves & doctos, figmenta ea Giraldi, mundo erum pro veris, obtrusisse. Plurima addissent ex aliis authoribus, quæ aliorum etiam industriis relinquimus.*

## CAP. XXIV.

*De Ostmannis, sive Danis & Norwegis ; Deque eorum rebus gestis in Hibernia, ab anno Christi DCCXCV, usque ad Anglorum ingressum, sub Henrico II, sc. per quatuor fermè annorum centurias.*

**O**stmannos magnam Hiberniæ partem olim subjugasse, & post plurima prælia cum Hibernis, variante successu, per multos annos, acriter commissa, præcipuas ibi urbes maritimas, ad Anglorum usque adventum in Hiberniam occupasse certò constat. De eorum nomine & regione unde venerunt, ita Eruditissimus Jacobus Usserius nuper Archiepiscopus Armachanus, in sua veterum Epist. Hibernicarum recensione; *Livonia ad Eoum maris Baltici litus porrecta, in tres partes, locis & linguis distinctas, Estiam, Lettiam & Curlandiam distribuitur: Estiæ sive (ut Crantzius appellat) Estoniæ provinciam ii incoluisse videntur, qui à veteribus Græcis, Ostiæi & Ostiones, à Tacito in Germania sua, Æstii, ab Eginhardo in Caroli Magni vita, Aisti, à Saxone Grammatico, Estones, à nostris, Ostmanni appellantur. Ad Ostmannos Hiberniæ quod attinet, Hi aliis nominibus vocabantur etiam Dani, Norwegi, & Normanni, quod & mediis temporibus (verba sunt iterum jam dicti Usserii) omnibus Daniæ, Norwagiæ, Livoniæ & reliquarum Borealium gentium commune nomen fuisse docti nōrunt. Ut omittam quod à Scriptore*

ore vitæ Griffithi filii Conani est traditum, unum  
tribus illis fratribus qui in Hiberniâ venerunt,  
um Norwagiensibus suis in Galliam concessisse,  
& Franciis devictis, sedes in Normanniâ fixis-  
e. Hunc Rodulphum ille vocat, quem alii  
Rollonem; à quo Gulielmus & alii Normanni  
ui in Anglia regnaverunt, genus deducunt  
uum.

Danos & Normannos, vel Ostmannos an-  
no Christi DCCXCV, Hibernica & Albanica  
itora primùm infestâsse & speciatim Recran-  
nsulam spoliâsse produnt Annales Hibernici.  
Sub eodem tempore vel paulò seriùs S. Finda-  
um, Principis Lageniæ filium, à Danis capti-  
um ductum, sed mirabili modo elapsum, tra-  
lit in vita ejus, anonymus Hibernus, (qui &  
ejus socius) à Melchiore Goldasto editus,  
Tom. I Rerum Alamannicarum, pag. 318.  
Meminit illarum deprædationum Normanni-  
arum, Dicuil Hibernus, qui tum vixit, in li-  
ro *de mensura Provinciarum Orbis terræ*, se-  
undùm illorum auctoritatem (ut ipse loqui-  
ur) quos S. Theodosius Imperator ad Provin-  
ias prædictas mensurandis miserat. Sic enim  
le, *Circum nostram Insulam Hiberniam, sunt*  
*isule, sed aliæ parvæ, atque aliæ minimæ. Et*  
*ost pauca, Sed sicut à principio mundi desertæ*  
*emper fuerunt, ita nunc causâ latronum Nort-*  
*mannorum vacuæ Anachoritis, &c.* Triennio  
osteà, anno nempe DCCXCVIII, Norman-  
i iterùm Ultoniam, & Hebrides piraticâ in-  
estârunt. Siquidem antiquitùs apud Danos  
ut habet Olaus Wormius) *Piratica honesta*  
*licita erat, atque in ea se crebrò Reges ipsi,*  
*ut eorum liberi exercebant, ascitis famosiori-*  
*is & fortissimis Athletis.* Sed missis hisce Da-  
norum



norum piraticis, veniamus jam ad copias quas in Hiberniam miserunt, ad eam subjugandam, & secundum temporum seriem, ad alia eorum acta ibidem, ad Anglorum usque ingressum.

Anno 807, Dani & Norwegi in Hiberniam appulerunt, & Roscomaniam, regionemque adjacentem ferro flammâque vastârunt. Eodem tempore Cellacus Abbas cœnobii S. Columbæ Huensis, multis è suis, Norwegorum crudelitate, interfectis, in Hiberniam profugit, & Kenanusæ, aliàs Kenlisæ in Midia, monasterium in honorem S. Columbæ sive condidit, sive restauravit. Cum verò annos circiter 7 ibi præfuisset Abbas, Dermotio quodâ in dicto cœnobio Abbate relicto, in Jonam sive Insulam Huensem reversus est, ubi, post annum unum vel alterum, mortem obiit. Nescio an in Ianiena prædicta, vel posteriore aliqua, trucidatus fuerit Blaithmâcus reguli Hibernici filius. Eum, sub his temporibus, à Danis sive Norwegis ethnicis in Jona insula cæsum, ex vita ejus, à Wallafrido Strabone carmine descripta, liquet. Omitto hîc commenta Saxonis Grammatici, qui (more suo) Fridelithum, Frothonem 3, & Haconem, Danos, multis annorum centuriis, ante hæc tempora, Hiberniam infestâsse fingit.

Anno 812, *Classis Normannorum Hiberniam insulam aggressa, (inquit Rhegino in Chronico) commissoque cum Scotis prælio, multi ex iis interfecti, cæteri fugâ lapsi sunt.* Et, ad eundem annum, Hermannus Contractus, *Classis Danorum Hiberniam invadens, à Scotis victa est.* Item Historici Hibernici Danos sub eodem tempore duobus præliis ab Hibernis profligatos asserunt.

Circa

Circa annum 815, aliis 818, Turgesius, Norwegus Hiberniam primùm invasit.

Anno 835, Norwegi, majoribus instructi opibus, magnâ classe appulerunt, sub ductu Turgesii, & Conatiam fermè universam, unâ cum quibusdam Lageniæ & Midiæ partibus, devastârunt. Intra triennium d. inde postea, non parvâ Ultoniæ parte subjugatâ, ubique ferme templa demoliti sunt, & in Christianæ religionis professores (cujus tunc hostes erant) magnâ crudelitate grassati. Qua de re, vid. Joel. Furnessens. in vitâ S. Patricii, cap. 175. speciatim Turgesium Armacham occupâsse & inde Farananum Archiepiscopum loci expulisse, unâ cum omnibus religiosis & studiosis tradunt Historici Hibernici. Afferit porrò Colmanus (in Triade Thaumaturga) ex Annali-  
bus 4 Magistrorum, Anno 838, classe sexaginta navium Nortmannos ingressos esse ostia Boandi luminis, & aliâ 60 navium, ostia Liffii fluminis Lageniæ. A Turgesio (quod obiter adnoto) multa fossatorum illorum rotundorum, sive militarium vallorum, vulgò Danes Rathes dictorum, facta dicuntur, quæ in plurimis Hiberniæ regionibus, etiaminùm superant. Atque talia fortassè fuerunt castella Brigantum veterum, de quibus ita Juvenalis, Satyr. 14,

*Dirue Maurorum attegias, castella Brigantum.*

Sunt porrò qui credunt Danos & Norwegos extruxisse multos è collibus illis rotundis quos sine fossis, passim in Hibernia cernimus, quasi sepulchra Magnatibus & Ducibus suis. Eundem morem in Dania olim viguisse, ex  
supradi-

supradicto Olao Wormio liquet, in libro de Danicis Monumentis, Hafniæ edito, Anno MDCXLIII. Speciatim (in Hibernia) è tali colle in orientali suburbio civitatis Dublinii, prope Collegium S. Trinitatis, effossus est anno MDCXLVI monumentum quod ossa hominis combusta texit: opus uti creditur Ostmannicum, de quo fusiùs postea.

An Saxa illa ingentia & rudia quæ in planitie non longè à Naasa in agro Kildariensi & alibi visuntur, (victoriarum putà monumenta) à Danis erecta fuerint, non possum pro certo affirmare. Sed ut ad nostrum institutum revertamur.

Anno 845, Norwegi diripuerunt & incenderunt Clonmacnoisam, Clonfertam, Loghrá, & Tirdaglássam. Porro circa eundem annum, Turgesius Melachlini seu Melsechlini Regis Mediæ filiam deperiisse fertur: *Atqui Rex ille (Giraldum Cambrensem audis) vir sub peñore versans, filiam suam illi concedens, ad insulam quandam Mediæ, scil. de Loch-vair, illam cum 15 puellis egregiis ei missurum se spondit. Quibus & Turgesius gavisus, cum totidem nobilioribus gentis suæ, statuto die & loco, obviam venit, & invenit in Insula 15 adolescentes imberbes, animosos, & ad hoc electos, sub habitu puellari, dolum palliantes, cultellis, quos occultè secum attulerunt. Statim inter amplexus, Turgesius cum suis occubuit. Sic ille, Topograph. Hiberniæ distinct. 3, cap. 4. Cæterum author Annalium Ultoniensium, de dolo eo tacens, Turgesium à Melachlino rege captum fuisse & in dicto lacu submersum, tradit. Famà tùm pernicipibus alis (sic iterum Cambrensis, cap. 41,) totam statim insulam pervo-*  
lante,

ante, & rei eventum, ut assolet divulgante, Norwegienses ubique truncantur, & in brevi, omnes minò, seu vi, seu dolo, vel morti traduntur, vel iterùm Norwegiam & Insulas unde veniant, navigio adire compelluntur. Deinde cap. 2, Quæsierat autem à Turgesio prædictus Miensium rex, & in dolo (nequitia jam animo concepta) quonam tenore vel arte, aves quædam ingnum nuper advectæ, terræ toti patriæque pesti-ræ, destrui possent & deleri. Cùmque responsum accepisset, nidos eorum abique destruendos, si in fortè nidificassent, (de Castellis Norwegien-um hoc interpretantes) mortuo Turgesio, in eorum destructione Hibernienses per totam Insulam, unanimiter insurrexerunt. Annos igitur circiter 30 Norwegiensium pompa & Turgesii annis in Hibernia perduravit, & deinde Gens ibernica servitute depulsâ, & pristinam libertatem recuperavit, & ad regni gubernacula decessit. Haftenùs Giraldus. Hibernos idem hoc tempore Norwegorum vires multum fregisse certum est. Attamen auxilia-copiæ, novis è Dania & Norwegia clas-sibus, indies confluentes Hiberniam per plures postea annos, gravissimè affligerunt, ut patet.

Anno 848, Prælium inter Melachlinum (de quo supra) tum regem Hiberniæ & Danos iræ commissum est, in quo 700 Danis occisi, victoria Melachlino cessit. In prælio itirad Scia-naght, ab Olcobaro rege Casse-quem Abbatem etiam Imelacensem appel- libet meus cœnobii Inisfallensis) & Lorca-filio Kellachi, rege (ni fallor) Lager, cæsi sunt è Danis 1200, ac in duabus pugnis, ante finem anni, ceciderunt cir-citer



citer 1700. Ita hic annus Danis in Hibernia fuit  
 luſtuofiffimus, unde Melachlinus Rex ob par-  
 tas victorias, ad Carolum Calvum Franco-  
 rum Regem, *pacis & amicitie gratiâ, legatos*  
*cum muneribus miſit, viam ſibi petendi Romam*  
*concedi depoſcens.* Sic Chronic. Norman.

Anno 849, Auxiliares copiæ, è Dania &  
 Norwegia 140 navibus, in Hiberniam appel-  
 lentēs, bellum, magno Hibernorum damno,  
 redintegrârunt.

Anno 850, Melachlinus rex, jam bello ci-  
 vili implicatus, pace, ad tempus, Danis ſtabi-  
 litâ, eorum auxilio, hoſtes magnâ ſtrage pro-  
 fligavit.

Ante annum 851, Danos, Dublinio & regi-  
 uncula vicina quam Fingalliam vocamus, po-  
 titos eſſe, ex Historicis Hibernicis liquet. In-  
 ter hos & alios ejusdem gentis, hoc anno, a-  
 trox commiſſum eſt prælium, in quo Dani  
 Dublinienſes profligati ſunt, & Dublinium à  
 victoribus direptum. Atqui fugâ non pauci  
 elapſi, in patriam confugerunt, unde anno  
 inſequenti, auxiliaribus copiis reverſi, hoſti-  
 ſtibz victis, Dublinium recuperârunt & re-  
 ſtaurârunt. Danos five Oſtmannos Dublini-  
 enſes intelligit proculdubiò vitæ S. Coëmge-  
 ni five Keivini ſcriptor, cùm de Dublinio &  
 ejus civibus ita loquatur, *Civitas Ath-cliath eſt*  
*in aquilonali Laginiensium plaga, ſuper fretum*  
*maris poſita; & id Scoticè dicitur Dub-lein, quod*  
*ſonat Latinè nigra therma: Et ipſa civitas po-*  
*tens & belligera eſt, in qua ſemper habitant vi-*  
*ri aſperrimi in præliis, & peritiſſimi in claſ-*  
*sibus.*

Anno 852, Armacha, ipſo Paſchatis die,  
 à Danis devaſtata eſt. Ac paulò poſt, Dermi-  
 tius

ius loci Episcopus, quem Annales Hibernici *Sapientissimum omnium Doctorum Europæ* appellant, sive mœrore, sive morbo, extinctus est.

Anno 853, Amlavus aliis Amelaus magnâ Danorum & Norwegorum classe, hûc appulit, & omnes Dani, in Hibernia tum degentes, se submiserunt. Hic Amelaus (opinor) ille fuit, & hæc Norwegorum ea classis, de qua hæc habet Giraldus Cambrensis, *Topograph. Hiberniæ l. 3. c. 43*, *Non multo verò post tempore (post mortem sci. Turgesii) iterum de Norwagiæ & insularum Borealium partibus, quasi de reliquiis gentis prioris, & quia vel oculata fide, vel parentum relatione, terram optimam noverant, non in bellica classe, sed sub pacis obtentu, & quasi mercaturæ exercendæ prætextu, in Insulam quidam advenerunt, qui & maritimos Hiberniæ portus, statim occupantes, tandem de assensu Principum terræ, civitates in ipsis varias construxerunt. Quoniam enim inerte ociositatis vitio, gens Hibernica, ut diximus, nec maria lustrare, nec mercaturæ indulgere aliquatenus voluerat, de communi totius regni consilio, perutile videbatur, ut gens aliqua, cuius operâ, aliarum regionum commercia, quibus hæc terra caruerat, hûc advehi possent, in aliquibus regni partibus admitterentur. Fuerunt autem Duces eorum tres fratres, Amelaus sci. Sytarachus, & Ivorus. Constructis itaque primò civitatibus tribus; Dublinia, Guaterfordia, Limerico; Dubliniæ Principatus cessit Amelao, Guaterfordiæ, Sytaraco, Limerici, Ivoro; & ex his paulatim ad alias Hiberniæ civitates construendas processu temporis, sunt derivati. Gens igitur hæc quæ nunc Ostmannica gens vocatur, in-*  

*primis,*

primis, istius regibus satis tractabiles fuerunt & pacifici : Sed ex quo in immensum, generis numerositate jam excreverant, & civitates fossatis & muris optimè cinxerant ; antiquas inimicitias altâ mente repositas, nonnunquam renovare, & acriter rebellare solebant. Dicti sunt autem Ostmanni, linguâ ipsorum, corrupto quodam Saxonico, quasi Orientales homines : Respeâu namque terræ istius, ab Orientalibus hûc partibus undecunque adveâti sunt, Ita Giraldus ; è quo eadem hausisse videtur Ranulphus Monachus Cestriensis, in Polychronico. Cæterùm, ut de hac narratione, quod sentio dicam, constabit (opinor) Ostmannos sedes eas maritimas, non mercaturæ prætextu, nec Hibernorum assensu, sed vi & armis obtinuisse, si consideremus quantâ immanitate, à primo eorum ingressu, imò hoc ipso tempore, de quo nunc loquimur, & diù postea, per Hiberniam grassabantur. Certè ex optimis Historicis liquet Amlavum hunc, post prælium unum aut alterum, prospero contra Hibernos eventu, tanto fuisse iis terro-ri, ut annuo quodam tributo, pacem, ad tempus redimere coacti fuerint.

Anno 856, Inter Melachlinum regem & Danos atrox ortum est bellum, quo multi utrinque ceciderunt.

Anno 857, Cathaldus *Albus*, dum res novas moliretur, ab Amlavo & Ivaro, prælio profligatus est in Momonia.

Anno 859, Amlavus & Ivarus cum magno exercitu in Midiam profecti sunt. De successu, tacent Annales Hibernici, Sub eo verò tempore (ut videtur) induciæ inter Melachlinum & Danos sunt pactæ.

Anno

Anno 862, Defuncto Melachlino rege Hiberniæ, Lorcanus filius Cathaldi & Cornelius filius Dermittii regnum Midie inter se partiti sunt. Iis verò ab Edano cognomento *Finliat*, Danorum auxilio, postea captis, Edanus Rex Hiberniæ salutatus est. Lorcanum ab Edano tunc oculis orbatum, & Cornelium, ab Amlavo, Clonardæ submersum ferunt.

Anno 869, Amlavus Armacham diripuit, & incendit, postquam mille homines ibi prælio interfecisset.

Anno 870, Amlavus & Ivarus, cum classe 200 navium in Britanniam solverunt, in auxilium Hinguari & Hubbæ Danorum. De quibus Florilegum petas & alios rerum Anglicarum Scriptores. Anno sequenti, cum ingenti præda, multisque captivis, Dublinium reversi sunt. Sed brevi postea Amlavus naturæ cessit.

Anno 871, Ailillus Rex Lageniæ à Danis occisus est.

Anno 872, Fato functus est Ivarus, quem Annales Hibernici regem Normannorum totius Hiberniæ appellant.

Anno 875, Ostinus Anilavi filius, postquam Pictos magna strage profligaverat, Danorum ÷ve Ostmannorum dolo, occisus est. Tumque imperium suscepisse videtur Godfridus vari filius.

Anno 888, Atrox prælium inter Flanum regem Hiberniæ & Danos commissum est, quo multi utrinque ceciderunt, & inter alios e parte Flani, Edanus filius Cornelii rex  
K Conatiæ



Conatiæ cæsus est. Paulò postea, Godfridu filius Ivari Danorum Princeps, per Sitrici fratris sui malas artes, interemptus est.

Anno 892, Simultas inter Sitricum filium Ivari, & Galfridum quendam *Merlum* cognominatum, tunc temporis virum magni nominis apud Dublinienses, eòsque in apertam inimicitiam erupit, ut inter eos, Urbs quasi divisa fuerit, dùm una pars Sitricum, altera, Galfridum sequeretur.

Anno 895, Ostmanni Dublinienses in Ultoniam profecti Armacham diripuerunt.

Anno 896, Sitricus filius Ivari, qui fratrem (uti diximus) occiderat, pœnâ licèt claudâ reum assequente, à suis occisus est. Prælium inter Amlavum filium Ivari & Ultonienses, in Tirconalia, commissum est, in quo Amlavus victus est & occisus.

Anno 902, Dani novâ classe appellentes, à Lageniensibus prope Dublinium, magnâ strage profligantur.

Anno 914, Acris pugna navalis prope Manniam Insulam, inter Barredum & Reginaldum *O-Hivar* Danos, commissum est, in quâ Reginaldus, Barredo & suis occisis, victoriam reportavit.

Anno 915, Dani magnâ classe appellentes Momoniæ partem devastant.

Anno 916, Dani sive Ostmanni, in Mononia, præliis aliquot superati sunt: Cæterum in Lagenia, meliori successu pugnârunt. Nam, sub ductu Sitrici, Angarrus filius Aililli rex Lageniæ prælio occisus est, & cum eo ceciderunt multi Lageniæ Proceres. Sub eodem tempore, Dani sive Ostmanni Dubliniæ Moniam, sive Angleseiam in Cambria vastârunt,

vastârunt, ut è Caradoco Lhancarvanensi intelligimus.

Anno 918, Dani Momoniæ Albaniam, hodiè Scotiam, infestârunt.

Anno 919, Prælium arrox inter Nellum *Glundub* Regem Hiberniæ & Ostmannos commissum est Septembris 15, prope Dublinium, quo Rex ipse, unâ cum multis proceribus, periiit. Nello occiso, Imperium suscepit Donatus Flani filius, qui, anno sequenti, Ostmannos magnâ strage profligavit.

Anno 921, Reginaldo regulo Ostmannorum Dublinii defuncto successit Godfridus, qui eodem anno, contracto exercitu, in Ultoniam profectus est, ubi mense Novembr', Armacham diripuit.

Anno 924, Godfridus in expeditione Limericum versûs, magnam exercitus sui partem amisit.

Anno 926, Godfridus copias in Ultoniam misit, sub ductu Aulafi filii sui, qui ab Ultoniensibus, bis in fugam conjectus, ægrè tandem à patre, qui eum, novis è Dublinio auxiliis secutus est, liberatus.

Anno 934, Godfridus obiit, ob crudelitatem infamis, successit filius Aulafus, aliàs Aulavus, idem opinor cum Anlapho illo qui in prælio ad *Bruneburgum* in Northumbria, ab Athelstano Anglorum Rege victus est, anno 937. De quo vid. Ingulph & Hen. Huntingdon.

Anno 941, Aulafus morte repentinâ sublatus interiit. Hunc Caradocus Lhancarvanensis Abloicum præcipuum Hiberniæ regem appellat, & obiisse asserit anno 939. Liber Marganensis an. habet 940.

Anno 942, Dunum, Clonarda & Kildara, regionēſque adjacentes variis Oſtmannorum exercitibus, vaſtantur.

Anno 943, Dani in Lecalia degentes, ſedibus ſuis, ab Ultonienſibus ejiciuntur; eodem verò anno Murtachum Ailechæ regulum; prælio interficiunt 26 Febr. & die ſequenti, Armacham diripiunt.

Anno 944, Donato rege Hiberniæ morte repentina ſublato. Congelachus filius Mælmithi imperium ſuſcepit, qui eodem anno Brieni regis Lageniæ auxilio, Dublinium vi cepit & diripuit, Oſtmannis ibidem partim occiſis, partim in fugam converſis.

Anno 945, Blacarus Oſtmannus, Aulafi frater, copiis auxiliaribus, Dublinium recuperavit & reſtauravit.

Anno 946, Oſtmanni Dublinienſes, ut cladem nuper acceptam ulciſcerentur, hoc anno non parvam Midiæ partem devaſtârunt.

An. 947, Oſtmanni Dublinienſes à Congelacho rege, prælio proſtigantur.

Anno 948, Bellum redintegrârunt Dublinienſes, ſed à Congelacho rege iterum ſuperati ſunt, ipſo Blacaro rege, & è ſuis ferme 1600 in prælio occiſis. Blacaro ſucceſſit Godfridus Sitrici filius. Circa hæc tempora Oſtmanni Hibernici ad religionem Chriſtianam converſi ſunt. Neque deſunt qui, hoc ipſo anno, Oſtmannos ænobiaſſimum B. Mariæ Virginis juxta Dublin. Monachis Bénédictinis poſuiſſe tradunt, quamvis alii, diù antea fundatum aſſerunt, à Melachlino al. Malachia rege Hiberniæ (qui obiit 862) Gillemoholmoc nescio quo & Roſſia uxore ejus, Et alii, à Donaldò Gillemoholmoc. Ut ut fuerit, Monachos ibidem,

dem *Ordinis Cisterciensis institutionibus* se *submitte* anno 1139 *imitantes patrem suum Abbatem Saviniacensem* docent ejusdē cœnobii *Annales*. Jacobum Abbatem primum obiisse 5 nonas Martii prodit loci codex antiquus MS. penes Rogerum Twysdenum equ. & Baronettum. De anno silet, sed Everardum Abbatem quartum obiisse tradit 4 Idus Aprilis 1131, Quæ si vera sint, vel plerique eorum *Macrobi* fuerunt, vel cœnobium diu Abbate fuit viduatum.

Anno 950, Ostmanni Dublinienses Slanam in Midia diripuerunt & incendio deformarunt. Eo incendio, Cinaun virum doctū & loci Prælectorem, multosque alios in Ecclesia congregatos periisse ferunt. Cæterum anno sequenti, postquam magnam Midie partem, sub ductu Godfridi devastassent, ingenti præda onusti, in reditu Dublinium versus, ab Hibernis intercepti sunt & magnâ strage profligati.

Anno 956, Prælium atrox inter Congelachū regem Hiberniæ, & Ostmannos Dublinienses, ad *Tiguiran*, in Lagenia, commissum est, ubi Congelachus fusus est & occisus. Eo cæso, Hibernorum Imperium arripuit Donaldus Nellus.

Anno 959, Aulafus Dublinii regulus à Caradoco Lhancarvanensi, *Abloicus rex Hiberniæ* appellatus, Promontorium sacrum (quod nos **Holy-head**, incolæ *Caer-gubi* vocant) in Mona sive Angleseia insula, deinde regiunculam Lhinnensem, classe sua diripuit. Atqui liber Marganæ sive lib. *Hergesti* hanc deprædationem ascribit *Abloici filius*.

Anno 962, mortē obiit Godfridus Ostmannus, Aulafi filius. Circa hæc tempora (ut videtur) Eadgarus Rex Angliæ magnâ Hiber-



niæ partem subegit, & speciatim Dublinium Urbem. Qua de re, vid. quæ suprâ dicta sunt cap: 4, ex Præfatione Chartæ Eadgari.

Anno 970, Pugna Kilmonæ commissa est, inter Donaldum regem Hiberniæ & Donaldum Congelachi filium, Aulafi Ostmanni copiis adjutum. In eo prælio multi utrinque ceciderunt; Sed plures ex parte Donaldi regis.

Anno 977, Aulafus Sitrici filius prælio vicit & interfecit Murtachum & Congelachum, Donaldi regis filios.

Anno 980, Donaldo regi defuncto successit Melachlinus, aliàs Malachias filius ejus, qui eodem anno, Temoriæ, prælio memorabili, Ostmannorum vires fregit & quodammodo pessumdedit: Nam in eo prælio, præter milia aliquot militum gregariorum, primarii Ostmannorum Duces fermè omnes cæsi sunt, inter quos numeratur Reginaldus Aulafi filius; ob cuius interitum & maximam eam Ostmannorum cladem, Aulafus ipse, anno insequente, peregrinatione ad Insulam Huensensem susceptâ, ibidem (ut ex Annalibus cœnobii Insulæ omnium Sanctorum in occiduo limite agri Longfordiensis intelligimus,) pœnitentiâ peractâ, vi mœroris obiit. Successit ei filius Gluniarandus. Pugnâ Temoriensi finitâ, Melachlinus in Fingalliam, ditionis Ostmannicæ regiunculam profectus, eam igne & ferro devastavit, eodemque tempore Hibernos omnes, quos Ostmanni captivos tenuerunt, in libertatem asseruisse fertur. Cæterum pace tandem inter Melachlinum regem & Ostmannos Dublinii certis conditionibus factâ, ii, ut priorem jacturam, aliquo modo, resarcire viderentur, auxiliaribus copiis contractis, in  
Brieni

Brieni filii Murchardi Regis Lageniæ territoria irruerunt, quæ dum Brienus tueri conaretur, ipse, ab iis captus est & paulò post occisus.

Anno 983, Melachlinus Rex, ab Ostmannis Dubliniensibus adjutus, Donaldum *Clen* Lorcani filium regem Lageniæ, prælio fudit. In ea pugna, inter alios melioris notæ, cecidit Patricius Ivari reguli Waterfordiensis filius.

Anno 989, Gluniarandus, al. Glumainus, Aulafi filius rex Ostmannorum Dublinii, à famulo suo interemptus est. Successit frater ejus Sitricus. Circa idem tempus, Elirmanum filium Abloici occisum asserit Caradocus Lhancarvanensis, quem regem Hiberniæ appellat: & nomine & titulo deceptus, Eodem anno Godfridus Haraldi filius Hebridum insularum regulus à Dalriadinis occisus est; cui successit filius Reginaldus.

Anno 994, Sitricus Aulafi filius, ab Ostmannis Dublinii, in exilium pulsus, ante annum circumactum revocatus est, regnòque restitutus.

Anno 999, Marianus aliàs Mælmurrius Murchardi filius à jam dicto Sitrico adjutus Lageniæ regnum obtinuit, Donato prædecessore ejus in prælio capto & abdicare coacto. Ante finem ejusdem anni Brienus Borous Rex Momoniæ Ostmannos Dublinienses in prælio ad *Glenananin* fudit, ac Dublinium vi cepit & diripuit.

Anno 1000, Ostmanni (obsidibus Brieno traditis) Dublinium restaurarunt & firmarunt. Eodem anno, Ivarus Ostmannorum Waterfordiæ regulus obiit, successit ei filius Reginaldus.

Anno 1013, Lagenia, primùm à Murchardo filio Brieni Boroi tum regis Hiberniæ, deinde à Brieno ipso, ad muros, usque Dublinii, miserè direpta est : Lageniensibus interim & Ostmannis, pace inter se factâ, conjunctis copiis, se suaque frustrâ tueri nitentibus.

Sub initium anni 1014, vel paulò ante, Brienus Borous rex cum plurimis Hiberniæ regulis egit, ut conjunctis viribus, Sitricum, omnesque Ostmannos Dublinii, utpote publicos regni hostes, ex Hibernia expellere conarentur. Sitricus contrà, certior factus, quid Brienus moliebatur, nullum non movit lapidem, ut se suosque propugnaret : Pace igitur (ut antea diximus) cum Mælmurrio Murchardi filio rege Lageniæ facta, suppetias, tam ab eo, quàm à Danis, sive Norwegis, qui Manniam & Hebrides, (Hibernis *Inche-gall*) incolebant, obtinuit. Magnis copiis sic utrinque coactis, concurritur tandem Clontarfæ prope Dublinium, Aprilis 23, ubi post longam acerrimamque pugnam, victoria (sic plerique habent) cessit Brieno qui tamen ex vulnere, quod in prælio accèperat, mortifero, mox expiravit. Sunt contrà qui asserunt Danos sive Ostmannos, cùm eorum acies nutare cœperit, Brieno occiso, redintegratis viribus, in Hibernos irruisse, eosque magna strage profligasse. Qui hanc sententiam tenent, addunt etiam Brieni temeritatem magno fuisse Danis commodo : Ille enim (ut fertur) auxilia cum filio ejus Donato intra triduum venturâ, non præstolans, ne priorum actorum gloriam obscurare videretur, cum hostibus congredi facillè persuasus est, id quod sibi suisque postea fuit exitio.

exitio. In exercitu suo, Melachlinum porro habuit, tunc Midia, antea Hibernia regem, qui in prælio, ob priores injurias, alienati in eum animi indicia dedisse fertur. Cum Brieno ceciderunt, filius ejus Murchardus & Murchardi filius Tirdelvacus, magnus etiam Procerum numerus, & cæterorum 7000, vel ut aliqui habent, 11000. Ex Danis sive Ostmannis & Lageniensibus, plurimi etiam perierunt, Sed numerus incertus est. Inter eos primarii numerantur Dubgallus Aulafi filius, Bruodarus classis Danicæ præfectus, qui Brienum occiderat, Mælmurrius rex Lagenia, Donaldus Dux Fortuallensium, & alii quos prætereo. Sunt qui tradunt cadavera Brieni & filii ejus Murchardi, necnon Donati O-Kelli, Doulani O-Hartegan, & Gille-Barmedi, ad *Kill-mainan*, villam unico millari à Dublinio distantem, juxta antiquam crucem lapideam, ab Hibernis sepulta esse. Alii verò asserunt corpora Brieni & Murchardi filii, Swordam, (villa est ad 6 à Dublinio lapidem) delata, inde à Mælmurrio Eochæ filio Archiepiscopo Armachano, (quem *Annales Hibernici S. Patricii Comorbanum* appellant) Clero comitante, Armacham deportata, in Ecclesia Cathedrali ibidem, cui benefactor fuerat Brienus, fuisse condita. Prælio finito, Sitricus, cum Ostmannorum reliquiis, Dublinium se recepit, ac Melachlinus Rex Midia, à popularibus, Rex maximus Hibernia denuò declaratus est.

Anno 1018, Jam dictus Melachlinus copias Lagenienses Ostmannicas, in prælio ad *Fod-vay*, fudit.

Anno 1019, Brienus Mælmurrii filius Rex Lagenia



Lageniæ oculis orbatus est Dublinii, à Sitricorege.

Anno 1020, Reginaldus Ivari filius regulus Ostmannorum Waterfordiæ improles obiit. Successit ei Sitricus frater.

Anno 1022, Ugairus Rex Lageniæ in conflictu ad *Delgne*, Sitricum Regem Dublinii fugavit.

Anno 1023, Sitricus Ostmannorum Waterfordiæ regulus, ab Ossoriensibus, occisus est. Successit ei Reginaldus *O-Hivar*.

Anno 1029, Sitricus Rex Ostmannorum Dublinii, peregrinatione Romam usq; suscepta, in via defunctus est. Successit ei filius Aulavus sive Anloedus, qui anno sequente, à Matthæo aliàs Mathgauno *O-Riagan* captus, pro lytro solvit 200 vaccas, 80 equos Britannicos, tres uncias auri & gladium quendam vulgò dictum Caroli gladium.

Anno 1035, Aulavus filius Sitrici rex Dublinii Romam profecturus, in Angliā occisus est. Successit ei filius Sitricus.

Anno 1036, Reginaldus *O-Hivar* Waterfordiæ regulus occisus est Dublinii, à Sitricorege.

Anno 1038, Commuanus *O-Raban* regulus Waterfordiæ domesticis insidiis periit. Eodem anno Waterfordia à Dermatio rege Lageniæ direpta est & incensa.

Anno 1042, (aliis 1041) Sitricus Aulavi filius rex Ostmannorum Dublinii decessit. Hic fuit (ut reor) Sitricus ille, quem liber niger Ecclesiæ S. Trinitatis Dublinii Sitricum filium *Ableb* appellat, de quo ibidem hæc legimus, *Sitricus Rex Dublin. filius Ableb Comitæ Dublin. dedit Sanctæ Trinitati & Donato primo Episcopo*

Episcopo Dublin. locum ad edificandam Ecclesiam S. Trinitati, ubi fornices sive voltae sunt, cum terris subsequentibus, viz. Bealdulek, Rechen, Portrabern, cum villanis & vaccis & bladis, nec non aurum & argentum, sufficienter ad edificandam Ecclesiam, cum tota curia, contulit. Sitrico successit Aulavus sive Auloedus, quem Caradocus Lhancarvanensis Alphredum perperam appellat. Sub eodem tempore Conanus ap Jago, Aulavi gener, copiis Dublinii collectis, in Walliam trajecit, contra Gruffinum ap Lbewellin regulum, qui Venedotiam Conano profugo debitam, usurpârat: Gruffinum ibi dolo cepit, sed dum captivum, naves versùs, secum duceret, Walli, de ea recertiores facti, tanto numero confluerunt, ut facilè Gruffinum liberaverint, & Conanum ad naves repulerint.

Anno 1050, Conanus cum alia classe, è Dublinio Walliam versùs solvit, spe plenus, Venedotiam, hæreditario jure sibi debitam, recuperandi: Sed operam denuò lusit; nam maximâ classis parte tempestate amissâ, ipse ad litora Hibernica rejectus est.

Anno 1066, Godredus, sive Gothricus cognomento Crovan rex Manniæ (ut è Chronico Regum Manniæ intelligimus) subjugavit sibi Dublinium & magnam partem de Laynester, Scotos verò ita perdomuit, ut nullus qui fabricaret navem vel scapham, ausus esset plusquàm tres clavos inferere. Eum regem Hiberniæ appellat Lanfrancus Archiepiscopus Cantuariensis, in Epistola quadam, cujus exemplar habetur in Tomo undecimo Annalium Cardinalis Baronii.

Anno 1071 Murchardus filius Dermittii rex Lageniæ

Lageniæ mortem obiit , & Dublinii ab Ostmannis sepultus est.

Anno 1074, Maii 6, è vita migravit Donatus al. Dunanus Ostmannorum primus Episcopus Dubliniensis , & in Ecclesia sua Cathedrali, prope summum altare, sepultus est. Tùmque Patricius quidam, Ostmannus itidem, Godredo rege petente, successor electus à Dubliniensibus, in Angliam missus est, à Lanfranco Cantuariensi Archiepiscopo consecrandus , cum epistola sequente, *Venerando S. Cantuariensis Ecclesie Metropolitano Lanfranco, Clerus & populus Ecclesie Dubliniensis debitam subjectionem. Vestrae Paternitati est cognitum, quòd Ecclesia Dubliniensis, quæ Hiberniæ Insulae Metropolis est, suo sit viduata Pastore, ac destituta Rectore. Propterea elegimus Presbyterum nomine Patricium nobis sufficientissimè cognitum, natalibus & moribus nobilem Apostolica & Ecclesiastica disciplina imbutum, fide Catholicum, in scripturarum sensibus cautum, in dogmatibus Ecclesiasticis exercitatum, quem nobis quantocius petimus ordinari Episcopum, quatenus authore Dei, regulariter nobis praeesse valeat, & prodesse, & nos sub ejus regimine salubriter militare possimus, quia integritas Praesidentium salus est subditorum, & ubi est incolumitas, ibi est forma Doctrinae. Ante finem ejusdem anni, Patricius ille Londini, in Ecclesia S. Pauli, à dicto Lanfranco consecratus est, obedientiae professione sequenti praestitâ, Quisquis aliis praesidet, si & ipse aliis subjaceat, dedignari non debet, sed potius obedientiam, quam à subditis suis desiderat habere propter Deum, studeat praelatis sibi per omnia humiliter exhibere. Propterea ego Patricius*

*tricius ad regendam Dubliniam Metropolim Hiberniæ electus Antistes, tibi, venerande pater Lanfrance Britanniarum Primas, & Sanctæ Doroborniensis ecclesiæ Archiepiscopo, Professionis meæ Chartam porrigo, meque tibi tuisque successoribus, in omnibus, quæ ad Christianam religionem pertinent, obtemperaturum esse promitto. Hæc ex vetusto codicæ MS. bibliothecæ Cottonianæ, unâ cum aliis Episcoporum Ostmannicorum professionibus, in lucem emisit, inter veteres Epistolas Hibernicæ, eruditissimus Jacobus Usserius Armachanus, anno 1637.*

Anno 1076, Godredus *Crovan* rex Dublinii, necnon Manniæ & Hebridum Insularum obiit in Illa Insula, Ptolemæi Epidio. Successit ei, in Regimine Manniæ & Hebridum, filius ejus Lagmannus: Cæterum à Dubliniensibus, in regem electus est (ni fallor) Godfridus cognomento *Meranagh*.

Octobris 10, 1084, Patricius Dubliniensis Episcopus, in Oceano Britannico, naufragio periit, Episcopatus sui anno 10.

Anno 1085, Donatus (alias Dongus) O-Haingly Ostmannus, Dublinii natus, sed Cantuariæ in Angliâ educatus, ubi monachus factus est Benedictinus, Tirdelvaci regis clerique Dubliniensis consensu; Cantuariæ, à Lanfranco Archiepiscopo Cantuariensi, professione consueta præstita, consecratus est Episcopus Dubliniensis, ac in patriam reversus, libros nonnullos, & Ecclesiastica ornamenta, quæ Lanfrancus Ecclesiæ S. Trinitatis Dublinii dederat, secum reportavit.

Anno 1088 (aliis 1087) Waterfordia vi capta est & combusta, ab Ostmannis Dublinii.

Anno



Anno 1089, Ostmanni Dublinii, Waterfordiæ & Wickloæ dum conjunctis viribus, Corcagiam diripere intenderent, ab Oneaghenfibus, in prælio fusi sunt & profligati.

Anno 1095, Moriertachus O-Brien Rex Hiberniæ, Dublinium, cum exercitu pervenit, ac inde expulit Godfridum *Meranagh* regulum. Eodem anno mortem obiit Donatus O-Haingly Episcopus Dubliniensis, cui successit ejus nepos Samuel O-Haingly, cœnobii S. Albani monachus Benedictinus. De quo vid. plura apud Eadmerum, in Historia Novorum. Sub eodem tempore Godfredus *Meranagh* mœrore confectus è vivis excessit.

Anno 1096, Sedes Episcopalis Waterfordiæ instituta est, & primus ibi Episcopus electus est Malchus quidam, in Hibernia natus, sed educatione Monachus Ecclesiæ Wintoniensis in Anglia. Is consecrationem obtinuit Cantuariæ 5 Kal. Januarii, ab Anselmo Archiepiscopo Cantuariensi, assistentibus Radulpho Cicestriensi & Gundulpho Roffensi, Episcopis, professione sequenti præstitâ; *Ego Malchus Ecclesiæ Waterfordiæ electus, & à te Reverende pater Anselme, sanctæ Cantuariensis Ecclesiæ Archiepiscope, & totius Britannię Primas, Antistes consecrandus, tibi & omnibus successoribus tuis, canonicam obedientiam me per omnia servaturum promitto.* Literarum in ejus gratiam conscriptarum exemplar habes apud Eadmerum, à Doctissimo Seldeno, in lucem editum, anno 1623, cum notis & spicilegio. Sub exitum hujus seculi XI, Ecclesia cathedralis S. Trinitatis Waterfordiæ ab Ostmannis constructa est.

Anno 1103, Magnus rex Norwegiæ, Manniâ & Orcadis expugnatis, fœdus temporarium percussit

percussit cum Moriertachō O-Brien rege Hiberniæ, sed anno sequenti (dum in Ultonia exploratorem egit) ab Ultoniensibus improvise interceptus interiit. De hac re, si non pigeat legere, en tibi verba Chronici Regum Manniæ, Magnus Murecardo (rectius Murier-tacho) Regi Hiberniæ misit calceamenta sua, præcipiens ei ut ea super humeros suos in die Natalis Domini, per medium domus suæ portaret, in conspectu nunciorum ejus, ut inde intelligeret se subiectum esse Magno Regi. Quod audientes Hibernienses, ægrè ferebant & indignati sunt nimis: Sed Rex saniori consilio usus, Non solum inquit calceamenta ejus portare, verumque manducare mallem, quàm Magnus Rex unam Provinciam in Hibernia destrueret. Itaque complevit præceptum, & nuncios honoravit. Multa quoque munera per eos Magno Regi transmisit; & fœdus composuit. Nuncii verò redeuntes ad Dominum suum, narraverunt ei de situ Hiberniæ & amœnitate, de frugum fertilitate & aëris salubritate. Magnus verò hæc audiens, nihil cogitabat quàm totam Hiberniam sibi subjugare. Itaque præcepit classem congregare. Ipse verò cum sedecem navibus procedens, explorare volens terram, cum incautè è navibus discessisset, subito à Hiberniensibus circumvallatus interiit, cum omnibus ferè qui secum erant. Sepultus est autem juxta ecclesiam S. Patricii in Duno. Regnavit sex annis, sc. in Mannia. Exordiis illis quàm dispar exitus.

Anno 1106, Donaldus Archiepiscopus Armachanus Dublinium profectus, ut pacem inter Moriertachum regem Hiberniæ & Donaldum O-Loghlin procuraret, in ægritudinem incidit, quâ Dulekæ in reditu Armacham  
versus

versus, ætatis suæ anno 58, consecrationis 15, sublatuſ est.

Anno 1109, Limericum incendio (maximo Ostmannorum damno) deflagavit.

Anno 1121, 4 nonas Julii, obiit Samuel O-Haingly, Ostmannorum quartus Episcopus Dubliniensis. Successit ei Gregorius, Lamethæ consecratus, 2 insequentis Octobris, à Radulpho Archiepiscopo Cantuariensi.

Anno 1125, Torfinus filius Torcalli Ostmannorum Dublinii regulus, in ipso juvenutis flore, morte repentinâ obiit.

Anno 1131, Defuncto Everardo Ostmanno Abbati cœnobii B. Mariæ juxta Dublin. successit Andreas.

Anno 1134, Cornelius filius Murchardi regis Midix, in conflictu, à Donaldò filio *Gille-moholmoc* & Ostmannis Dublinii, occisus est: Sed Donaldò eo, subitâ rotæ conversione, in alio conflictu occiso, & Dubliniensibus fugatis, Midenſes in Fingalliam irruunt, eamque ferro & flammâ devastant.

Anno 1136, Mæliſa O-Hammire Episcopus Ostmannorum Waterfordiæ ex hac vita migravit, successit Tuistius, aliàs Toſtius Ostmannus.

Anno 1140, Mortuo Gille five Gilleberto episcopo Limericensi, vel saltem resignante, Patricius quidam, ab Ostmannis Limerici Episcopus electus, in Angliam trajecit, ubi à Theobaldo Archiepiscopo Cantuariensi consecrationem obtinuit, professione sequenti præstitâ, *Ego Patricius ad regimen Ecclesiæ Limericensis electus, & à te, Reverende Pater Theobalde Sanctæ Cantuariensis ecclesiæ Archiepiscopo & totius Britannix Primas, per gratiam Dei*

*Dei Antistes consecrandus, tibi & omnibus successoribus tuis, tibi canonicè succedentibus, debitam subjectionem, & canonicam obedientiam, per omnia me exhibiturum fore promitto.*

Anno 1142, vel circiter, Cadwaladrus à fratre suo Oweno *Gwineth*, Venedotiæ principe, deficiens in Hiberniam profugit, ac Ostmannis duo millia marcarum pollicetur, si justo exercitu bellum contra fratrem moverent. Annunt Ostmanni, ac copiis collectis, partim è suis, partim ex *Hibernis* exercitum (*Oëtero* filiisque *Torcalli* & *Cherulphi* ducibus) in *Walliam* mittunt. Cæterum paulò post eorum appulsum pacem inter fratres factam audientes, Cadwaladrus captivum detinent, donec pro 2000 marcarum, 2000 pecudum acceperant. Tum verò Owenus in Ostmannos & eorum socios sic onustos, improvisò irruens, antequàm naves conscenderent, eorum numerum permagnum interfecit, & cum spoliis reversus est, Cæteri fugâ ad naves evaserunt. Sic, paucis mutatis, Caradocus *Lhan-carvanensis*.

Anno 1147, Reginaldo *Torcalli* filio *Dublinii* regulo, in acie occiso à *Midenfibus*, Godfredus filius *Olavi* rex *Manniæ*, (si fides sit adhibenda *Chronico Manniæ*) ab Ostmannis *Dublinii*, rex salutatus est: Atqui in *Analibus Hibernicis* *Oiterus* (aliàs *Oëterus*) Reginaldo successisse dicitur, fortè tamen *Godredi* imperio subjectus; Utcunque, *Oëtero* biennio post occiso, *Dublinii* principatum obtinuit *Brodarus* *Reginaldi* frater.

Anno 1151, Obiit *Haraldus Ostmannus* episcopus *Limericensis*, successit popularis ejus *Torgesius*.



Anno 1161, Brodaro Torcalli filio Ostmannorum Dublinii regulo, à Midenfibus, in prælio, occiso, successit frater ejus Asculphus. Eodem anno (Octobris 8) decessit Gregorius primus Archiepiscopus Dubliniensis, cui successit Laurentius (indigenis Lorcanus) O-Toole, Abbas Glendelacensis, à Gelasio Archiepiscopo Armachano, Dublinii consecratus, in Ecclesiâ cathedrali S. Trinitatis anno insequenti.

Anno 1167, Rodericus O-Conner rex Hiberniæ Lageniam cum copiis ingressus, Dermotio filio Murchardi rege Lageniæ in fugam coniecto, Lagenienses & speciatim Ostmannos Dublinienses sibi obsides tradere coegit.

Anno 1169, E Wallia, cum copiis, sub initium Maii, in Hiberniam appulerunt Robertus filius Stephani, Meilerus filius Henrici, Milo filius Davidis Menevensis & Hervæus de Montemarisco. Primi appulsus locus, bono omine, dicebatur *Banna*, sive Beatus, vulgò *Bag & Bun* prope Fethardam, in agro Wexfordiensi, quem aliqui (perperam opinor) eundem esse existimant cum Ptolemæi *Sacro Promontorio*. Postridiè eos sequutus est Mauritius de Prèndergast, cum 10 militibus & 60 sagittariis. Dermotius Murchardi filius, de eorum adventu certior factus, Bannam quantâ potuit celeritate contendit, eosque lætissimo excepit animo. Die sequente, Wexfordiam versus movent, quæ postquam obsidionem paulisper sustinisset, Dermotio in manus tradita est. Wexfordiâ sic captâ, & Mauritio Giraldi filio, cum novis copiis ibi appulso, (nam quæ ad res Ostmannicas non pertinent hîc prætermittimus) iis rex Dermotius ex pacto, suas etiam copias

copias adjunxit. De armis tùm in Ostmannos Dublinii convertendis, initur consilium, quod cùm omnibus placuisset, Dublinium, quantâ possunt celeritate, contendunt, urbemque deditione capiunt. Sed, obsidibus acceptis, protinùs Asculpho Torcalli filio (de quo supra) restituant.

Anno 1170, Rex Dermotius ad Richardum cognomento *Strong-bow*, Penbrochiæ vel (ut Giraldus Cambrensis eum appellat) Striguliæ comitem, literas perscripsit, quibus vehementer ab eo petiit auxiliares eas copias quas promiserat. Comes his literis acceptis, à Rege Henrico II, *licentiâ ironicâ potiùs quàm verâ* (ait dictus Giraldus) *impetratâ*, Reimundum Crassum, sub initium Maii, 10 viris equestri ordinis & 70 sagittariis stipatum, in Hiberniam præmisit, ipse brevi postea secuturus. Reimundus exscentionem fecit ad *Dundenil*, ad quartum à Waterfordia lapidem. De Anglorum appulsu, Ostmanni Waterfordienses facti certiores, eos antequàm auxiliis firmarentur, aggredi statuunt: Tùmque à Malachia O-Felan Desiensi & O-Riano Idronensi adjuti, exercitum conscribunt, in quo 3000 erant equitum & peditum. Hi in Anglos impetum facientes, ab illis, paucis duntaxat adjutis, sub ductu Hervæi de Monte-marisco, (qui illuc fortè Reimundum visendi gratiâ venerat) fortiter excepti sunt, & post aliquot horarum pugnam, profligati. In eo prælio, ex Ostmanis Waterfordiæ & Hibernis, plùs minùs mille cæsi occubuerunt. Capi sunt prætereà 70, qui omnes, Reimundo procurante, in vindictam interitus amici sui *de Buein*, qui in prælio ceciderat, occisi sunt. Sic Mauritius Re-

ganus. At Giraldus Cambrensis eos, Hervæi suafu, adversante Reimundo, è rupibus in mare præcipitados asserit. Hæc mense Maio. Augusto sequente, Richardus Comes Penbrochiæ, è Milfordia solvit, ventoque secundo in portum Waterfordiæ invehit, exercitum exposuit, in quo fuerunt 200 milites primarii, præter mille ordinis inferioris. Post diem unum vel alterum, Waterfordiam contendit, quam Augusti 25 vi cepit, ac in ea Reginaldum Ostmannorum Waterfordiæ Principem & Malachiam O-Felan, de quo suprâ. Illi ad mortem damnati, intercessione Dermittii Regis, (qui unâ cum Stephanide, multisque Anglis & Wallis, post victoriam partam, Waterfordiâ venerat) servati sunt. Nuptiis tunc inter Richardum Comitem & Evam Dermittii regis filiam ibidem celebratis, Comes ejusque uxor Dermittii hæredes publicè sunt declarati. Paulò post, Dermittius & gener, præsidio Waterfordiæ relicto, conjunctis copiis Dublinium contendunt, urbemque (Rodérico rege viam frustrâ obstruere nitente) obsident. Asculphus Ostmannorum Princeps, cùm resistere (quod viribus impar) sibi non tutum putaret, Laurentii Archiepiscopi Dubliniensis intercessionem, de deditione citò agere cœpit. Cæterum Reimundus & Milo de Cogan, durante intercessionis tempore, selectâ manu urbem invadentes, eâ primo impetu, 21 die Septembris (qui S. Matthæo sacer) potiti sunt. Asculphus tamen & civium plerique naviculis & cymbis, eo tempore in portu conscensis, evaserunt.

Anno 1171, Circa festum Pentecostes, Asculphus à Johanne quodam (quem Orcadiensem appellant

appellant Annales Ultonienses) & copiis suæ gentis auxiliaribus, è Mannia, adjutus, cum 60 navium classe, portum Dubliniensem ingressus est, & militibus expositis, in urbis partem orientalem irrumpere tentavit, ubi, dùm Milo Coganus, qui urbi præerat, præsidio haud satis firmatus, urbem propugnare conaretur, Richardus frater ejus, è porta S. Pauli australi, cum parva manu, egressus, hostes (qui auxiliares copias Cogano advenisse putarant) in fugam facile conjecit. Partim in prælio, partim in fuga, multi eorum cæsi feruntur, & inter eos, dictus Johannes Orcadiensis. Asculphus etiam ipse captus est, & quòd linguæ frænium intemperantiùs laxasset, ultimo supplicio postea affectus. De adventu Henrici II in Hiberniam, & de aliis licet magni momenti rebus hoc anno in Hibernia gestis, non est hîc dicendi locus, ut quæ ad rem, de qua nunc agimus non pertinent. Denique satis erit hîc indicare, captis, intra paucos annos postea, Urbibus Limerico & Corcagia ab Ostmannis plerùmque possessis, penitùs fractas fuisse eorum vires, postquam (ut ex iis quæ suprà dicta sunt liquet) in Hibernia, per aliquot annorum centurias, sedes fixerant. Veruntamen, remansisse ibi aliquas Ostmannorum familias diù postea, ex Archivis, in promptu colligere est; Speciatim ex Rotulo Placitorum anni 4 Edwardi Secundi. Huc etiam facit, (si ad antiquiora recurramus tempora) *Recognitio facta* (anno Dom. 1201) *per Sacramentum 12 Anglorum, & 12 Ostmannorum, & 12 Hiberniensium, de terris, Ecclesiis & cæteris pertinentiis, ad Limericensem Ecclesiam spectantibus.* *Recognitio*



ea habetur in Regesto Decani Limericensis. Atque ita res ab Ostmannis in Hibernia gestas maximè memorabiles, paucis perstrinxi.

## C A P. XXV.

*De Re Nummaria, sive de Nummis Hiberniæ antiquis, cùm ante adventum Anglorum, sub Henrico II, tùm postea, usque ad Henrici VII tempora.*

**O** Pulentiæ Hibernorum pars maxima in pecorum multitudine (Germanorum more, de quo vide Tacitum) olim consistebat. Neque aliter erat apud veteres Romanos, unde Varro, lib. 4, de lingua Latina, à pecude pecuniam derivat. Et de Hispanis veteribus, Justinus, *Armenta Gerionis, quæ illis temporibus habebantur solæ opes.* Hiberniam porrò metallorum venis esse divitem quotidiana experientia docet: Speciatim sunt ibidem aliquæ plumbi fodinæ, quæ mixtam habent lucrosam argenti quantitatem. Hadrianus Junius, inter alia, in Hiberniæ laudem, fodinas hæc *puri argenti venas* poëticè appellat,

*Et puri argenti venas, quas terra refossis  
Visceribus manes imos visura recludit.*

Sed hæc obiter. Ad rem veniendum est, ac primò quærendum, an Hiberni ante Anglorum adventum, nummis usi fuerint, vel auro duntaxat, argento, ære, aut annulis, ad certum

tum pondus examinatis. Saxo Grammaticus lib. 6 Historiæ Danicæ narrat. Hugletem Regem Hiberniæ, divitem sed avarum, ab Hacone Dano, in prælio victum & occisum, magnam deinde pecuniæ summam in ærario ejus, *Dufline*, sive Dublinii, à Danis repertam. Sed Saxonis notissimæ sunt fabulæ. Speciatim, tota hæc narratio ab antiquitatum Hibernicarum scientissimis rejicitur. Apud Historicos nostros, dum de rebus antiquis Hibernicis loquuntur, occurrit quandoque auri mentio, quandoque argenti, variis occasionibus dati, interdum etiam ponderis. Sic in Annalibus Ultoniensibus, ad annum Dom. 1004, Brienus *Boruma* sive *Borou* rex Hiberniæ, maximam procerum multitudine comitatus, Armacham pervenisse dicitur, & inde cum obsidibus ei traditis, in Momoniam rediisse, postquam 20 uncias auri, in Ecclesia cathedrali Armachana, super altare S. Patricii, obtulisset. Item anno 1152 (ut ex iisdem Annalibus intelligimus) Tirdelvacus O-Conner rex Hiberniæ à Dermotio Lageniæ, Melachlino Midia, & Tigernacho Brethniæ, regibus adjutus, signa adversus Momonienses tum rebelantes, extulit. Pugnatum est ad *Monimore*, alias *Monadmure*, ubi Momonienses magnâ strage profligati, eorumque Dux Limericum profugere coactus, pro lytro dedit Tirdelvaco 60 uncias auri, 60 monilia & scyphum aureum, Brieni Boroï scyphum dictum. Item anno 1157, vel 1158, Mauritius O Loghlin tum rex Hiberniæ, finitâ dedicatione Ecclesiæ cœnobii Mellifontis, (à Gelasio Archiepiscopo Armachano) monachis ibidem, inter alia donaria; dedit 60 uncias auri, Itidem Donatus

O-Carollus (Ergallia regulus & loci fundator) alias 60 uncias, totidemque alias, Der-vorgilla uxor Tigernaci O-Ruark. Anno item 1161, vel 1162, 420 uncias puri argenti, ab Offoriensibus collectas fuisse, ad usum Flacher-tachi O-Brolchan Comorbani Colum<sup>b</sup>-Kill, produnt jam dicti Annales Ultonienses. Ad hanc rem, vid. porro quæ suprâ dicta sunt, c. 24, ad ann. 1029 & 1042. Sunt & alia multa hujus generis exempla, Sed singula hîc enumerare, instituti non est mei. An verò aurum vel argentum ita donatum, percussum fuerit necne, non liquet. Audiamus jam, quid de hâc re, habet Giraldus Cambr. Topographiæ Hiberniæ Distinct. 3, cap. 10, Metallorum quoq; diversorum (inquit) genera, quibus venæ scaturiunt inferiores, ejusdem ociositatis vitio, nec ad usum prodeunt, nec proficiunt; Aurum enim quo & abundare quærunt, & quod adhuc Hispanico more sitiunt, commerciorum gratiâ, scrutantes Oceanum, Mercatores Ostmannici advectant. Ostmannos, & ipsos veteres Hibernos nummos habuisse, ante Anglorum adventum, non est cur quis dubitet. Hoc constat ex Epistola Lanfranci Archiep. Cantuariensis, ad Tirdelvacum Regem Hiberniæ, anno 1074 perscripta, in qua inter alia eum rogat corrigere pravam eam consuetudinem (apud Hibernos usitatam) conferendi sacros ordines per Pecuniam ab Episcopis. An verò nummi illi fuerint in Hibernia cusi, vel aliundè invecti, viri nonnulli docti dubitârunt. Ad hujus rei notitiam quod attinet, fatendum est nobis, eam perquam exilè superesse. Cæterùm ad veteres Ostmannos quod attinet, eos in Hibernia nummos cudisse, satis est argumento nummus argenteus

argenteus Aulafi five Anlaphi Regis Dubliniensis, nonnullis Regis Hiberniæ dicti, cujus figuram subjungimus :




Restat de Hibernorum veterum nummis scrupulus : Atque hîc non possum (fateor) non memorare, rusticos quosdam, mense Decembri, anno Dom. 1639, incidisse. in magnam vim veterum numismatum Hibernicorum, prope Glendelacham, in agro Wickloensi, è quibus aliqua ad manus meas pervenerunt, quorum ectypa hîc exhibere operæ pretium duxi,

---

Aversa



adventum in Hiberniam, à quibus, nummos frequenter ibi cufos constat. De nummis in Hiberniâ procufis tempore Johannis Regis, ita Rogerus de Wendover, & ex eo Matthæus Parisius, ad annum Dom. 1210, *Præfecerat autem (Johannes Rex) ibidem Johannem de Grey Episcopum Norwicensem Justitiarium, qui Denarium terræ illius, ad pondus Numismatis Angliæ fecerat fabricari; & tam obolum quàm quadrantem rotundum fieri præcepit. Jussit quoque Rex, ut illius monetæ usus, tam in Anglia, quàm in Hibernia, communis ab omnibus haberetur, & utriusque regni Denarius in thesauris suis indifferenter poneretur.* Hinc constare videtur, nummos in Hibernia antea percufos fuisse, sed tunc, Regis jussu, **DENARIUM TERRÆ ILLIUS** ad pondus numismatis Angliæ primò fuisse fabricatum. Henricum III (Johannis filium) anno regni 35, hoc est anno Dom. 1251, novam monetam in Hibernia fabricari mandasse, ex Archivis, quæ in arce Londinensi asservantur, liquet. Meminit ad annum sequentem, ejusdem *Novæ monetæ, Regis mandato, in Hibernia percussæ, unà cum veteris abolitione*, author anonymus Annalium cœnobii Canonorum Præmonstratensium S. Trinitatis de Loghkea, in agro Roscomanensi. Sed ecce figuram nummi ejus nuper Dublinii reperti, & ibidem (ni fallor) procufi, cujus prior pars exprimit effigiem Regis, cum hac inscriptione, *Henricus Rex III*, averfa verò, crucem & cuforum nomina,



De pondere & valore, nihil traditum reperi. De novo etiam Monetæ genere, quod sub Edwardo primo, percutituravit Stephanus de Fulburn, dùm Episcopus esset Waterfordiensis & Hiberniæ Justitiarius, sic Pembrigius, in Hiberniæ Annalibus à Camdeno editis, ad calcem Britannix suæ, *Anno 1279, Dom. Robertus de Ufford* (Hiberniæ Justitiarius) *intravit Angliam, & constituit loco suo fratrem Robertum* (lege Stephanum) *de Fulburn Episcopum Waterfordiensem; cujus tempore mutata est moneta.* Hoc factum est jussu Regis Edwardi Primi, qui monetæ regulam fixam, sive *Standardum* ut vocant) & pondere & puritate, ad perpetuum ejus honorem, emendavit in Anglia, secundum quam regulam, Officinæ etiam monetariæ in Hibernia fuerunt moderatæ, ut è Computis Donati & Andreæ de Sperdsholt *Magistrorum Cambii Dublinii* liquet. Anno deinde 1300, dicti Regis Edicto, nummi dicti *Polards & Croccards*, tam in Anglia, quàm in Hibernia, sunt prohibiti. Edictum quod de hac re edidit, in Hiberniam transmissum conscriptum extat in Libro rubro Scaccarii Dublinii. Ad eundem annum Pembrigius,

*Anno*

Anno 1300, Numisma Pollardorum prohibetur in Anglia & Hibernia; Vid. porro Walsingham. Histor. ad annum 1301. Pollardi illi valebant medietatem nummorum *sterlingorum*. Notandum autem nummum propriè olim dictum *Sterlingum* vel *Esterlingum* fuisse Denarium Anglicum, ut ex ordinatione quæ dicta est *Compositio Mensurarum* facta tempore Edwardi Primi liquet, in qua invenimus quod *Denarius Angliæ, qui nominatur Sterlingus, rotundus, sine tonsura, ponderabit 32 grana frumenti, in medio spicæ*. Atque hinc cæteri nummi per *Sterlingos* fuerunt mensurati. Sic solidus valebat 12 *Sterlingos*, Marca, secundum Matthæum Parisium, 13 solidos & 4 *Sterlingos*, sive denarios, obolus, dimidiam partem *Sterlingi*, & quadrans (nos a *Farthing* dicimus) quartam partem *Sterlingi*. Ad nomen quod attinet, ita Camdenus, in Scotia sua, Quod quidam monetam probam Angliæ, quæ **Sterling money** dicitur, hinc (nempe à Castro *Sterlingæ*) denominatam volunt, frustra sunt; à Germanis enim quos Angli **Esterlings**, ab orientali situ, vocârunt, facta est appellatio, quos Johannes rex ad argentum in suam puritatem redigendum, primus evocavit: & ejusmodi nummi *Esterlingi* in antiquis scripturis semper reperiuntur. Cæterum tempus quo dicta moneta primum procudi & ita appellari cœpit, incertum est: Nam apud Rogerum Hovedenum in Historia Richardi Primi, Johannis Prædecessoris, ejusdem monetæ his verbis fit mentio. Videns igitur Galfridus Eboracensis electus, quod nisi mediante pecunia, amorem Regis fratris sui nullatenus habere possit, promisit ei tria millia librarum *Sterlingorum*,  
pro

*pro amore ejus habendo. Et in Regesto antiquiori cœnobii S. Thomæ juxta Dublin, (penes me) habetur exemplar Chartæ Civium Dublin. factæ circa idem tempus, ad cujus finem ita legimus, Pro donatione ista nobis dedit præfatus Rogerus unciam auri, causa emendandi murum villæ, & 20 solidos sterlingorum, quando transmisimus nuncios ad Dom. Comitem Johannem pro negotio Civitatis. Sed tempora antiquiora etiam spectemus, vid. Orderic. Vital. Histor. ecclesiastic. ubi sæpius fit mentio nummi Sterilensis, ipsis Gulielmi Victoris temporibus, & speciatim in Charta quadam ipsius, cœnobio Uticensi concessa. Polydorus Virgilius, & ex eo alii, nummum Sterlingum dictum volunt, ab effigie Sturni avis, Anglicè a **Sterling**, quasi interdum in alterâ parte nummi impressâ: Atqui Polydorus is Italus fuit & in rebus nostris non benè versatus, specialiter effigies ea Columbæ est, non Sturni, ut alii rectius observant. Pergo. Sub exitum seculi XIII, vel initium insequentis, Edwardus Primus constituit Dublinii novam Officinam monetariam, & Alexandrum Normannum de Luic Cusorum Præfectum. Anno deinde 1304, (ut è libro rubro Scaccarii Dublinii intelligimus) Magister Gulielmus de Wimundham Custos Cambiorum Domini Regis in Angliâ; de præcepto venerabilis patris Bathoniensis & Wellensis episcopi, Thesaurarii ejusdem Domini Regis, misit Domino Gulielmo de Essenden Thesaurario in Hibernia, 24 pecias cuneorum, pro moneta ibi facienda, viz. tres pilas cum sex crucellis, pro denariis, tres pilas cum sex crucellis, pro obolis, & duas pilas cum quatuor crucellis, pro ferlingis, per Johannem*



*nem le Minor, Thomam Dowle & Johannem de Shordich clericos, de societate operariorum & monetariorum London. per eosdem, ad monetam prædictam operandam & monetandam. Sed ut tempora Edwardi Primi jam concludamus, notandum, ut in Anglia, sic etiam in Hibernia, nomina urbium, in quibus nummi cudabantur, in averfis nummorum partibus, tunc fuisse inscripta, juxta illud Roberti le Brun, Poëtæ antiqui Anglici, à Johanne Stowo Chronographo citatum,*


**Edward did smite round penny, halfe penny,  
farthing.**

Et postea,

**On the Kings side was his Head, and his  
name witten,**

**On the Crosse side, the City where it was  
smitten.**

Hûc spectat nummulus argenteus hujus Edwardi, Dublinii percussus, quem expressum hîc tibi exhibemus,



Duos alios habeo , tempore ejusdem Edwardi in Hibernia cufos , alterum Waterfordiæ , alterum Pontanæ five Droghedæ , ut ex inscriptionibus eorum liquet. Asservatur etiam ( ut accepi ) inter cimelia D. Simon. D'ews , nummus antiquus argenteus , Clonardæ in Midia procusus , cum hac inscriptione in averfa parte, *CIVITAS DE CLUNARD* , sed cujus fuerit temporis adhuc ignoro. Atque ita olim apud veteres Romanos in Britannia pecunia interdum percuti solebat ; De nummis in memoriam Constantini Junioris , post excessum ejus procusis , cum literis *P. L O N.* inscriptis , utpote Londini signatis , vid. Camdenum : atque ut apud veteres eos Romanos , ita apud nostros majores ( ut idem Camdenus in Wiltonia notat ) *pecunia & appendi & numerari solebat.* Sed pergamus.

Ab ultimis temporibus Edwardi Primi , usque ad annum 10 Edwardi Tertii , de hac re nihil traditum reperi. Tum verò ( ut è rotulo Finium illius temporis liquet ) de obolis & quadrantibus , in Hibernia cudendis , prodiit Edictum Regis & Concilii sui , *Que la liure des mailles , par poids de l'estandard de la change , contient-*

*contiendra 21 sols par compt: Et la liure des ferlings 21 sols & 11 deniers: Et que la liure sudite tiendra dix onces de fin argent, c'est à scavoir trois sols & quater deniers.* Sic viginti denarii temperati ut suprâ faciebant unciam, & 12 uncia, libram (quam vocant) Trojanam. Juxta eam proportionem, usque ad 18 annum ejusdem Regis, id est 1344, omnes Coronæ redditus, & pondere & numero, Fisco illati sunt: cùm (ut rectè notat, D. Robertus Cottonus equ. & Baronettus) ex variis *Standardi* mutationibus; factis temporibus subsequenter, in qualibet uncia jam numerentur quinque solidi. Neque mirum igitur, si omnium rerum venalium pretia hodiè ter auctiora reddantur, quàm quæ tempore Edwardi Primi, pro mercibus consimilibus, pendebantur. Ad statum verò Fisci Hibernici, tempore Edwardi Tertii, quod attinet, non possumus non hîc obiter annotare crassum Walsinghami errorem, qui in Historia Richardi Secundi (ad annum 1394) Edwardum 3, ex Hibernia annuatim percepisse asserit, *ad Regalem Fiscum, triginta millia librarum*: Si quidem ex ipsis illorum temporum Archivis, quæ etiamnum extant, liquidò constat, nè tertiam quidem ejus summæ partem annuatim in Fiscum fuisse solutam.

Anno 3 Richardi secundi, hoc est, 1379, autoritate Parlamentariâ, singulis in Hibernia concessa est licentia effodiendi è venis auri vel argenti, in terris suis propriis, per sexennii spatium, nonâ parte auri vel argenti sic effossi, regi reservatâ, & residuum, ad placitum eorum, vel in vasa convertendi, vel in nummos, in officina monetaria Dublinii,

cum prohibitionem tamen exportationis auri, argenti vel massæ five *billionis*, in aliquam aliam regionem, præterquam in Angliam, sub pœna confiscationis.

De temporibus Henrici 4 & Henrici 5, ad hanc rem, non habeo quod dicam. Constat verò sub initium regni Henrici 6, circiter 32 denarios fecisse unciam argenti. Sic Linwood (qui tunc scripsit) De Testamentis, cap. *Item quia Verb. Centum solidos. Hic solidus* (ait ille) *sumitur pro duodecim denariis Anglicanis: Horum viginti sex ponderabant unciam, cum tamen jam 32 denarii vix faciant unciam.* Sed videamus jam quid de Re nummaria temporum sequentium produnt Tabulæ publicæ Hiberniæ.

In Parlamento Trimmæ habito, coram Johanne Talboto comite Salopiæ, Wexfordiæ & Waterfordiæ, Locum-tenente Hiberniæ, mense Januario anno 1446, lata est lex ad coercendam receptionem monetæ detonsæ, monetæ dictæ **D Relyes money**, aliorumque illicitorum & reproborum nummorum: Vestigal etiam 12 denariorum impositum est cuilibet unciæ vasorum argenteorum, argenti fracti, & massæ argenti, exportandæ, exceptis vasis argenteis Nobilium & Nunciorum in Angliam transfretantium, circa ardua Hiberniæ negotia. Mense Februario 1459, Officinæ monetariæ stabilitæ sunt in castris Dublinii & Trimmæ, ac sub eodem tempore, Regis mandato cusi sunt non solum nummi argentei, sed etiam ærei. De valore eorū, vid. Rot. patent. an. 39 Hen. 6, nam deest valor in excerptis meis.

Anno 5 Edwardi 4, hoc est 1465, in Parlamento Trimmæ inchoato coram Thoma comite



mite Desmonia Deputato Georgii Ducis Clarentia Hibernia Locū-tenentis auctus est valor nummorum aureorum, ab initio regni Edwardi III, usq; ad exitum Henrici VI, cuforum, Nobilis scil. ad decem solidos, cū anteā non valeret nisi sex solidos & octo denarios, & sic aliarum summarum, juxta eandem regulam & proportionem. *Jam inde Moneta* (inquit Johannes Davisius equ. aur. in Relationibus suis) *tūm in Hibernia tūm pro Hibernia cusa, minoris fuit valoris quā moneta Angliæ, plerūque ex quarta parte, ita ut deinceps solidus Hibernia valeretur tantū 9 denarios monete Anglicæ.* Sed hæc res plenius meretur scrutinium: Nam quartæ illius partis differentia ad recentiora tempora est referenda, ut infrā patebit.

Anno 1467, Parlamentariā item authoritate, data est cuforibus potestas signandi pecuniam in civitatibus Waterfordiensi & Limericensi, in oppidis Pontanensi, Galviensi & Carlingfordiensi, necnon in castris Dubliniensi & Trimmensi.

Octavo anno postea, mense nimirum Julio 1475, in Parlamento Dublinii coacto, coram Gulielmo Shyrwood Episcopo Midenfi, Deputato jam dicti Locum-tenentis, lata est lex, quā auctus est argenti valor, ita ut nummus argenteus (non detonsus) quatuor denariorum, temporibus Regum suprā memoratorum signatus deinceps valeretur sex denarios, & ut secundū eam regulam, minores etiam argenti summae reciperentur. Eadēque lege Officiinæ monetariæ stabilitæ fuerunt Dublinii, Pontanæ & Waterfordiæ, & pecuniam cudendi potestas aliis urbibus prohibita. Tunc porrò lege cautum erat, ne quis monetam vel metal-

lum in Officinam monetariâ inferret, sine permissione Præfecti Cusorum, sub pœna amissionis monetæ vel metalli, sic sine permisso illati.

Anno sequenti, in alio Parlamento, coram eodem Deputato habito, lata est lex ut nummus aureus dictus *Regalis* valeret 13 solidos & 4 denarios, & antiquus *Nobilis* aureus, 12 solidos.

Biennio postea (anno sc, 18 Edwardi IV) in Comitibus, coram Giraldo Comite Kildariæ, Hiberniæ Justitiario, habitis, data est potestas cusorum Præfecto cudendi nummos trium denariorum, duorum denariorum & unius denarii. De Pondere aut *Standardo*, nihil traditum reperi. Notandum verò in nummis, illis temporibus procusis, expressas fuisse tres coronas, tria regna denotantes, Angliam, Franciam & Hiberniam, Ipsamque monetam probam illis ipsis temporibus in Hibernia procusam, minoris adhuc fuisse valoris, ex tertia parte, quàm moneta Anglica.

Sub exitum Anni 1483, in Parlamento Dublinii incepto, coram dicto Giraldo comite Kildariæ, Deputato Edwardi filii Richardi tertii, Hiberniæ Locum-tenentis lata est lex de nummis adulteratis frangendis: Contrà quos nummos, prodit etiam edictum Henrici 7, Aprilis die 15. An. 1491. Atque hæc, de re Nummaria, dicta sufficiant.

Ad veterum Hibernorum Mensuras & Pondera quod attinet, ea aliis, necessariis ad opus subsidiis, instructioribus, relinquimus. Pergamus nunc ad alia.

## CAP. XXVI.

*Monasteriologia Hibernica, sive Diatriba de  
Hiberniæ Cænobiis, in qua Origines eorum &  
aliæ Antiquitates aperiuntur.*

**D**E Sedibus Episcopalibus Hiberniæ, suprâ  
diximus, capite 16. Sequitur jam Cæno-  
biorum ejusdem Insulæ Catalogus, in quo non  
pauca ad rem Historicam & Antiquariam  
pertinentia describuntur. Ea tamen Cænobia  
consultò prætermisimus, quæ in primis sur-  
gentis Hibernicæ Ecclesiæ temporibus erecta  
in Ecclesias parochiales erant posterioribus se-  
culis conversa. Hic præmonendus est Lector,  
M. Monasterium significare, P. Prioratum, H.  
Hospitalium, Pr. Præceptoriam, C. Cellam,  
MC. Monialium Cænobium, & F C. Fratrum  
mendicantium Cænobium.

## PROVINCIA LAGENIÆ.

## DUBLIN.

Loca & Tituli	Fundatores, Ordines &
Dedicationum.	aliæ Antiquitates.

Dublin. P. & Ec- clesia cathedralis S. Trinitatis.	Sitricus filius Amblavi Rex Ostmannorum Dublinii & Donatus Episcopus Dublini- ensis Canonicis secularibus institue-
	M 3

instituerunt, circa annum Dom. 1038. Hæc Lauren-  
tius Archiepiscopus Dubli-  
nienfis in Canonicos muta-  
vit regulares Ordinis Aroa-  
censis, circa ann. 1163. Tan-  
dem verò rex Henricus 8  
Priorem & Conventum, in  
Decanum & Capitulum mu-  
tavit, anno 1541, & Rober-  
tum Castellum al. *Painswick*  
ultimum loci Priorem, pri-  
mum instituit Decanum.  
Hæc ædes sacra vulgò Ec-  
clesia Christi dicitur.

*Juxta Dublin. M.  
B. Mariae Vir-  
ginis.*

Hujus cœnobii Regestum  
majus narrationem habet  
parùm fidam, de fundatio-  
ne à Malachia aliàs *Mela-  
chilino* Rege & quodam *Gil-  
le-moholmoc*, quam è libro  
Hibernicè scripto, publicè  
legisse fertur Prior S. Jo-  
hannis de Randoun Elphî-  
nensis diœcesis. Sunt qui  
à Danis sive Ostmannis fun-  
datum volunt anno 948, &  
alii, qui à Donaldò *Gille-  
moholmoc* vel erectum vel  
restauratum. Abbas & Mo-  
nachi hujus cœnobii, ex  
Tyronensibus facti sunt  
Cistertienses an. 1139. Ec-  
clesiam ibidem plumbo ob-  
duxit Felix O-Ruadàn Ar-  
chiepiscopus Tuamensis, in  
qua



qua ipse sepultus est anno 1238, ad gradum altaris, in sinistra parte, triennio postquam Archiepiscopatum abdicasset. De jure filiationis hujus cœnobii, magna olim erat contentio inter Abbatem Saviniacensem in Gallia, & Abbatem Bildewasensem in Anglia, sed anno 1301, in Capitulo generali, operâ Gulielmi de Ashburn tûm Monachi, & procuratoris cœnobii *de Bildewas*, postea Abbatis cœnobii B. Mariæ juxta Dublin, Jus filiationis adjudicatum est cœnobio Bildewasensi.

*Juxta Dublin. M.  
C. B. Mariæ de  
Hoggis.*

Dermitius Murchardi filius Rex Lageniæ fundavit ibi cœnobiû Monialium Ordinis Aroacensis, circa an.Dom. 1146. Cui supposuit (anno 1151,) cellas duas, unam juxta *Waterford*, (Kilclehin dictam) Ossoriensis diocesis, alteram dictam *Athadah*, fortè *Leghlinensis* Diocesis. Sic Regestum Johannis Alani Archiepiscopi Dubliniensis, sub Hen. 8.

*Juxta Dublin. P.  
omnium Sancto-  
rum.*

Idem Dermitius Canonici Ordinis Aroacensis posuit, circa ann. 1166. Ibi

*Juxta Dublin.M.  
S. Thomæ Mar-  
tyris.*

demum Elizabetha Regina Collegium erexit, anno Dom. 1591, SS. Trinitati dedicatum, & Academicis ornavit privilegiis,

Gulielmus filius Aldelmi, vice & mandato Henrici secundi Regis Angliæ, cœnobium ibi fundavit Canonici ordinis Victorienfis, præsentibus Viviano tituli S. Stephani in Cœlio Monte Presbytero Cardinale, Laurentio Dubliniensi Archiepiscopo, &c. Anno Dom. 1177. Deinde amplissimis redditibus alii locupletârunt.

*Juxta Dublin.ex-  
tra novam por-  
tam, P. S. Jo-  
hannis Baptiste.*

Aluredus *le Palmer* Ostmannus fundator fuit & primus Prior circa annum 1188. Alii redditibus & latifundiis ditârunt. Hic Prioratus fuit etiam *Hospitale* infirmorum, quod, regnante Edwardo 3, 155 infirmos & pauperes simul sustentabat, præter Capellanos & Conversos, ut ex Archivis liquet. Quando primum Cruciferi (sub regula S. Augustini) ibi fuerint locati, me latet.

*Juxta Dublin.F.  
C.S. Salvatoris.*

Conventus Dominicanorum introductus est anno 1224. Ecclesiam eorum (S. Salvatori

Salvatori dicatam) Kalendis  
Maii 1238 fundatam pro-  
dunt Annales cœnobii B.  
Mariæ juxta Dublin.

*Juxta Dublin.*  
F.C.

Cœnobium ordinis Mino-  
rum extructum est circa an-  
num 1236, Henrico 3 Re-  
ge Angliæ structuram pro-  
movente. Aream domus  
contulit Radulphus *le Por-*  
*ter.*

*Juxta Dublin.*  
F.C.

Sedem hîc primò fixerunt  
fratres ordinis Eremitarum  
S. Augustini, circa annum  
1259. Hujus ordinis quam-  
plurimos, Dublinii *doctrinâ*  
*præfulgisse* notat Johannes  
Alanus Archiepiscopus Du-  
bliniensis in Regesto suo.

*Juxta Dublin.*  
F.C. B. Mariæ.

Robertus Bagot equ.aur.  
erexit fratribus Ordinis B.  
Mariæ de Monte Carmel,  
anno 1274, in fundo quem  
à cœnobio Vallis Salutis  
comparaverat.

*Clontarf. Pr. S.*  
*Congalli.*

Primùm sedes fuit Mili-  
tum Templariorum, aliàs  
fratrum militiæ Templi, sub  
Henrico 2. Sed ejectis de-  
mùm Templariis, sub Ed-  
wardo secundo anno 1313,  
facta est Præceptorîa Mili-  
tum Hospitalariorum. Se-  
det ad Liffii æstuarium.  
Hujus loci Henricus VIII,  
Junii 20 1541, Viceco-  
mitem

mitem creavit (durante vita) Johannem Raufonum Priorem Hospitalis S. Johannis Hierosolymitani, in Hibernia, eique concessit annuam 500 marcarum pensionem ex prædiis & redditibus dicti Prioratus solvendam.

*Grace-dieu, al.  
de Gratia Dei,  
MC. B. Mariae.*

Johannes Cominus Archiepiscopus Dubliniensis Monialibus fundavit & prædiis ditavit circa annum 1190.

*Holm. Patric, al.  
de Insula S. Patricii, P.*

Sitricus filius Murchardi construxit Canonicis Augustinianis, ante Anglorum ingressum. Henricus *Loundres* Archiepiscopus Dubliniensis ad locum commodiorem transtulit ann. 1220.

*Kilmainan, ad  
Liffium flu. P. S.  
Johannis Baptiste.*

Hunc Prioratum fundavit Militibus Ordinis S. Johannis Baptista de Hierusalem, vulgò dictis Militibus Hospitalariis, Richardus cognomento *Strongbow*, Comes Penbrochiæ, vel Striguliæ, circa annum 1174. Dotationē confirmavit Henricus secundus. Ex aliorum postea donis, mirum in modum hic ordo crevit & floruit: At præcipuè ex quo sub Edwardo secundo, possessiones ordinis



nis Militum Templariorum  
(tùm nuper damnati) hu-  
ic ordini concessæ fue-  
runt, Waltero *del Ewe*  
sive de Aquâ, tunc Mili-  
tum Hospitalariorum Pri-  
ore. Hic Prioratus erat e-  
tiam Hospitale sive Xe-  
nodochium, pro Peregrini-  
nis & hospitibus recipien-  
dis. Locus nomen habet  
à S. Maignano Episcopo,  
qui ibi vixit sub initium  
seculi 7, & cujus festum  
agitur 18 Decembris.

*E regione Saltus  
Salmonum, P. S.  
Catharinæ.*

Warisius de Pech funda-  
vit ibi cœnobium Canonici-  
cis Regularibus anno 1219.  
Alexander Bicknorus Ar-  
chiepiscopus Dubliniensis,  
consensu Gulielmi Hausted  
loci Patroni, annexuit cœ-  
nobio S. Thomæ juxta  
Dublin. anno 1327.

*Comi-*

## Comitatus Kildarensis.

Loca & Tituli dedicationum.	Fundatores, Ordines & alia Antiquitates.
--------------------------------	---

*Kildare, M C.  
S. Brigide.*

S. Brigida virgo moniali-  
bus posuit circa annum  
Domini 480, ubi ipsa Abba-  
tissa præsuit. Kildara Cel-  
lam Roboris sonat.

*Kildare, F C.*

Conventum Ordinis fra-  
trum Minorum posuit Ge-  
rardus filius Mauricii, circa  
annum 1260. Alii Guliel-  
mum de Vescey fundatorem  
asserunt.

*Kildare, F C.  
B. Mariæ.*

Dictus Gulielmus de Ve-  
scey cœnobium ordinis Car-  
melitarum ibidem extruxit.

*Athyæ, ad Baro-  
um flu. F C.*

Sedem hîc (cis pontem)  
primò fixerunt Dominicani,  
anno 1257, ubi etiam Ca-  
pitula illius ordinis habita-  
sunt annis 1288, 1295 &  
1305.

*Juxta Athyam,  
P. S. Johannis,  
aliis, S. Thomæ.*

Hoc cœnobium (ultra  
pontem) extruxit Crucife-  
ris, Richardus de S. Micha-  
ele Rheban & Dominus, reg-  
nante Johanne.

In

*Clane, ad Liffium  
flu. F C.*

In cœnobio ordinis Minorum ibidem (secundum Annales cœnobii Håilesensis) sepultus est anno 1287 Geraldus filius Mauriti, fortè loci fundator. Alii sepultum volunt in cœnobio fratrum minorum Kildaræ. Hi fratres, à panno coloris *Grisei* seu cineritii, quo vestiti, (ut hoc semel obiter adnotem) nobis vulgò **Grey-fryers** dicti.

*Cloncurry, F C.  
B. Mariæ.*

Johannes Roch Carmelitis conventum ibi fundavit anno 1347, licentia Edwardi 3 impetrata; Et hi à veste alba, **White-fryers** vocati, uti Dominican, sive fratres Prædicatores, à veste nigra, **Black-fryers**.

*Conal, ad Liffium  
flu. P. B. Mariæ.*

Milerus filius Henrici Hiberniæ Justitiarius fundavit an. 1202, & Canonici Regularibus Ordinis S. Augustini implevit, ex cœnobio Lhanthoniensi. Hic ille tumultatus est an. 1220. Patrem habuit Henricum filium nothum Henrici Primi Regis Angliæ.

*Graney, M. C. B.  
Mariæ.*

Gualterus de Ridelesford monialibus ordinis S. Augustini ædificavit, circa annum Dom. 1200. Possessiones confirmavit Johannes rex Angliæ.

Hunc

*Juxta pontem de  
Kilcullen, vulgò  
Pete Abbey, FC.*

Hunc conventum ord. Minorum de observantia, an. 1486, Dominus Rolādus Fitz Eustace Baro de Portlester & sūmus Hiberniæ Questor fundavit ad Liffiū flu. prope dictū pontem. Ibi ille tumultus est anno 1496. Monumentū tamen speciosum sibi & Margaretae Jenico uxori suæ extruxerat Dublinii, in Ecclesia S. Audoeni, in capella nempe B. Mariæ.

*Killbegs, Kilheel,  
Tully, Pr.*

Tres Præceptorie Equitum Hospitalariorum, è quibus penultima donum fuit Mauritii filii Geraldii.

*Kilrush, C.*

Gulielmus Marescallus comes Penbrochiæ Canonicis Regularibus fundavit, & cellam fecit Prioratus de Carthmel, apud Lancastrienses, in Anglia.

*Monaster-Evin,  
al. Rosglas, & de  
Roseâ valle, M.  
B. Mariæ.*

Dermitius Demsæus Ofa-liæ Dynasta Monachis Cisterciensibus fundavit, anno 1178, aliis 1189. Hoc cœnobium nomen habet à S. Evinno qui claruit sub initium seculi 7; in monasterio suo de Ros-mac-Treom. Sedet ad Baroum flu.

*Nasæ FC.*

Fratres ordinis Eremitarum S. Augustini.

*Juxta Nasam, P.  
S. Joh. Baptiste.*

Fundatur à Nasæ Barone, Canonicis Augustinianis.

Funda-



*Juxta Nasam,  
F.C.*

Fundatur fratribus Ordinis Prædicatorum, ad collis rotundi radicem, circa annum 1356, licentiâ regis Edwardi 3 impetratâ. Eustacii Patroni fuerunt.

*Timolinbeg, MC.  
B. Maria.*

Robertus filius Richardi Norrachæ Dominus velatis Virginibus Ord. Aroacensis, Monasterium posuit, & ibi Lecelinam neptim abdidit, sub initium regni Johannis.

*Tristle-dermot,  
vulgò Castle-dermot, P. & H.S.  
Johannis Baptiste.*

Gualterus de Ridelesford loci Dominus fratribus Cruciferis posuit, regnante Johanne. Opidum nomen habet à S. Diarmitio, qui vitam illic solitariam egit, unde olim Desertum Diarmitii appellabatur.

*Tristle-dermot,  
al. Castle-dermot,  
F.C.  
S. Wolstani Prioratus.*

Sedem ibi fixerunt fratres ordinis Minorum, regnante Edwardo Primo.

Richardus primus loci Prior & Adamus de Hereford hoc cœnobium fundârunt Canonicis ordinis Victorienfis, circa annum Dom. 1205, in memoriam Wolstani Episcopi Wigornienfis, tum nuper ab Innocentio 3, inter sanctos relati. Prima pars structuræ ibidem vulgò appellabatur *Scala Cæli*. Sedet amœnissimè ad dextram ripam Liffii fluvii.

*Comi-*

## Comitatus Wicklo.

Loca & Tituli  
dedicationum.

Fundatores; Ordines &  
alia Antiquitates.

*Wickloa, F. C.*

Conventus ordinis Minorum ibi fundatur, regnante Henrico 3, ad Devum sive De flu. Wickloa Hibernis *Kilmantan* vocatur, Sed Wickloa ( ab Ostmannis olim possessa ) exoticâ sapit originem : Nam Wick Germanicè fluminis sinum significat, vel ut Hadrianus Junius habet, stationem securam, ubi conjunctioribus ædificiis habitatur.

*Arckloa, Hibernis Iniver-more. F. C.*

Theobaldus Pincerna anno Dom. 1264 conventum ibi posuit fratribus ordinis Prædicatorum. In Ecclesia ibidem ipse sepultus est cum statua superimposita. Arckloa recentius est nomen, ab Ostmannis impositum.

*Baltinglas, al. de Valle Salutis, M. B. Marie.*

Dermitius Murchardi filius Rex Lageniæ, anno 1148, aliis 1151, Monachis Ordinis Cisterciensis construxit & prædiis dotavit. Slano fluvio adsidet.

*Comitatus*

*Comitatus Wexford.*

*Loca & Tituli  
Dedicationum.*      *Fundatores, Ordines &  
alia Antiquitates.*

*Wexfordia, Hi-  
bernis Logh-Gar-  
mon, P.S. Johan-  
nis & S. Brigidæ.  
Wexfordia, FC.*

Gulielmus *Marescal-*  
*lus* Comes Penbrochiæ Ho-  
spitalariis Militibus con-  
struxit.

Sedem ibi fixerunt Mi-  
noritæ, regnante Henrico 3.  
In hoc cœnobio Mauriti-  
um Geraldii filium (à quo  
stemma ducit Geraldine-  
rum familia) sepultum as-  
serit Joh. Hookerus, at fal-  
sò proculdubio: Nam Mau-  
ritius ille obiit 1177, diù  
ante institutionem ordinis  
fratrum Minorum.

*Juxta Wexford,  
P. S.S. Petri &  
Pauli de Selsker.*

Ibi Canonici fuerunt Re-  
gulares Ord. S. Augustini.  
Rochei Patroni fuerunt,  
Sed quis primus fuerit con-  
ditor, non comperi. Fama  
tenet Ostmannos fundâsse,

*Clomin, F. C.*

Sedes ibi fuit fratrum  
Ord. Eremitarum S. Augu-  
stini, quam Nicolaus filius  
Nicolai *Clericus* auxit & or-  
navit an. 1385. Sunt qui as-  
serunt sedem postea factam

N

fratrum

*Donbrody, al. de  
Portu S. Ma-  
riæ, M.*

fratrum Prædicatorū. Vid.  
Inquis. Scaccarii, anno 31  
Hen. 8.

Hervæus de Monte Ma-  
risco *Marſcallus Dom. Re-  
gis* (Hen. 2) & *Senescallus*  
de tota terra Richardi co-  
mitis Penbrochie dedit *Ard-  
fithen, Crosgormoc, &c.* Deo  
& S. Mariæ & S. Benedic-  
to, & Monachis de Bildewas,  
apud Salopienſes in Anglia,  
ad Abbatiam conſtruendam  
de ordine Ciftertii, circa an-  
num 1175. Cæterum ipſum  
cœnobium Donbrodiense  
non fundatum fuit ante an.  
1182, quo Abbas & con-  
ventus domus Beatae Mariæ  
de Bildewas conceſſerunt  
Abbati & conventui Domus  
B. Mariæ juxta Dublin. to-  
tum jus & clameum quæ hæ-  
buerunt in terris, & tenemen-  
tis prædictis: ut è Regesto  
dicti cœnobii B. Mariæ juxta  
Dublin. intelligimus. Paulò  
poſteà, Hervæus fundator  
cucullū induit Cantuariæ,  
in Eccleſia Chriſti. In hoc  
cœnobio ſepultus eſt anno  
1217, Herlewinus Episcopus  
Leghlinenſis, cujus Eccle-  
ſiæ magnam partem con-  
ſtruxerat. Sedet prope con-  
fluentes Baroi & Suiri.

Hoc.



*Dunum. M.*

Hoc cœnobium Canonico-  
rum Ord. S. Augustini,  
ante adventum Anglorum  
in Hiberniam fundatum,  
sedet ad *Derriby* amnicu-  
lum qui non procul hinc  
Slano consociatur.

*Ferne, M. B.  
Maria.*

Dermitius filius Mur-  
chardi rex Lageniæ funda-  
vit ibi cœnobium Canoni-  
cis Augustinianis, circa an-  
num 1158, ad Bannium flu-  
violum, qui ad tertium hinc  
milliare Slano se commit-  
tit.

*Glascarig, aliàs,  
de Viridi rupe,  
P.B. Maria.*

Griffinus Cendon, David  
Roch aliàs de Rupe, & alii  
hoc cœnobium Monachis  
Benedictinis posuerunt, ad  
oram maritimam, prædiis  
dotârunt, & Cellam fece-  
runt cœnobii S. Dogmaëlis  
apud Penbrochienses in  
Wallia.

*Horton parva,  
F C. B. Maria.  
Iniscorthy, F C.*

Fundatur Carmelitis à  
familia Furlongorum.

Donaldus cognomento  
Fuscus posuit ibi cœnobium  
ord. Fratrum Minorum de  
observantia anno 1460.

*Juxta Iniscorthy,  
ad Slanum flu.  
P.S. Johannis  
Euangeliste.*

Giraldus de Prendergast  
loci Patronus & Johannes de  
S. Johanne episcopus Fernē-  
sis cellam fecerunt cœnobii  
Canonicorū S. Thomæ jux-  
ta Dublin. circa annū Dom.

*Kiclogan, Pr.*

1240, ut ex Chartis eorum liquet, Regesto dicti cœnobii S. Thomæ insertis.

Templarii milites hîc sedem fixerunt, circa tempus Johannis Regis, Sed suppressis Templariis, sub Edwardo 2, facta est Præceptorum militum Hospitalariorum. Sedet non procul à Surio flu. à cuius ostio vix 2 miliaribus abest.

*Rossa, al. Ross-Pontis, F C.*

Johannes Devereux miles fundavit conventū ord. Minorum in loco ubi aliquando Domus erat Cruciferorum, ad Baroi flu-ripani, regnante Edwardo Primo.

*Rosse, F C.*

Conventus ord. Eremitarū S. Augustini fundatur ibidem regnante Edwardo 3.

*Tintern, al. de Voto, M. B. Maria.*

Gulielmus *Marescallus* senior comes Penbrochiæ an. Dom. 1200, cū efferatam tempestatē evasisset, ex voto hoc cœnobiū construxit, sinuoso in litore, prædiis ditavit & monachis implevit Cisterciensibus, ex cœnobio Tinternensi, apud Monumethenses in Wallia, quibus Abbatē præfecit Johannem Torrell. Hoc cœnobiū, à Chrysostomo Henriques, in fasciculo Sanctorum ordinis Cisterciensis, appellatur *Minor Tinternā*.

*Kil-*

## Kilkenny.

Loca & Tituli      *Fundatores, Ordines &*  
 dedicationum.      *alia Antiquitates.*

*Kilkennia P. seu*  
*H.S. Johannis*  
*Euangelistæ.*

Gulielmus Marescallus senior comes Penbrochiæ Canonicis Augustinianis posuit an. 1211, ad ortum urbis, quam à S. Canico, cujus nomen fert, Canicopolim vocare licet.

*Kilkennia, F.C.*

Gulielmus Marescallus junior Comes Penbrochiæ fratribus Ordinis Prædicatorum excitavit anno 1225.

*Kilkennia, F.C.*

Conventus fratrum Minorum construitur Kilkennia, circa an. 1240, si non quod aliqui tradunt ante an. 1234, juxta ripam Neori flu.

*Calane, F.C.*

Cœnobium ibi Fratribus Ordinis Eremitarum S. Augustini construxit Jacobus Butlerus, in cujus Ecclesia ipse sepultus est anno 1487. Is pater fuit Petri Comitis Ormonia, sub Henrico 8. Sunt qui fundationem ascribunt Hugoni de Mapilton Episcopo

*Dousk al. M. de  
Valle S. Salva-  
toris.*

*Fert-ne-gerah, P.  
S. Kiarani.  
Feripont, al. Ge-  
ripont, M. B. Ma-  
ria.*

Episcopo Ossoriensi, reg-  
nante Henr. 3. Sed perpe-  
ram opinor.

Gulielmus *Marescallus* se-  
nior comes Penbrochiæ con-  
struxit an. 1207, aliis 1204,  
& Monachis Cisterciensibus  
replevit, ex cœnobio de  
Stanleia, apud Wiltonienses  
in Anglia. Monachos verò  
post eorum adventum in  
Hiberniam sedem sæpè mu-  
tasse, antequàm Douskæ  
fixerunt, docet loci Rege-  
stum. Monasterium de Kil-  
lenny, aliàs de Valle Dei  
(quod Dermotus O-Rian  
fundaverat, assensu Der-  
motii Murchardi filii, Regis  
Lageniæ) huic cœnobio con-  
iunctum est anno 1227.

Canonici ordinis S. Au-  
gustini.

Hoc cœnobium Monachis  
Cisterciensibus posuit, vel  
ab alio loco, in Ossoria, huc  
transtulit Donaldus regulus  
Ossoriæ, anno Dom. 1180.  
Inter sepulchra Ecclesiæ ibi-  
dem, memoranda in primis  
sunt ea Donaldi conditoris  
& Felicis O-Dullani Epif-  
copi Ossoriensis, qui Agha-  
voa relicta, cathedram Epif-  
copalem Kilkenniam tran-  
stulit, circa finem seculi 12.

Thomas



*Inistiock, P. S.  
Columba.*

Thomas filius Antonii Senescallus Lageniæ Canonici Augustiniani construxit, circa annum 1206, suasu Hugonis Rufi, aliàs *le Rou* Episcopi Ossoriensis.

*Kenlis, al. Kells,  
P. B. Mariæ.*

Galfridus filius Roberti (Lageniæ Senescallus ante jam dictum Thomam) fundavit hoc cœnóbium, regnante Richardo Primo, ac in eo collocavit 4 Canonicos Ordinis S. Augustini, ex cœnobio Bodminensi, apud Cornubienses in Anglia, deductos, nimirum Reginaldum de Acland, primum loci Priorem, Hugonem Rufum, Reginaldi successorem in Prioratu & demum Episcopum Ossoriensem, Aluredum, factum postea primum cœnobii Inistiokensis Priorem, & Algarum, qui Romam postea missus, ob cœnobii sui negotia, Episcopatum quendam obtinuisse fertur in Lombardia. Huic cœnobio annexus est postea Prioratus *de Tullales*, quem in agro Corcagiensi extruxerat Matthæus filius Griffini.

*Kilclehin, al. de  
Bello portu. M.  
C.S. Kilkinni.*

Dernitiús Murchardi filius rex Lageniæ cellam fecit Monialium B. Mariæ *de*

*Hoggis* juxta Dublin. anno Dom. 1151. Prædiis post adventum Anglorum ditârunt Johannes comes Moretoni Dom. Hiberniæ & David filius Milonis. Sedet ad Surium flu. è regione Waterfordiæ.

*Knocktogher, FC.*  
*B. Mariæ.*

Jacobus secundus comes Ormoniae Carmelitis posuit, anno Dom. 1356.

*Ross-Ibercan, FC.*

Conventus fratrum Ord. Prædicatorum introductus est anno 1267, 13 Kalend. Nov. Sedet ad Baroum flu. è regione Ross-pontis.

## Comitatus Catherlagh.

Loca & Tituli  
dedicationum.

Fundatores, Ordines &  
aliæ Antiquitates.

*Leghlinæ, P. S.*  
*Stephani.*

De Ordine, nihil traditū reperi, Prioratum vero dissolutū fuisse Eugenii 4 Pape authoritate, an. 1432, & terras Decanatus Leghlinensii tunc annexas, ad rogatum Nicolai Cloal Decani, prodit in annalibus suis Thaddæus Doulingus. qui porro asserit Burchardum quendam Norwegum Gurmindi filium Prioratum fundasse; vel potius

potius dotasse, eumque in  
choro Ecclesiæ Cathedralis  
Leghlinensis, sub marmore  
conditum, cum statua ejus  
superimposita, & Epitaphio  
sequenti,

H I C J A C E T  
H U M A T U S  
D U X F U N D A -  
T O R L E N I Æ,  
E N G O R M O N -  
D I B U R C A R -  
D U S, V I R G R A -  
T U S E C C L E -  
S I Æ.

*Juxta pontem  
Leghlin, F. C.  
B. Mariæ.*

Cœnobium hoc Carme-  
litis extructum est ad Ori-  
entalem Baroi ripam, sub  
exitum Henrici 3 Regis.  
Carewum quendam funda-  
torem fuisse tradit Johan-  
nes Hookerus in Scholiis ad  
cap. 23 lib. 2 Giraldi Cam-  
brensis, de expugnatione  
Hiberniæ. Sed perperam  
ibi conventum appellat fra-  
trum Minorum.

*Atbaddy, M. C.*

Dermicius filius Murchar-  
di Rex Lageniæ cellam fe-  
cit domus Monialium B. Ma-  
riæ *de Hoggis* juxta Dublin.

Hanc

*Killergy. Pr.**S. Johannis Baptiste.**Tulli-Felim, al.  
Felagh, F C.*

Hanc Præceptoriam, regnante Johanne, Militibus Templariis condidit Gilbertus de Borard. Sed sub Edwardo 2, Equitibus Hospitalariis assignata est.

Simon Lumbard & Hugo Talun fratribus Ord. Eremitar. S. Augustini fundaverunt an. 1314, ad ripam Slani flu.

## Comitatus Regis.

**Loca & Tituli  
dedicationum.**

**Fundatores, Ordines &  
alia Antiquitates.**

*Durrogh, antiquitas Dermagh,  
seu Campus Roboris. M. B. Mariae & S. Columbae.*

Sanctus Columba fundavit circa annum 550. Vid. Bed. Ecclesiastic. Historiæ gentis Anglorum lib. 3. cap. 4, & Adamnan. vit. Columbæ lib. 1, cap. 3. Extat etiamnum, (qui asservabatur olim in hoc cœnobio) liber 4 Euangeliorum, ex versione D. Hieronymi, laminis argenteis ornatus, quem, Inscriptio præfixa, manu S. Columbæ, per 12 dierum spatium exaratum refert. Canonicos hujus cœnobii, tempore suppressionis & diu antea, ordinis fuisse



fuisse Augustiniani constat, quanquam confitendum etiam S. Columbam monachis suis, ibi primò dispositis, propriam condidisse regulam. Consimilem habuerunt eventum (obiter adnoto) regulæ à SS Brendano, Congallo, &c. institutæ, ut infra patebit.

*Gallen, al. Galin.*

*P.*

S. Canocus al. Moehonocus Abbas Canonicis Augustinianis construxit, circa annum 492. Consul. Joh. Colgani Acta Sanctorum Hiberniæ, ad 11 Februarii. Sedet ad Brassinogh flu. in regiuncula Mac Coghlan, quæ pars est Comitatus Regis.

*Killeigha, in Ofa-  
lia, P. S. Crucis.*

S. Sincellum Mac Cenain Abbatem Killeach obiisse ann. 548, produnt Annales Ultonienses. Fortè primus fuit Abbas & fundator loci de quo hîc agimus. Hîc Canonici fuerunt Augustiniani.

*Killeigha, F C.*

Fundatur Minoritis, regnante Edwardo Primo.

*Killeigha. M. C.*

Moniales ordinis S. Augustini.

*Kilcarmic, F C.  
B. Marie.*

Cœnobium Carmelitis hîc construxit, ad Brassinogh flu. Odo filius Nella ni Mulloy, in cujus Ecclesiâ ipse

*Monaster-Feoris,  
al. Totmoy, FC.*

ipse sepultus est anno 1454.

Johannes de Bermingham comes Lovidiæ cœnobium illud Minoritis posuit, anno 1325, in ea parte hujus agri quæ Ofalia dicitur.

*Seir, al. Saiger-  
Kiaran. P. S. Kia-  
rani.*

Sanctus Kiaramis vel Ci-  
aranus senior contruxit ibi  
cœnobium in primâ Eccle-  
siâ Hibernicâ infantia, quod  
magno olim honore floruit.  
Situm est in ea parte Co-  
mitatus Regis, quæ appel-  
atur *Elia Carolina*. Cano-  
nici hujus cœnobii Ordinis  
fuerunt S. Augustini.

## Comitatus Reginae.

*Loca & Tituli  
dedicationum.*

*Fundatores, Ordines &  
alia Antiquitates.*

*Aghavoa, in Offo-  
ria superiore. FC.*

Cœnobium ibi Dominica-  
nis construxerunt majores  
Baronis superioris Offoriæ.  
Atqui Aghavoa (i. e. si inter-  
preteris, *Campus Bovis*, sicut  
Boëtia Græciæ à Bobus)  
olim celebris in primis erat,  
ob S. Canicum Abbatem,  
qui obiit ibidem 5 Idus  
Octobris anno 600.

Ord.

*Aghmacart*, P. Ord. Canoniorum Au-  
*S. Tigernaci.* gustinianorum.  
*Leix. al. de Lege.* Fundatum anno Dom.  
*Dei, M.B. Ma-* 1183, & monachis imple-  
*rie.* tum Cisterciensibus, ex cœ-  
nobio Balt nglaffenst. Thad-  
dæus Doulingus erectum  
asserit à Cohegerio O-  
Moro, ibique eum postea  
tumulatum. Situm est ad  
Neorum flu. in ea parte  
comitatus Reginae, quæ  
*Leasia* vulgò appellatur.

*Stradbally, in*  
*Leasia, F.C.*

Fundatur Minoritis ab  
O-Moro. Hunc conven-  
tum eundem esse existi-  
mo cum eo cuius memi-  
nit Pisanus, sub nomine  
*Luasie.*

---

*Midia,*

---

## *Midia, sive Midia Orientalis.*

**Loca & Tituli  
dedicationum.**

**Fundatores, Ordines &  
alia Antiquitates.**

*Trimma, M.B.*  
*Morie.*

De primo Fundatore hujus cœnobii, non habeo quod dicam. Extructum fuisse diu ante Anglorum adventum liquet. In Annalibus Ultoniensibus ad an. 820, vel 821, fit mentio mortis Cenfealæ filii Rumaini Scribæ, Episcopi, anachoretæ & abbatis Trimmenfis. Lacæi vel restaurarunt, vel de novo extruxerunt. Hic Canonici fuerunt Regulares Ord. S. Augustini.

*Trimma, F C.*

Conventus Dominicanorum introductus est an. 1263. In hoc conventu habitum Ordinis Prædicatorum suscepit an. 1308, Galfridus de Genevil Midia Dominus.

*Trimma, F C.*  
*Juxta, Trim. P.*  
*SS. Petri & Pauli de Newton.*

Ord. Minorum.

Simon de Rupe-forti Episcopus Midenfis fundavit Canonicis Augustinianis,



nis circa annum 1286, & Clonardâ relicta, hûc cathedram Episcopalem transtulit. Mortem obiit 1224, & in Ecclesia ibidem sepultus est.

*Juxta Trim, P.  
seu H. S. Job. Baptistæ de Newton.*

Ord. Cruciferorum. Episcopi Midenfes vel Fundatores fuerunt vel Benefactores.

*Athboyæ, FC.  
B. Mariæ.*

Gulielmus de Loundres loci Dominus ann. 1317 fundavit ibi conventum fr. Carmelitarum. Capitulum illius ord. ibi habitum est anno 1467.

*Ballibogan, al. de  
Laude Dei, P. S.  
Trinitatis.*

Ord. Canonicorum Regularium. De vetustate hujus cœnobii, quod dicam nihil certi occurrit. Fama tenet Jordanum Comin fundasse. Sedet ad Boinum flu.

*Beaybec, seu de  
Bello becco, C.  
B. Mariæ.*

Cella fuit Monasterii B. Mariæ de Becco in Normannia, Ordinis S. Benedicti, ex dono Walteri de Lacy Midie Domini, sub Johanne Rege. Atqui postea Cella facta est Cœnobii Furnessensis, apud Lancastrienses in Anglia, Ord. Cisterciensis. Nam Abbas Beccensis, impetrata vendendi licentiâ ab Edwardo 3. rege Angliæ, Cellam eam vendidit.

*Bedif, al de Be-  
atitudine, M.  
B. Mariae.*

*Clonardæ anti-  
quitus Cluaini-  
rard, P. S. Petri.*

*Clonardæ, MC.  
B. Mariae.*

vendit Abbati Furnesii. *Bec Gallis* significat & avis rostrum, & terræ extremitatem ubi duo confluunt flumina.

Ord. Cisterciensis. De tempore foundationis hujus cœnobii variât Chronographi Ordinis Cisterciensis: Sunt qui fundatum tradunt anno 1146 14 Januarii, alii, anno 1148, & alii anno 1151. Sed non magna est differentia. Sedet ad Boinum flu. Fundavit & dotavit Murchardus O-Melaghlín Midia regulus.

Ord. Canonorum S. Augustini, S. Finianum Clonardæ splendorem singularem cœnobium ibi construxisse non diù post Seculi sexti initium constat. Atqui cœnobium, de quo jam loquimur (nescio an antiquioris proles) à Lacæis fundatum est, in S. Petri memoriam. Sedet ad sinistram ripam Boini flu.

Moniales Ord. S. Augustini. O-Melaghlín Midia regulus dotavit ante Anglorum adventum. Coelestinus 3 confirmavit possessiones an. Dom. 1195. Atqui hæc domus ad tantam postea redacta

ducta est paupertatem, ut facta fuerit demùm cella cœnobii Monialium S. Brigidæ de Odra, vulgò *Odder*.

*Colp. C.*

Ord. Canoniconum Regularium S. Augustini. Hugo de Lacy Dominus Mediæ Cellam fecit Prioratus Lanthoniæ primæ apud Monumethenses in Wallia, circa annum 1182.

*Dulekæ, olim  
Damliag, M.B.  
Mariæ.*

Ord. Canoniconum Augustinianorū. Hoc cœnobium à Kellæo quodam diù ante Anglorum adventum in Hiberniam, fundatum fuisse, ex Rotulo clauso anni 29 Edw. 2, intelligimus.

*Dulekæ, C. S. Cianani.*

Ord. Canoniconum S. Augustini. Hugo de Lacy Dominus Mediæ cellam fecit Prioratus Lanthoniæ juxta Glocestriam in Anglia, circa annum 1180, Celebris ibi olim memoria S. Cianani (vulgò Kenani) qui obiit anno 489, vel 488, ad queni An. sic Annales Ulton. *Quies S. Cianani, cui S. Patricius Euangelium largitus est.*

*Kenlisæ, vulgò  
Kells, antiquitùs,  
Cenanus, seu Kenanus, M.B. Mariæ.*

S. Columba fundavit ibi insigne olim Monasterium, circa an. 550. Locum donavit Dermotius filius Cербали rex Hiberniæ. Restauravit

O

postea

postea Cellacus Abbas Jo-  
næ sive Hu insulæ anno 806.  
Qua de re, vide Annales  
Ultonienses, ad ann. 806  
& 813. Opidum Aquæ ni-  
græ al. Manæ fluvio adsidet,  
non obscuræ olim famæ, in-  
ter alia, S. Cuthberti nata-  
libus nobilitatum.

*Juxta Kenlisam,  
P. seu H. S. Jo-  
hannis Baptiste.  
Kilmainan-beg,  
juxta Nobir. Pr.*

Ordinis Cruciferorum,  
ex fundatione Walteri de  
Lacy Midix Domini.

Hanc Præceptoriam di-  
ctus Walterus de Lacy Do-  
minus Midix, regnante Ri-  
chardo Primo, Equitibus  
Hospitalariis concessit. *Kil-  
mainan-beg* significat Ec-  
clesiam sive cellam parvam  
Maignani.

*Kilmainan-wood,  
Pr.*

Ord. Militum Hospitala-  
riorum.

*Lismullen, M. C.  
S. Trinitatis.*

Avicia de la Corner so-  
ror Richardi de la Corner  
Episcopi Midensis Moniali-  
bus Ord. S. Augustini fun-  
davit circa annum 1240.  
Huic cœnobio Richardus  
ille concessit manneria de  
Dunfink & Bally-godman.

*Navana, M. B.  
Marie.*

Ord. Canonorum Au-  
gustinianorum, sub exitum  
Seculi 12, à Jocelino Nan-  
gle, aliàs de Angulo funda-  
tum vel restauratum. Inter  
Abbates eminuit Johannes  
Bole,



*Bole*, qui mense Junio 1457 consecratus est Archiepiscopus Armachanus. Sedet ad confluentes Aquæ nigræ & Boini.

*Odder, M.C.S.  
Brigide.*

Possessiones confirmavit Cœlestinus 3 anno 1195. Huic cœnobio annexæ sunt postea cellulae aliquot Monialium in Midia.

*Scrinea, F C.*

Franciscus de Feipo loci Dominus, regnante Edwardo 3, conventum ibi posuit fratribus Ord. Eremitarum S. Augustini.

*Slane, ad Boinum  
flu. F C.*

Christophorus Flemingus Baro de Slane & Elizabetha Stukleia uxor ejus fratribus tertii Ord. S. Francisci fundarunt anno 1512, in loco *Hermitorii S. Erci*, ut ex chartâ fundationis intelligimus. Christophorus ille anno sequenti (obiter adnoto) ab Henrico 8, Summus Hiberniæ Quæstor constitutus est.

## *Midia Occidentalis.*

**Loca & Tituli  
Dedicationum.**

***Fundatores, Ordines &  
alia Antiquitates.***

*Molingare, P.B.  
Maria.*

Ord. Canonorum Regularium. Radulphus Parvus aliàs Petit Episcopus Midensis fundavit circa annum 1227. Hic Prioratus olim vulgò nomine *Domus Dei de Molingare* innotuit.

*Molingare, F.C.*

Conventus fratrum Ord. Prædicatorum introductus est anno 1237. Postea annis 1278, 1292, 1308 & 1310, Capitula illius ordinis ibi sunt habita.

*Ardnecran, F.C.*

Ord. B. Mariæ de monte Carmel.

*In ea parte Athlona quæ agri censetur Westmidensis, F C.*

Conventus fratrum Ord. Minorum ibi collocatus dicitur à quodam è familia Dillonorum. Albertus patriâ Colonienfis Archiepiscopus Armachanus Ecclesiam eorum consecravit anno 1242. Sedet ad sinistram ripam Shenani fluvii.

Hoc

Ballymore Logh-  
feudy, al. Plary,  
M.B. Mariae.

Hoc cœnobium in antiquo codice Statutorum &c. Ordinis Cisterciensis in Hibernia, inter illius ordinis cœnobia numeratur. Atqui Ordinis fuit (ut puto) Gilbertini sive *de Sempringham* in quo Canonici fuerunt Ordinis Præmonstratensis, & Moniales Ord. Cisterciensis, separatis tamen ædificiis utrique gregi assignatis. Lacæos Fundatores agnoscit.

Fourea, al. Favorie, P.SS. Taurini & Fechini.

Hic S. Fechinus cœnobium instituit Canonorum Regularium, cui ipse præfuit Abbas, usque ad annum 665, quo mortem obiit. Anno verò 1218, Walterus de Lacy Dominus Mediæ Cellam fecit cœnobii S. Taurini Ebroici (vulgò dicti *Eve-reux*) in Normannia, unde monachis Benedictinis replevit. An. demùm 27 Henrici VI, Parlamentariâ auctoritate, abrogatum est jus Abbatis S. Taurini Ebroicensis, & data est monachis Fourensibus potestas suum deinceps Priorem eligendi. Hic locus (sicut *Kiriath-sepher* apud Judæos) olim etiam Hibernicè appellabatur.

pellabatur *Balle-leabair*, id est, *Urbs Librorum*.

*Kilbegain*, al. de  
Flumine Dei, M.

Fundatum anno 1200 & Monachis Cisterciensibus impletum è cœnobio Melifontis.

*Kilkenny-west*, P.  
seu H. S. Joh. Bap.  
*Kilmachael*, F C.

Ord. Cruciferorum, ni fallor.

F F. Terti Ord. S. Francisci.

*Multifernan*,  
F C.

Fundatur à Gulielmo Delamaro, sub Henrico 3. vid. Luc. Waddingi Tom. 1. Annalium Minorum, ubi etiam Conventus translatus dicitur à patribus Conventualibus, ad observantiæ regularis professores, anno 1460.

*Tristernagh*, P.  
*B. Marie*.

Dominus Galfridus de Constantin fundavit ordini Canonorum Augustinianorum, & dotavit, circa annum, 1200, ut ex Registro loci intelligimus.

---

*Longford.*



*Longford.*

Loca & Tituli  
dedicationum.

*Fundatores, Ordines &  
alia Antiquitates.*

*Longforde, FC.*

In hoc cœnobio Domini-  
canorum sepultus est anno  
1424 Cornelius O-Ferrall  
Episcopus Ardachadensis,  
vir ob liberalitatem erga  
pauperes celebratus, nescio  
an fundator Domus.

*Balline-sagard,  
FC.*

FF. Terti Ord. S. Fran-  
cisci.

*Derg, P. S. Petri.*

Ord. Canoniorum Au-  
gustinianorum. Sunt qui  
fundatum asserunt (quàm  
verè nescio) à Gormgallo  
O-Quin, regnante Johan-  
ne. In hoc cœnobio sepul-  
tus est Brendanus *Magodaig*  
Episcopus Ardachadensis,  
anno 1255.

*Granard, al.  
Lerba juxta Gra-  
nard, M. B. Ma-  
ria.*

Richardus Tuit Miles lo-  
ci Dominus fundavit circa  
annum 1210, & Cistertiensi-  
bus Monachis implevit, è  
cœnobio B. Mariæ juxta  
Dublin. Is anno sequente  
Athlonæ turre cadente ob-  
rutus periit.

*Inis-more, in lacu  
Gawna, P.*

S. Columba ibi funda-  
vit cœnobiolum Canonicis  
Regula-

*Inis-bo-find*, in  
Shenani flu. lacu  
*Lough-Rie* di-  
cto, M.

*Inis-Cloghran*, in  
eodem lacu, M.

*Insula omnium  
Sanctorum*, al. In-  
sula sacra, in di-  
cto lacu, P.

*Shrowl*, ad Enium  
flu. M. B. Mariae.

Regularibus, sub medium  
seculi quinti.

In hac Insula amica, S.  
Riochus Abbas S. Patricii è  
Darerca sorore nepos Ca-  
nonicis cœnobium funda-  
vit. Sunt & duæ Insulæ e-  
iusdem nominis mari cir-  
cumfluae, altera in agro Mai-  
onenfi, in qua diù postea vi-  
xit S. Colmannus Episcopus  
aliquando Lindisfarnensis,  
altera in Tirconallia.

S. Diarmitius Abbas fuit  
& fundator cœnobii Cano-  
nicorum ibidem, in primis  
surgentis Ecclesiæ Hiberni-  
cæ temporibus.

S. Kiaranus cœnobium  
Canonicorum Regularium  
condidit in insula quadam  
lacus Riensis dicta *Inis-Ain-  
gen*, aliàs *Oilean Aingin*. Aut  
me fallo, aut idem est cum  
eo de quo nunc loquimur.  
Sed de hac re quærant  
alii.

Chronographi Ord. Ci-  
stertiensis Monasterium de  
Benedictione Dei fundatum  
tradunt anno 1150, vel  
1152. Fortè idem cum eo de  
quo loquimur: Sed de hac  
re quærant etiam alii.

*Comitâ.*

# Comitatus Louth, antiquitūs Pars Urielis, sive Ergallie.

Loca & Tituli  
dedicationum.

Fundatores, Ordines &  
alia Antiquitates.

\*Drogheda, sive  
Pontana, FC.

Ibi Lucas de Nettervil Archiepiscopus Armachanus cœnobium Ord. Prædicatorum fundavit an. 1224. In hoc cœnobio sepultus est anno 1270, Patricius O-Scanlain ejusdem Ecclesiæ Armachanæ Archiepiscopus.

Drogheda, FC.

Conventus Ord. Minorum Pontanæ initium sumpsit circa annum 1240, juxta ripam borealem flu. Boini.

Drogheda, FC.

Conventus fratrum Ordinis Eremitarum S. Augustini introductus est, sub Edwardo Primo.

Juxta Droghedam, P. sive H. S. Marie, de Urso.

Ursus de Suamel posuit extra portam occidentalem, circa annum Dom. 1206, ad sustentationem Hospitalitatis miserorum & infirmorum languentium, &c. Quando postea introducti fuerint fratres Cruciferi, sub regula S. Augustini, non reperi.

*Juxta Droghedam, P. S. Laurentii.*

reperi. Primus loci Præfatus, à fundatore dicebatur Custos, non Prior.

*Juxta Droghedam, F.C.B. Mariæ.*

Ord. (ni fallor) Cruciferorum. Prætor & Opidani Pontanæ fundârunt, ut ex *Inquisitione Scaccarii* intelligimus.

*Juxta Droghedam, P. sive H. S. Johannis Baptiste.*

Conventus Carmelitarum Pontanæ initium sumpsit, Edwardo primo regnante, ex largitione Opidanorum,

Ord. Cruciferorum. Walterus de Lacy, si non Fundator, saltem primarius fuit Benefactor, sub Johanne Rege.

Admonendus est Lector Droghedam partim in agro Louthensi positam esse, partim in Midenfi, neutrius tamen censendam, quòd Comitatus sit distinctus & per se incorporatus, item omnia dicta cœnobîa sita esse in ea parte urbis (ultra pontem) quæ olim ad Louthensem comitatum spectabat, exceptis Hospitali S. Johannis Baptiste & cœnobio fratrum B. Mariæ de Monte Carmel, quæ (cis Pontem) ad Midiam olim spectabant. Opidum nomen habet à ponte & vado: Pontem enim *Droched*, vadum *Ab* nuncupant Hiberni.

*Atherdee, al. de Atrio Dei, P. S. Johannis Baptiste.*

Ord. Cruciferorum, sub regula S. Augustini, Rogerus Pipard loci Dominus posuit, circa annum 1207.

*Atherdee, F.C. B. Mariæ.*

Ordinis Carmelitarum. Radulphus Pipard construxit



struxit regnante Edwardo Primo.

*Carlingfordiæ,*  
F. C.

Ordinis Prædicatorum.  
Comites Ultoniæ Patroni fuerunt.

*Dundalkæ, F C.*

Ad Ortum Opidi, cœnobium erat fratrum Minorum, à Domino Johanne de Verdon, sub Henrico 3, constructum. Fenestra ejus orientalis, ob opus eximium, per universam Hiberniam, magno olim habebatur in pretio.

*Juxta Dundalkam. P.S. Leonardi.*

Ordinis Cruciferorum, sub regula S. Augustini. Bertramus de Verdon loci dominus fundavit sub exitu Henrici II. Opidum Richardi filii Radulphi Armachani Archiepiscopi natalibus illustratum, qui inde dictus est vulgò S. Richardus *de Dundalk.*

*Kilsaran, Pr.*

Primum sedes fuit Militum Templariorum, ex largitione Matildæ de Lacy, postea sub Edwardo 2, Præceptorum Equitum Hospitaliorum.

*Louthæ, P. B. Maria.*

Monasterium Louthæ, (antiquitus Lughæ) à S. Moctæo primo ibi Episcopo, vivente S. Patricio, constructum tradit Scriptor vitæ ejus, à Johanne Colgano editus, è Codice Salmanticensi,

cenſi, anno 1645. Quàm diù illud cœnobium duraverit non reperi. Cæterùm Donatus O-Caroll Rex Ergallia & Edanus O Kelly Episcopus Clochorensis novum fundârunt cœnobium Canonorum Regulariũ Louthæ, anno 1148, in quo ipſe Edanus ſepultus eſt anno 1182, cùm ſedi Clochoreni præſuiſſet annos circiter 42.

*Knock juxta Loutham al. M. de Monte Apoſtolorum SS. Petri & Pauli.*

Hoc cœnobium Canonici Auguſtinianiſ fundavit jam dictus Donatus O-Caroll. Poſſeſſionibus deinde dotavit Edanus O-Kelly, de quo ſuprà, quas ſibi contulerat. Donatus, ut è Regeſto Clochoreniſ liquet. Locus olim appellabatur *Knock-na-fengan*, i.e. Collis formicarum.

*Mellifons, filia Clarevallis, M. B. Mariæ.*

Mellifons inſigne olim Monafterium Ordinis Ciſtertiens ſis ( è quo eduſta ſunt plurima ejusdem Ordinis cœnobia, per univerſam Hiberniam ) fundatur à Donato O-Caroll regulo Ergalliaſ ſive Urielis, anno 1142. Monachis illud implevit Divus Bernardus, è cœnobio ſuo Clarevallenſi in Gallia,

lia, Abbate illis præposito Christiano O-Conarchy, postea Lismorensi Episcopo. In Ecclesia ibidem, plura fuerunt sepulchra Episcoporum & aliorum, memoranda tamen inprimis videntur illa Donati Conditoris, necnon Thomæ O-Conner & Lucæ Nettervil Ecclesiæ Armachanæ Archiepiscoporum. Situm loci valdè assimilem ferunt Clarævallenfi.

*Termon-Fechan,  
MC.B. Maria.*

Ord. S. Augustini. Cælestinus 3 possessiones hujus cœnobii Monialium confirmavit 4 Calend. Martii 1195. Sed quàm diù antea erectum fuerit, non reperi.

---

PROVIN

---

## PROVINCIA ULTONIÆ.

## ARMACH.

Loca & Tituli  
dedicationum.

*Fundatores, Ordines &  
alia Antiquitates.*

*Armachæ, M.SS.  
Petri & Pauli.*

S. Patricius primus dicitur fundator, secundus Imarus O-Hedagain Præceptor Malachiæ O Morgair postea Archiepiscopi Armachani. Canonici hujus Cœnobii Ordinis fuerunt S. Augustini.

*Armachæ, FC.*

Patricius O-Scanlain (ex ordine Prædicatorum) Archiepiscopus Armachanus Minoritis cœnobium extruxit ibidem anno 1263 vel 1264.

*Armachæ, MC.*

Hic porro duo extructa fuerunt cœnobiola Monialium, alterum dictum Templum Brigidæ, alterum *Temple-na-ferta*, sive Templum miraculorum, in quo S. Lupita S. Patricii soror sepulta est. De primo Conditor non possum aliquid pro certo affirmare. Jocelinus in



in vit. S. Patricii cap. 165,  
fundata innuit à S. Patricio.  
Ad hanc rem vid. porrò vit.  
S. Patricii, quam ex codice,  
MS. cœnobii Alnensis, edi-  
dit Johannes Colganus.

*Kilsleve, al. Kil-  
sleve-cuilin, MC.*

Darerca, quæ & Moninne  
Monialibus construxit, ubi  
ipsa Abbâtissa præfuit, &  
decessit 6 Julii anno 518.

## Down.

Loca & Tituli  
dedicationum.

*Fundatores, Ordines &  
alia Antiquitates.*

*Duni, vulgò  
Down, Hibernicè  
Dundaletglas, P.  
& Ecclesia ca-  
thedralis S. Pa-  
tricii.*

Johannes de Curcy Ulto-  
niæ expugnator, secula-  
ribus Canonicis expulsis,  
Monachis Benedictinis im-  
plevit ex cœnobio S. Wer-  
burgæ Cestriæ, anno 1183,  
è quibus Gulielmus de Etle-  
shall factus est primus Prior  
loci: Et sub eodem tempo-  
re, Curcæi suasu, Ecclesia  
ea cathedralis, quanquam  
anteâ S. Trinitatis nomini  
consecrata, in honorem S.  
Patricii dicata est. Priori  
& Monachis ibidem paulò  
postea Malachias ejus no-  
minis

minis tertius Episcopus Dunensis multa prædia contulit, reservato sibi *Custodis & Abbatis* titulo, sicut fit (uti verba sunt Chartæ) in Ecclesia *Wintoniensi*, vel *Conventrensi*. Retenta etiam ad honorem & reverentiam Episcopatus sui, medietate oblationum in his quinque festis anni & non amplius, sc. in Natali Domini, in Purificatione S. Mariæ, in festo S. Patricii, in Pascha & Pentecosta.

*Duni, P. S. Johannis Baptiste Anglicorum.*

Ord. Cruciferorum, sub regula S. Augustini. Jam dictus Johannes de Curci fundavit.

*Duni, P. S. Johannis Baptiste Hibernicorum.*

Malachias O-Morgair Episcopus Dunensis Canonicis Augustinianis posuit anno 1138.

*Duni, M. C.  
Duni, F. C.*

Ord. Cisterciensis.

Hugo de Lacy comes Ultoniæ fundavit conventum Ord. Minorum circa annum 1240. Is dignitatem eam Comitis à Johanne Rege (obiter adnoto) obtinuit anno 1209, cum cerimonia cincturæ gladii, ut ex Archiis turris Londinensis liquet.

*Prioratus*

*Prioratus niger  
S. Andreae, in  
territorio de  
Ardes.*

Dictus Hugo de Lacy cellam fecit cœnobii de Lonley (diœcesis Ceno-  
manensis) in Gallia, circa annum 1218, monachisque replevit Benedictinis. Sed primus hujus cœnobii fundator fuit Johannes Curcæus, qui in charta fundationis, Monasterium appellat. *Andreae de Stokes.* Is præteris etiam ditavit, *decem* nimirum *carucatis* *terrae*, cum omnibus pertinentiis suis, in terra del. *Art, sc. in terra Mac Celloqua. &c.* Hoc cœnobium annexum fuit postea Archiepiscopatui Armachano, sub Edwardo 3 Rege Angliæ, Richardo filio Radulphi Archiepiscopo illius sedis solvente Abbati & conventui Lonleyen-  
si 200 *libras sterlingorum*, pro confirmatione. Non desunt tamen qui Archiepiscopatui non plenè annexum asserunt, ante tempora Richardi 2, dùm Johan. Colton esset Archiepiscopus.

*Pr. S. Job. Bapt.  
in dicto territo-  
rio de Ardes.  
Ardicnise, FC.*

Fundatur Militibus Hospitalariis, à jam dicto Hugone de Lacy.

Ordinis Minorum.

P

Bangor,

*Bangor, al. Vallis  
Angelorum, M.*

S. Congallus anno 555  
cœnobium ibi instituit Ca-  
nonicis regularibus, cui ip-  
se præfuit Abbas. Hoc (Da-  
nicâ postea dilaceratum ra-  
bie) Malachias O Morgair,  
ante insulas susceptas, re-  
statravit anno 1120. No-  
men habet à pulchro cho-  
ro. Situm est in territorio  
quod olim appellabatur (ut  
in vita S. Congalli legimus)  
*Altitudo Ultorum, juxta ma-  
re Orientale, nunc vulgò  
The Ardes.*

*Comerer, al.  
Comber, M.  
B. Mariæ.*

Fundatum anno 1199, &  
monachis repletum Cister-  
tensibus, è cœnobio de Al-  
ba Landa.

*Holy-wood, al. de  
S. bosco, F C.  
Inis, M. B. Ma-  
riæ.*

F F. Tertii Ord. S. Fran-  
cisci.

Johannes de Curcy fun-  
davit anno 1188, aliis 1180,  
prædiis cœnobii de Carig  
ordinis Turonensis (à se  
diruti) ditavit, & Monachis  
Cisterciensibus replevit ex  
cœnobio Furnessensi, apud  
Lancastrienses in Anglia.  
Inis verò (ut semel adno-  
tem) Britannis & Hibernis  
Insulam significat.

*Leigh, al. de Ju-  
go Dei, vulgò  
Grey Abbey,  
M. B. Mariæ.*

Africa uxor Johannis  
de Curcy & filia Godredi  
Regis Manniæ posuit 8 Ka-  
lend. Septembris an. 1193,  
ac



ac monachis implevit Cisterciensibus, ex cœnobio de *Holmcultrain* in Cumbria. In hoc cœnobio ipsa Africa sepulta est, ut è Chronico Manniæ constat.

*Movilla, al.  
Maigeville, M.S.  
Finiani.*

S. Finianus Abbas Canonicis Augustinianis posuit circa annū Dom. 550. Hunc eundem fuisse cum Fridiano Episcopo Lucensi in Italia, asserit Johannes Colganus, vir doctus & industrius, in Actis Sanctorum Hiberniæ, ad 18 Martii.

*Neddrum, P.  
seu C.*

Johannes de Curcy monachis Benedictinis fundavit an. 1183, & cellam fecit cœnobii S. Begæ in Cumbria. Sed non diurnavit, neque causam reperi.

*Nemry, al. de  
Viridi ligno,  
M. B. Mariæ,  
& S. Patricii.*

Mauritius Mac-Loghlin rex Hiberniæ fundavit Monachis Cisterciensibus, ut ex charta foundationis intelligimus. Chronographi Ordinis Cisterciensis fundatum asserunt anno 1153, quinquennio sc. post obitum Malachiæ Episcopi Dunensis, quem aliqui malè fundatorem statuunt. Donationem confirmavit Hugo de Lacy comes Ultoniæ, anno 1237.

Newton, F. C.

Conventus Ord. Prædicatorum introductus est anno 1244 & Capitula ejusdem ordinis ibi habitata sunt annis 1298, & 1312. Sedet in territorio *de Ardes*, prope litus maris.

*Saballum*, vulgò  
Saul, M. S. Patricii.

Sanctus Patricius construxit hoc cœnobium Canonicis regularibus, eique præfecit Abbatem S. Dunium: Ecclesiam verò adiecit, (juxta Jocelinum Furnessensem) contra morem receptum, non ab Occidente in Orientem, sed à Septentrione in Austrum protensam. Malachias O-Morgair Episcopus Dunensis restauravit. Situm habet in ea parte hujus agri, quæ Lecalia appellatur.

*Antrim,*

*Antrim, antiquitùs Ændrum.*

Loca & Tituli      *Fundatores, Ordines &*  
dedicationum.      *alia Antiquitates.*

*Carrigfergus, al.* Hugo de Lacy comes  
*Knockfergus, FC.* Ultoniæ cœnobium hîc pō-  
suit Minoritis circa an-  
num 1232, in cujus Ec-  
clesia ipse sepultus est 1242.  
Introduciti sunt fratres Mi-  
nores de Observantia anno  
1497.

Good-born, al.  
Wood-born, P.  
S. Crucis.

Ord. Canoniorum Præmonſtratenſium. Hoc cœnobium filia fuit Monafterii de Driebourc in Scôtiâ, à Scotis ut videtur extructum. Alanum de Galwia, Duncannum de Carrig & Biſettos è Scotiâ nobiles, terras in hoc tractu, Henrici 3 regis beneficio accepiffe liquet. Prioratus non multùm abeſt à Carrig-fergus, ſive Rupe Ferguſii.

*Inver, F.C.*

Ibi, necnon apud Bunamargy, Masserin & Limbeg, extracta sunt cœnobiola fratribus<sup>3</sup> Ordinis S. Francisci de pœnitentia, Seculo 15.

*Kells, al. Disert,  
P. B. Maria.  
Muckmor, P. B.  
Maria & S. Col-  
manelli.*

Ord. Canonorum regu-  
larium S. Augustini.

S. Colmanellus al. Colma-  
nus Ella Canonicis regula-  
ribus fundavit circa annum  
Dom. 580. Prædiis, post ad-  
ventum Anglorum, ditârunt  
Gulielmus Mataland, Ste-  
phanus de Sandall, Rober-  
tus de Sandall & Gilbertus  
de Croft, ut ex Regestulo  
(quod habeo) loci constat.  
De hoc cœnobio & S. Col-  
manello fundatore, vid. Pro-  
phetiani S. Patricii, apud  
Jocelinum Furnessensem,  
cap. 96.

## London-derry.

Loca & Tituli  
dedicationum.

Fundatores, Ordines &  
alia Antiquitates.

*Deria, al. Lon-  
donderry, anti-  
quities Daire-  
calgac, M. S. Co-  
lumbæ.*

S. Columba Canonicis  
Regularibus fundavit anno  
545. Hoc cœnobium olim  
vulgò appellabatur *Cella ni-  
gra*, & *Locus* erat *filialis* Mo-  
nasterii SS. Petri & Pauli de  
*Armach*, ut è Regesto Johan-  
nis Bole aliquandò Archie-  
piscopi Armachani liquet.

*Deria,*



*Derie, F C.*

Sedes fratribus Prædicatoribus assignata est anno 1274, ex parte aquilonari Urbis.

*Derie, M C.*

Regestum *Honoris* Richmondiaë cœnobium *de Dere in Hibernia*, ord. Cisterciensis fundatū docet 6 Kalend. Martii 1218. Aut idem fuit cum cœnobio hoc Monialium, aut cum cœnobio Moycoscanensi, de quo postea.

*Juxta Colranam, F C.*

Sedem ibi primò fixerunt Dominicani an. 1274, ad Bannium flu. unde in antiquo cœnobiorum illius Ordinis Catalogo, appellatur Conventus *de Bannin*.

*Dungevin, P.*

Paulum *O-Murey* Priorem cœnobii Canonorum Regularium *de Dungevin* obiisse anno 1215, produnt Annales Ultonienses. Sed quàm diù ante erectum fuerit nondùm comperi.

*Moycoscain, al. de Claro fonte, M. B. Marie.*

Catalogus antiquus cœnobiorum Cisterciensium Hiberniaë cœnobium *Clarifontis* fundatum asserit anno 1218. Regestum *Honoris* Richmondiaë ann. habet 1223.

## Donagall.

Loca & Tituli  
dedicationum.

Fundatores, Ordines &  
alia Antiquitates.

Dunagalla, FC.

Ord. Minorum de Obler-  
vantiâ. Odo cognomento  
Rufus O-Donell fundare  
cœpit an. 1473. Hic conven-  
tus ob bibliothecâ instru-  
ctissimam olim celebris erat.

Ashro. al. Esarud,  
al. de Samario,  
M. B. Mariæ.

Hoc cœnobium fundatum  
est & Monachis Cisterciensi-  
bus repletum. anno 1179,  
aliis, 1184, à Roderico O-  
Cananan Tirconalliæ Dy-  
nasta, qui à Flachertaco  
successore occisus est 1188.  
Sunt qui fundatum asse-  
runt à dicto Flachertacho.  
Sedet non procul ab Ossio  
Erni flu, quem Ptolemæus  
Ravium vocat, Giraldus  
Cambrensis, *Samarium*.

Kilmaerenan,  
FC.

Ordini Minorum ibi ex-  
structum est cœnobiolum  
ab O-Donello, eidemque  
ordini constructi sunt eti-  
am Conventus de Bellag-  
han & Balli-mac-suine jux-  
ta Doe castrum, è qui-  
bus postremus Mac Sui-  
neum

- neum fundatorem agnoscit.
- Magheri-beg. i.e.* O-Donnellus extruxit  
*Planities parva,* ibi cœnobium fratribus ter-  
*FC.* tii Ordinis S. Francisci; cui  
 ordini extructa sunt eti-  
 am cœnobiola apud Cale-  
 beg, Kil-O-Donel & Fa-  
 negarah.
- Rathmullian, FC.* Cœnobiolum ibi erectum  
*B. Mariæ.* est Ordini fratrum B. Mariæ  
 de Monte Carmel, à Mac-  
 Suineo Fanagh.

## Tir-Oen.

Loca & Tituli      *Fundatores, Ordines &*  
 dedicationum,      *aliæ Antiquitates..*

*Clochore, M.*  
*B. Mariæ.*

Ord. Canonorum Re-  
 gularium S. Augustini. S.  
 Macartinus Episcopus Clo-  
 chorensis cœnobium ibi ius-  
 su S. Patricii construxit,  
*in platea (nempe) ante re-*  
*galem sedem Ergalliensem,*  
 ut intelligimus ex Rege-  
 sto Patricii Culin, ordinis  
 Eremitarum S. Augustini  
 Episcopi Clochorensis, sub  
 Henrico 8.

*Dunganon, FC.*

Ad Austrū villæ de Dun-  
 ganon, cœnobiolum fratri-  
 bus tertii Ordinis S. Fran-  
 cisci

cisci construxit Conus O-  
Neal, regnante Henrico 7.  
Cui ordini extructi sunt  
etiam, variis temporibus, in  
eodem comitatu, Conventus  
de Ballinesagart, Corock,  
Gervagh-Kerin, Puble &  
Omey.

## Fermanagh.

Loca & Tituli  
dedicationum.

Fundatores, Ordines &  
alia Antiquitates.

*Dam-Inis, sive*  
*Insula Bovium,*  
*vulgò Devenish,*  
*P. B. Marie.*

S. Lasherianus, qui &  
Molasse, Abbas & fundator  
cœnobii de Dam-Inis in la-  
cu Erneo, obiit ibidem an-  
no 571, Septembris 12.  
Propriam eum condidisse  
regulam ferunt, constat ta-  
men successores ejus tan-  
dem normam suscepisse S.  
Augustini. In Interpolati-  
onibus Annalium Ulto-  
nienfium, ad annum 1130,  
ita legimus, *Hoc anno fun-*  
*datur Monasterium de Dam-*  
*Inis.* Intelligit Author vel  
hujus cœnobii restauratio-  
nem, vel foundationem alte-  
rius Prioratus, in eadem In-  
sula,



sula, qui fuit *Colideorum*, si-  
ve Presbyterorum secula-  
rium; de quo ordine, su-  
prà diximus, cap. 17.

*Lisgavail*, vulgò  
*Lisgool*, M. B.  
*Marie*.

Ord. Canoniconum Re-  
gularium. Fundatur (ut in  
supradictis Interpolationi-  
bus legimus) anno 1106.  
Sedet ad dictum lacum Er-  
neum.

*Lisgavail*, F C.

Fundatur anno 1530,  
Ord. S. Francisci.

*Insula S. Dabeo-*  
*ci*, al. *Avogi*, in  
*lacu rubro*, vulgò  
*Logh-derg*, aliis  
*Logh-gerg*. P.

Hoc cœnobium Canoni-  
corum Augustinianorum in  
Regesto Johannis Bole quon-  
dam Archiepiscopi Arma-  
chani appellatur *Locus filia-*  
*lis Monasterii Apostolorum*

*Petri & Pauli Armachæ*. S. Dabeocum fun-  
dasse ferunt Seculo 5, vivente S. Patricio. Alii  
S. Patricium fundatorem volunt. Prior loci  
olim appellabatur Prior Purgatorii S. Patricii;  
Sed antrum ipsum, vulgò *Purgatorium* dictum,  
cujus inventio à quibusdam ad Patricium Ab-  
batem, qui floruit anno 850, ab aliis, ad S.  
Patricium refertur, in alia situm est insula  
eiusdem lacus, in qua plerumque unus dun-  
taxat vel alius Canonicus cœnobii S. Dabeoci  
mansit, ad usum Ecclesiæ & peregrinantium.  
De hoc antro, mira fidem superantia narran-  
tur. Dirutum fuisse, utpotè supposititium,  
ipso die S. Patricii, anno Dom. 1497, Alex-  
andri 6 Papæ autoritate, à *Gardiano* domus  
fratrum Minorum de Donegall & aliis, pro-  
dit ad eum annum, qui tunc vixit, author  
*Annalium Ultoniensium*. Attamen restaura-  
tum

tum postea, & peregrinationibus denuò frequentatum constat. Sunt qui ridiculè somniant Uliſſem primùm hunc effodisse specum, cùm Inferos affaretur. Uliſſem verò (quod obiter notare liceat) ab Homero vel historice dictum vel poëtice fictum, Hiberniam, unam è Britannicis insulis, vel saltem Britanniam ipsam adiisse, facile inducor persuaderi. Hoc innuit Circe (apud Homerum) dùm Uliſſeni, in profectiōe ad Inferos, doceret, quis ventus secundus, quis cursus per Oceanum tenendus. Atque huc spectare videtur Claudianus, in Rufinum, lib. 1,

*Est locus extremum pandit quæ Gallia litus,  
Oceani prætentus aquis, quò fertur Uliſſes  
Sanguine libata populum movisse silentum.  
Illic Umbrarum tenui stridore volantum  
Flebilis auditur questus, Simulacra coloni  
Pallida, defunctasque vident migrare figuras.  
Hinc Dea prosiluit, Phæbique egressa serenos  
Infecit radios, ululatuque æthera rupit  
Terrifico, sensit ferale Britannia murmur,  
Et Senonum quatit arva fragor, revolutaq; Tethys  
Substitit, & Rhenus projecta torpuit unda.*

Quibus tetraſtichon adjicimus, ex Johannis Garlandii lib. 3, de Triumphis Ecclesiæ, ubi de Johanne Rege Angliæ loquens, ita canit,

Evertit

*Evertit nemora variis Hibernica bellis,  
Ad Stygis introitus Patricique lacus.  
Purgant (ut dicunt) hic Purgatoria vivos,  
Si sint constanti pecciora fixa fide.*

Liber M<sup>S</sup>. extat in Bibliotheca Cottoniana.  
Sed ne nimis excurrat oratio, pro coronide  
habe Iconismum Insulæ Purgatorii (ut vo-  
cant) S. Patricii, cum adjunctis Annotationi-  
bus quibusdam.

---

Notandum

---

---

*Bangor, al. Vallis  
Angelorum, M.*

S. Congallus anno 555  
cœnobium ibi instituit Ca-  
nonicis regularibus, cui ip-  
se præfuit Abbas. Hoc (Da-  
nicâ postea dilaceratum ra-  
bie) Malachias O Morgair,  
ante insulas susceptas, re-  
statravit anno 1120. No-  
men habet à pulchro cho-  
ro. Situm est in territorio  
quod olim appellabatur (ut  
in vita S. Congalli legimus)  
*Altitudo Ultorum, juxta ma-  
re Orientale, nunc vulgò  
The Ardes.*

*Comerer, al.  
Comber, M.  
B. Mariæ.*

Fundatum anno 1199, &  
monachis repletum Cister-  
tensibus, è cœnobio de Al-  
ba Landa.

*Holy-wood, al. de  
S. bosco, F C.  
Inis, M. B. Ma-  
riæ.*

F F. Tertii Ord. S. Fran-  
cisci.

Johannes de Curcy fun-  
davit anno 1188, aliis 1180,  
prædiis cœnobii de Carig  
ordinis Turonensis (à se  
diruti) ditavit, & Monachis  
Cisterciensibus replevit ex  
cœnobio Furnessensi, apud  
Lancastrienses in Anglia.  
Inis verò (ut semel adno-  
tem) Britannis & Hibernis  
Insulam significat.

*Leigh, al. de Ju-  
go Dei, vulgò  
Grey Abbey,  
M. B. Mariæ.*

Africa uxor Johannis  
de Curcy & filia Godredi  
Regis Manniæ posuit 8 Ka-  
lend. Septembris an. 1193,



ac monachis implevit Cisterciensibus, ex cœnobio de *Holmcultrain* in Cumbria. In hoc cœnobio ipsa Africa sepulta est, ut è Chronico Manniæ constat.

*Movilla, al.  
Maigevile, M.S.  
Finiani.*

S. Finianus Abbas Canonicis Augustinianis posuit circa annū Dom. 550. Hunc eundem fuisse cum Fridiano Episcopo Lucensi in Italia, asserit Johannes Colganus, vir doctus & industrius, in Actis Sanctorum Hiberniæ, ad 18 Martii.

*Neddrum, P.  
seu C.*

Johannes de Curcy monachis Benedictinis fundavit an. 1183, & cellam fecit cœnobii S. Begæ in Cumbria. Sed non diurnavit, neque causam reperi.

*Newry, al. de  
Viridi ligno,  
M. B. Mariæ,  
& S. Patricii.*

Mauritius Mac-Loghlin rex Hiberniæ fundavit Monachis Cisterciensibus, ut ex charta foundationis intelligimus. Chronographi Ordinis Cisterciensis fundatum asserunt anno 1153, quinquennio sc. post obitum Malachiæ Episcopi Dunensis, quem aliqui malè fundatorem statuunt. Donationem confirmavit Hugo de Lacy comes Ultoniæ, anno 1237.

Newton, F.C.

Conventus Ord. Prædicatorum introductus est anno 1244 & Capitula ejusdem ordinis ibi habitata sunt annis 1298, & 1312. Sedet in territorio *de Ardes*, prope litus maris.

*Saballum*, vulgò  
Saul, M. S. Patricii.

Sanctus Patricius construxit hoc cœnobium Canonicis regularibus, eique præfecit Abbatem S. Dunium: Ecclesiam verò adiecit, (juxta Jocelinum Furnessensem) contra morem receptum, non ab Occidente in Orientem, sed à Septentrione in Austrum protensam. Malachias O-Morgair Episcopus Dunensis restauravit. Situm habet in ea parte hujus agri, quæ Lecalia appellatur.

*Antrim,*

## *Antrim, antiquitùs Ændrum.*

Loca & Tituli      *Fundatores, Ordines &*  
dedicationum.      *alia Antiquitates.*

*Carrigfergus, al.*      Hugo de Lacy comes  
*Knockfergus, FC.*      Ultoniæ cœnobium hîc pō-  
suit Minoritis circa an-  
num 1232, in cujus Ec-  
clesia ipse sepultus est 1242.  
Introdukti sunt fratres Mi-  
nores de Observantia anno  
1497.

*Good-born, al.*  
*Wood-born, P.*  
*S. Crucis.*

Ord. Canoniorum Præ-  
monstratensium. Hoc cœ-  
nobium filia fuit Monaste-  
rii de Drieboure in Scōtia,  
à Scotis ut videtur extru-  
ctum. Alanum de Galwia,  
Duncanum de Carrig &  
Bifettos è Scōtia nobiles,  
terrās in hoc tractu, Henri-  
ci 3 regis beneficio accepisse  
liquet. Prioratus non mul-  
tū abest à *Carrig-fergus*,  
sive Rupe Fergusii.

*Inver, FC.*

Ibi, necnon apud Buna-  
margy, Masserin & Limbeg,  
extructa sunt cœnobiola  
fratribus 3 Ordinis S. Fran-  
cisci de pœnitentia, Secu-  
lo 15.

*Kells, al. Disert,  
P. B. Maria.  
Muckmor, P. B.  
Maria & S. Col-  
manelli.*

Ord. Canonorum regu-  
larium S. Augustini.

S. Colmanellus al. Colma-  
nus Ella Canonicis regula-  
ribus fundavit circa annum  
Dom. 580. Prædiis, post ad-  
ventum Anglorum, ditârunt  
Gulielmus Mataland, Ste-  
phanus de Sandall, Rober-  
tus de Sandall & Gilbertus  
de Croft, ut ex Regestulo  
(quod habeo) loci constat.  
De hoc cœnobio & S. Col-  
manello fundatore, vid. Pro-  
phetiani S. Patricii, apud  
Jocelinum Furnessensem,  
cap. 96.

## London-derry.

Loca & Tituli  
dedicationum.

Fundatores, Ordines &  
alia Antiquitates.

*Deria, al. Lon-  
donderry, anti-  
quitas Daire-  
calgac, M. S. Co-  
lumbæ.*

S. Columba Canonicis  
Regularibus fundavit anno  
545. Hoc cœnobium olim  
vulgò appellabatur *Cella ni-  
gra*, & *Locus* erat *filialis* Mo-  
nasterii SS. Petri & Pauli de  
*Armach*, ut è Regesto Johan-  
nis Bole aliquandò Archie-  
piscopi Armachani liquet.

*Deria,*



*Deria, F C.*

Sedes fratribus Prædicatoribus assignata est anno 1274, ex parte aquilonari Urbis.

*Deria, MC.*

Regestum *Honoris Richmondia* cœnobium *de Dere in Hibernia*, ord. Cisterciensis fundatū docet 6 Kalend. Martii 1218. Aut idem fuit cum cœnobio hoc Monialium, aut cum cœnobio Moycoscanensi, de quo postea.

*Juxta Colranam, F C.*

Sedem ibi primò fixerunt Dominici an. 1274, ad Bannium flu. unde in antiquo cœnobiorum illius Ordinis Catalogo, appellatur Conventus de *Bannin*.

*Dungevin, P.*

Paulum *O-Murey* Priorem cœnobii Canonorum Regularium de Dungevin obiisse anno 1215, produnt Annales Ultonienses. Sed quàm diù ante erectum fuerit nondum comperi.

*Moycoscain, al. de Claro fonte, M. B. Mariae.*

Catalogus antiquus cœnobiorum Cisterciensium Hiberniæ cœnobium *Clari-fontis* fundatum asserit anno 1218. Regestum *Honoris Richmondia* ann. habet 1223.

## Donagall.

Loca & Tituli  
dedicationum.

Fundatores, Ordines &  
alia Antiquitates.

Dunagalla, FC.

Ord. Minorum de Obser-  
vantiâ. Odo cognomento  
Rufus O-Donell fundare  
cœpit an. 1473. Hic conven-  
tus ob bibliothecâ instru-  
ctissimam olim celebris erat.

Ashro.al.Esarua,  
al.de Samario,  
M. B. Mariæ.

Hoc cœnobium fundatum  
est & Monachis Cisterciensi-  
bus repletum. anno 1179,  
aliis, 1184, à Roderico O-  
Cananan Tirconallia Dy-  
nasta, qui à Flachertaco  
successore occisus est 1188.  
Sunt qui fundatum asse-  
runt à dicto Flachertacho.  
Seder non procul ab Ossio  
Erni flu, quem Ptolemæus  
Ravium vocat, Giraldus  
Cambrensis, *Samarium*.

Kilmacrenan,  
FC.

Ordini Minorum ibi ex-  
structum est cœnobiolum  
ab O-Donello, eidemque  
ordini constructi sunt eti-  
am Conventus de Bellag-  
han & Balli-mac-suine jux-  
ta Doe castrum, è qui-  
bus postremus Mac Suï-  
neum

- Magheri-beg., i.e.*      *O-Donnellus* extruxit  
*Planities parva,*      ibi cœnobium fratribus ter-  
*FC.*      tii Ordinis S. Francisci; cui  
                  ordini extructa sunt eti-  
                  am cœnobiola apud Cale-  
                  beg, Kil-O-Donel & Fa-  
                  negarah.
- Rathmullian, FC.*      • Cœnobiolum ibi erectum  
*B. Mariæ.*      est Ordini fratrum B. Mariæ  
                  de Monte Carmel, à *Mac-*  
                  *Suineo Fanagh.*

## *Tir-Oen.*

<b>Loca &amp; Tituli dedicationum,</b>	<b><i>Fundatores, Ordines &amp; alia Antiquitates.</i></b>
--	--

*Clochoræ, M.*  
*B. Mariæ.*

Ord. Canonorum Re-  
 gularium S. Augustini. S.  
 Macartinus Episcopus Clo-  
 chorensis cœnobium ibi ius-  
 su S. Patricii construxit,  
*in platea (nempe) ante re-*  
*galem sedem Ergalliensem,*  
 ut intelligimus ex Rege-  
 sto Patricii Culin, ordinis  
 Eremitarum S. Augustini  
 Episcopi Clochorensis, sub  
 Henrico 8.

*Dunganon, FC.*

Ad Austrū villæ de Dun-  
 ganon, cœnobiolum fratri-  
 bus tertii Ordinis S. Fran-  
 cisci

cisci construxit Conus O-  
Neal, regnante Henrico 7.  
Cui ordini extructi sunt  
etiam, variis temporibus, in  
eodem comitatu, Conventus.  
de Ballinesagart, Corock,  
Gervagh-Kerin, Puble &  
Omey.

## Fermanagh.

Loca & Tituli  
dedicationum.

Fundatores, Ordines &  
alia Antiquitates.

*Dam-Inis, sive*  
*Insula Bovium,*  
*vulgò Devenish,*  
*P.B. Mariae.*

S. Lasherianus, qui &  
Molasse, Abbas & fundator  
cœnobii de Dam-Inis in la-  
cu Erneo, obiit ibidem an-  
no 571, Septembris 12.  
Propriam eum condidisse  
regulam ferunt, constat ta-  
men successores ejus tan-  
dem normam suscepisse S.  
Augustini. In Interpolati-  
onibus Annalium Ulto-  
nienfium, ad annum 1130,  
ita legimus, *Hoc anno fun-*  
*datur Monasterium de Dam-*  
*Inis.* Intelligit Author vel  
hujus cœnobii restauratio-  
nem, vel foundationem alte-  
rius Prioratus, in eadem In-  
sula,

fula, qui fuit *Colideorum*, si-  
ve Presbyterorum secula-  
rium; de quo ordine, su-  
prà diximus, cap. 17.

*Lisgavail*, vulgò  
*Lisgool*, M. B.  
*Maria*.

Ord. Canoniorum Re-  
gularium. Fundatur (ut in  
supradictis Interpolationi-  
bus legimus) anno 1106.  
Sedet ad dictum lacum Er-  
neum.

*Lisgavail*, F C.

Fundatur anno 1530,  
Ord. S. Francisci.

*Insula S. Dabeo-*  
*ci*, al. *Avogi*, in  
*lacu rubro*, vulgò  
*Logh-derg*, aliis  
*Logh-gerg*. P.

Hoc cœnobium Canoni-  
corum Augustinianorum in  
Regeſto Johannis Bole quon-  
dam Archiepiscopi Arma-  
chani appellatur *Locus filia-*  
*lis Monasterii Apostolorum*

*Petri & Pauli Armachæ*. S. Dabeocum fun-  
dâſſe ferunt Seculo 5, vivente S. Patricio. Alii  
S. Patricium fundatorem volunt. Prior loci  
olim appellabatur Prior Purgatorii S. Patricii;  
Sed antrum ipsum, vulgò *Purgatorium* dictum,  
cujus inventio à quibusdam ad Patricium Ab-  
batem, qui floruit anno 850, ab aliis, ad S.  
Patricium refertur, in alia situm est insula  
eiusdem lacus, in qua plerumque unus dun-  
taxat vel alius Canonicus cœnobii S. Dabeoci  
mansit, ad usum Ecclesiæ & peregrinantium.  
De hoc antro, mira fidem superantia narran-  
tur. Dirutum fuisse, utpotè supposititium,  
ipſo die S. Patricii, anno Dom. 1497, Alex-  
andri 6 Papæ autoritate, à *Gardiano* domus  
fratrum Minorum de Donegall & aliis, pro-  
dit ad eum annum, qui tum vixit, author  
*Annalium Ultoniensium*. Attamen restaura-  
tum



*Evertit nemora variis Hibernica bellis,  
Ad Stygis introitus Patricique lacus.  
Purgant (ut dicunt) hic Purgatoria vivos,  
Si sint constanti pecciora fixa fide.*

Liber MS. extat in Bibliotheca Cottoniana.  
Sed ne nimis excurrat oratio, pro coronide  
habe Iconismum Insulæ Purgatorii (ut vo-  
cant) S. Patricii, cum adjunctis Annotationi-  
bus quibusdam.

---

Notandum

---

---





## Cavan.

Loca & Tituli  
Dedicationum.

Fundatores, Ordines &  
aliae Antiquitates.

Cavan, F C.

Gelasius Rufus O. Rely fratribus Minoribus construxit ibi conventum anno 1300. Hunc locum Johannes Clynnus *Bresiniam* appellat. Conventus transiit ad fratres Minores de Observantia, anno 1502.

Drumlahan, P.  
B. *Mariae*.

Ord. Canoniorum Augustinianorum. Fundatur vel saltem restauratur à S. Edanno, vulgò dicto Maidoco Archiepiscopo Fernensi, circa finem Seculi 6. Subjiciebatur tandem cœnobio B. *Mariæ de Kenlis* in Midia.

In Insula S. Trinitatis de Lough-  
oughter, M. S.  
*Trinitatis*.

Clarus Mac-Mailin aliquandò Archidiaconus Elphinensis cœnobium ibi construxit ordini Canoniorum Præmonstratensium, anno Dom. 1249, quod Carolus O-Rely dotavit. Vel hoc cœnobium, vel cœnobium B. *Mariæ de Ballimore*, (de quo suprâ dixi in

in Midia occidentali) idem est cum eo quod Johannes. *Le Paige*, in Bibliotheca Ordinis Præmonstratensis, edita Parisiis anno 1633, Monasterium *Ballimenualse* in Provincia Armachana appellat.

---

## PROVINCIA MOMONIÆ. WATERFORD.

Loca & Tituli dedicationum.	<i>Fundatores, Ordines &amp; alia Antiquitates.</i>
--------------------------------	---

*Juxta Waterfordiam, P.S. Catharinae.*

Prædiis ditavit Elias filius Normanni. Innocentius III confirmavit possessiones anno 1210. Canonici hujus cœnobii Ordinis fuerunt Victorienſis. Oſtmanni fundatores exiſtimantur.

*Juxta Waterfordiam, P.S. Johannis Evangelistæ.*

Johannes Comes Moretoniæ poſtea Rex Angliæ fundavit, Monachis Benedictinis replevit, & cellam fecit Cœnobii SS. Petri & Pauli Bathoniæ in Anglia. Hoc cœnobium in Chartis ſuis ille *Domum* appellat *Eleemoſynæ ſuæ*. Inter Benefactores primarios

Q nume-



*Waterfordia,*  
FC.

numeratur Petrus de Fonte.

Fratres Prædicatores introducti sunt anno 1226, & novennio postea cœnobium iis à Civibus fundari cœptum.

*Waterfordia,*  
FC.

*Ord. Minorum.* Hugo Purcellus eques fundavit circa annum Dom. 1240, & in Ecclesia ejusdem Conventus sepultus est. Vid. plura in Lucæ Waddingi Tomo 1 Annalium Minorum.

*Carrig Parva,*  
FC.

Jacobus I Comes Ormonia Minoritis posuit anno 1336. Primus ibi fratrum ingressus fuit in festo Apostolorum Petri & Pauli, uti Johan. Clynnus habet, qui primus fuit loci *Gardianus*, sive Custos.

*Dungarvane,*  
FC.

*Ord. Eremitarum S. Augustini.* Hic conventus olim Patronos agnoscebat Comites Desmondia.

*Kilbarry,*  
*Killure,*  
*Crooke,*  
*Molanna, al. In-*  
*sula S. Molanfi-*  
*di, M.*

Sedes primùm Equitum Templariorum, postea Hospitalariorum.

Hoc cœnobium Canoniorum Regularium *Dar-inis* olim dictum, S. Molanfidus primus ibidem Abbas fundavit, Seculo 6. Præfuit ibi postea S. Fachnanus, cognomento *Mongach* i. Crinitus,

Crinitus, *quia cum casarie natus* Consule Johannis Colgani Acta Sanctorum Hiberniæ, ad 13 Martii. In hoc cœnobio sepultus dicitur Reimundus Crassus (sive *le Gros*) vir magni nominis, sub Henrico 2, qui in expugnanda Hibernia operam navavit egregiam.

*Mothil, M. SS.  
Coani & Bro-  
gani.*

Cœnobium Mothilense originem suam debet S. Brogano, cui (ni fallor) successit in prefectura cœnobii, S. Coanus vel Cuanus, Seculo Christi 6. Sunt qui dicunt (quâ authoritate nescio) hoc cœnobium tandem ordinis fuisse Cisterciensis: Mihi arridet eorum opinio qui ordinis fuisse Augustiniani asserunt, usque ad ipsum tempus suppressionis, sub Hen. 8.

Q 2

Cork,

## Cork.

Loca & Tituli  
dedicationum.

Fundatores, Ordines &  
alia Antiquitates.

*Juxta Corcagi-  
am, M.S.Barri,  
al. Finbarri.*

Cormacus rex Momoniæ  
aliis Desmonia construxit  
Canonicis regularibus Ord.  
S. Augustini, circa annum  
1134, in honorem S. Jo-  
hannis Baptistæ. Estque (ni  
fallor) Monasterium illud  
Ibracense, à Cormaco-Rege  
extructum, de quo loquitur  
S. Bernardus in vita Mala-  
chiæ. Possessionibus ditavit  
(qui Cormaco successit)  
filius ejus Dermotus, cir-  
ca ann. 1173. Hoc cœno-  
bium, à multis annis, anti-  
quitato priori nomine, Mo-  
nasterium de Antro S. Fin-  
barri & vulgò *Gille Abbey*  
dicitur, à Gil-Æda nimirum  
magni ibi nominis Abbate,  
& postea Episcopo Corca-  
giensi, qui obiit anno Dom.  
1173.

*Juxta Corcagi-  
am, FC.*

Sedem hîc fixerunt fra-  
tres Dominicani anno 1229,  
ex dono Dom. Philippi Bar-  
rii. Statua ænea effigiē ejus  
equitantis

equitantis præferens, in gratitudinis testimonium, pensilis olim asservabatur in Ecclesia ibidem.

*Juxta Corcagi-  
am, FC.*

*Ord. Minorum.* Dom. Philippus Prindergast fundavit, circa annum 1240. Sunt qui foundationem ascribunt Mauritio Prindergast, sed perperam.

*Juxta Corcagi-  
am, FC.*

Conventus *Ord. Eremitarum* S. Augustini introductus est regnante Edwardo primo.

*Juxta Corcagi-  
am, P.S. Johan-  
nus Evangelista.*

Johannes Dominus Hiberniæ, & comes Moretoniæ Monachis Benedictinis posuit, & Cellam fecit cœnobii SS. Petri & Pauli Bathoniæ in Anglia,

*Ballibeg, juxta  
Butavant, P.S.  
Thomæ.*

Hoc cœnobium Gulielmus de Barry Canonicis posuit Augustinianis. David filius ejus possessionibus auxit anno 1237.

*Balle-mac Edan,  
MC. aliis FC.*

*Bantre, FC.*

Dermicius Sullivanus Minoritis cœnobium ibi ædificavit circa annum 1460, juxta litus maris.

*Butavant, Clyn-  
no, Botonia, FC.*

Hoc cœnobium *Ord. Minorum* fundavit David Barrius loci Dominus sub Edwardo Primo, ibique

in chori medio cumulus  
est. Opidum olim appel-  
labatur *Kilnemallagh*.

*Castle-lehan, al.*  
*Castle-lyon. FC.*

Minoritis cœnobium ibi  
construxit Johannes Barri-  
us, anno 1307.

*Chore, al. de*  
*Choro S. Bene-*  
*dicti, M. B. Ma-*  
*riæ.*

Fundatum anno Dom.  
1180, & Monachis reple-  
tum Cisterciensibus ex cœ-  
nobio de Nenay, aliàs Ma-  
gio, apud Limericenses.

*Fermoy, al. de*  
*Castro Dei, M.*  
*B. Mariæ.*

Fundatum an. Dom. 1170,  
Monachisque Cisterciensi-  
bus primò impletum è cœ-  
nobio Surienti, postea verò  
novâ Monachorum coloniâ,  
ex cœnobio Furnessensi,  
apud Lancastrienses in An-  
glia. Situm habet ad *Aven-*  
*more flu.*

*Villa pontis Fer-*  
*moia, al. Ballin-*  
*droghed, P. B.*  
*Mariæ.*

Alexander filius Hugonis  
regnante Johanne funda-  
vit, & prædiis ditavit, ut  
ex Charta foundationis li-  
quet. Canonicis is replevit  
ex cœnobio S. Thomæ jux-  
ta Dublin.

*Glanore, FC.*

Ord. Prædicatorum. Fun-  
datur à familia de Rupe.

*Inishircan, FC.*

Insula est maris (in sinu  
Baltimorensi) duobus milli-  
aribus à litore distans, in  
qua Florentinus O-Driscoll  
cœnobiolum Fratribus Mi-  
noribus de Observantia po-  
suit 1460. Sunt qui à Der-  
mitio



mitio O-Driscoll fundatum  
asserunt anno 1470. Hæc  
ora (obiter adnoto) copiosâ  
halecularum (quas **Pil-**  
**chards** vocant) piscaturâ  
admodum celebris est, unde  
in Hispaniam exportantur.

*Kilcre, FC.*

Cormacus filius Thad-  
dæi mac Carty conventum  
Ord. Minorum fundavit an.  
1478, aliis 1465, ac in Ec-  
clesia ibidem ipse tumula-  
tus est 1494.

*Kinsale, FC.  
B. Marie.*

Robertus filius Richardi  
Balrain cœnobium Carme-  
litis ibi posuit, regnante  
Edwardo 3.

*Maur, al de  
Fonte vivo. M.  
B. Marie.*

Fundatum ann. Dom.  
1172, & Monachis Cister-  
tensibus repletum ex cœno-  
bio Baltinglassensi. Dermi-  
tium Cormaci filium (de  
quo suprâ fit mentio) fun-  
datorem ferunt. Chryso-  
stomus Henriques cœnobi-  
um *de Re in Hibernia*, in-  
ter cœnobîa Cisterciensia  
enumerat. *Inch-Rie* opinor  
intelligit, quæ postea cella  
fuit cœnobii Maurensis.

*Morn, al. Mora,  
al. Balline-mony,  
Pr. S. Johannis  
Baptistæ.*

Ord. Militum Hospita-  
lariorum. Alexand. de San-  
cta Helena vel fundator fuit  
vel primarius Benefactor,  
regnante Johanne.

*Ross, al. Ross-  
Carbry, P.*

Ord. Canoniorum Augustinianorum. S. Fachnanus (de quo suprà diximus) primus fuit Abbas & fundator cœnobii ibidem, sub finem Seculi 6. Locus antiquitùs appellabatur *Ross-ailithri*, & magno florebat honore, ob antiquam ibi Musarum Sedem. Ad Austrum, Mare Vergivium propinquum cernitur.

*Temolagi, FC.*

Fundatur Minoritis à Dom. Gulielmo Barrio, sub Edwardo secundo, vel, ut alii habent, à Cartæis. Conventum à Cregana huc translatum ferunt. Bibliothecam loci, Campanile, Dormitorium & Nosocomium construxit Edmundus Cursæus Episcopus Rossensis, qui obiit 10 Martii 1518, & in Ecclesia hujus cœnobii sepultus est.

*Tracton, al. de  
Albo tractu, M.  
B. Mariæ.*

Fundatum anno Dom. 1224, & Monachis Cisterciensibus repletum ex cœnobio de Alba Landa, apud Maridunenses in Wallia. Possessiones confirmavit Edwardus III.

*Juxta Youghallam, FC.*

Mauritius filius Geraldii Minoritis cœnobium ad austrum Opidi extruxit, circa annum Dom. 1231. Obiit is 8 Maii

8 Maii 1257, habitu fratris Minoris suscepto, & in Ecclesiâ ejusdem cœnobii tumultus est. Is primus dicitur qui hunc ordinem in Hiberniam duxit.

*Juxta Youghallam, FC.*

Sedē hîc fixerunt Fratres Prædicatores ann. 1268, vel, secūdum Clynnū, 5 Calend. Augusti 1271. Thomā filium Mauritiî fundatorē ferunt.

## *Limerick.*

**Loca & Tituli  
dedicationum.**

*Fundatores, Ordines &  
alia Antiquitates.*

*Limerici, P. B.  
Mariæ & S. Edwardi regis.*

Simon Minor civis Limericensis Canonicis, ni fallor, Augustinianis posuit, regnante Johanne. Hujus loci Prior primam habuit vocem in electione annua Prætoris Limericensis.

*Limerici, FC.*

Donatus cognomento *Carbrac* O-Brien Fratribus Ord. Prædicatorum fundavit anno 1227. In Ecclesia ibidem ipse tumulo conditus est an. 1241, cum statuâ ejus superinpositâ.

*Limerici, FC.*

*Ord. Minorum.* Fundatur à quodam è familia de Burgo,

go, regnante Henrico 3. Hic sepultus est anno 1287, Dom. Thomas de Clare è Comitum Gloverniæ stirpe. Item filius ejus Richardus, anno 1318.

*Limerici, MC.  
S. Petri.*

Donaldus O-Brien rex Limericensis, sub adventum Anglorum, construxit Monialibus nigri ordinis S. Augustini.

*Any, Pr. S. Johannis Baptiste.*

Galfridus de Mariscis fundavit, regnante Johanne, Militibus Hospitalariis. Æneas O-Hernan ultimus hujus loci Præceptor, ab Henrico 8 designatus est Episcopus Imelacensis, anno 1543.

*Any, FC.*

*Ord. Eremitarum S. Augustini.* Fundatur sub Edwardo 2, à Johanne filio Roberti & aliis.

*Athdare, al.  
Adare, M, S.  
Trinitatis.*

Hoc cœnobium constructum est fratribus Ordinis sanctæ Trinitatis de redemptione captivorum, pro fide Christiana, à Paganis incarceratorum, regnante Edwardo Primo. Sedet ad Magium flu.

*Athdare, FC.*

Johannes filius Thomæ prius comes Kildarensis, sub Edwardo secundo, fundavit, cœnobiū ibidem ord. Eremitarum S. Augustini.

*Athdare,*

*Athdara, FC.*

Thomas Comes Kildarenfis  
& Johan. uxor ejus, anno  
1464, regnante Edwardo 4,  
excitârunt conventum ord.  
Minorum de Observantia,  
ad ortum villæ.

*Asketina, F.C.*

Jacobus comes Desmo-  
niæ Minoritis construxit  
an. 1420, (ad Delum flu.)  
prope Castrum suum de  
*Asketin.*

*Ballinebraber,  
FC.*

Ord. S. Francisci.

*Ballinegall, FC.*

Ord. Prædicatorum, ex  
fundatione (uti ferunt) fa-  
miliæ *de Rupe.*

*Iniscatte, al.  
Iniscathaig, In-  
sula Shenani flu.  
P.S. Sennani.*

Sanctus Senanus Episco-  
pus cœnobium ibi constru-  
xit Canonicis Regularibus,  
sub finem Seculi 5. In ea-  
dem Insula erat etiam olim  
Sedes Episcopalis, quæ post  
adventum Anglorum ca-  
thedræ Limericensi unita  
est, ut suprà diximus, cap.  
16. Spectabar nuper hæc  
Insula ad Tuemoniam, sive  
agrum Clarensem, sed nunc  
pars censetur Limerici.

*Killochie, al. Kil-  
mallock, FC.*

Sedem ibi fixerunt fra-  
tres Prædicatores, an. Dom.  
1291.

*Kilshane, FC.*

Ord. Minorum, vel, ut  
alii, tertii ord. S. Fran-  
cisci.



*Monaster-ne-  
Gallioch, M.C.  
S. Catharinae.*

Hoc cœnobium constru-  
ctum est Monialibus ordinis  
S. Augustini juxta lacum  
dictum Loughgir.

*Nenay, al. de Ma-  
gio, M.B. Mariæ.*

Fundatum anno 1148,  
aliis 1151, (ab O-Brieno ut  
putatur) ad Magium flu. &  
Monachis repletum Cister-  
tensibus ex cœnobio Mel-  
lifontis. Possessiones con-  
firmavit Johannes rex An-  
glia. Huic cœnobio annexa  
est Cella Fealensis, ad Fea-  
lum flu. in hujus & Kerri-  
ensis agri collimitio.

*Rathkele, P.B.  
Mariæ.*

Ord. Canoniorum Aro-  
acensium.

*Woney, al. We-  
theny, M. B. Ma-  
riæ.*

Theobaldus Walter Hi-  
bernicae Pincerna fundavit,  
paulò ante exitum Seculi  
XII, & monachis Cister-  
tensibus implevit ex cœno-  
bio Saviniacensi in Gallia.  
Regestum *Honoris* Rich-  
mondia in Bibliotheca Cot-  
toniana (sub Faustina, B.7.)  
fundatum vult 11. Kalend.  
April. 1205.

---

*Tipperary.*

## Tipperary.

Loca & Tituli  
Dedicationum.

Fundatores, Ordines &  
aliæ Antiquitates.

*Juxta Casseliam,  
M.B. Maria.*

Hoc cœnobium **Hore Ab-**  
**bey** vulgò dictum Cisterci-  
ensibus posuit David Mac-  
Carwill Archiepiscopus Cas-  
seliensis, an. 1272, & Bene-  
dictinorum prædiis, quos è  
cœnobio *de Rupe Cassel* (sito  
prope Ecclesiam cathedra-  
lem S. Patricii Casseliæ) ex-  
pulerat, ditavit. Ptocotro-  
phium porrò, quod David  
le Latimer Miles leprosis  
Casseliæ construxerat, ei-  
dem cœnobio conjunxit.

*Casseliæ FC.*

David Mac-Kelly Archi-  
episcopus Casseliensis fun-  
davit Conventum ord. Præ-  
dicatorum anno 1243, Jo-  
hannes Cantwell Archi-  
episcopus itidem Casseli-  
ensis, sub Henrico 6, re-  
stauravit.

*Casseliæ, FC.*

Cœnobium Ord. Minorum  
Casseliæ vulgò appellatur  
*Hacketi cœnobium*, utpotè à  
Dom. Gulielmo Hacketo  
fundatum, regnante Hen-  
rico 3.

*Ardstuan,*

*Ardfinan, FC.*

*Athassel, P.S.*

*Edmundi Regis  
& Martyris.*

Ord. S. Francisci.

Prioratum (circa annum 1200) Canonicis Augustinianis extruxit Gulielmus de Burgo, è cuius posteris ibi sepulti sunt Waiterus de Burgo comes Ultoniæ & Walteri filius Richardus, vulgò dictus *Comes Rufus*. Hic, anno 1326, ille, 1271. Johannes rex confirmavit possessiones 20 Aprilis 1205. Inter Priores clarus fuit Hubertus de Burgo, qui Episcopus evasit Limericensis anno 1223.

*Cabir, al. Cabir-  
dunesk, P.B.*

*Marie.*

*Carrige, P. seu  
H. S. Johannis  
Euangelistæ.*

Galfridus de Canvil fundavit Canonicis Augustinianis, regnante Johanne.

Gulielmus de Cantelo & Dyonisia uxor ejus filia Thomæ filii Antonii fundarunt Canonicis. Subjecta est postea hæc domus Hospitali S. Thomæ de Acon Londini, ut ex Regesto dicti Hospitalis, in Bibliotheca Cottoniana, sub effigie Tiberii, C.V. intelligimus.

*Clonaul, Pr.*

Primum Sedes Militum Templariorum, postea Hospitalariorum.

*Clonmelle, FC.*

Sedem ibi fixerunt Minoritæ anno 1269. Sunt qui Othonem de Grandisofno hujus conventus fundatorem

datorem asserunt, Alii qui  
foundationem ascribunt O-  
pidanis, & alii, qui Geral-  
dinis.

*M.S. Crucis, ad  
Surium flu. filia  
Magii.*

Hoc cœnobium, in S.  
Crucis honorem, Monachis  
Cistertiensibus posuit Do-  
naldus O-Brien rex Li-  
mericensis, circa annum  
1169, vel ut alii habent,  
1181. Possessiones confir-  
mavit Johannes Dominus  
Hiberniæ & comes Moreto-  
niæ, postea rex Angliæ. Hoc  
cœnobium subiectum est  
postea in Capitulo generali,  
per Abbatem Clarevallen-  
sem, cœnobio Furnessensi  
in Anglia.

*Fetherde, FC.*

Walterus Mulcot funda-  
vit ibi conventum Ord.  
Eremitarum S. Augustini,  
assensu Mauricii Mac-Car-  
will Archiepiscopi Casseli-  
ensis, an. 1306.

*Galbally, FC.*

*Ord. Minorum*, O-Brien  
fundavit, in hujus & Lime-  
ricensis agri collimitio.

*Inchinemeo, al.  
Insula Viven-  
tium. P.S. Hilarii,  
alii, B. Maria.*

Prior & conventus loci  
sedem tandē fixerunt Cor-  
balliæ, quæ non longè di-  
stat à dicta Insula Viven-  
tium. Fuisse olim in ea In-  
sula, capellam cui pauci Cæ-  
libes, quos Cælicolas vel Co-  
lideos vocant devotè deser-  
viebant,

viebant , tradit Giraldus Cambr. Topograph. Hiberniæ distinct. 2, cap. 4. Sed postea sedes fuit Canonico-  
rum Regularium.

*Inisflamaght, al.  
de Surio, Filia  
Magii, M. B. Ma-  
ria.*

Liber Statutorum ordi-  
nis Cisterciensium Hiberniæ  
Monasterium de Surio fun-  
datum asserit anno 1159,  
cui astipulatur antiquus cœ-  
nobiorum illius ordinis Ca-  
talogus. Sunt tamen qui  
diù postea Monachis Cister-  
ciensibus erectum volunt à  
Donaldo O-Brien rege Li-  
mericensi, ac ab eo & Ma-  
lachia O-Felan Desiæ Dy-  
nasta prædiis ditatum. At-  
qui probabilius videtur Mo-  
naches Surienses, ab alia  
nescio qua sede eidem Su-  
rio fluvio apposita, huc mi-  
grasse, quam sedem hîc  
primò fixisse : Nam in vitâ  
S. Malachiæ à Divo Bernar-  
do (qui obiit anno 1153)  
descriptâ, Monasterii Suri-  
ensis fit mentio. Hoc cœ-  
nobium novâ Monachorum  
coloniâ, è cœnobio Fur-  
nessensi, in Lancastriâ, re-  
pletum est anno 1249.

*Kilcoul, al. de  
Arvi-campo,  
filia Feripontis,  
M. B. Maria.*

Exemplar chartæ Hen-  
rici 3, qua confirmavit pos-  
sessiones hujus cœnobii, Do-  
naldum O-Brien Monachis  
Cister-



Cisterciensibus fundasse prodit. Donaldum illum fortasse intelligit, de quo supra fit mentio, & quem obiisse anno 1194 produnt Annales Hibernici. Contrà autem, jam dictus liber Statutorum Ord. Cisterciensis hoc cœnobium fundatum tradit anno 1200, sexennio scil. post mortem Donaldi, & Regestum *Honoris* Richmondie ann. habet 1209. De hac re, quid judicem nescio. Fortè quis suspicetur Donaldum, pro Donato ejus filio, qui floruit annis 1200 & 1209, transcriptoris incuriâ irrepisse.

*Kilcumin, P. seu  
C. SS. Philippi &  
Jacobi, & S.  
Cumini.*

Philippus de Wigornia Benedictinis fundavit & Cellam fecit Monasterii Glastoniensis in Anglia. Sed prædiis à vicinis spoliatis non diurnavit.

*Killinenallah,  
FC.*

Conventus Ord. Minorum introductus est regnante Henrico 6.

*Lurchoe, al. Lo-  
thrae, P. S. Ruadani.*

Ord. Canonorum Augustinianorum. S. Ruadanus primus Abbas & fundator loci obiit ibidē an. 584. Sunt qui asserunt manū ejus Cantuariæ, in Ecclesia cathedrali, theca argentea deaurata asservatā fuisse, usq; ad tēpora Hen. 8.

R

*Lurchoe,*

*Lurchoe, FC.*

Walterus deBurgo comes Ultoniæ fratribus Prædicatoribus cœnobium ibi instituit anno 1269.

*Moylagh, MC.*

Moniales nigræ ordinis S. Augustini.

*S. Brigide.*

*Nenaghe, FC.*

*Ord. Minorum.* Fundatur regnante Henrico 3, à Kennedæis, vel (ut alii putant) à Pincernis. Capitulum Provinciale ibi habitum est anno 1344.

*Juxta Nenag-*

*bam, P. seu H.*

*S. Johannis Baptiste.*

Theobaldus Walter Hiberniæ Pincerna fundavit & dotavit, circa annum 1200, ad sustentationem Canoniorum (Augustinianorum) & Infirmorum *ibidem Deo servientium.* Hoc cœnobium à nomine S. Johannis cui dicatum vulgò appellatur *Teach-eon* i. Domus Johannis.

*Roscrea, FC.*

Bibiana vidua Mælronii O-Caroll cœnobium ibidem fratribus Minoribus instituit.

*Thome, P.S. Do-*

*nani, aliis,*

*B. Marie.*

Cella erat Prioratus Canoniorum S. Hilarii de Insula Viventium, ubi S. Donanus ut Patronus olim colebatur; fortè loci fundator.

*Tipperarie, FC.*

Conventus Ord. Eremitarum S. Augustini introductus est regnante Henrico 3.

*Thurles,*

*Thurles, FC*

Ibi cœnobium erat fratrum Ord. B. Mariæ de Monte Carmel. quod à Pincernarum sive Butlerorum familia extructum ferunt.

## Kerry.

Loca & Tituli  
dedicationum.

*Fundatores, Ordines &  
aliæ Antiquitates.*

*Aghamore, P.*

Ord. (ut fertur) Canonicorum Augustinianorum.

*Ardferta, al.*

*Ardarta, FC.*

Fitz-Mauritii Majores Baronis Kerriæ fundarunt ibi conventum Ord. Minorum. Hi originem suam ad Reimundum Crassum referunt, de quo supra fit mentio.

*Balli-ne-scelig,  
al. de Monte S.  
Michaëlis.*

Ord. Canonicorum Augustinianorum. In una è Scelegis Insulis (quæ hinc aliquot milliaribus distant) antiquum erat cœnobium S. Michaëli Archangelo dictum, cujus meminit Giraldus Cambrensis, Topograph. Hibern. distinct. 2. cap. 30. De primo Conditorre, non habeo quod dicam. Flanum *Mac Cellach*, Abbatem Scelichensem obiisse

*Inisfallen, al.  
Inis-fathlen, in  
lacu Lean P.*

*Irrialagh, jux-  
ta lacum Lean,  
FC.S.Trinitatis.*

*Killagha, al. de  
Bello loco, P.B.  
Mariae.*

*Lislaghtin, FC.*

885. docent Annales cœnobii Inisfallensis. Cœnobium verò translatum est postea ad locum in Continente commodiorem, prope stationem de *Balli-ne-scelig*.

S. Finianus cognomento Leprosus fundavit post medium Seculi 6. De eo vid. Johan. Colgani Acta Sanctorum Hiberniæ, ad 16 Martii. Insula ipsa arbutis abundat. Fructus arboris ab incolis vulgò **the Cane Apple**, i. pomum Cadomense dicitur, sed *Unedo* Latine, quòd unum tantum esse expediat, noxio & inutili ejus esu. Sic Had. Junius.

Donaldus filius Thaddæi Mac-Carty Minoritis fundavit anno 1440 & restauravit 1468, ipso nimirum anno quo mortem obiit.

Ord. Canonorum Regularium. Galfridus de Mariscis sub Johanne rege fundavit. Sedet prope Mangium flu.

Johannes O-Conner fundavit ibidem anno 1478 conventum Ord. Minorum de Observantia. Locus nomen habet à S. Lactino Abbate, qui decessit anno Dom. 622.

*Odorney, al. Kieleyson, filia Magii, M.*

Hoc cœnobium Ordinis Cistertiensis initium sumpsit anno 1154. Hic sepultus est anno 1186, Christianus illustris ille Episcopus Lismorensis, qui huc se contulit, cum terrena averfatus, aliquot ante obitum annos, episcopatu se abdicasset.

*Rath-toy, M. SS. Petri & Pauli.*

Primò Hospitale fuit S. Johanni Baptiste dictum, à Fratre *Gultelmo* constructum, & à Meilero filio Meileri confirmatum, regnante Johanne, postea in Monasterium Canonorum Regularium Ord. Aroacensis conversum.

*Traleia, FC.*

Johannes filius Thomæ (Geraldinus) fundavit ibi conventum Ord. Prædicatorum anno Dom. 1243. In Ecclesia hujus conventus ipse & Mauritius filius (à Mac-Cartæo occisi) sepulti sunt anno 1261.



## *Clare, olim Tuemonia.*

**Loca & Tituli  
dedicationum.**

***Fundatores, Ordines &  
aliæ Antiquitates.***

*Clare, al. Kilmo-  
ny, al. de Forgio,  
M. SS. Petri &  
Pauli.*

Donaldus O-Brien rex  
Limericensis construxit ibi  
cœnobium Canonicis Au-  
gustinianis, ad Forgium flu.  
unde quandoque dictum  
Monasterium *de Forgio*.

*Corcumro, al. de  
Petra fertili, M.  
B. Mariæ.*

Donaldus antedictus fun-  
davit Monachis Cistertien-  
sibus auno 1194, vel, secun-  
dum alios, filius ejus Dona-  
tus *Carbrac* anno 1200. Filia  
fuit Monasterii Suriensis.  
Hoc cœnobium subiectum  
est postea cœnobio Furnes-  
fensi apud Lancastrienses  
in Anglia. Huic etiam Mo-  
nasterio annexa est cella de  
Kilsonna al. Kilsane.

*Inis, al. Inis-  
Cluanruada, FC.*

Donatus *Carbrac* O-Bri-  
en, circa annum 1240, Mino-  
ritis, magnâ, elegantia, exci-  
tavit, ad Forgium flu.

*Inis-catte, P. S.  
Senani.*

De hujus cœnobii Ori-  
gine, vid. quæ suprâ dicta  
sunt in Limerico.

*Inis-*

*Inis-negananagh,*  
i. Insula Canonico-  
rum, P.

Ord. Canonico-  
rum Augustinianorum. Donaldus  
O'Brien rex Limericensis  
vel fundator fuit vel restau-  
rator cœnobii ibidem. Insu-  
la ipsa Shenano flu. jam in  
immensum aucto circum-  
funditur.

*Kil-Oen, MC.S.*  
*Johannis Bapti-*  
*ste.*

Idem Donaldus, cœnobi-  
um ibi construxit Moniali-  
bus Ord. S. Augustini.

*Quinchy, FC.*

Hunc conventum Ord.  
Minorum fundavit Ma-  
conus Mac-Nemarra, anno  
1433.

## PROVINCIA CONATIÆ GALVVAY.

Loca & Tituli  
dedicationum.

*Fundatores, Ordines &  
aliæ Antiquitates.*

*Juxta Galviam,*  
*FC.*

Gulielmus de Burgo Mi-  
noritis fundavit anno Dom.  
1296, in Insula S. Stephani,  
extra muros urbis. In Ec-  
clesia hujus conventus, sub  
uno eodémque marmore,  
humati jacent duo Archie-  
piscopi Tuamenses, Mauri-  
tius de Portu, (cujus nomen

ob eruditionem celebre est) ejusque successor Thomas Lalæus, uterque ejusdem ordinis.

*Juxta Galviam,  
FC.*

Ord. Prædicatorum, filia Conventus Athenriensis. Locum concessisse dicuntur Canonici ordinis Præmonstratensis Tuamæ.

*Juxta Galviam,  
FC.*

Conventus Ord. Eremitarum S. Augustini Galviæ initium sumpsit ex largitione Opidanorum. Hunc locum conventum *Calviensem* perperam appellat Nicolaus Crusenius, in Monastico Augustiniano edito 1623. Sed de cæteris hujus Provinciæ cœnobiis Augustinianis, crassius plerumque errat, uti postea patebit, quando de Conventu Ardnariensi agemus.

*Aghrim, vel  
Eachraim, P.S.  
Catharina.*

De vetustate hujus cœnobii, nihil certi quod dicam occurrit. Sunt qui à Butlerorum familia fundamentum asserunt: At quàm verè nescio. Hic Canonici fuerunt Augustiniani.

*Aran, al. Arn-  
na-nemb, i. Aran  
Sanctorum, M.*

Hæc insula, quæ jacet in Oceano inter extremos Conatiæ & Momoniæ fines, olim ad Momoniam spectabat; Sed hodiè vulgò pars censetur agri Galviensis. Hic S. Endeus Abbas.

Abbas circa an. Dom. 480,  
Monasterium Canoniorum  
Regularium construxit, Æn-  
gusa Natfraici filio rege Mo-  
monia Insulam concedente.

*Athenria, FC.*

Milerus de Bermingham  
loci dominus cœnobium ibi  
fundavit fratribus Prædica-  
toribus anno Dom. 1241.  
Obiit is in Momonia, non  
procul à Casselia, unde cor-  
pus Athenriam deporta-  
tum, ibi in Ecclesia dictorum  
fratrum tumulatum est. In  
eadem Ecclesia plura sunt  
etiam sepulchra Episcopo-  
rum Duacensium & aliorum,  
Sed memorandum imprimis  
illud Gulielmi Bermingha-  
mi Archiepiscopi Tuamen-  
sis filii dicti Mileri, parieti  
inditum, ab aquilonali parte  
summi altaris.

*Ballineinch, FC.*

Fundatur ibi à Flaghar-  
tæis cœnobium ordinis (ni  
fallor) Carmelitani.

*Clare, al. Clare-  
yndowl, FC.*

Johannes de Cogan mag-  
nis expensis Minoritis ex-  
truxit, circa annum Dom.  
1290, ad 4 à Galvia la-  
pidem.

*Clonfertæ, ad  
Shenanum flu. M.  
B. Mariæ de  
Portu puro.*

S. Brendanus Abbas Finlo-  
gæ filius posuit anno 558. In  
hoc & in aliis à se fundatis  
cœnobiis, tribus Mona-  
chorum millibus præfuisse  
dicitur,

dicitur, qui manuum suarum laboribus, victum sibi comparabant. Propriam is condidit regulam, quam successores ejus demum normam susceperint S. Augustini.

*Clonkeen-Kerril,*  
*FC.S. Trinitatis.*

Thomas O-Kelley Episcopus Clonfertensis (postea Archiepiscopus Tuamensis) Ecclesiam parochialem ibidem concessit fratribus tertii ordinis S. Francisci de pœnitentia, ad rogatum Davidis & Johannis Mul-kerrill illius ordinis Professorum, circa annum 1435. Eugenius 4 confirmavit donationem anno 1441. Huic ordini constructa sunt etiam postea cœnobia apud Cow-levernoge, Templemoyle-Killtullagh & Beagh.

*Clontuoskirt, P.*

Ord. Canoniorum Augustinianorum. *Boadanum de Cloantuaifcert* obiisse anno 808 (qui nobis 809) produnt Annales Ultonienses. Hujus cœnobii is Abbas fuit (opinor) & Conditor.

*Crevabane, FC.*

Ordinis Carmelitarum, ni fallor.

*Dunmore, FC.*

Ordinis Eremitarum S. Augustini. Fundatur à Berminghamis Athenriæ Dominis.

*Enaghdune,*



Enaghdune, al.  
Enaghcoin, MC.  
B. Marie.

S. Brendanum Monialibus ibi cœnobium instituisse liquet, iisque Abbatissam præfuisse sororem suam Brigam. Monialibus ordinis Aroacensis Ecclesiam ibidem, *cum villa de Kelgel*, confirmavit Cœlestinus III, 4 Calend. Martii anno 1195. Sedes prope lacum *Curb*.

Enaghdune, M.  
B. Mariæ de  
Portu patrum.

Hoc cœnobium forte idem est cum eo Ord. Præmonstratensis, quod Johannes le Paige appellat Monasterium *Kilvainenasense filiam Tuamensis, Enechtunensis diœcesis*. Sed à quo erectum non reperi.

Kaltragh-ne-  
Pallice, FC.  
Kilbought, FC.

Ord. Fratrum B. Mariæ de monte Carmel.

Fundatur à familia Wallæorum. Sunt qui fratres tertii ordinis S. Francisci ibi sedem fixisse asserunt.

Kilconnell, FC.

Gulielmus Kellæus Minoritis construxit an. 414.

Kilcarbain, FC.  
B. Mariæ.

Thomas de Burgo Episcopus Clonfertensis (Capituli sui assensu) concessit fratribus tertii ordinis S. Dominici capellam B. Mariæ de Kilcarbain, ad rogatum Johannis fitz Rery & confratrum dicti ordinis. Eugenius 4 confirmavit 4 Idus Martii 1444.

*Kilcreunata,*

*Kilcreunata, al.*  
*de Casta filva,*  
*MC.*

Carolus O-Conner, à manu rubra, vulgò *Crouderg* cognominatus Monialibus S. Benedicti instituit, circa annum 1200. Huic cœnobio annexæ sunt postea cellæ de Inchmean & Ard-carn, hæc in agro Roscomanensi sita, illa, in Maionensi.

*Kil-mac-duac,*  
*al, de Petra*  
*Duacensi M.*

Ord. Canoniorum Regularium. Sunt qui originem ascribunt S. Colmano filio Duaci primo Episcopo Duacensi, Seculo 6, Alii, qui Mauritio cuidam ejusdem sedis Episcopo. Situm habet prope lacum qui mensibus æstivis plerâsq; aquas suas exorbet, hybernis verò, evomit. Harum ideoque voragines itinerantibus periculosa sunt, dùm compendia in æstate sectantur.

*Kinalekin, Pr.S.*  
*Johannis Baptistæ,*  
*Kinalekin, FC.*  
*Knoc-moy, al. de*  
*Colle Victoriæ,*  
*filia Buellii, M.*  
*B. Mariæ.*

Ord. Militum Hospitaliorum.

Ord. Minorum.

Supradictus Carolus *Crouderg* fundavit Monachis Cisterciensibus anno 1189, aliis 1190, in victoriæ memoriam, quæ eo loci feliciter ei cessit. Obiit is 5 Calend. Junii anno 1224, in hoc cœnobio tumultatus, habitu Cisterci-

Cisterciensis Monachi prius suscepto. Huic cœnobio annexa est postea cella de Cleary, in insula Maris ejusdem nominis, apud Maionenses.

*Ad Lough-reogh,  
FC. B. Maria.*

Richardus de Burgo comes Ultoniæ Carmelitis posuit circa annum 1300.

*Milick, FC.*

Ord. Minorum. Fundatur ab O-Maddeno, ad ripam Shenani flu. quo hybernis mensibus circumfunditur.

*Monaster-O-Gormogan, al.  
de Via nova,  
M.B. Maria.  
Portumnae, FC.*

Hoc cœnobium Canonicis Augustinianis fundavit quidam ex familia O-Gormoganorum.

Cœnobium Dominicanis ibi construxit O-Maddenus, ad Shenanum fluvium.

*Rosserelly, FC.*

Cœnobium ibidem quidam ex familia Gannardorum construxit anno 1498. Ord. Minorum de Observantia.

*Slewshancogh, FC.  
Tea-Sasson, juxta  
Athenriam,  
FC.*

Ord. Minorum.

Cœnobiolum fratribus tertii Ordinis S. Francisci de pœnitentia ibi extructum est, circa tempus Henrici 7. *Tea-Sasson* i.e. Domus Saxonum (ita Hiberni Anglos vocant) Britannicam sapit originem, *Tuy* Britannis domum

num 1337, Sed à quo vel quando fundatus fuerit, non traditur. Ejusdem ordinis fuerunt conventus de Belahaunes & Borriscarra, De quibus nihil prætereà comperi, nisi quòd fama tenet quendam è familia de Angulo fuisse fundatorem cœnobii de Belahaunes.

*Ballinsmale, FC.  
B. Maria.*

Cœnobium Ordinis Carmelitarum fundatum à familia Prendergastorum.

*Ballintobber, al.  
de Fonte S. Patricii, M.S. Trinitatis.*

Carolus O-Coner cognomento Crouderg fundavit & dotavit, ac Canonicis Regularibus Ord. S. Augustini implevit, quibus Abbatem præfecit Bricium Imakin, anno 1216. Hujus cœnobii proles fuit & cella Prioratus de Cross, de quo ita Regestum Ballintobberense, Notandum quod Abbas de Fonte creari Priorem facit in filiali Ecclesia quæ Cross dicitur in cantreda de Irris: Ad cujus creationem, dicta filialis Ecclesia, post receptum Rosetum, tenetur Matræ Ecclesiæ de Fonte, ad ipsius fabricam, ad 20 solidos & 12 denarios, & anno quovis postea, ad 3 uncias.

*Boghmoynen, FC.  
Borisoole, FC.*

Tertii ordinis S. Francisci.  
Cœnobiolum ordinis Prædicatorum

dicatorum fundatum à Pincernarum five Butlerorum familia.

*Cong, M. B.  
Marie.*

Hoc cœnobium Canonicis Augustinianis posuit Donaldus Ædi five Hugonis filius, Amirachi nepos rex Hiberniæ, anno 624, prope *Curbum* lacum. Ibi S. Fechinus aliquandiu Abbas præfuisse dicitur.

*Cross, al. de  
Cruce, C. B.  
Marie.  
Moyen, FC.*

De hac Cellâ, vid. quæ suprâ dicta sunt, ad Monasterium de Ballintobber.

Nehemias O-Donachou Ord. Minorum de Observantia hoc cœnobium suo ordini instituit anno 1460; cujus ordinis is fuit postea Vicarius Provincialis in Hibernia. Sedet ad Moyum fl. Adamnano, Modam, Girald. Cambrensi; Modadum.

*Murisk, FC.*

Ord. Eremitarum S. Augustini fundatur ad radicem montis vulgò dicti *Cruach-Patric* (Jocelino *Cruachan-aigle*) à familiâ (ut ferunt) O-Maliorum. *Cruc* Britannis collem vel montem significat, ut è Nennio liquet, & idem denotat hîc *Cruac*.

*Orlare, FC.*

Ibi conditū ferunt à quodam è familiâ de Angulo  
8 aliàs



ob eruditionem celebre est) ejusque successor Thomas Lalæus, uterque ejusdem ordinis.

*Juxta Galviam,  
FC.*

Ord. Prædicatorum, filia Conventus Athenriensis. Locum concessisse dicuntur Canonici ordinis Præmonstratensis Tuamæ.

*Juxta Galviam,  
FC.*

Conventus Ord. Eremitarum S. Augustini Galviæ initium sumpsit ex largitione Opidanorum. Hunc locum conventum *Calviensem* perperam appellat Nicolaus Crusenius, in Monastico Augustiniano edito 1623. Sed de cæteris hujus Provinciæ cœnobiis Augustinianis, crassius plerumque errat, uti postea patebit, quando de Conventu Ardnariensi agemus.

*Aghrim, vel  
Eachraim, P.S.  
Catharine.*

De vetustate hujus cœnobii, nihil certi quod dicam occurrit. Sunt qui à Butlerorum familia fundatum asserunt: At quàm verè nescio. Hic Canonici fuerunt Augustiniani.

*Aran, al. Arn-  
na-nemb, i. Aran  
Sanctorum, M.*

Hæc insula, quæ jacet in Oceano inter extremos Conatiæ & Momoniæ fines, olim ad Momoniam spectabat; Sed hodiè vulgò pars censetur agri Galviensis. Hic S. Endeus Abbas.

Abbas circa an. Dom. 480,  
Monasterium Canoniorum  
Regularium construxit, Æn-  
gusa Natfraici filio rege Mo-  
monia Insulam concedente.

*Athenria, FC.*

Milerus de Bermingham  
loci dominus cœnobium ibi  
fundavit fratribus Prædica-  
toribus anno Dom. 1241.  
Obiit is in Momonia, non  
procul à Castelia, unde cor-  
pus Athenriam deporta-  
tum, ibi in Ecclesia dictorum  
fratrum tumulatum est. In  
eadem Ecclesia plura sunt  
etiam sepulchra Episcopo-  
rum Duacensium & aliorum,  
Sed memorandum imprimis  
illud Gulielmi Bermingha-  
mi Archiepiscopi Tuamen-  
sis filii dicti Mileri, parieti  
inditum, ab aquilonali parte  
summi altaris.

*Ballinehinch, FC.*

Fundatur ibi à Flaghar-  
tæis cœnobium ordinis (ni  
fallor) Carmelitani.

*Clare, al. Clare-  
yndowl, FC.*

Johannes de Cogan mag-  
nis expensis Minoritis ex-  
truxit, circa annum Dom.  
1290, ad 4 à Galvia la-  
pidem.

*Clonfertæ, ad  
Shenanum flu. M.  
B. Mariæ de  
Portu puro.*

S. Brendanus Abbas Finlo-  
gæ filius posuit anno 558. In  
hoc & in aliis à se fundatis  
cœnobiis, tribus Mona-  
chorum millibus præfuisse  
dicitur,

dicatur, qui manuum suarum laboribus, victum sibi comparabant. Propriam is condidit regulam, quam successores ejus de-  
mum normam susceperint S. Augustini.

*Clonkeen-Kerril,  
FC.S. Trinitatis.*

Thomas O-Kelley Episcopus Clonfertensis (postea Archiepiscopus Tuamensis) Ecclesiam parochialem ibidem concessit fratribus tertii ordinis S. Francisci de poenitentia, ad rogatum Davidis & Johannis Mul-kerrill illius ordinis Professorum, circa annum 1435. Eugenius 4 confirmavit donationem anno 1441. Huic ordini constructa sunt etiam postea cœnobia apud Cow-levernoge, Templemoyle-Killtullagh & Beagh.

*Clontuoskirt, P.*

Ord. Canonicorum Augustinianorum. *Boadanum de Cloantuaiscert* obiisse anno 808 (qui nobis 809) produnt Annales Ultonienses. Hujus cœnobii is Abbas fuit (opinor) & Conditor.

*Crevabane, FC.*

Ordinis Carmelitarum, ni fallor.

*Dunmore, FC.*

Ordinis Eremitarum S. Augustini. Fundatur à Berminghamis Athenriæ Dominis.

*Enaghduae,*

*Enaghduæ, al.*  
*Enaghcoin, MC.*  
*B. Maria.*

S. Brendanum Monialibus ibi cœnobium instituisse liquet, iisque Abbatissam præfuisse sororem suam Brigam. Monialibus ordinis Aroacensis Ecclesiam ibidem, *cum villa de Kelgel*, confirmavit Cœlestinus III, 4 Calend. Martii anno 1195. Sedes prope lacum *Curb.*

*Enaghduæ, M.*  
*B. Mariæ de*  
*Portu patrum.*

Hoc cœnobium forte idem est cum eo Ord. Præmonstratensis, quod Johannes *le Paige* appellat Monasterium *Kilvainenafense filiam Tuamensis, Enechtunensis diœcesis.* Sed à quo erectum non reperi.

*Kaltragh-ne-*  
*Pallice, FC.*  
*Kilbought, FC.*

Ord. Fratrum B. Mariæ de monte Carmel.

Fundatur à familia *Walaorum.* Sunt qui fratres tertii ordinis S. Francisci ibi sedem fixisse asserunt.

*Kilconnell, FC.*

Gulielmus Kellæus Minoritis construxit an. 414.

*Kilcarbain, FC.*  
*B. Mariæ.*

Thomas de Burgo Episcopus Clonfertensis (Capituli sui assensu) concessit fratribus tertii ordinis S. Dominici capellam B. Mariæ de Kilcarbain, ad rogatum Johannis fitz Rery & confratrum dicti ordinis. Eugenius 4 confirmavit 4 Idus Martii 1444.

*Kilcremata,*

*Kilcreunata, al.*  
*de Casta filva,*  
*MC.*

Carolus O-Conner, à manu rubra, vulgò *Crowderg* cognominatus Monialibus S. Benedicti instituit, circa annum 1200. Huic cœnobio annexæ sunt postea cellæ de Inchmean & Ard-carn, hæc in agro Roscomanensi sita, illa, in Maiohenesi.

*Kil-mac-duac,*  
*al, de Petra*  
*Duacensi M.*

Ord. Canoniorum Regularium. Sunt qui originem ascribunt S. Colmano filio Duaci primo Episcopo Duacensi, Seculo 6, Alii, qui Mauritio cuidam ejusdem sedis Episcopo. Situm habet prope lacum qui mensibus æstivis plerâsq; aquas suas exorbet, hybernis verò, evomit. Harum ideoque voragines itinerantibus periculosa sunt, dùm compendia in æstate sectantur.

*Kinalekin, Pr.S.*  
*Johannis Baptistæ.*  
*Kinalekin, FC.*  
*Knoc-moy, al. de*  
*Colle Victoriæ,*  
*filia Buellii, M.*  
*B. Mariæ.*

Ord. Militum Hospitaliorum.

Ord. Minorum.

Supradictus Carolus *Crowderg* fundavit Monachis Cisterciensibus anno 1189, aliis 1190, in victoriæ memoriam, quæ eo loci feliciter ei cessit. Obiit is 5 Calend. Junii anno 1224, in hoc cœnobio tumultus, habitu Cisterci-



Cisterciensis Monachi prius suscepto. Huic cœnobio annexa est postea cella de Cleary, in insula Maris ejusdem nominis, apud Maior-nenses.

*Ad Lough-reogh,*  
*FC. B. Maria.*

Richardus de Burgo comes Ultoniæ Carmelitis posuit circa annum 1300.

*Milick, FC.*

Ord. Minorum. Fundatur ab O-Maddeno, ad ripam Shenani flu. quo hybernis mensibus circumfunditur.

*Monaster-O-*  
*Gormogan, al.*  
*de Via nova,*  
*M.B. Maria.*  
*Portumnæ, FC.*

Hoc cœnobium Canonicis Augustinianis fundavit quidam è familia O-Gormoganorum.

Cœnobium Dominicanis ibi construxit O-Maddenus, ad Shenanum fluvium.

*Rosserelly, FC.*

Cœnobium ibidem quidam ex familia Gannardorum construxit anno 1498. Ord. Minorum de Observantia.

*Slewshancogh, FC.*  
*Tea-Sasson, jux-*  
*ta Athenriam,*  
*FC.*

Ord. Minorum.

Cœnobiolū fratribus tertii Ordinis S. Francisci de pœnitentia ibi extructum est, circa tempus Henrici 7. *Tea-Sasson* i.e. Domus Saxonum (ita Hiberni Anglos vocant) Britannicam sapit originem, *Tuy* Britannis domum

domum significat, sic Menevia illis, Tuy Dewi, i. Domus Dewi, sive Davidis dicitur, à S. Davide sc. qui sedem Archiepiscopalem, ab Isca Legionis, illuc transtulerat.

*Tuamæ, M.S.  
Trinitatis.*

Aubertus Miræus in Chronico ordinis Præmonstratensis cœnobium S. Trinitatis diœcesis Tuamensis filiam appellat Steinfeldiæ in Podolia, & perperam postea factam asserit *Ecclesiam Cathedralem*. Johannes le Paige in Bibliotheca ejusdem ordinis, filiam vocat ipsius cœnobii Præmonstratensis. Christianus O-Lachnan Abbas loci naufragio periit, in mari Hibernico, anno 1251. Cœnobium erectum videtur sub exitum Johannis Regis, vel sub initium Henrici 3.

*Tuamæ P. seu H.  
S. Johannis Baptiste.*

Tirdelvacus O-Coner rex Hiberniæ posuit circa annum 1140. De ordine, nihil traditum reperi.

*Mayo,*

## Mayo.

Loca & Tituli  
Dedicationum.

*Fundatores, Ordines &  
alia Antiquitates.*

*Mayo, al. Ma-  
gio, M. S.  
Colmani.*

S. Colmanus Episcopus Lindisfarnensis, abdicato Episcopatu, in Hiberniam rediit anno 665, ubi in Monasterio Magionensi, à se constructo, Anglos (inter quos fuit S. Geraldus) collocavit, unde locus olim dicebatur *Magio-na-Sasson*, id est, *Magio Saxonum*. Canonici hujus cœnobii Ordinis fuerunt Augustiniani.

*Annagh, C.*

Walterus filius Thomæ de Burgo fundavit cellam quandam ibidem, sed cujus fuerit ordinis non certò constat. Sunt qui putent ordinis fuisse S. Francisci, alii qui ord. Canoniorum regularium S. Augustini & cellam fuisse cœnobii de Cong. His ego assentior.

*Ballinroba, FC.*

Ord. Eremitarum S. Aug. Meminit conventus de *Roba* Regestum cœnobii Prædicatorum Athenriæ, ad annum

num 1337, Sed à quo vel quando fundatus fuerit, non traditur. Ejusdem ordinis fuerunt conventus de Belahaunes & Borriscarra, De quibus nihil prætereà comperi, nisi quòd fama tenet quendam è familia de Angulo fuisse fundatorem cœnobii de Belahaunes.

*Ballinsmale, FC.  
B. Maria.*

Cœnobium Ordinis Carmelitarum fundatum à familia Prendergastorum.

*Ballintobber, al.  
de Fonte S. Patricii, M.S. Trinitatis.*

Carolus O-Coner cognomento Crouderg fundavit & dotavit, ac Canonicis Regularibus Ord. S. Augustini implevit, quibus Abbatem præfecit Brictium Imakin, anno 1216. Hujus cœnobii proles fuit & cella Prioratus de Cross, de quo ita Regestum Ballintobberense, *Notandum quod Abbas de Fonte creari Priorem facit in filiali Ecclesia quæ Cross dicitur in cantreda de Irris: Ad cujus creationem, dicta filialis Ecclesia, post receptum Rosetum, tenetur Matræ Ecclesiæ de Fonte, ad ipsius fabricam, ad 20 solidos & 12 denarios, & anno quovis postea, ad 3 uncias.*

*Boghmoynen, FC.  
Borisfoole, FC.*

Tertii ordinis S. Francisci.  
Cœnobiolum ordinis Prædicatorum

dicatorum fundatum à Pincernarum five Butlerorum familia.

*Cong, M. B.  
Marie.*

Hoc cœnobium Canonicis Augustinianis posuit Donaldus Ædi five Hugonis filius, Amirachi nepos rex Hiberniæ, anno 624, prope *Curbum* lacum. Ibi S. Fechinus aliquandiu Abbas præfuisse dicitur.

*Cross, al. de  
Cruce, C. B.  
Marie.  
Moyen, FC.*

De hac Cellâ, vid. quæ suprâ dicta sunt, ad Monasterium de Ballintobber.

Nehemias O-Donachou Ord. Minorum de Observantia hoc cœnobium suo ordini instituit anno 1460; cujus ordinis is fuit postea Vicarius Provincialis in Hibernia. Sedet ad Moyum fl. Adamnano, Modam, Girald. Cambrensi, Modam.

*Murisk, FC.*

Ord. Eremitarum S. Augustini fundatur ad radicem montis vulgò dicti *Cruach-Patric* (Jocelino *Cruachan-aigle*) à familiâ (ut ferunt) O-Maliorum. *Cruc* Britannis collem vel montem significat, ut è Nennio liquet, & idem denotat hîc *Cruc*.

*Orlare, FC.*

Ibi conditū ferunt à quodam è familiâ de Angulo  
8 aliàs



*Rathbran, prope  
Mare, FC.*

*Rosserick, FC.  
Strade, juxta  
Athletban, FC.*

aliàs *Nangle* Conventum  
ord. Prædicatorum.

Sedem hîc primò fixerunt  
fratres Prædicatores anno  
1274, ut è Chronico illius  
ordinis liquet. Sunt qui cœ-  
nobium conditum asserunt  
à familia de Exonia.

Tertii ord. S. Francisci.  
Jordanus de Exonia Ath-  
lethanæ Dominus, vel (ut  
alii habent) Jordani filius,  
ad rogatum Basilæ uxoris  
sux filix Domini Mileri de  
Berningham locum dedit  
fratribus Prædicatoribus,  
in quo antea habitabant fra-  
tres Minores, ut ex Regesto  
domus fratrum Prædicato-  
rum Athenrix intelligimus.  
Dominicanos hîc sedem pri-  
mò fixisse anno 1252, docet  
Chronicon illius Ordinis.  
Ex Anglica hac familia de  
Exonia (obiter annoto)  
quæ magni olim fuit nomi-  
nis in hoc tractu, multi  
nunc, Hibernico more, *Mac-  
Jordan*, id est, Jordani filii  
appellantur.

*Roscoman.*

## Roscoman,

Loca & Tituli  
dedicationum.

Fundatores, Ordines &  
alia Antiquitates.

Ross-comani, vul-  
gò Roscoman,  
M.S. Comani.

Ut Monasterium Cano-  
nicorum Regularium sic ip-  
sum Opidū nomen & origi-  
nem debet S. Comano, qui  
claruit anno Christi 550.  
Edwardus Primus Rex An-  
gliæ terram *de Rathbrenin*  
cum Priore & conventu S.  
Comani permutavit, pro *Lis-*  
*nenerny*, &c. anno 1282.

Roscomani, FC.

Felimus al. Fedlimidus  
O-Conner construxit ibi  
cœnobium fratribus Ord.  
Prædicatorum anno 1253,  
& in Ecclesia ejusdem con-  
ventus sepultus est 1265.  
Huic cœnobio cellulæ quæ-  
dam ejusdem ordinis an-  
nexæ fuerunt. Sunt qui as-  
serunt Fratres Minores se-  
dem etiam Roscomani fixis-  
se anno 1269 Opidum (obi-  
ter adnoto) Castro firma-  
vit Robertus de Ufford  
Hiberniæ Justitiarius, ex-  
pensis Henrici 3 Regis An-  
gliæ.

*Athlonæ, P. S.  
Petri.*

In ea parte Athlonæ quæ agri censetur Roscomanensis, Monasterium erat S. Petro, aliis, SS. Petro & Benedicto dicatum, quod in *Tabula Procurationum & Noxalium* Ecclesiæ Elphinensis, appellatur Monasterium *de Innocentia*, Ordinis fuit vel Benedictini, vel Cisterciensis, puto quidem posterioris. In Monachorum fundo extructum est Castrum Athlonæ, sub Johanne Rege, Ideoque contulit iis Rex *decimas expensarum Castri*, anno 1214, ut ex Archivis Turris Londinensis constat.

*Bealaneny, FC.  
Boyl, ad Buellium  
flu. Filia Mellifontis, M. B. Mariae.*

Ord. Minorum.

Ordinis Cisterciensis. Habitatio prima Monachis Buelliensibus assignata est Grellechdinæ anno 1148, 16 Augusti, ubi primus præfuit Abbas Petrus O-Morda, qui paulò postea Episcopus evasit Clonsfertensis, & tandem in Shenano flu. submersus est 6 Cal. Januarii 1171. Edanus O-Maccain Abbas secundus Dromconaidam, conventum transtulit, & successor ejus Mauritius O Dubhai, cum biennnio tantum Dromconaidæ

naidæ præfuiſſet, Monachos primùm Buinfiniam, deinde poſt duos annos & ſex meſes, Buellium tranſtulit, anno, ſecundùm Annales Conatiennes, 1161, ſecundùm alios perperam, 1151, ac ibidem mortem obiit anno Dom. 1174. E ſucceſſoribus ejus, non pauci ad Epiſcopatus aſſumpti ſunt. Sed inſtituti non eſt mei hîc enumerare.

*Clonrahan, FC.*

Fundatum ferunt fratribus tertii ordinis S. Franciſci, ab *O-Conner Roe*, ſive Rufo, circa tempus Henrici 7.

*Clonſhanvill, FC.*

Conditum ferunt fratribus Dominicanis, à *Mac-Dermot Roe*, ſive Rufo.

*Clontuoskirt, al.  
Clontuoskirt-  
natin, M.*

Hoc cœnobium Canonicoꝝ Auguſtinianoꝝ fundavit S. Faithlecus. Sedet non procul à Shenano flumine, in Baronia de Ballintobber.

*Dorhan, P.*

Canonici Auguſtiniani ibi primò collocati deducti ſunt ex cœnobio Roſcomanenſi, O-Connoris locum concedentibus.

*Elphine, FC.S.  
Patricii.*

Cornelius Epiſcopus Elphinenſis Eccleſiã parochialem S. Patricii ibidem Fratribus Minoribus conceſſit, ante annum Dom. 1450.

*Inchemacnerin P.*

Hæc Insula sita est in lacu dicto *Loughke*, à quo Buellius fln. excipitur. In ea fundatum est olim cœnobium Canonorum Regularium; fortè idem cum eo quod scriptor vitæ S. Columbæ appellat *Eas-mac-neirc*, ad Buellii fluminis ostium, ubi dictus Columba Monasterium extruxit, cui Dachonnam aliàs Mochannam abbatem præfecit. Sed de hac re quærant alii. Hoc cœnobium unico milliari distat à cœnobio Buellienfi.

*Inchmore, in lacu Riensi, P.*

Ord. Canonorum Augustinianorum. Fortè S. Liberius filius Loffeni, cujus memoria ibi celebris, fundator fuit.

*Kilmore, P. B. Mariae.*

Conus O-Flanagan fundator fuit & primus Prior anno Dom. 1232. Præfuit ibidem usque ad an. 1249, quo obiit 7 Kalend. Maias. Hic Prioratus Canonorum ord. S. Augustini situm habet prope Shenanum fluvium.

*Kilaraght, MC.*

Hoc cœnobium Monialium idem est (nisi fallor) cum eo quod S. Patricius construxisse & S. Athraëtæ virgini donasse fertur.

*Knock-*



**Knockvicar, FC.**

**Randon, al. Tea-**  
**eon, vulgò**

**S. Johns, P.S.**

**Johannis Baptiste.**

Ordinis Militum Hospita-  
lariorū, aliis, Cruciferorum.

Fundatur regnante Johan-  
ne, ejusque uti creditur  
jussu, Philippus de Angulo  
magnus fuit Benefactor,

sub Henrico 3. Sedet ad lacum Riemsem, in  
Baronia de Athlone. Ibi olim Opidum erat  
cum Castro munito, nunc cadaver duntaxat  
visitur, adeò verum est illud Rutilii,

*Non indignemur mortalia corpora solvi,  
Cernimus exemplis Oppida posse mori.*

**Towemona, FC.**

**In Insula S. Tri-**  
**nitatis de Lough-**  
**kea, M.S. Trini-**  
**tatis.**

Cœnobium ibi instituit  
Canonicis ordinis Præmon-  
stratensis (vulgò dictis Ca-  
nonicis albis) Clarus Mac-  
Mailin Archidiaconus El-  
phinensis, circa annum  
1215. Obiit is sabbatho  
Dominici Pentecostes 1251,  
& in Ecclesia illius cœnobii  
sepultus est, ut ex Annali-  
bus Conatiensibus intelli-  
gimus.

**Tuilsk, FC.**

Hoc cœnobium ord. Præ-  
dicatorum à Dowellorum  
familia fundatum fertur.  
Sunt verò qui ab O-Con-  
noris positum asserunt.

S 4

Sligo.

## Sligo.

Loca & Tituli  
dedicationum.Fundatores, Ordines &  
alia Antiquitates.

Sligoe, FC.

Mauritius filius Geraldii construxit ibi cœnobium ordini Prædicatorum, an. 1252. Villam porrò Castro firmavit.

Akeras, al. Kil-  
malin, P.

Ordinis Canoniorum Augustinianorum, nescio an idem cum cœnobio *de Echbrois*, cujus Abbas fuit & Fundator S. Molaisse.

Ardnaria, FC.

Hic conventus ordinis Eremitarum S. Augustini situs est in hujus & Maiorenensis agri collimitio. Nomina cœnobiorum hujus ordinis in Provincia Conatiæ, mirè distorquet Nicolaus Crusenius, in Monastico Augustiniano: Nam hunc locum appellat conventum *Arnacensem*, pro Conventu Bealahauosenfi, habet *Belufamensem*, pro Ballinrobenfi, *Valla-auro-nensem*, pro Benadenfi, *Benefadiensem*, pro Borrisarrenfi, *Burgesquerensem*, pro Donmo-

Donmorensi, Dominensem,  
pro Galvienti, Calviensem,  
& pro Muriskensi, Moras-  
querensem.

*Balli-Affadara,*  
*al. Affadara,*  
*M. S. Fechini.*

S. Fechinus fundavit Se-  
culo Christi VII, Canoni-  
cis Augustinianis. Ibi non-  
nunquam, sed plerumque  
Fouræ præfuit Abbas, ubi  
& è vitâ migravit 20 Janu-  
arii anno 665.

*Juxta Ballimot,*  
*FC.*

Ibi, necnon apud Court,  
extructa ferunt cœnobiola  
fratribus tertii ordinis S.  
Francisci, Prius, à fami-  
lia de Mac-Donogh, Poste-  
rius, à familia de O-Hara.

*Ballindown, FC.*

Ord. Prædicatorum, fun-  
datur à familia de Mac-  
Donogh.

*Benada, FC.*

Ord. Eremitarum S. Au-  
gustini.

*Kilamoy, al. Ath-  
moy, & Kilras,*  
*C.S. Trinitatis.*

Has cellas cœnobii S. Tri-  
nitatis de Loughkea extru-  
xit Canonicis Præmonstra-  
tensibus, Clarus Mac-Mai-  
lin Archidiaconus Elphi-  
nensis (de quo suprâ dixi-  
mus) circa an. 1233.

*Knockmore, FC.*

*Teach-Temple, i.*  
*Domus Templi,*  
*Pr.*

Templarii milites hîc se-  
dem fixerunt, regnante Hen-  
rico 3, Sed eorū ordine sup-  
presso, sub Edwardo 2, fa-  
cta

Etæ est Præceptoræ Equi-  
tum Hierosolymitanorum.

## Letrim.

**Loca & Tituli  
dedicationum.**

**Fundatores, Ordines &  
aliæ Antiquitates.**

*Cruleagh, al.*  
*Balli-ruark, FC.*

Margareta uxor Eugenii  
Ruarki posuit anno 1509,  
Ordini Minorum de Ob-  
servantia.

*Moyhil, al. Moe-  
thel, P.B. Marie.*

S. Manchenus Abbas fun-  
davit Seculo Christi septi-  
mo. Idem fuit opinor cum  
Manchino Abbate *de Mene-  
drocaid*, cujus obitus ab Hi-  
storicis Hibernicis ad an-  
num refertur 651, vel 652.  
Canonici ejus cœnobii or-  
dinis fuerunt S. Augustini.

Corollarii loco, adjecimus hîc Catalogum  
Abbatum & Priorum, qui ante tempus Sup-  
pressionis Cœnobiorum, sub Henrico 8, (quan-  
dò summoniti) loca suffragiaque habuerunt  
inter Proceres, in Comitibus Parlamentariis.  
Ad fixum verò eorum numerum quod attinet,  
longè minorem fuisse, ex Archivis liquet.

*Abbate,*

Abba- tes	Mellifontis.	Prio- res	S. Johannis Hi- erosolymitani.
	S. Thomæ juxta Dublin.		S. Trinitatis Dublin.
	B. Mariæ jux- ta Dublin.		S. Petri novæ villæ juxta
	Baltinglassæ.		Trim.
	Jeripontis.		Conallæ.
	Tinternæ.		Kenlisæ, in
	Douskæ.		Ossoria.
	Tractonæ.		S. Patricii de
	Donbrodiæ.		Duno.
	Magii, al. Ne- nai.		Omniū Sancto- rum Dublinii.
	Wetheniæ.		S. Edmundi A- thassel.
	Rosglassæ, al. M. S. Evini.		Killaghæ.
	Beðtiffæ.		B. Mariæ Lovi- diæ, al. Louthæ.
	Rathtoæ.		

Haftenus de Cœnobiis Hiberniæ. Jamque ut caput hoc claudamus, notandum nos consultò hic prætermisisse, (ut quæ extra callem) Collegia Presbyterorum secularium, Cantarias, Nosocomia leproforum, necnon Ptocotrophia pauperum & infirmorum, quibus non præfuerunt Priores, ex ordine aliquo monastico.



## CAP. XXVII.

*De Coloniis ex Anglia & Wallia in Hiberniam  
emissis, tempore Henrici II, Deque terris iis  
concessis.*

**H**iberniâ Anglici juris factâ & declaratâ,  
Rex Henricus II, Provincias ibi & Regio-  
nes per amplas distribuit, inter eos qui in ea  
subjuganda, fortiter se gesserant. Agmen du-  
cit Richardus cognomento **Strong-bow**, quod  
arcu intenso uteretur, Giraldo Cambrensi,  
Comes Striguliæ dictus, alijs, Penbrochiæ;  
Sed in chartâ quâ concessit Viviano *de Cursun*  
& hæredibus *terram de Ratheny* (prope Dub-  
linium) *sicut eam Gilcolmus prius habuit*, no-  
minatur tantum Comes Richardus filius Comi-  
tis Gisleberti, sine ulla alia adjectione. Is, ex  
pacto cum Dermotio rege Lageniæ, in cujus  
auxilium, Hiberniam copius aggressus est an-  
no 1170, Evam Regis filiam & hæredem ux-  
orem duxit. Nuptiis celebratis, Comes ejus-  
que uxor, (ut suprâ diximus Cap. 24,) Der-  
motii hæredes publicè Waterfordiæ fuerunt  
declarati. Non diù postea, quamprimum  
scil. Henrico Regi Comitis successus inno-  
tuit, metuens ille quonam hæc res tandè eva-  
deret, omnes subditos suos, ex Hibernia, ad  
diem statutum, edicto revocavit, cæterosque  
prohibuit, nè commeatum aut milites in Hi-  
berniam exportarent. Comes, de edicto cer-  
tior factus, re popularibus communicatâ, eo-  
rum consilio, Reimundum cum literis officii  
plenis, ad Regem, tum in Aquitania agentem,  
misit,

misit, quibus quicquid in Hibernia habuit, Regi se paratum resignare professus est. Anno sequenti, dùm victorias suas prosequeretur, Wexfordiæ obviam factus est Hervæo de Monte-Marisco, tum nuper ab Henrico Rege, ad eum misso, cum mandato, ut sine ulla cunctatione, in Angliã ad Regem proficisceretur. Comes, hoc nuncio accepto, quantâ potuit celeritate, navem conscendit, & in Angliam trajiciens, ad Regem profectus est, tunc Newnhamæ agentem, in comitatu Glocestrensi, cum exercitu, quem ad expeditionem Hibernicam paraverat. Ibi postquàm omni submissione, quicquid vel uxoris jure, vel bello partum habuit, Regi per chartam transcripisset, in gratiam receptus, totam Lageniam ab eo, beneficiario jure tenendam recepit, Civitate Dublinii & Cantredis adjacentibus, cum villis maritimis & castellis quibusdam exceptis. Exemplar chartæ ab Henrico 2 ei concessæ, (quod sciam) non extat, Sed apographum confirmationis chartæ à Johanne Rege concessæ Gulielmo Mareschallo comiti Penbrochiæ, qui Isabellam filiam & hæredem Comitis Richardi duxerat, habetur in Rot. chart. ann. 9 Johannis, penes custodem Archivorum Arcis Londinensis.

Videamus jam Distributionem, à Comite Richardo factam, præter amplissimas eas possessiones quas sibi suisque hæredibus reservavit. Eamque hîc apponemus ex Mauritio Regano, qui tum vixit, & de rebus sui temporis Historiam conscripsit, unà cum additis nonnullis ex Archivis & authoribus fide dignis, *Dedit Comes (sic Reganus) Reimundo le Gros (sive Crasso qui Basileam sororem comitis duxerat)*

duxerat) Fothert, Odrone & Glascarig, Hervæo de Monte-Marisco, Obarthy, Mauritio de Prendergast, Fernegenelan, quæ postea concessa est Mauritio filio Godeberti, Sed quomodo obtinuerit (ait Reganus) nescio, Meilero filio Henrici, dedit Carbriam, (Baroniam eam scil. quæ hodiè pars est agri Kildarensis) Mauritio filio Geraldi, Naasam O-Felin, à Mackelano antea occupatam, & Wicklo. Mauritio eo non diù postea Wexfordiæ defuncto, Johannes tunc Dominus Hiberniæ & Comes Moretoniæ Guilielmo filio dicti Mauricii confirmavit Cantredum terræ, quem Mackelanus tenuit, illum scil. in quo villa de Naas sita est, quem Comes Richardus dedit Mauritio patri ipsius Willielmi. Ita charta. Habetur in Rotulo Communium placitorum an. 10 Henrici 6, in turri Berminghamianâ Dublinii. Pergit Reganus, Waltero de Ridelesford dedit terras de Omorthy, Johanni de Clabul, Mareschalciam Lageniæ, & terras inter Aghavoam & Lechlinam, Roberto de Bermingham, Ofaly, & Adamo de Hereford, largas possessiones. Quæ fuerint illæ possessiones, docet Regestum antiquum cœnobii S. Thomæ Dublinii, ubi de Comite & Herefordio sequentia traduntur, Postea Lageniâ perquisitâ, erat quidam Juvenis cum eo, (Comite sc.) quem multum dilexit, & dedit eidem, pro servitio suo, terras & tenementa subscripta, viz. Tenementum de Saltu Salmonis (unde Baronia de Salt in agro Kildarensi nomen accepit) Cloncoury, Kille, Houterard & Tenementum de Donning, cum omnibus suis pertinentiis. Idem verò Adamus perpendens, quod non potuit solus dicta tenementa tenere & defendere, misit ad partes Angliæ, & fecit venire ad se duos fratres suos seniores, viz.



viz. Johannem & Richardum de Hereford, qui venientes ad ipsum, dedit Johanni fratri suo Tenementum de Kille, Kildroth, Clonshanbow & Mainay, cum omnibus pertinentiis, scil. Okey. Item dedit alteri fratri suo Richardo, Donning in Otyny, cum omnibus suis pertinentiis. Idem in manu sua retinuit Saltum Salmonis, cum omnibus pertinentiis suis, scil. Cloncoury, Owerard, Castrum munitum, cum cæteris. Sic Regestum. Vidi præterea chartam dicti Comitis, quâ concessit huic Adamo dimidiam villam de Acebo, & totum Cantredum terre in quo villa sedet, &c. Miloni filio Davidis (sic iterum Reganus) uni è præcipuis amicis, dedit Overk in Offoria, Thomæ le Fleming, Arde, Gilberto de Borard, Ofelmith, Cuidam equiti dicto Reinando dedit 15 feoda militum mari contigua, & cuidam Roberto (filio Richardi) qui postea occisus est in Conatia, Norragh. Hactenus de Lagenia, tempore Henrici 2.

In Midiam jam ventum est, quam jam dictus Henricus his verbis concessit Hugoni de Lacy, Henricus Dei gratiâ Rex Angliæ & Dux Normanniæ & Aquitaniæ, & Comes Andegaviæ, Archiepiscopis, Episcopis, Abbatibus, Comitibus, Baronibus, Justitiariis & omnibus Ministris & fidelibus suis, Francis, Anglis & Hiberniensibus totius terræ suæ, Salutem. Sciatis me dedisse & concessisse, & presenti chartâ meâ confirmasse Hugoni de Lacy, pro servitio suo, terram de Midia, cum omnibus pertinentiis suis, per servitium quinquaginta Militum, sibi & heredibus suis, tenendam & habendam de me & heredibus meis, sicut Murchardus Hu-Melacblin eam tenuit, vel aliquis alius ante illum, vel postea. Et de incremento dono illi omnia feoda, quæ præbuit vel præbebit

præbebit circa Duveliniam, dùm Balivus meus est, ad faciendum mihi servitium, apud Civitatem meam Duvelinæ. Quare volo & firmiter precipio, ut ipse Hugo & heredes sui post eum prædictam terram habeant, & teneant omnes libertates, & liberas consuetudines quas ibi habeo vel habere possum, per prænominatum servitium, à me & heredibus meis, benè & in pace, liberè, & quietè & honorificè, in bosco & plano, in pratis & pascuis, in aquis & molendinis, in vivariis & stagnis, & piscationibus & venationibus, in viis & semitis, & portubus maris, & in omnibus aliis locis & aliis rebus ad eam pertinentibus, cum omnibus libertatibus, quas ibi habeo, vel illi dare possum, & hac mea charta confirmare. Teste Comite Richardo filio Gilberti, Willielmo de Braosa, &c. Apud Weisford. Hanc donationem confirmavit Rex Johannes Waltero de Lacy Hugonis illius filio, Februarii 4, Anno regni nono, per servitium suprà memoratum, & præterea feoda sua in Fingal, in valle Dublin, per servitium septem Militum, jure hereditario in perpetuum, ut è Rot. Chart. ejusdem anni, inter Archiva turris Londinensis liquet.

Sequitur jam Distributio ab Hugone Lacæo facta, non dico integra, nam in hoc defudent alii, sed ut à jam dicto Regano tradita reperitur, cum interjectis nonnullis, ex chartis ipsius Hugonis, & authoribus probatis, Dedit is (ait Reganus) Hugoni Tirrell, intimo suo amico Castle-Knock, & Willielmo Petit, Castle-breck. Vidi ego chartam antiquam, quâ Lacæus concessit huic Willielmo Petit, inter alia, Matherithirnan, cum omnibus pertinentiis suis, exceptis lacu & villa quæ dicitur Dissert, &c. Viro strenuo Meilero filio Henrici (sic iterum Reg-



Reganus) dedit Magherneran, terras de Rath-  
kenin & Cantredum de Athinorker, Gilberto de  
Angulo aliàs Nangle, totam Magherigallen,  
Jocelino filio Gilberti de Angulo, Navan & ter-  
ras de Ardbraccan, Richardo de Tuit, amplas  
possessions, Roberto de Lacy, Rathwer, Richardo  
de la Chappelle multas terras, Galfrido de Con-  
stantin, Kilbisky & Rathmarthy. Atqui in charta  
Walteri Lacæi, Hugonis filii, plenius, Feoda 5  
Militū in Theof de Kilbixi, cum castello, & Feoda  
15 Militū in terra de Conemake (i. Conmacne)  
proxima prædicto castro, ultra aquam de Ethni,  
per servitū 4 Militū. Iterum Reganus, Adamo  
de Feipo, Gilberto de Nugent, Willielmo de Misset  
Hugoni de Hose, largas dedit possessiones. Spe-  
ciatim dedit dicto Adamo de Feipo, Skrine,  
& præterea feodum unius Militis circa Duvé-  
liniam, sc. Clontorht, & Santreff, ut ex apo-  
grapho chartæ ejus, in Regesto cœnobii B.  
Mariæ Virginis juxta Dublin, liquet. Item  
dedit Gilberto de Nugent, Delvin, quam in  
tempore Hibernicorum tenuerunt O-Finellans,  
cum omnibus pertinentiis & villis quæ infra præ-  
dictam Delvin continentur, excepta quadam  
villa Abbatis Fouræ, nomine Torrechelash, pro  
Servitio 5 Militum. Ita verba chartæ Lacæi,  
quam integram vidi, cum impressione Equitis  
armati in sigillo, chartæ affixo. Misseto dedit  
etiam terram de Luin, & Hosæo, aliàs Hussæo,  
totam terram del Dies, quam Schablinus tenuit.  
Pergit Reganus, Adamo Dullard dedit terras  
de Dullenvarthy, Cuidam Thomæ dedit Cramly,  
Timlath-began, ad ortum hybernum à Kenlisa,  
Lathrakalim, & Sendevonath, & Richardo  
Flandrensi, sive le Fleming dedit Crandon, pro  
20 feodis Militum. In hac Mediæ & partis Fin-  
T galliæ

galliæ Distributione, nihil dictum de terris quas Lacæus sibi suisque hæredibus reservavit, quæ sanè amplissimæ fuerunt.

De Momonia jam loquendum: Atque hîc primò se nobis offert Charta Henrici 2, quâ concessit Roberto filio Stephani & Miloni de Cogan Regnum de Cork (quod Desmoniam etiam olim complectabatur) Civitate Corcagia & Ostmannorum Cantredo exceptis. Sed en tibi ipsissima Chartæ verba, *Henricus Dei gratia Rex Angliæ & Dux Normanniæ & Aquitaniæ & Comes Andegaviæ, Archiepiscopis, Episcopis, Abbatibus, Comitibus, Baronibus, Justitiariis & omnibus ministris & fidelibus suis Francis, & Anglis, & Hiberniensibus, Salutem. Sciatis me concessisse & presenti chartâ meâ confirmâsse Roberto filio Stephani & Miloni de Cogan, custodiam civitatis meæ de Cork, cum Cantredo quod erat Hostmannorum ejusdem civitatis, quod retineo in manu mea. Ac habenda & tenenda eæ simul, quamdiù mihi placuerit, & benè mihi servient: Præterea dono iis & concedo, & presenti charta confirmo totum Regnum de Cork, exceptis dicta Civitate & Cantredo prænominato, quæ in manu mea retineo, ipsis & hæredibus suis, tenenda de me & Johanne filio meo & hæredibus nostris, per rectas divisas, versùs Cap. S. Brendani, super maritima, & versùs Limericum & alias partes, & usque aquam proximam de Lismore, quæ fluit inter Lismore & Cork, & descendit in mare, per servitium 60 Militum, inde mihi & Johanni filio meo & hæredibus nostris faciendam, A præfato Roberto & hæredibus suis servitium 30 militum faciendum, & à præfato Milone & hæredibus suis, 30. Quare volo & firmiter præcipio quòd prænominati*

minati Robertus & Milo custodiam supradictæ Civitatis & Cantredi prædicti habeant & teneant, sicut supra dictum est. Et quod iidem & heredes eorum post ipsos, totum regnum prædictum, exceptis supradicta civitate & præfato Cantredo, quæ in manu mea retineo, habeant & teneant, de me & Johanne filio meo, & heredibus nostris, per rectas divisas, sicut supra determinatum est, benè & in pace, liberè & quietè, integrè, plenariè, & honorificè in bosco & plano, in pratis & pascuis, in aquis & molendinis, in vivariis & stagnis & piscariis, in viis & semitis, & in omnibus aliis locis & aliis rebus ad illud pertinentibus, cum omnibus libertatibus & liberis consuetudinibus suis: Ita quod à prædicto flumine, quod fluit inter Lismore & Cork, remaneat in manu mea, tota terra usque ad Waterford, cum ipsa Civitate de Lismore, ad custodiam de Waterford. Testibus Johanne Norwicensi, Adamo de Sancto Asapho, & Augustino Waterford. Episcopis, Richardo de Lucy, Willielmo filio Aldelmi Dapifero, Hugone de Lacy, Hugone de Burid, Rogero filio Remsye, Mauritio de Prendergast, Roberto Dene, Roberto filio Elioderi, Galfrido Poër, Hervæo de Monte-Marisco. Apud Oxoniam. Hæc charta concessa videtur anno Dom. 1177, Tunc enim (secundum Hovedenum, in Henrico 2) venit Rex **Orenford**, & in generali Concilio ibidem celebrato, constituit Johannem filium Regem in Hibernia, concessione & confirmatione Alexandri Summi Pontificis. Veruntamen, Johannes ille deinceps, in omnibus chartis suis, tam tempore patris, quàm fratris Richardi Primi, confectis, dictus est Dominus (non autem Rex) Hiberniæ & Comes Moretoniæ. Biennio postea,



inter Stephanidem & Coganum facta est Divisio septem Cantredorum, quam ita denotat Giraldus Cambrensis, lib. 2, de Expugnatione Hiberniæ, cap. 18, *Pacificatis itaque continuo tam Dermotio Desmonia, quam aliis quoque partis illius præpotentibus viris, Stephanides & Milo VII Cantredos urbi propinquiores, quos majori in pace tunc possidebant, inter se dividerunt: Stephanidi tribus, ab Oriente, Miloni vero quatuor, ab Occidente, sorte venientibus, Illi paucioribus, quia potiores erant Cantredi, huic pluribus, quia deteriores, in divisione constitutis. Urbis existente custodiâ communi, & aliorum Cantredorum 24 qui restabant, tributo, cum obvenierint, inter ipsos equaliter dividendo. De terris quas Stephanides & Coganus concesserunt alijs, admodum pauca traduntur à dicto Giraldo Cambrensi, illius ævi Scriptore, Coganus interitu, qui anno accidit 1184, (non 1189, ut aliqui volunt) opus impediens. Atqui lucem aliquam præbent Chartæ Confirmationum Johannis Regis, quas Regni sui anno IX concessit. Tunc enim confirmavit Willielmo de Barry donationem quam Robertus filius Stephani fecit Philippo de Barry, (ejus è sorore nepoti) patri ejusdem Willielmi, cujus heres ipse fuit, de tribus Cantredis, in terra sua de Corcaia, scil. Olethan, cum omnibus pertinentiis suis, & aliis duobus, scil. Muscherie-Duncgan & Cantredo de Killede, per servitium decem Militum, sicut charta prædicti Roberti, quam inde habebat testabatur. Ita Charta confirmationis. Item concessit Adæ de Rupe Cantredum de Rosselibir, cum omnibus pertinentiis suis, Salvo dominico Episcopi ejusdem loci; per servitium quinque militum. Item Richardo de Cogan, Cantre-*

*Cantredum cum pertinentiis suis, qui vocatur Muscrie-O-Millane, per servitium quinque militum, cum pertinentiis, inter portum de Cork & portum de Insovenach, & feoda 25 militum, quæ alibi præcepit ei assideri, per consilium Meileri filii Henrici Justitiarum Hiberniæ & Johannis Mareschalli; per servitium 4 Militum, Salvis Regi & heredibus suis prædictis portibus & dominicis suis. Item Roberto filio Martini, in Cantredo de Insovenach, feoda 20 militum, & alibi 20 feoda militum, quæ ei per consilium Meileri filii Henrici Justitiarum Hiberniæ & Johannis Mareschalli & Philippi de Prindergast, præcepit ei assideri; per servitium 4 militum, pro omni servitio, Denique Henrico filio Philippi & Mauritio filio Philippi fratribus, unum Cantredum terræ, in quo Dunalaboth sita est, per servitium 5 Militum. Huc usque de Regno Corcagiæ. Sequitur Regnum Limerici, five Momoniæ Borealis, quod regnum Henricus II concessit Philippo de Breusa, aliàs Braos, exceptis Civitate Limerici & Ostmannorum Cantredo. Atqui in Charta confirmationis, à Johanne rege concessa Gulielmo de Braos Philippi nepoti, dedit ei Rex tantum Honorem de Limerick; Retentis in dominico nostro (sunt verba chartæ) civitate de Limerick, & donationibus Episcopatum & Abbatiarum, & retentis in manu nostra Cantredo Ostmannorum & S. Insula. Inter alios viros primarios, qui sedes etiam ibi fixerunt, numerantur Hamo de Valois, Philippus de Wigornia, Theobaldus Walter, Gulielmus filius Aldelmi, & Thomas filius Mauriti. Ad Waterfordiam quod attinet, quæ pars etiam est Momoniæ, asserit Benedictus Abbas, qui tum vixit, & Henrici se-*



cundi Historiam descripsit, Regem dedisse Roberto Puber (aliàs le Poër) in custodia, civitatem *Waterford*, cum tota circumjacente Provincia. His porrò adjicere visum ex eodem Benedicto, Servitia *Wexfordiæ*, *Waterfordiæ* & *Dublinio*, ab ipso Rege, assignata. Tradidit autem Dom. Rex (ait ille) *Willielmo* filio *Aldelmi* Dapifero suo civitatem *Wexfordiæ*, in custodia, cum omnibus pertinentiis suis, & statuit ut subscripta in posterum pertinerent ad servitium *Wexfordiæ*, *Arkelow* cum pertinentiis suis, ad servitium *Wexfordiæ*; *Glascarrig* cum pertinentiis suis, ad servitium ejusdem, Terra *Gilberti de Bisrohard* (al. *Borard*) ad servitium ejusdem, *Fernregwinal*, cum pertinentiis suis, ad servitium ejusdem, *Fernes* cum pertinentiis suis, ad servitium ejusdem, Tota terra *Hervæi*, inter *Wexford* & aquam de *Waterford*, ad servitium ejusdem, servitium *Reimundi de Druna* ad servitium ejusdem, servitium de *Fordonelan* ad servitium ejusdem, servitium *Utbmorthi* & *Leghlin*, ad servitium ejusdem, tenementum de *Machtalo*, cum pertinentiis suis, ad servitium ejusdem, *Leis*, terra *Galfridi de Costentin*, cum pertinentiis suis, ad servitium ejusdem. Tradidit autem ibidem Dom. Rex Roberto le Poër in custodiam Civitatem *Waterfordiæ*, cum omnibus pertinentiis, & statuit ut hæc subscripta in posterum pertinerent ad servitium *Waterfordiæ*, Tota terra quæ est inter *Waterfordiam* & aquam quæ est ultra *Lismoram*, ad servitium ejusdem, tota terra de *Ossoria* cum pertinentiis suis ad servitium ejusdem. Tradiditque ibidem Dom. Rex *Hugoni de Lascey* civitatem *Duveliniæ* in custodia, cum omnibus pertinentiis suis, & statuit ut hæc subscripta in posterum pertinerent ad servitium

*Duveli-*

*Duveliniæ, tota terra de O-Felana, cum pertinentiis suis, ad servitium ejusdem, tota terra de Offalia, cum pertinentiis suis, ad servitium ejusdem, Kildara cum pertinentiis suis, ad servitium ejusdem, Wichelou, cum pertinentiis suis, ad servitium ejusdem, Servitium de Mida, ad servitium ejusdem, servitium 4 militum quod Robertus Poër debet de Castello suo de Dunavet, ad servitium ejusdem. Postquam autem Dom. Rex apud Oxenford, in prædicto modo, terras Hiberniæ & earum servitia divisisset, fecit omnes quibus custodias commiserat, homines suos & Johannis filii sui devenire, & jurare iis legeantias & fidelitates, de terris Hiberniæ. Haftenus Benedictus Abbas, qui porrò (nè quid lectorem celemus) asserit Henricum 2, sub eodem tempore; dedisse Heberto (fortè Huberto) filio Heberti & Willielmo fratri Comitis Reginaldi, & Joëllano de la Pummai nepoti eorum, regnum de Limeric, pro servitio 60 militum, Tenendum de ipso & Johanne filio suo, excepta civitate de Limeric, cum uno Cantredo, quæ Dom. Rex retinuit in manu sua, ad opus suum & hæredum suorum. Ut ut fuerit, constare videtur eos in Hiberniam non profectos, ad regnum illud Limericense subjugandum. De donatione verò facta Philippo de Breusa, de qua suprà fit mentio, Vid. Roger. Hoveden. in Henrico 2, Et de confirmatione Regis Johannis concessa Gulielmo de Braos Philippi nepoti, vid. Rot. Chart. an. 2 Johannis in arce Londinensi.*

*Ad Conatiam quod attinet; de incursione in eam facta à Milone de Cogan, anno 1178, & de alia, decennio postea, à Johanne de Curcy, in Annalibus Hibernicis fit mentio:*

Sed de Colonia aliqua Anglica ibidem fixa, tempore Henrici 2, nihil traditum reperi.

Ultonia jam adeunda, quam primus aggressus est Johannes Curcæus, al. de Curcy, anno 1177, Ulidiam Hibernicè *Ullagh* (ubi hodiè comitatus Dunensis) is brevi postea, à Rogero Poër, Almarico de S. Laurentio, Adamo Camerario & aliis adjutus, debellavit, deinde anno 1182, *Dalriatam*, cujus pars est Routa, territorium hodiè in agro Antrimensi; Unde (ni fallor) exierunt olim Dalreudini illi, de quibus Beda mentionem facit, *qui duce Reuda, de Hibernia egressi, vel amicitia vel ferro, inter Pictos, sedes, quas hætenus (ait ille) habent vindicârunt.* Curcæi habitatio primaria erat Duni, in Lecalia, ubi anno 1183, ex Ecclesia Cathedrali, seculares Canonicos expulit, quorum vice, introduxit monachos Benedictinos, è Cœnobio S. Werburgæ Cestriæ desumptos. Vita ejus, quam è Latino Anglicè reddidit Georgius Doudallus Archiepiscopus Armachanus, sub Henrico 8, MS. extat. Curcæi tempore, Anglicæ gentis plurimi, sedes suas in Ultonia fixerunt, inter quos fuerunt Savagii, Whiti, Ridelli, Mandevilli, Jordani, Stanton, Logani, Sandalli, Poëri, Camerarii, Stokæi, Passelevi, Russelli, Audlæi, Coplandi & Martelli. Ultoniæ porro pars erat Ergallia, five Uriel, quæ antiquitùs complectabatur totam eam regionem quæ postea divisa est in agros Louthensem, Monaghanensem & Armachanum. Sub exitum Henrici 2, filius ejus Johannes tùm Hiberniæ dictus Dominus & Comes Moretoniæ, dedit Bertramo de Verdun, Hiberniæ Seneschallo (qui in Palestinâ postea

stea obiit anno 1192) quatuor Cantredas terre in Uriele predicta, & dimidium Cantrede terre in Luva (al. Loutha) illud scil. quod est versùs mare, pro Servitio 20 Militum. Hujus generis sunt alia non pauca, ex Archivis plerùmque petenda, quæ aliorum penitiori indagini relinquimus. Mitto hîc varias Johannis Curcæi expeditiones & incurfiones in alias Ultoniæ partes, necnon prælia inter eum & Hibernos commissa, ut quæ ad hunc locum non pertinent. Satis erit hîc indicare, ob Ulidiam debellatam, & sedes quas ille & commilitones in eâ potissimùm fixerant, à Jocelino monacho Furnessensi (qui tum vixit) in Prologo ad vitam Sancti Patricii, appellatum *Ulidiæ Principem*.

---

C A P.

---



Sed de Colonia aliqua Anglica ibidem fixa, tempore Henrici 2, nihil traditum reperi.

Ultonia jam adeunda, quam primus aggressus est Johannes Curcæus, al. de Curcy, anno 1177, Ulidiam Hibernicè *Ullagh* (ubi hodiè comitatus Dunensis) is brevi postea, à Rogero Poër, Almarico de S. Laurentio, Adamo Camerario & aliis adjutus, debellavit, deinde anno 1182, *Dalriatam*, cujus pars est Routa, territorium hodiè in agro Antrimensi; Unde (ni fallor) exierunt olim Dalreudini illi, de quibus Beda mentionem facit, *qui duce Reuda, de Hibernia egressi, vel amicitia vel ferro, inter Pictos, sedes, quas hætenus (ait ille) habent vindicârunt.* Curcæi habitatio primaria erat Duni, in Lecalia, ubi anno 1183, ex Ecclesia Cathedrali, seculares Canonicos expulit, quorum vice, introduxit monachos Benedictinos, è Cænobio S. Werburgæ Cestriæ desumptos. Vita ejus, quam è Latino Anglicè reddidit Georgius Doudallus Archiepiscopus Armachanus, sub Henrico 8, MS. extat. Curcæi tempore, Anglicæ gentis plurimi, sedes suas in Ultonia fixerunt, inter quos fuerunt Savagii, Whiti, Ridelli, Mandevilli, Jordani, Stanton, Logani, Sandalli, Poëri, Camerarii, Stokæi, Passelevi, Russelli, Audlæi, Coplandi & Martelli. Ultoniæ porro pars erat Ergallia, sive Uriel, quæ antiquitùs complectabatur totam eam regionem quæ postea divisa est in agros Louthensem, Monaghanensem & Armachanum. Sub exitum Henrici 2, filius ejus Johannes tùm Hiberniæ dictus Dominus & Comes Moretoniæ, dedit Bertramo de Verdun, Hiberniæ Seneschallo (qui in Palestinâ postea



stea obiit anno 1192) quatuor Cantredas terre in Uriele predicta, & dimidium Cantredæ terre in Luva (al. Loutha) illud scil. quod est versûs mare, pro Servitio 20 Militum. Hujus generis sunt alia non pauca, ex Archivis plerûmque petenda, quæ aliorum penitiori indagini relinquimus. Mitto hîc varias Johannis Curcæi expeditiones & incurfiones in alias Ultoniæ partes, necnon prælia inter eum & Hibernos commissa, ut quæ ad hunc locum non pertinent. Satis erit hîc indicare, ob Ulidiam debellatam, & sedes quas ille & commilitones in eâ potissimûm fixerant, à Jocelino monacho Furnessensi (qui tum vixit) in Prologo ad vitam Sancti Patricii, appellatum *Ulidiæ Principem*.

---

CAP.

## CAP. XXVIII.

*De Insulis minoribus quæ per Mare  
Hibernicum sparguntur.*

**D**E Mari Hibernico suprâ diximus, Cap. III & XXIII. De Commoditatibus quas præstat, Cap. VII. Locus jam postulare videtur, ut de Insulis mari Hibernico circumfluis, aliquid adjungam, & adjungam sanè, idque primò ex Veteribus generatim. Hiberniam habere Insulas insignes VI, tradit Marcianus Heracleota, in Periplo suo, sed nomina non ascribit. Habe etiam fabulosam Demetrii Grammatici narrationem de Insulis Britanniae adjacentibus, è Plutarchi libro de Oraculorum Defectu, Demetrius narravit Insulas circa Britanniam esse multas hinc inde sparsas, (quales ex eo Sporades Græcis dicuntur) easque desertas, quarum nonnullæ geniorum & heroum dicantur. Se quoque mittente Imperatore, cognoscendi ac perlustrandi gratiâ, profectum in eam quæ desertis proxima, à paucis tenebatur incolis, sed quos omnes Britanni sacros inviolabilesque haberent : Statim verò post illius adventum, magnam in aëre confusionem extitisse, & portenta multa ventosque in procellas erupisse & ignitos vortices in terram delatos fuisse, sub horum finem Insulares dixisse aliquem eorum qui præstantioris humanâ sunt naturæ, esse desiisse : Et addit paulò post, ibi quandam esse Insulam, in quâ Saturnus captivus detineatur à Briareo, dormiens, (hoc enim vinculum adversus eum fuisse excogi-

*excogitatum) & adesse Saturno multos genios, comites ipsius ac famulos. Ita Plutarchus. Neque defunt qui, ex Orpheo, Jasonem, cum Argonautis, in Hiberniam vel appulisse, vel saltem litora Hibernica legisse colligunt, unde Hadrianus Junius ita Hiberniam loquentem inducit,*

*Illa ego sum Graiis olim glacialis Ierne  
Dicta, & Jasonæ puppis benè cognita nautis.*

Hûc usque generatim. Quæ ad rem habent Plinius, Ptolemæus & alii nonnulli tam è veterum quàm mediorum temporum Scrip-  
toribus, suis postea patebunt locis.

Jam verò ut meliore ordine in instituto cursu progrediar, è sinu *Carigfergusii* solvam, & inde litora legens, Insulas orientales primùm invisam, postea australes, deinde occidentales, ac demùm aquilonales. In hac navigatione, se nobis primùm ostendunt *Coplandæ*, duæ Insulæ, ita fortassè dictæ à Coplandorum familia, quæ in vicina Ulidia olim florebat. Tum *Berry* Insula, à qua si oram legamus usque ad litus agri Dubliniensis, nullæ apparent insulæ memoratu dignæ: Nam insulas quæ sunt in lacu *Cone* & unam vel alteram exiguam insulam, intra ostium portus *Carlingfordiensis*, uti & scopulos hinc inde per mare sparfos, consultò prætermisi, ut quæ ad rem, de qua nunc agimus, non pertinent. In agri Dubliniensis litore est *Holm-Patrick*, sive Insula S. Patricii, quæ ita denominata est in memoriam S. Patricii, qui ibi appulit anno CCCCXXXII, & inde in continentem trajecit, ad Hiberniam Christianæ religionis

onis radiis illuminandam. Huic proximæ sunt *Skerres*, Insulæ scopulosæ. Eodem inde litore *Lambey* eminet, quæ à Plinio (ni fallor) *Limnus*, & à Ptolemæo *Limni* appellatur. Proxima huic est insula exigua dicta **Ireland's eye**, i. *Oculus Hiberniæ*, ubi (ut notavit Johannes Alanus Archiepiscopus Dubliniensis, sub Henrico VIII, in Regesto suo nigro) *S. Nessanus* olim insistebat crebris orationibus, jejuniis & vigiliis. Tribus hinc miliaribus, ad austrū, abest *Dalkey*, in Chartis nonnullis Hydrographicis, *Insula S. Benedicti* vocata, à qua, ut oram legimus, postquam loca ea vadosa à nautis dicta **The North, Middle & South grounds**, prætervecti sumus, *Insula Beg-eri* i. si interpreteris, *Parva Hibernia* conspicitur, ad agrū Wexfordiensem spectans, fortassè eadem quæ à Plinio, *Edros*, à Ptolemæo, *Edri* dicitur, olim *S. Ibari* Scholâ celebris, qui ibi (ut in vita ejus legimus) celebre condidit cænobium, & sacræ literas aliâsqæ artes optimas docuit maximam multitudinem Hibernorum & aliorum. Huic proximæ sunt duæ *Saltes* Insulæ, quæ ejusdem comitatus censentur partes.

Ab his, usque ad *Capel* insulam modicam, quæ 3 vel 4 miliaribus à portu Youghallensi abest, nullæ memoratu dignæ sunt Insulæ: Post eam verò, in eodem litore **Cotton-Island**, *Lesteren*, *Lacallan*, *Cray* & *Loughin*, cum aliis minoris notæ conspiciuntur. Magis ad occasum in alto eminet *Clera* Insula, nautis **Cape Clere**, cui maximum fuit decus *S. Kiaranus* senior Episcopus Saigerensis, qui hîc (ut refert vitæ ejus scriptor) natus est & educatus. Interius in Sinu Baltimorensi confertissimæ jacent insulæ, inter quas sunt *Inistirkán* aliàs *Inisshirkán*,



*Inisshirkán, Augbra, Insula longa, Insula dicta the Horse, five Equus, & interiùs in sinu Bantriensi, Whiddy.*

In alto tùm comparent tres Insulæ Dorfes, quarum maxima appellatur, **The Cow**, i. *Vacca*; Secunda, **The Bull**, five *Taurus*, tertia, **The Calf**, five *Vitulus*. Sub ostium deinde Kilmari, vel Kinmari fluvii, sunt Insulæ quædam exiguæ, sed inprimis memorandæ sunt margaritæ, quas in hoc fluvio & in ora vicina conchæ pariunt. Hoc obiter. In alto eminent tres *Scelegæ*, Insulæ scopulosæ, in quarum una erat olim cœnobium S. Michaëli Archangelo dicatum, quod postea (ut supra diximus Cap. XXVI) ad Continentem translatum est. His proxima est *Valentia* aliàs *Dariry* Insula, quæ per aliquot milliaria Kerriæ litori objecta jacet, tenui freto à continente divisa. Magis ad Arctum sunt *Blaskes* Insulæ, cum scopulis adjacentibus. Neque præmittenda est *Inis-catte* five *Inis-cathaig* (licet intra ostium Shenani flu.) olim Sedes Episcopalis, ubi S. Senanus præfuit Episcopus. Nomen Insulæ Scholiastes Æneæ filii Oengobhan, à *Cathaic bestia* fera deduxit, quæ ibi, & in Regionibus vicinis (ut ille habet) multos occidebat. Proximæ melioris notæ sunt tres *Aranæ* Insulæ, scilicet *Inis-ier*, *Inis-mane* & *Aran-more*, quæ nunc ad agrum Galviensem spectant, olim verò ad Mononiam pertinebant. Harum præcipua est, *Aran-More*, id est, *Aran-Magna*, dicta etiam *Arn-na-namh*, five Aran Sanctorum, ob sanctos ibi sepultos. De hac Insula & S. Enna, aliàs Endeo, primo ibidem Abbate; ita Scriptor vitæ S. Albei, Cùm S. *Albeus* revertetur de *Cassell*, occurrit ei Enna Abbas dicens:  
*Revertère*



Revertere mecum ad Regem (Ængusam) & quære mihi ab eo illam Insulam, i. e. Arn, ut in nomine Domini faciam ibi Monasterium. Tunc reversus Sanctus Albeus ad Regem salutavit eum dicens: Illam Insulam positam in Oceano maris, da nobis ut edificemus ibi Monasterium. Rex ait non vidi nec audivi qualis & quanta sit illa Insula, & ideo nemini illam dabo, ut prius sciam quomodo sit. Tunc virtus divina fecit Regem videre totam eam insulam per longa spatia terrarum, & scivit qualis & quanta fuit. Tradidit autem Rex Sanctis Insulam Arn, & sub S. Albeo, S. Enna construxit ibi egregium Monasterium, & sub uno nomine nominatur etiam Insula, i. Arn. Et magna est illa insula, & est terra Sanctorum, quia nemo scit numerum sanctorum, qui sepulti sunt ibi, nisi solus Deus. Hæc ille: cui astipulatur Scriptor vitæ S. Endei, qui asserit etiam Dariniam Endei sororem Ængusæ Regis fuisse uxorem. Sed audi porrò fabulosam relationem de hac Insula, ex Giraldi Cambrensis Topograph. Hiberniæ Distinct. II, Cap. VII, Est Insula quedam in occidentali Conactiæ \* solo posita cui nomen Aren, à S. Brendano, ut aiunt, consecrata. In hac, hominum corpora nec humantur nec putrescunt, sed sub dio posita & exposita, permanent incorrupta. Hic homines avos, atavos & tritavos longamque stirpis suæ retrò seriem, mirando conspiciunt & cognoscunt. Est & aliud ibi notabile, quia cum per totam Hiberniam copiosè nimis mures abundant, hæc tamen insula mure caret: Mus enim non nascitur hic, nec vivit invecus, &c. Nescio an hic operæ pretium sit memorare incolas nonnullos qui fide digni videri volunt, affirmare se, ex his Insulis,

\* Salo melius.

Insulis, fascinatam Insulam quam *O-Brasíl* vocant interdum sudo cœlo prospexisse. In hujus Insulæ scrutinio, nonnulli nuper oleû & operâ perdiderunt. At situm confidentiùs designant Chartæ quædam hydrographicæ. De perdita hac Insula, sive Insula Brendani, vide, si placet, quæ habet Ortelius, in Thesauro suo Geographico. Prætereo hîc fabellam de Insula quadam maris Hibernici quam *fantasticam* vocant, *instabili primò, tandem per ignem stabili facta*, Talium cupidus petat jam dicti Giraldi Cambrensis Topogr. Hib. Distinct. II. Cap. XII. Ad rem redeo. Inter *Aranas* & continentem, non paucæ jacent insulæ exiguæ. Magis verò ad Arctum, (inter alias minoris notæ) jacent *Ar-dillan, Ilanemraher, Inissharke, Insula Cuniculorum & Inis-bo-find*, id est, *Insula vaccæ albæ*, in quam ingentes massæ ambræ, (nos **Ambergreese** dicimus) aliquoties sunt ejectæ. Hîc S. Colmanus Lindisfarnensis Episcopus cænobium olim construxit. Sic enim Beda, Ecclesiasticæ Historiæ lib. 4, cap. 4, Interea Colmanus, qui de Scotia erat Episcopus, relinquens Britanniam tulit secum omnes quos in Lindisfarnensi Insula congregaverat Scotos: Sed & de gente Anglorum viros circiter triginta, qui utrique monachicæ conversationis erant studiis imbuti. Et relictis in Ecclesia sua aliquot fratribus; primò venit ad Insulam Hu, unde erat ad prædicandum verbum Dei, Anglorum genti destinatus. Deinde secessit ad insulam quandam parvam, quæ ad occidentalem plagam ab Hibernia procul secreta, sermone Scotico *Inis-bo-find*, id est, *Insula vitulæ albæ* nuncupatur. In hanc ergò perveniens construxit Monasterium & Monachos inibi, quos de utraque natione collectos adduxerat, collocavit, &c.

&c. *Navigatio Colmani ad Insulam vacca alba*, in Annalibus Tigernaci, (qui floruit Seculo XI) ad annum refertur DCLXXVI. Ibi Colmannus ille naturæ cessit novennio postea, die 8. Augusti. Eodem inde litore eminent *Inisturk & Clerey*, in qua erat olim Cella cœnobii Knockmoyensis. Inter has & continentem (in sinu Borisolenfi) confertissimæ jacent Insulæ exiguæ. Tum utraque Akil, major & minor, cum noto nautis scopulo magis ad occasum, dicto **the Black Rock**, Deinde *Iniskea & Davilan*.

Insulæ Ultoniæ jam invisendæ, atq; illæ primum quæ partes censentur Tirconalliæ, sive ut nunc loquimur, agri Donegallensis. Atque hîc, post insulas quasdam perexiguas, quæ ostiis Erni flu. & portuum Donegalliæ & Calibegæ præjacent, in alto comparent Insulæ dictæ *Arane Aquilonaes*, ad Aranarum suprâ memoratarum differentiam, prope quas sunt Scopuli à nautis vocati **The Staggs**, sive Cervi. Tum *Cladagh*, conspicitur, & magis ad orientem *Torre*, ad 8 milliare à continente, Terra satis fertilis. *Inis-oën* verò, (sive Insula Eugeni) licet Insula dicta, reverà Peninsula est, & Isthmo, Continenti Hiberniæ annectitur. Huic maximum est Ornamentum *London-derry* Civitas, antiquitùs *Deria & Dair-calgai*c. Proximæ sunt *Glassedy & Strabul*, al. *Inis-strabul*, Insulæ scopulosæ ad quas Phocæ se conferunt, ut dormiant & fœtum edant. Tum *Skerres*, deinde *Ragblin*, quæ pars est agri Antrimensis & una leuca à continente abest, Plinio *Ricnea*, Ptolemæo *Ricina*, Antonino *Riduna*. Cæterum Historici Hibernici *Recarn*, & *Recrain* vocant. *Segenium* Abbatem *Jæ Ecclesiam de Recarn*

*Recarn fundâsse anno DCXXXIV, vel DCXXXV, prodit Tigernacus; & in Annalibus Ultoniensibus ad an. DCCXCIV, (qui nobis est DCCXCV) fit mentio Combustionis & vastationis Recrain per Gentes. Danos hîc intelligi docet Caradocus Lhancarvanensis, in Cambriæ Chronico: Nam Dani circa hæc tempora (ut ille habet) maximam Hiberniæ partem populati, Recrain quoque vastârunt. Johannes Rex Angliæ donavit hanc Insulam (inter alia) Alano de Galway, ut ex Archivis constat. Inter eam & continentem jacent exiguæ nonnullæ Insulæ, & magis ad Austrum, comparent novem Insulæ scopulosæ dictæ **The nine Maids**, non procul à peninsula **Magie**. His proximæ sunt Insulæ Coplandicæ, à quibus exorsi sumus, & cum quibus finem huic Capiti imponemus.*

---



## CAP. XXIX.

*Diatriba de Basilicis , sive Ecclesiis Cathedralibus Hiberniæ , in qua Origines earum & aliæ Antiquitates aperiuntur.*

## In Provincia Armachana.

*Loca & Tituli  
dedicationum.*

*Origines & aliæ  
Antiquitates.*

*Armacha, Ecclesia S. Patricii.*

**T**Emplum erexit cathedralisque ibi fixit S. Patricius Hibernorum Apostolus , anno Domini 445 , vel secundum Annales Ultonienses , 444, ad quem annum, in iisdem Annalibus ita annotatum invenimus, *Ardmacha fundata est. Ab Urbe condita, usque ad hanc civitatem fundatam, 1194 anni sunt.* Locum (prope Calin flu.) à salicibus quibus consitus fuerat, *Druim-Sailec* primum dictum concessit Dairus quidam, vir divitiis affluens, & inter suos magni nominis. Ab editiori vero situ, postea factum est nomen Armacha sive Ardmacha, id est, *Editus Campus*. De Sede à S. Patricio hic collocatâ, ita Jocelinus Monachus Furnessensis, in vita ejusdem Patricii, cap. 165, *Cathedram Archiepiscopalem in eadem urbe collocavit (S. Patricius) & ut Sedes illa totius Hiberniæ esset Primaria, Metropolis* &



& *Magistra*, animo statuit. De antiqua hujus Sedis dignitate, nihil prætereà dicam, nisi quod amplissima habebat olim privilegia, ad Ecclesiasticæ libertatis firmamentum indulta. Sed redeamus ad propositum. Ecclesia hæc cathedralis, sicut sæpè devastata fuit & incendio deformata, ita iterùm atque iterùm restaurata & amplificata ab Archiepiscopis Armachanis: Sed præcipuè à Patricio Scanlano, circa annum Salutis 1262, tum nuper à sede Rapotensi Armacham translato. Proximus ejus successor Fr. Nicolaus *Moliffe* filius, præter libros, vestimenta Ecclesiastica pretiosa & alia quæ Ecclesiæ suæ Armachanæ dederat, annuam etiam 20 marcarum pensionem ejusdem Ecclesiæ fabricæ, ex Mannerio suo de *Termon-Feichan* pendendam contulit. Sedi prætereà suæ appropriari curavit Mannerium de *Dromyskin*. Obiit 10 Maii 1303, vir ob facundiam & prudentiam celebris, cùm Ecclesiam Armachanam rexisset annos 31.

*Clonardæ E.*

*S. Finiani.*

In Midia multæ erant olim Sedes Episcopales, Clonardensis nempe, Damleagenensis, Kenlisenensis, Trimmensis, Ardbracanensis, Don-shaghlinensis & Slanensis, præter alias minoris notæ: quæ omnes, exceptis Damleagenensi & Kenlisenensi sive Cenanusensi, coaluerunt, iisque communis Sedes Clonardæ constituta est, ante annum Dom. 1152, quo facta est Divisio Episcopatum Hiberniæ, à Johanne Paparone Presbytero Cardinale tituli S. Laurentii in Damaso, Eugenii III tunc apud Hibernos Legato, in Synodo inchoata pridie Nonas Martii, vel in cœnobio Mellifontis, vel,

ut aliis placet, Kenlisæ. Cæterùm duæ illæ Sedes (Damlægensis nempe & Kenlisenfis) eandem postea aleam subierunt. De his compendio sigillatim: Ac primò de Clonarda.

Clonardæ primus præfuit Episcopus S. Finianus, five Finanus, Philosophus & Theologus insignis. Is nobili ortus prosapia, sed pietate nobilior, apud S. Davidem Menevensem in Cambria Episcopum aliquandiù commoratus est, eique ob egregias animi doctes valdè charus fuit. In patriam reversus, factusque Episcopus, sedem suam Clonardæ in Midia, prope Boinum fluvium, collocavit, ubi porro Gymnasium instituit, quod illius curâ & laboribus, multos progeniit viros sanctitate & doctrinâ celebres: inter quos fuerunt uterque Kiaranus, uterque Brendanus, uterque Columba (nempe Columba-cille & Columba filius Crimthani) Lasarianus filius Nathfraci, Cairrecus, Movæus & Ruadanus. Et sicut Schola S. Finiani fuit *quasi quoddam totius Sapientie Sacramentum*, ut loquitur vitæ ejus Descriptor, ita & ipse Finianus *Sapientis* cognomen adeptus est. Obiit is Decembris 12, anno Salutis 552, & in Ecclesia sua sepultus est. Episcoporum hujus diœceseos, qui Clonardæ sederunt postremus fuit Simon de Rupeforti al. *Rochfort*, Anglus, qui sicut prædecessor ejus Eugenius, ultimis consecrationis suæ annis, stylo à Midia regione amplissimâ, mutnato, Episcopus Midensis dictus est; quo titulo omnes etiam deinceps successores constanter usi sunt. Non tamen hîc prætermittendum Idumanum unum è prædecessoribus Eugenii, diù ante eum Midia Episcopum fuisse dictum, & eo usum stylo, inter  
testes

testes Epistolæ Waterfordiensium ad Anselmum Archiepiscopum Cantuariensem, in gratiam Malchi electi Waterfordiensis, an. 1096 conscriptæ. Sed ad Simonem redeamus. Is circa annum Christi 1206, Clonardâ relictâ, cathedrâ suam Episcopale ad Cœnobiû SS. Petri & Pauli Apostolorum novæ villæ juxta Trimmâ transtulit, quod tum nuper Canonicis Augustinianis condiderat. Constat porrò Henricum VIII regem (qui Monachos ubique exturbavit) Ecclesiam cœnobiî B. Mariæ de *Ballemore* juxta *Logh-seudy* apud West-Midenses, in Cathedralē hujus diœceseos convertisse, Sed quàm diù ita duraverit, nescio.

Damleagæ, sive ut hodiè, Dulekæ, Sedes Episcopalis primùm constituta est à S. Kenano, aliàs Cianano, cui ipse præfuit Episcopus primis Ecclesiæ Hibernicæ surgentis temporibus. S. Kenanum *Ecclesiâ ibi construxisse lapideam, & inde Damleag nomen accepisse* refert Officiû ejus, cujus exemplar, è codice MS. Bibliothecæ publicæ Cantabrigiensis transcriptum, impertivit mihi amicissimus M. Gulielmus Morus. *Ecclesiarum etenim antea (sic idem Officium) de virgis & tabulis Struicura fiebant in Hibernia.* Nec facile quidem reperiemus aliam structuram, è saxo, ab Hibernis factam, ante tempus S. Malachiæ Archiepiscopi Armachani, S. Bernardi æqualis & dilecti, licet in morte paulò prioris. Sed de veterum Hibernorum Ædificiis, vide, si placet, quæ suprâ diximus cap. 22. Sanctus hic Kenanus regio Momoniensium ortus sanguine, & ad tempus in Gallia, sub S. Martino Episcopo Turonensi educatus obiit 24 die Novembris anno 489 vel 488.

Sequitur *Cenanus*, postea contractiùs Kenlis, & deinde (sicut hodiè vulgò) *Kells*, antiquitùs



*Duni, Eccles.**S. Patricii.*

Sanctus Cailanus S. Mac-

nisi Episcopi Connerensis

æqualis, sed in Episcopatu

posterior, ex Nendrumensi Abbate, factus est

Dunensis Ecclesiæ Episcopus, sub exitum sæculi

post Christum natum quinti. Ecclesiam hanc refe-

cit S. Malachias Morgairus, Episcopus primum

Connerensis, dein Armachanus Archiepiscopus,

ac demum Archiepiscopatu abdicato, Antistes

Dunensis, anno 1137. Tum post annos circiter

40, Malachias tertius ejusdem nominis Epif-

copus Dunensis, à Johanne Curcæo Ultoniæ

dicto expugnatore adjutus, auxit eam &amp; or-

navit. Johannes ille prætereà, Canonicis se-

cularibus expulsis, eorum loco, Monachos Be-

nedictinos, è cœnobio S. Werburgæ Cestriæ,

substituit anno 1183. Et sub eodem tempore,

ejusdē Curcæi suasu, Ecclesia ea Cathedralis,

quanquàm antea S. Trinitatis nomini conse-

crata, in S. Patricii honorem dicata est. Non

paucos autem credidisse Iliadem malorū Cur-

cæum inde sibi postea attraxisse, author est

Christophorus Pembrigijs, in Annalibus suis.

Utcunque, maximam olim claritatem loco

proculdubio conciliavit S. Patricii sepultura,

cui etiam corpora SS. Columbæ &amp; Brigidæ

postea translata fuerunt. Postremus hujus Se-

dis Episcopus, ante realem (ut loquimur)

unionem Ecclesiarum Dunensis &amp; Conneren-

sis, fuit Johannes *Sely*, monachus Benedicti-

nus. Eo verò exauthorato anno 1441, Johan-

nes Episcopus Connerensis unionem utrius-

que sedis, ab Eugenio IV Pontifice obtinuit.

Et jam inde unus idemque Episcopus Dunensis

&amp; Connerensis appellatur. Locus, antiquiori

nomine *Aras-Cealtair* prorsus deperdito, Du-

num.

*Clochore, E. S.* Hanc Ecclesiā fundavit S. *Maccartini.* Patricius eamq; postea contulit dilecto suo discipulo, & in verbi Dei prædicatione adjutori indefesso, S. Maccartino, Jocelino, Kerteno, è nobili Aradensium prosapiâ orto, sed moribus nobiliori. Sedit ibi Maccartinus usq; ad an. Dom. 506, quo placidè ex hac vita senex migravit, IX Calend. Aprilis, vel ut alii habent, VI Octobris, & in Ecclesiæ suæ cœmeterio sepultus est. Post aliquot deinde secula, an. nempe 1041, hæc Ecclesia de novo ædificata est, & S. Maccartini memoriæ dicata. Circa annū verò 1295, eam restauravit Matthæus *Mac-Cataisaid* Episcopus Clochorensis. Is capellā porrò condidit supra sepulchrū S. Maccartini, & cœmeterium muro circumdedit. Anno demum post centesimo, Aprilis 28, dum Arthurus *Mac-Cameil* loci Episcopus capellā Maccartini de novo erigi curaret, Ecclesia ipsa cathedralis, & duæ capellæ, & Monasteriū B. Mariæ, necnon Curia Episcopi unā cum 32 aliis ædificiis, &c. incendio conflagrârunt. Ad Ecclesiæ & Curie suæ structurā, Arthurus hic omni studio postea incubuit. Decessit autem admodum senex, die S. Laurētii 1432, cū hanc Ecclesiam rexisset annos 42. Extant Ordinationes ejus (obiter adnoto) an. 1395 & 1430 editæ. Clochora (ad Launum flu. sita) nomen habet à Lapide aureo, quo Ethnicismi temporibus, Dæmon responsa præstigialia, quasi Apollinis Pythii oracula, dare solebat; ut è Regesto Clochorensi intelligimus. Inter hujus loci Episcopos secundum Macartinum maximè celebratur Christianus O-Morgair, frater unicus S. Malachiæ Armachani. Eum S. Bernardus in vita Malachiæ *virum bonum* appellat



pellat, plenum gratia & virtutis Germano quidem suo secundum in celebri opinione, sed vite sanctimoniam, & justitiae zelo fortè non imparem. Obiit 1139, & Armachæ in cœnobio SS. Petri & Pauli sepultus est.

*Ardachæ, E.*  
*S. Meli.*

Ecclesia cathedralis Ardachadensis meritò inter antiquissimas totius Hiberniae numerata, à S. Melo Britanno, primo loci Episcopo fundata est. Fuit is S. Patricii è Darerca sorore nepos, & ab ipso S. Patricio (cujus etiam discipulus fuit) Episcopus consecratus. Hunc ex proprio labore manuum, more Pauli, victum sibi comparasse asserit Jocelinus, in vita S. Patricii, cap. 102. Obiit S. Melus anno salutis 488, Februarii die 6, quadriennio ante avunculum, & in Ecclesia sua Ardachadensi sepultus est. Ardachæ nominis ratio ab editiori situ deducitur. Atque hujus nominis libentiùs hîc memini, quia *Ard* generali vocabulo loca editiora Hibernicè vocantur.

*Raphoe, E.*  
*S. Eunani.*

Cœnobium ibi loci fundavit S. Columba-cille, vir regio sanguine, ad virtutem & literas natus: antea quidem Crinithanus dictus; Columbæ verò nomen secundum Adamnanum, (qui vitam ejus descripsit) ob innocentiam, secundum veterem Ængusiani Martyrologii Scholiasten, eodem sensu, ob simplicitatem candidam obtinuit, allusione fortassè factâ ad præceptum Servatoris nostri, (Matth. X.) *Estote ergò prudentes sicut serpentes, & simplices sicut columbæ.* Hanc structuram restauravit postea jam dictus Adamnanus, celebris ille cœnobii

cœnobii Hyensis Abbas, cujus magno cum honore meminit Beda venerabilis, Ecclesiastica Historiæ gentis Anglorum lib. 5, cap. 16, ubi *virum bonum appellat, & sapientem, & scientiâ Scripturarum nobilissimè instructum*. Hujus cœnobii templum in Ecclesiam cathedralē erexit (ut videtur) S. Eunanus, qui primus existimatur hujus sedis Antistes. Quo tempore autem vixerit nullâ potui indagine invenire. Ostendebatur Raphoæ, sive (ut olim) Rathbothæ, non ita pridem lectus ejus. Ibi porrò turris erat, sive pyramis, ut aliqui vocant, colli imposita, in qua Episcopi Rapotenses Musæum olim habebant. Hujus Ecclesiæ Benefactor fuit egregius Patricius *Magonail* Episcopus Rapotensis, circa annum Dom. 1360, qui porrò ædes Episcopales, in tribus Manneriis ad sedem suam pertinentibus, construxit. Locus nomen habet partim ab Hibernico *Ráth*, quod sepimentum militare denotat. Sed in residui nominis rationem inquirant alii.

*Deria, E. S.*  
*Columba,*

De cœnobio à supradicto  
S. Columba Deriæ extructo,  
anno 545, jam antè egimus.

Cæterum, Ecclesia cathedralis Derensis opus est multò recentioris temporis. Nam illius Diœceseos Episcopus Ardsrathæ ad Dergum flu. primum cathedram habuit constitutam, ubi primus præfuit Episcopus S. Eugenius, quem aliqui S. Patricii discipulum, & ab eo Episcopum consecratum tradunt: Alii verò S. S. Canici & Congalli æqualem faciunt. Tempora certè parum cohærent: nisi fortè S. Eugenio (inter Macrobios illius seculi) istam tantam longævi-

longævitatē adscribamus. Fuit is Prædicator eximius & assiduus. Natus porrò dicitur Regio Lageniensium sanguine. Decessisse ferunt 23 die Augusti an. 618, & in Ecclesiæ suæ cœmeterio sepultus est, suprâ ejus sepulchrum, sacellum postea ædificatum est. Ab Ardsratha sedes Episcopalis Magheram translata est, quæ S. Lurocho dicata, ejus festum agitur 17 Februarii : unde (ut opinor) Episcopi illius sedis Rathlurienses dicti sunt. Circa annum tandem 1150, Mauritius, Hibernis appellatus Mu-reachus O-Coffy al. Cobthaig Episcopus mutavit sedem in Deriam. Is ex Canonico Augustiniano Episcopus factus dictus est etiam Episcopus de Kenel-eogain sive Tir-oen, & Hovedeno impresso, ad an. 1172, corruptè Charensis. Vir ob eruditionē, humilitatem & erga egenos liberalitatem, ab Historicis plurimum laudatus. Vixit usque ad an. Dom. 1173, vel 1174, quo defunctus 10 Februarii, in cœnobio S. Columbæ Deriæ, quod olim *Cellam nigram* vocabant, sepultus est. Eo sedente, an. 1164, Ecclesia cathedralis (ut ego intelligo) sive *Ecclesia magna Derensis* (ut in Annalibus Ultoniensibus appellatur) constructa est, Mauritio Mac-Lochlin Rege Hiberniæ & Flano O-Brolchan Abbate cœnobii S. Colūbæ Derensis opus promoventibus. Non negandū tamen ante Mauritiū nonnullos ex Abbatibus Derensibus dictos etiam simul Episcopos. Huic diœcesi, circa an. 1266, adjunxit Germanus aliis Gelasius O-Cherballan Episcopus itidē Derensis, (ut è Regesto Clochorēsi didici) *per potentiam nationis suæ de Kenel-eogain, Ecclesiā de Ardsratha, cum pluribus aliis Ecclesiis de Opheacrach*. Has à sede Clochorēsi eripuisse dicitur, dum David O-Brogan Episcopus Clochorēsis



chorensis jaceret paraliticus in cœnobio Mellifontis, cujus Monachus aliquando fuerat, & in quo defunctus sepultus est an. Dom. 1267. Dicitur porro partē aliquā diœcesis Rapotensis à Carbraco *O-Scoba* ordinis Prædicatorū & Episcopo Rapotēsi, circa idem tempus subtractā, diœcesi suæ adjecisse. Sedis hujus Episcopus an. 1420 fuit Gulielmus Quaplodus Carmelita, Bertrami *Fitz Allen* Carmelitæ itidē & viri eruditi Mæcenas, ut è Lelando liquet, in libro de Scriptoribus Britannia, id quod eo libentiùs hîc obiter annotavi, ut Balæi errorē patefacere, qui Episcopū Darense eū facit, unū sc. è suffraganeis Archiepiscopi Dubliniēsis. Urbs ipsa à colonia, è Londino deducta *London-Dery* hodiè dicta, *Daire-Calgac* olim appellabatur, i. e. *Roboretū Calgachi*, aliquādo etiā *Daire-Columb-kill* & *de Luco*, & in antiquo Provinciali Romano, *Darrich*.

*Clonæ, sive Clonmacnoisæ, E.S. Kiarani.*

Cœnobiū Clonmacnoisæ, prius *Tipraic* dictæ, prope Shenanum flu. in ipso quasi Hiberniæ umbilico sive meditullio construxit S. Kiaranus, sive Ciaranus junior, ex Aradensium familia ortus, sed Boëtii al. Beonandi fabri lignarii filius, unde & vulgò dictus est *Mac-iteir*, sive *filius Artificis*, locum concedente Dermotio Cervalli filio Rege Hiberniæ. Huic cœnobio secundum plurimos, Kiaranus unico solum anno, secundum nonnullos verò (perperā opinor) annis septē præfuit Abbas, morte ibi ereptus 5 Idus Septembris, anno Salutis per Christū 549, in ipso ætatis flore, cum annos vixisset solum 33. Exequiis ejus tertiā nocte insequēti interfuit S. Coëngenus. Hymnū in ejus laudē paulò postea composuit S. Colūba  
amicus

amicus ejus. Hujus cœnobii Ecclesia postea, sed quo tempore planè me latet, in Ecclesiam cathedralem commutata est. Non desunt quidem qui S. Kiaranum Episcopum fuisse Clonmacnoisensem disertè tradant. Hoc si verum, de Ecclesiæ cathedralis initio, non est cur ulterius disquiramus. Ut ut fuerit, posteriora tempora IX alias Ecclesias, in uno quasi eodemque cœmeterio, duo plùs minùs jugera Hibernica ambitu colligente, ei subjecerunt. Ad occasum hujus loci Præsules ædes Episcopales ædificârunt.

Ecclesia ipsa cathedralis multis certè olim possessionibus ditata fuit: Magnatum præterea ac Episcoporum sepulturâ, nec non Monumentis aliquot & Inscriptionibus, partim Hebraicè partim Hibernicè incisis, inprimis insignis. Paulatim attamen decrevit & ad pudendam tandem redacta est paupertatem. In Synodo suprâ memoratâ, anno 1152 habitâ, dum Cardinalis Paparo Legati munus in Hibernia obiret, inter sedes Episcopales Provinciæ Tuamensi subjectas, numeratur *Cinani*, quæ post longas contentiones, Romæ agitata, inter Archiepiscopos Armachanos & Tuamenses Provinciæ Armachanæ tandem adjudicata est. Hanc sedem jampridem è nominis affinitate, eandem esse existimavi cum Cenarusensi, sive Kenlisenfi. Sed dies diem docet: Nunc non possum non existimare *Cinani* corruptè ibi legi pro *Cluana*, vulgò Clonmacnoisfa, tum ob vicinitatis rationem, ut quæ à Provinciâ Tuamensi, Shenano fluvio solùm disterminatur, tum quia in Divisione antedicta Episcopatum Hiberniæ, inter sedes Provinciæ Armachanæ subjectas, habetur *Connas,*



nas, quæ eadem sine dubio est cum Cen-  
nusa: Non enim verisimile est unam eandem-  
que sedem in ea sedium Distributione facta in  
Synodo, cui tot Præsules Hibernici interfu-  
erunt, fuisse bis numeratam, & diversis  
Provinciis assignatam. Clona five Cluaina  
*Latibulum* sonat. De residui nominis ratione,  
ita Annales cœnobii Inisfallensis, ad annum  
Dom. 547, vel 548; *Hoc anno fundata est*  
*Cluain-mac-nois, id est, Nois-Muccaid rex*  
*Gonatie, à quo nominatur Cluain.* Hactenus  
de Clona vetere: nunc veterem ejus faciem  
exhibemus,


---

*Kilmora,*

---

304

ECCLESIA RVM &  
Cœmeterij Clonmacnois  
Descriptio.



W. Hallar fecit.

*Kilmoræ*, E. S. Post Clonmacnoisam, memorabitur *Kilmoræ*, id est, si interpreteris, *Ecclesia magna*. Hujus diœcesis Episcopi stylo à Brefinia (regione ita dicta) mutuato, Brefinienses aliquandò dicti sunt, quandòque Triburnenses, quia consedisse dicuntur in viculo quodam obscuro Triburna dicto. Cæterùm, anno tandem 1454, Andreas (Bradæus opinor) Episcopus Triburnensis Ecclesiam parochialem S. Fedlemidi al. Felimii *Kilmoræ*, quam locum commodiorem invenerat, Nicolai V Papæ assensu, in cathedrallem erexit, & in ea Canonicos XIII collocavit. Hanc erectionem confirmavit Calistus III, anno insequenti : Et circa idem (ni fallor) tempus, Decanatus Kilmorensis constitutus est. Ad S. Fedlimidum quod attinet, vixit is Seculo VI, & frater fuit, ut ferunt, S. Diarmitii Abbatis Inis-cloghranensis. Obiit 9 die Augusti. De anno non habeo quod certò dicam. Regestum Ecclesiæ Clochorensis Episcopum eum facit Ecclesiæ Cluainensis, quam, ad Lacum dictum *Lough-Ern* sitam, nos vulgò *Clunes* dicimus, & ibidem cum S. Tigernacho, primo loci Episcopo, sepultum tradit. Sed redeamus. Jam inde à novæ hujusce foundationis initiis, ipse Andreas ejusque successores non Episcopi Brefinienses nec Triburnenses, ut antea, sed Kilmorenses appellati sunt. Et videtur sanè ipsam sedem Brefiniensem vel Triburnensem non antiquæ fuisse memoriæ; nam de ea nulla fit mentio in suprà memorata Divisione Episcopatum Hiberniæ, ut è codice censuum Cameralium Centii Camerarii, qui fuit postea Honorius III Papa, constat.

Hâc novâ Ecclesiæ cathedralis Kilmorensis fundatione non obstante, duos postea Episcopos ad Episcopatum Triburnensem fuisse promotos ostendit Lucas Waddingus, in tomo 8 Annalium Minorum, nempe Stephanum de Straboniza, & per ejus obitum, Fr. Bernardum 13 Junii 1509. Cæterum, cùm certum sit Thomam Bradæum tunc temporis Episcopum fuisse Kilmorensensem, & à vita non migrasse ante annum 1511, admodum probabile videtur eos ne teruncium quidem ex Episcopatu percepisse.

*Dromora, E. S.*  
*Colmani.*

Superest Dromora, quæ  
(ut à peritioribus accepi)  
*dorsum magnum collis, sive*  
*clivum magnum* denotat.

(*Conveniunt rebus nomina sæpè suis.*)

Hæc Ecclesia originem suam debet S. Colmano, *Aradeorum gente oriundo*, primo cœnobii Muckmorensis apud Antrimenses Abbati, deinde primo hujus sedis Episcopo. Hunc Jocelinus, cap. 96, *Colmanelum* vocat: sed *Moccolmoc* etiam dictum notat vetustus Ængulfiani Martyrologii Scholiastes. Claruit Colmanus Seculo VI. Quippe qui natus anno 516. Obiit 7 Idus Junii. Annum verò obitus ejus nondum invenimus. De hac sede, in libro supradicto Centii Camerarii, (quod miror) nulla habetur mentio. Ideoque credibile videtur aliquot Seculis eam proprio caruisse Antistite. Et sunt qui opinentur toto eo tempore, Diœcesi Archiepiscopi Armachani fuisse inclusam. Neque comperi quidem Episcopum ibi loci aliquem sedisse, post sæpè supra

præ memoratam Divisionem Episcopatum Hi-  
bernæ factam anno 1152, ante Gerardum  
monachum Cisterciensem cœnobii Mellifontis,  
qui (ut ex Archivis Arcis Londinensis didici)  
electus assensum Regum obtinuit 25 Aprilis  
1227. Ex hujus Ecclesiæ Episcopis, non pauci  
postea Seculo XV, in Anglia plerumque de-  
gebant, & temporis in hac Ecclesia, ob ejus  
(ut auguror) paupertatem, parum aut nihil  
absument. Speciatim, sub Henrico IV Re-  
ge Angliæ, Richardus Mesinus Carmelita &  
ejus successor Johannes quidam. Item sub  
Henrico V, Nicolaus Wartre ordinis Minorum  
& David *de Chirbury* Carmelita, ac sub Hen-  
rico VI, Thomas Scropus al. *de Bradley* Car-  
melita itidem, & Thomas Radcliffus. Pristina  
Episcopatus hujus Dromorensis paupertas ex  
Epistola quadam Octaviani de Palatio Archie-  
piscopi Armachani ad Henricum VII Regem,  
intelligi potest, in qua annuos ejusdem census  
tunc temporis non valuisse asserit, ultra 40  
marcas monetæ Hibernicæ. Hæc porro mo-  
neta minoris tunc fuit valoris (ut ille ibi asse-  
rit) ex tertia parte quam nummus *Sterlingus*  
dictus. Atq; ut Episcopatus erat tenuissimus, ita  
& parochiæ in eo perpaucæ, solum nempe 23.  
Sed de Basilicis Provinciæ Armachanæ hæte-  
nus, Ad eas Provinciæ Dubliniensis jam venio.



## In Provincia Dubliniensi.

Loca & Tituli  
dedicationum.

Origines & alie  
Antiquitates.

Dublinii, Eccle-  
sia S. Trinitatis,  
que vulgò Eccle-  
sia Christi appel-  
latur.

Hanc Ecclesiam, in Civi-  
tatis medietate, Sitricus fi-  
lius Amlavi Rex Ostman-  
norum Dublinii & Donatus  
Episcopus Dubliniensis Ca-  
nonicis secularibus constru-  
xerunt, circa an. Salutis 1038. De hac fundati-  
one, ita Liber niger ejusdem Ecclesiæ: *Sitricus  
Rex Dublin. Filius Ableb comitis Dublin. dedit  
S. Trinitati & Donato primo Episcopo Dublin.  
Locum ad edificandam Ecclesiam S. Trinitati,  
ubi fornices sive voltae sunt fundatae, cum terris  
subsequentibus, viz. Beal-dulek, Rechen, Portra-  
bern, cum villanis, & vaccis, & bladis, necnon  
aurum & argentum sufficienter ad edificandam  
Ecclesiam, cum tota curia contulit. Donatus  
hic, præter navem Ecclesiæ & collaterales stru-  
cturas, excitavit etiam à fundamentis Capel-  
lam S. Nicolai, in parte boreali, & Capellam  
S. Michaelis, quam, qui illi, post aliquot secu-  
la, successit, Richardus Talbotus in Ecclesiam  
erexit parochialem. Obiit tandem Donatus  
6 Maii 1074, & in Ecclesia sua sepultus est.  
Canonicos seculares hujus Ecclesiæ Lauren-  
tius Archiepiscopus Dubliniensis in Canonicos  
mutavit regulares ordinis Aroacensis, circa  
annum Domini 1163. Laurentius hic, necnon  
Richar-*

Richardus cognomento **Strong-bow** Comes *Striguliensis*, Robertus filius Stephani & Reimundus Crassus, sive *le Gros*, Ecclesiam amplificare aggressi, Chorum suis sumptibus ædificârunt, cum campanili & duabus capellis, una S. Edmundo Regi & Martyri, & S. Mariæ quæ dicitur alba, dicata, altera, S. Laudo. Inter Benefactores primarios, numerantur etiam Laurentii tres proximi successores, Johannes Cominus scil. Henricus Loundres & Lucas quidam, qui ante infulas susceptas Decanus fuit S. Martini Londini & Thesaurarius *Gardrobæ*, sive à synthesi Henrico III Regi Angliæ. Neque prætermitti debet Johannes de S. Paulo illius itidem Sedis Archiepiscopus, qui paulò ante obitum, obiit autem 9 Septembris 1362, totum Presbyterium, una cum ipsa (quam hodiè cernimus) cathedra Archiepiscopali, suis sumptibus extruxit. Saxo is coopertus marmoreo, æneis laminis ornato, tumulatus est, in secundo gradu, ante summum altare, sicut in testamento suo mandaverat. Hujus Ecclesiæ Priorem & conventum Henricus VIII Rex Angliæ in Decanum & Capitulum convertit, anno 1541.

*Dublinii, E.  
S. Patricii.*

Johannes Cominus (de quo suprâ diximus) Ecclesiam hanc speciosissimam

S. Patricio dicatam in australi Urbis suburbio, veteri parochiali Ecclesiâ ibidem demolitâ, construxit & dotavit, circa annum Domini 1190, in qua XIIII collocavit Præbendarios, qui numerus posterioribus temporibus auctus est ad XXII. Is Bullam

etiam à Lucio III Pontifice obtinuit, datam *Velletri*, Idibus April. Indictione 15 1182, in quâ, inter alia privilegia Sedi Dubliniensi concessa, ita legimus; *Sacrorum quoque Canonum auctoritatem sequentes, Statuimus ut nullus Archiepiscopus, vel Episcopus, absque assensu Dubliniensis Archiepiscopi, si in Episcopatu fuerit in Diocesi Dublinensi, Conventus celebrare, Causas & Ecclesiastica negotia ejusdem diocesis, nisi per Romanum Pontificem, vel Legatum ejus, fuerit eidem injunctum, tractare presumat.* Exemplar hujus Bullæ habetur in antiquo Regesto Dublin. vocato **C R E D E M I H I**, fol. 80. b. Atque ex hoc privilegio, initium sumpsit controversia illa, sive acris & diuturna concertatio inter Archiepiscopos Armachanos & Dublinienses. An Armachanus habuerit jus Primatiæ, Bajulationis Crucis, Appellationum & Visitationum in Provincia Dublinensi, quæ per aliquot annorum centurias postea duravit. Sed redeo. Collegiatam hanc Ecclesiam Comini proximus successor Henricus Loundres sive Londinensis in cathedralem crexit, *unitam* (inquit Johannes Alanus Archiepiscopus Dublin. sub Henrico VIII) *cum Ecclesia cathedrali S. Trinitatis in uno sponso, salvâ alteri Ecclesiæ Honoris prærogativâ.* Gulielmum filium Guidonis primum ibi constituit Decanum. Præcentorem porro, Cancellarium & Thesaurarium ordinavit, quibus prædia & rectorias assignavit. Capellam B. Mariæ ibidem extruxit postea Fulco de Samford successorum unus, in quâ ipse tumulo, statuâ ejus ornato, conditus est anno 1271. Partem denique Ecclesiæ cathedralis incendio fortuito deformatam restauravit

vit Thomas Minot Archiepiscopus itidem Dubliniensis, qui porrò campanile præcelsum è saxo quadrato construxit, circa annum 1370, unde & in sigillo suo usus est postea imagine pontificali, quæ manu visa est tenere campanilis effigiem. Atque hæc de hac Ecclesia, quæ sive laxitatem spectemus, sive egregiam structuram & magnificentiam, cæteris Hiberniæ Ecclesiis cathedralibus, facile (ut opinor) est præponenda.

*Fernæ, E. S.  
Edani.*

Fernam urbem Brandubus Rex Lageniæ S. Edano al. Moedogo primo loci Episcopo contulit, & secundum Biographos nostros, Synodi magnæ consensu, Metropolitani eam totius Provinciæ Lageniensis constituit, circa annum Dom. 598. Qua de re, sic antiquus vitæ ejusdem Edani Scriptor: *Magna civitas in honore S. Moedog ibi crevit, quæ vocatur Fernæ. Deinde factâ Synodo magnâ in terra Lagenensium, decrevit Rex Brandubb. & tam Laici quàm Clerici, ut Archiepiscopatus omnium Lagenensium semper esset in Sede & cathedra S. Moedog. Et tunc S. Moedog à multis catholicis consecratus est. Decessit Edanus grandævus, die ultimo Januarii anno Dom. 632, & in Ecclesia sua Fernensi, quam ipse fundaverat, sepultus est. Ei successit S. Molingus, dictus etiam Dairchilla, fuit enim binomius, qui (ut in vita ejus legimus) constitutus est ipse Archiepiscopus, in Sede & cathedra S. Moedog. A Rege jam Lagenensium Brandubb filio Eathac constitutum est, ut Archiepiscopatus Lagenensium in civitate S. Moedog esset. Ipsa civitas vocatur Fernæ, quæ est in terra gen-*



*in Kenselach.* Is verò , diu ante obitum, Præsulatum abdicavit , & vitæ pertæsus eam deposuit valdè senex , 17 Junii 697, Temo-lingi , ubi in cœnobio à se constructo, sepul- tus est. Molingum , Braccanum , Patricium & Columbam , *quatuor Hibernicos Prophetas* appellat Giraldus Cambrensis, Libro 2 Hiber- niæ expugnatae , cap. 33. ubi etiam eorum Li- bros suo tempore extitisse *Hibernicè scriptos*, asserit. Sed hoc obiter. Locus nomen habet (ut notat Colganus) à Ferna Heroe, Carili Regis Desiorum filio, ibi in pugna per Gallum filium Mornæ interempto. Inter primarios Ecclesiæ Fernensis Benefactores numeratur Johannes de S. Johanne , tam ob structuras suas, quàm ob privilegia Sedi suæ comparata. Obiit is an- no Dom. 1243, postquàm magna cum pruden- tiæ & integritatis laude ibi præfuiſſet annos circiter 21, eique bñs successit Galfridus de S. Johanne, (fortè frater ejus) primùm in Ec- clesiæ Limericensis Thesaurariatu , deinde in Episcopatu Fernensi. Fuit porrò Galfridus ante Præsulatum , Hiberniæ *Escaetor*. No- tandum hîc aliquos è jam dicti Johannis præ- decessoribus, Josephum *O-Hetbe* nempe & Al- binum *O-Mulloy* dictos fuisse interdum Epis- copos Wexfordienses, & eo usos stylo in char- tarum quarundam subscriptionibus ; Fortassè animo cathedram hanc Episcopalem ad Wex- fordiam , opidum tunc temporis populi fre- quentia longè celebrius , transferendi. Hoc certè constat hunc Episcopatum in Bulla Lucii III Papæ ad Jo. Cominum Archie- piscopum Dubliniensem, Weisfordensem esse dictum.

*Kildare,*



*Kildaræ, E.*

*S. Brigide virginis.*

Sanctus Conlæthus, quibusdam Conlaidus, aliis Conlianus, primus perhibetur Darenfis Episcopus, & Ecclesiæ Cathedralis, à S. Brigida adjutus, fundator. In ejusdem Brigidæ vita, à Cogitoso descripta, is *Archiepiscopus & Summus Pontifex* appellatur. Ultimū diem clausit 3 Maii anno 519, & Kildaræ (quæ *Cellam Roboris* sonat) in Ecclesia sua, prope summum altare, sepultus est. Ejus verò ossa, 281 post anno, viz. anno 800, in capsulam argenteam deauratam gemmisque ornatam fuerunt translata. Liber rubeus Comit̃is Kildarenfis (quo nixus fundamento nescio) Lonium quendam primum fuisse loci Episcopum tradit, Ivorium ei successisse, & Ivorio, Conlæthum: Et ex eodem (uti creditur) libro, idem habet Richardus Stanihurstus, in Anglica sua Hiberniæ Descriptione, quæ in edito Holinshe-do extat. Sed uterque perperam opinor. Multò probabilius est Conlæthum omnium primum ibi sedem Episcopalem fixisse: id quod ita firmat Scriptor antiquus vitæ S. Brigidæ, lib. 2, cap. 11. *Conlianus Episcopus sanctus & Propheta Domini qui habebat Cellam in australi parte campi Liffi, venit in curru ad sanctam Brigidam, & moratus est apud eam. Quem B. Brigida Episcopum elegit in sua civitate Kildara. In Ecclesiæ hujus ornatu & reparatione, non parvam impendit pecuniam Radulphus de Bristol, Bristolæ (ut opinor) in Anglia natus, primus Ecclesiæ S. Patricii Dubliniensis Thesaurarius,*

rius, primusque Anglici generis Episcopus qui in hac sede collocatus est. Decessit sub initium anni 1232, cum sedisset annos vix 9. Eandem Ecclesiam fatiscentem restauravit Edmundus Lanus Episcopus, regnante Henrico VII. Inter Episcopos suffraganeos Hiberniæ, ut in Conciliis & alibi primum habuit locum Episcopus Midenfis, ita secundum sibi asseruit Episcopus Darenfis: Cæteri secundum tempora ordinationum federunt.

*Kilkennia, E.*

*S. Canici.*

Sedes Episcopalis Ossoriensis Saigeræ, quam hodiè *Seir-Keran* appellamus, in

Elia Carolina primum collocata est, ubi sub medium Seculi quinti, primus præfuit Episcopus Kiaranus senior, vir magnæ auctoritatis, ob sanctitatem & doctrinâ. Quirinû tamen eum fuisse, ad quem, & cæteros in Hibernia Episcopos, scripta est Epistola 61 Gregorii I, quæ in Regesto ejusdem Gregorii, lib. 9. extat (licet Kiarani eminentia, longævitas & nominis similitudo quodammodo invitent) non audeo affirmare. Hæc sedes Aghavoam in Ossoria superiore translata est, sed quo tempore incertum: fortassè tamen anno Dom. 1052, nam ad eum annum, ita Annales MSS. Lagenienses: *Templum Achadboæ constructum est, & Canici Scrinium ibi collocatum.* Hic S. Canicus filius Laideci Poëtæ insignis, vir doctus & industrius, primus fuit Abbas cœnobii Aghavoensis à se constructi, in quo etiam defunctus, 5 Idus Octobris, anno Dom. 599, vel 600, annos natus 72. Scripsit is vitam S. Columbæ, & Hymnos aliquot præterea in ejus laudem. Aghavoam, sive, ut olim *Achadboam*,

*boam*, Adamnanus in vita S. Columbæ, lib. i. cap. 4, *Campulum Bovis* interpretatur, & Scriptor vitæ S. Canici, *Agrum Boum*. Hinc verò cathedram tandem Kilkenniam, sive Canicopolim transtulit Felix O-Dullany Episcopus Ossoriensis, circa finem regni Henrici 2 Regis Angliæ. Is fundamenta videtur jecisse Ecclesiæ cathedralis Kilkennienfis, quæ tamen non absoluta fuit, ante tempus Galfridi de S. Leodegario Episcopi, qui eam, sumptu non exiguo, ante obitum suum qui incidit in annum 1286, perfecit, licet ante eum, nonnulli e prædecessoribus, inprimis Hugo Mapiltonus, fabricæ ejusdem Ecclesiæ strenuè incubuissent. Nec hic prætermittendus est Richardus Ledredus Minorita, successorum unus, qui in ejusdem Ecclesiæ ornatu & reparatione, magnum insumpsit pecuniam, speciatim omnes fenestras de novo erexit & vitro obduxit, inter quas enituit fenestra orientalis, opere tam eximio adornata, ut in universa Hibernia, par ei non inveniretur. Obiit Ledredus anno Domini 1360, & in Ecclesia sua cathedrali, prope summum altare, ad latus Euangelii, tumulo conditus est. Tum, qui illi post annos 100 successit David Hacketus, è polito saxo testudinem campanilis erigi curavit. Item Oliverus Cantwellus, ordinis Prædicatorum (qui mihi penè exciderat) sub exitum Seculi XV, præter ædium suarum Episcopaliū Aghoræ & Freinstonæ & pontis majoris Kilkennia aquarum inundatione fracti reparationes, vicariis choralibus appropriavit Ecclesiam S. Mallæ.

His addamus antæniſſimum hujus Ecclesiæ situm, quæ è colle clementer edito, & urbem modicè subiectam, & fertilissimam regionem adjacentem



adjacentem, Neoro flumine irriguam, jucundissimè prospectat.

*Leghlinæ, E.  
S. Laseriani.*

Ex Provincia Dublinensi dicenda superest Leghlinæ, ubi Sedes cathedralis à S. Laseriano, aliàs *Molaisre*, filio Cairelli de *Blitha* constituta est. Educatus hic fertur ad ætatem usque adultam, sub S. Murino Abbate, cui mater, quæ filia erat (uti fertur) Regis Pictorum, illum instituendum tradidit. Postea Romam profectus, ibi 14 annos transegit, interea D. Gregorium Sacras Scripturas exponentem audivit, & ab eodem demùm Presbyter ordinatus in patriam reversus est. Brevi postea, Leghlinam pervenit, ubi S. Gobanus tunc præfuit Cœnobiarcha, qui ei cœnobium suum sponte cedens, sibi & monachis suis cellam alibi construxit. Monachos 1500 Laseriani regimini hîc subfuisse tradit Scriptor vitæ S. *Munnu*, qui porro asserit Synodum magnam in *Campo albo* habitam fuisse, & magnam ibi ortam contentionem inter S. Laserianum & S. *Munnu*, de festo Paschæ celebrando, die Dominico, an cum Hebræis, decima quarta Luna: Hâc verò Synodo habitâ, uti videtur, mense Martio, anno 630, sed sine optato successu finitâ, Laserianus Romam usque denuò iter suscepit, ubi Honorius I eum Præsulem consecravit, & revertenti (ut in vita ejusdem Laseriani legimus) Legationis in Hibernia officium commisit. Nec irritò successu, Nam post reditum in Patriam, Paschalis observationis ritum, ad Honorii monita, in australibus Hiberniæ partibus reformatum fuisse liquet. Vid. Bed. venerab. Histor. lib.

lib 3. cap. 3. Mortem obiit S. Lasarianus 14 Kalendas Maias anno Dom. 638 vel 639. & in Ecclesia sua sepultus est. In Synodo Dublinii celebratâ, sub Alexandro Bicknoro Archiepiscopo Dublin. Dies obitus S. Lasariani antedictus (quod obiter adnoto) necnon Dies obituum sanctorum Patricii, Brigidæ, Canici & Edani, duplicibus festis, per Provinciam Dubliniensem, annumerati sunt. Inter Ecclesiæ Leghlinensis Benefactores primarios, habetur Burchardus Norwegus, Gurmundi filius, de quo suprâ diximus. Fuerunt & nonnulli ex hujus sedis Episcopis valde benefici, speciatim Donatus, sub adventum Henrici 2 in Hiberniam, & Gulielmus aliquando Archidiaconus Leghlinensis, qui sedere cœpit anno 1227, aliis 1229, & obiit 1251. Is porrò confirmavit Burgenſibus Leghlinensibus prædia & privilegia, quæ Herlewinus prædecessor ejus iis concesserat. Nec prætermittendi, inter Benefactores, Joh. Mulganus Episc. sub rege Henrico VI, & Matthæus Sanderus, sub Henrico VIII. Leghlina vulgò *vetus Leghlina* dicta non procul abest à Baroo fluvio, quem Ptolemæus *Birgum* vel *Brigum* vocat. Mitto hic Glendalacham, ubi olim erat sedes Episcopalis, (ab Hovedeno, Bistagnensis dicitur, & in Bulla Lucii III, *Episcopatus Insularum*) siquidem ea regnante Johanne, cathedræ Dubliniensi unita est.

---

In



## In Provincia Casseliensi.

Loca & Tituli  
dedicationum.

Origines & alia  
Antiquitates.

*Casselia, Eccles.  
S. Patricii.*

Post Ængusæ (Nafrachi filii) Regis Momoniæ conversionem ad Christianam religionem, S. Patricii prædicatione, populum Casseliensem S. Albei & successorum ejus Jurisdictioni, qui Imelacæ (ad 12 à Casselia lapidem) sederunt, aliquandiù subfuisse, non est cur dubitemus: qua de re postea pluribus, cùm ad Imelacani perventum fuerit. Quis autem primus fuerit Ecclesiæ Casseliensis Episcopus, haud facillè quis designarit. De Cormaci Culinani filio, Rege & Episcopo Casseliensi, sub initium Seculi decimi, suprâ fusè diximus. Is certè tanquàm fundator, vel saltem restaurator Ecclesiæ cathedralis vulgò habetur. Et memoria proculdubiò Antistiti-um Casseliensium ante eum, perquàm exilis superest. Ecclesiam ejus, post novam (ut auguror) restitutionem, solenniter consecratam fuisse, & Synodum ibi habitam anno 1134, tradunt Annales Prioratus Insulæ omnium Sanctorum. Cæterùm Ecclesiam novam circa Anglorum ingressum, sub Henrico nostro secundo, à fundamentis ibi excitavit Donaldus O-Brien Rex Limericensis, quam & prædiis ditavit, veteri Cormaci Ecclesiâ in capellam, vel

vel domum Capitularem, ad austrum Chori conversâ. Is porrò Sedi Casseliensi latifundia non pauca elargitus est, cui alia itidem in Tu-emonia postea contulit filius ejus Donatus cognomento *Carbrac*, & inter cætera, duas insulas *Sulleith* & *Kismacayl* appellatas. Hanc donationem confirmavit Johannes Rex Angliæ, 6 Septembris 1215. Sed redeo. Post annos deinde plùs minùs 200, Richardus Hedianus Archiepiscopus Casseliensis Ecclesiam hanc vetustate fatiscientem restauravit. Aulam prætereà vicariis suis choralibus construxit, iisque prædia quædam dedit vocata *Grange-Connel* & *Baon-Thurlisbeg*. Ecclesia ipsa extra urbem sita, colle petroso præcipitióque munita est, sed ventis, ob sublimem situm, nimis exposita. In ascensu ad eam, saxum grandiusculû memini me juvenem vidisse, ad quod (uti ferebant incolæ) novus quisque Rex Momoniæ, pro more, edicto publicè promulgato, olim declarabatur. Est & alia Casselia dicta olim *Cassel-irra*, in Conatia, cui primus præfuit Episcopus S. Bronus, qui mortalitatem exiit anno 512, quod ideò hîc monendum duxi, quia non desunt qui opinentur Bronum hunc Episcopum fuisse Casseliensem in Momonia.

*Imelaca*, E. S.  
*Albei*.

Post Casseliam memorabitur Imelaca, al. Imleca-  
*Ibair*, Sedes Episcopalis antiquissima, in regione amœnâ & fertili sita, & amplissimis olim ditata prædiis, ubi & urbs erat olim celeberrima, quæ tamen paulatim in exiguum viculum decrevit. Huic loco maximum fuit decus S. Albeus dictus alter Patri-  
cuis,

cus, & Momonienſiũ poſt Patriciũ ſecundus Patronus ; qui dum Euangelicam doctrinam in Hibernia diffeminaret, conatibus ejus ita Deus benedixit, ut quamplurimos ex nobilitate & plebe, tam docendo, quàm vitæ exemplo, ad fidem Chriſti converterit. Totâ demum Inſulâ his pietatis officiis, peragratâ, Eccleſiam ſuam cathedralem fixit tandem Imelacæ, juxta Lacum jam ferè exiccatum. Author antiquus mihi anonymus, qui vitam S. Colmani Dro-moreniſis Episcopum deſcripſit, *Episcopum vocat Imblicenſem, ſapientem ac religioſum virum. Ad-dit porrò Colmanum apud eum divinarum ſcrip-turarum ſtudiis, jejunio, & orationi atque vigi-liis ſedulè inſiſtentem, aliquot annis docilem manſiſſe.* Verumenimverò, S. Albeum totius Momoniæ conſtitutum fuiſſe Archiepiſcopum, his verbis diſertè aſſerit vitæ S. Declani Scri-ptor, adhuc (ut opinor) ineditus : *Commanen-tes in civitate Caiſſyl, S. Patricius, S. Albeus, ſanctusq; Declanus, cum multis ſanctis ſuis discipu-lis, apud Regem Enguſam, multa bona rigoris Chriſtiani conſtituerunt. Et ibi Rex Enguſa & S. Patricius cum omni populo ordinaverunt Ar-chiepiſcopatum Mumeniæ in civitate & in ſede S. Albei, (qui tunc ab eiſdem Archiepiſcopus ordi-natus eſt) per ſeculum. Ita ille. Item Scriptor vitæ S. Albei ; Cùm B. Albeus (inquit) audiſſet quod Patricius Regem Memoneniſium Enguſum filium Neſrich converteret ad Chriſtum, & eſſet cum eo in civitate Caſſel. Venit ut eos ſalu-taret. Rex autem & Patricius gauiſi ſunt in ad-ventu Albei, & ille eſt gaviſus eos videns. Ibi verò accepit Patricium Magiſtrum ſuum S. Albeus, quia valdè erat humilis. Tunc Rex Enguſ & Patri-cius ordinaverunt, ut in civitate & cathedra S.*  
*Albei*

*Albei* esset Archiepiscopatus omnium *Memonensium* semper. Quo tempore S. *Albeus* Euangelium in Hibernia prædicare cœperit, controvertitur. Sunt qui tradant in Christiana religione propaganda, operant ibi sedulò eum navasse, ac multos ad Christi fidem convertisse, ante Sancti *Patricii* adventum in Hiberniam. Sed nos illorum sententiæ adhæremus, qui eum S. *Patricio* posteriorem ponunt. Vide, si placeat, quæ diximus in Annotationibus nostris ad Opuscula S. *Patricii*: quibus & hîc addere liceat *Albeum* Presbyterum ordinatum ab ipso Sancto *Patricio*, id quod docet *Tirechanus* Scriptor antiquus, Libro 2, de vita Sancti *Patricii*. Item è janî dicta vita Sancti *Albei* intelligimus puerum eum fuisse, dum *Palladius* à *Celestino* Pontifice missus in Hibernia moraretur, & ab eo baptizatum. *Palladium* verò in Hiberniam pervenisse anno Domini 431, unico solùm anno ante S. *Patricium*, doctis fatis est notum. Sed hæc obiter. Hic talis tantusque vir decessit tandem grandævus, integris tamen animi & corporis sensibus, 12 Septembris anno Domini 527, vel, ut alii volunt, 541, & in Ecclesia sua *Imelacensi* sepultus est. *Imelacam* direptam, & mitram S. *Albei*, ibi magnâ curâ, per multa secula asservatam, à latronibus combustam fuisse anno 1123, tradunt *Annales Ultonienses*. Huic sedi tunc præfuit *Mælmorda* Episcopus, qui fugâ evasit. Ad reparationem & ornatum Ecclesiæ, post annos deinde 120, (nam intermediis temporibus nihil ad



rem comperi) Christianus successorum unus valdè intentus fuit. Obiit is anno 1249. Imelacæ etiam Collegium nescio quod erexit Thomas Hurlæus Episcopus, tempore Regis Henrici VIII.

*Limerici, E.*

Hanc Ecclesiam cathedralem extruxit & dotavit Donaldus *O-Brien* Rex Limericensis, (de quo suprâ, in Casselia,) circa Anglorum adventum in Hiberniam. Est verò Limerici ædes sacra vulgò dicta S. Munchini Ecclesia, nunc parochialis, sed olim (ut ferunt) cathedralis, à S. Munchino primo Limericensi Episcopo fundata & ab Ostmannis postea restaurata. De hac re quærant alii. Quis autem istè Munchinus fuerit non parva quæstio est. Sunt qui opinentur hunc esse illum Mancenum quem Jocelinus, cap. 59, *virum appellat religiosum & optimè in Scripturis exercitatum*, quémque S. Patricium Amalgaidi Regis Conatiæ populo, à se tum noviter ad Christum converso, præfecisse asserit. Sunt alii qui minùs probabiliter cum Mancheno illo confundant, quem Annales Ultonienses Abbatem vocant *de Mene-drochit*, & obiisse docent anno 651, vel 652. Hujus Manchepi obitus memoria designatur; sub nomine *Manichæi sapientis Hiberniensis*, in Libris de Mirabilibus Scripturæ, à quibusdam S. Augustino perperam adscriptis. Non abhorret nomē, & tempora exactè conveniunt. Vid. lib. 2 cap. 4. tom. 3. Operum S. Augustini. Festum S. Munchini Limericensis agitur die 1 Januarii. Post Munchinū, inter Episcopos hujus sedis celeberrimus fuit Gille al. Gilbert. in Hibernia Legatus Pontificis, cujus



ejus extat *de statu Ecclesiæ* libellus circa annum Domini 1130 descriptus. Sed redeo ad Ecclesiam cathedralem Limericensem, cui, sub initium Seculi XIII, valdè beneficus fuit Donatus *O-Brien* loci Episcopus. Inter alia, Decano & Capitulo Præbendas assignavit, ac de Ecclesiæ suæ Liturgia, & Canonico-  
rum privilegiis, Constitutiones quasdam ordinavit. Porro is fuit (nisi me fallo) qui Decanatum ipsum & Capitulum crexit : Atque ut illustris fuit genere, ita eruditione, prudentiâ & liberalitate illustrior. Ejus operâ multum usus est Rex Johannes in rebus suis Hibernicis ; Et officium certè sibi demandatum, eâ fide & solertiâ exequutus est, ut magnam inde gratiam apud Regem comparaverit. Numerum Præbendarum auxit postea Hubertus de Burgo Episcopus itidem Limericensis, qui decessit 14 Septembris 1250. Proximus ejus successor Robertus de Imelaca Decanatu appropriavit *Ecclesiastica beneficia de Carnarthy & Rathsward*, ut ex Ecclesiæ Limericensis Registro didici. Neque hîc prætermittendum, sub exitum Seculi XII, vel initium insequentis, Episcopatus Limericensem & Cathayensem, sive *de Insula Gatha* coaluisse. Urbs ipsa totius Momoniæ pulcherrima hodiè vulgò Limericum nuncupatur, olim verò Lumniacum & Hibernicè *Lumneach*, unde & loci Episcopi Lumnicenses vel Lumnicani olim dicti. Quod spectat Diploma hoc à jam dicto Donaldò, circa annum 1194, Briëtio Lumnicano sive Limericensi Episcopo concessum : *Domnaldus Rex Lumnicensis, Universis Dei fidelibus tam presentibus quàm futuris, Salutem. Non lateat Universitatem vestram me donasse Briëtio Lumnicano*  
Y 2
Episcopo

Hodiè  
Mungaret. Episcopo, suisque successoribus, Cleroque S. Ma-  
rie Lumnice, in liberam & perpetuam eleë-  
mosynam, terram \*Imungram, & terram Ivam-  
nacham, ab arcu videlicet Imungram, usque  
ad terram Imalin, & à vado Ceinu, usque ad  
flumen Sinan, cum omnibus appenditiis suis. Ut  
autem rata sit hæc eleëmosyna, Sigilli mei im-  
pressione eam confirmo. Teste Domino Matthæo  
Cassil. Archiepiscopo, & Rudriua Gradei. Ci-  
vitatís maximã partem, diviso alveo, circumlu-  
it Shenanus Hibernicorũ fluminum præcipuus,  
Ptolemæo Senus, de quo Alexand. Nechamus,

*Fluminibus magnis lætatur Hibernia, Sineus  
Inter Connatiam Momoniãque fluit:  
Transit per muros Limerici, Knock-Patric illum  
Oceanus clausum sub ditione videt.*

Castro prætereà, tormentis majoribus in-  
structo, urbs munita est, & mœnibus firmissimis  
obvallata, præsertim quã flumine non defendi-  
tur. Sed hoc obiter. Sunt qui *Lumneach* in-  
terpretentur *locum denudatum ex pastu equorum*.  
Quàm verè viderint alii.

*Waterfordiæ, E.* Ostmannis Waterfordien-  
*S. Trinitatis.* sibus, postquàm religionem  
Christianã amplexi fuissent,  
consultum tandem visum fuit urbi Episcopum  
præficere. Ad hoc itaque munus, Malchum  
quendam virum probum delegunt, monachum  
quandoque Benedictinum Wintoniensem, &  
in Angliam mittunt anno Dom. 1096, ab An-  
selmo Archiepiscopo Cantuariensi consecran-  
dum. Literarum in ejus gratiam conscri-  
ptarum exemplar extat apud Eadmerum,  
in

in Historia sua Novorum. Malcho deinde consecrato & Waterfordiam reverso, Ecclesia hæc cathedralis ab eo & Ostmannis popularibus suis constructa est. Prædiis eam postea, Johannes Rex Angliæ, sub initium Seculi XIII, ditavit, cujus porro tempore, (ut opinor) Ecclesia Waterfordiensis primum habuit Decanum. Possessiones Decani & Canonorum sigillatim expressas confirmavit Innocentius III Papa, anno 1210, ut ex ejus Epistolis, à Francisco Bosqueto, J. C. Tolosæ Tectosagum editis anno Dom. 1635, intelligimus. Ecclesiæ chorum & præbyterium testudine sive laqueari fornicato ornârunt Nicolaus Cominus Episcopus & Robertus Lombardus Decanus, anno 1522. Neque hîc omittendum Decanum & Capitulum hujus Ecclesiæ anno 1463, ab Edwardo IV rege Angliæ, in *augmentationem divini cultus ibidem* (uti verba sunt chartæ) facultatem impetrâsse fundos acquirendi ad annum valorem 100 marcarum. Hactenûs de Ecclesia cathedrali, quæ ut originem suam debet Ostmannis, sic & ipsa civitas Waterfordia, quæ ad Surii nobilissimi fluminis ripam australem sita, inter celeberrimas totius Hiberniæ meritò connumeranda est, sive opes & frequentiam spectemus, sive portus oportunitatem. Ad nominis Etymon quod attinet, exoticam planè ostendit originem; Nam Fluminis vel aquæ trajectum sonat: Hibernis autem & Britannis *Portlargi* vocatur.

*Lismoræ, E.*  
*S. Carthagi.*

Sanctus Carthagus vulgò dictus *Mochdu*, patrii Momoniensis, Abbas fuit primum celeberrimi cœnobii Ratheniensis, ubi & præfuit

fuit annos 40, sed ex eo tandem à Blatmacho Rege pulsus, primus Ecclesiæ Lismorensis evasit Episcopus. Ecclesiam cathedralem, nec non Scholam insignem ibi construxit, in qua multi olim Philosophiam veram profitebantur. Mortem obiit post multa sanctitatis edita signa, 14 Maii anno 638, vel, ut alii habent, 637, & Lismoræ, (quæ Sepimentum magnum significat) in Ecclesia sua sepultus est. Scholam Lismorensensem ad tempus rexisse dicitur S. Cataldus, postea Tarentinus in Italia Episcopus, ad quam *undique ex finitimis ac remotis regionibus, innumeros penè homines confluxisse* refert in ejus vita, Bartholomæus Moronus, id quod ostendit etiam ejusdem Cataldi Officiū. Cæterum hinc inter alia colligere licet Cataldum non anno 170, ut Moronus habet, neq; sub initium Seculi sexti, ut Alexander ab Alexandro & Antonius Caracciolus volunt, sed sub medium potius Septimi claruisse, post obitum nempe S. Carthagi Scholæ Lismorensis fundatoris. Hanc opinionem firmat multitudo ea credentium in Hibernia, S. Cataldi ævo, à Morono memorata, quæ ad Seculum secundum sine dubio referri non potest. Siquidem Hibernia, eo Seculo & diū postea, Ethnicismi tenebris obvoluta jacuit, Sed hæc obiter. Ecclesiam cathedralem restauravit Cormacus filius Mureti Rex Momoniæ, circa an. 1130. Vicarios chorales ibi primus instituit & dotavit Griffinus *Christophori* Episcopus Lismorensis, circa annum 1230. De tempore erectionis Decani & Capituli nihil mihi constat. Librum habuit hæc Ecclesia lectissimum, de ejus Juribus, & Benefactorum Donationibus, quem composuit Thomas Pursellus Episcopus Lismorensis



morensis & Waterfordiensis, anno Dom. 1487. Atqui, magno Ecclesiæ detrimento, Liber ille igne fortuito combustus est, circa annum 1612. Hæ duæ Sedes, Lismorensis inquam & Waterfordiensis *realiter* (ut loquimur) unitæ fuerunt & conjunctæ ab Innocentio VI Pontifice, anno 1363. Primus utriusque Sedis Episcopus post unionem fuit Thomas quidam, qui è Canonico Lismorensi factus est Lismorensis Episcopus an. 1358, & Rogero Cradoco Minoritâ Episcopo Waterfordiensi ad sedē Landavensem in Wallia translato an. 1362, utriusque sedis unionem, à jam dicto Innocentio VI, paulò postea obtinuit. De antiqua Urbis Lismorensis celebritate, Corollarii loco, audi vetustum vitæ S. Carthagi scriptorem; *Egregia & sancta civitas est Leshmor : cujus dimidium est Asylum, in quo nulla mulier audet intrare, sed plenum est Cellis & Monasteriis sanctis : Et multitudo virorum sanctorum illic manet. Viri autem religiosi ex omni parte Hiberniæ, & non solum, sed ex Anglia & Britannia confluunt ad eam, volentes ibi migrare ad Christum. Et est ipsa civitas posita super ripam fluminis quondam dicti Nem, modo autem Aban-mor, id est amnis magnus, in plaga regionis Nan-Desi. Hunc fluvium Ptolemæus Dauronam vocat, Nechanus Avenmor, de quo ita ille ;*

*Urbem Lismor pertransit flumen Avenmor,  
Ardmor cernit ubi concitus æquor adit.*

Nunc Anglis alicubi **B201D-water**, i. Aqua lata, alicubi **Black-water**, sive Aqua nigra dicitur. Adeò verum est illud Claudiani, lib. 2, in Eutropium;



— *Quid non longa valebit  
Immutare dies? &c.*

Ardmora ipsa, ab editiori situ sic dicta, Sedes etiam olim erat Episcopalis, à S. Declano primo loci Episcopo, in Ecclesiæ Hibernicæ infantia constituta, sed post Anglorum adventum in Hiberniam, cathedræ Lismorensi unita.

*Corcagia, E.  
S. Barri, al.  
Finbarri.*

Proxima dicetur Corcagia, ubi S. Barrus, aliàs Finbarrus, sive Barrus albus, dictus etiam antea Lochanus, in Conatiâ ortus, primus præfuit Episcopus. Ecclesiam cathedralem is ibi loci fundavit inunte Seculo VII, & cum annos sedisset 17, vel secundum alios solum 7, Clonæ, quæ Corcagiâ 15 circiter milliaria distat, 7 Kalendas Octobris, amicis circumstantibus, placidâ morte obiit: Quo autem anno obierit non est omninò certum. Corpus ejus Corcagiam deportatum, ibi in Ecclesia sua, honorificè sepultum est, & Ossa, nescio quàm diù postea, capsulæ argenteæ indita. Ejus est Epistola Alcuino attributa, de Ceremoniis Baptismi, si Dempstero credimus. In cæmeterio est campanile à Templo parùm distans, quod aliqui existimant Ostmannorum Corcagiensium fuisse opus, & pro specula vel loco ubi excubiæ agebantur ab iis primùm usitatum. Inter Benefactores Ecclesiæ primarios, numerantur Gilla-Æda O-Mugin Episcopus Corcagiensis, qui naturæ debitum persolvit valdè senex, an. Dom. 1173, ejusque proximi successores Gregorius & Reginaldus. In hoc tractu Ptolemæi ætate

*Coriondi*

*Coriondi* habitârunt, ecrúmque nominis vestigia quædam retinere videtur *Corcagia*, quæ & olim dicta *Corcagia magna*, nisi quis malit ab Hibernico *Coꝛcac*, quod locum palustrem sonat, fluxisse. Notandum hîc veteribus Hibernicis usitatissimum, ut *C* litteram in fine dictionis, in aspirationem verterent, & aliquando etiam in initio dictionis.

*Clonæ, E.*  
*S. Colmani.*

Colmanus ille filius Lenini, S. Finbarri discipulus, vir doctus & pius, primus fuit Ecclesiæ Clonensis Episcopus & Fundator. Constructionis hujus fit mentio, in vita S. Brendani Abbatis Clonfertensis, his verbis; *Erat hic Colmanus filius Lenini vitâ atque doctrinâ, inter sanctos, præcipuus. Ipse fundavit Ecclesiam Clonensem, quæ est hodiè cathedralis & famosa in partibus Momoniæ.* Claruit is Seculo VI, sed placidè tandem in Domino obdormivit, an. 604, Novembris 4. Hanc sedem per obitum Adami Pay, vel Py, vacantem an. 1430, Martinus V Papa contulit Jordano Cancellario Limericensi: Et Jordanus hic non ita diù postea, post obitum nempe Milonis Episcopi Corcagiensis, realem utriusque Sedis unionem obtinuit. Clona latibulum sonat. Hæc in antiquo Provinciali Romano *Cluain-vanian*, ab Historicis Hibernicis *Cluain-vama* appellata, in agro Corcagiensi sita est, non longè à mari Vergivio. Expositionem posterioris partis dictionis, sc. *vama*, meliùs instructis relinquo. Ex hujus sedis Archivis antiquis, nunc solùm (quod ego sciam) superest *Rotulus*, quem *Pipam Colmani* vocant, inchoatus anno

anno 1364, tempore Johannis Swafhami Carmelitæ, S.T.D. tum Clonensis, postea Bangorensis in Wallia Episcopi.

*Rossæ, olim* Sanctus Fachnanus, vir  
*Ross-ailithri,* sapiens & probus, (ut eum  
*E. S. Fachnani.* vocat Scriptor vitæ S. Mo-  
 coëmogi) claruit ineunte  
 Seculo VI. De eo, ejusque cœnobio & nobili  
 Schola Rossensi, prope mare Vergivium, alibi  
 diximus. Quando autem Ecclesia cathedralis  
 ibi erecta fuerit, aut quis primus extiterit  
 ejusdem Episcopus, haud certò constat. Non  
 possum tamen non existimare Fachnanum ip-  
 sum primum fuisse Episcopum Rossensem &  
 Ecclesiæ illius cathedralis fundatorem. In  
 Martyrologio certè antiquo, ad 14 diem Au-  
 gusti, quo die memoria ejus celebratur, Epif-  
 copū eum disertè appellatū comperi. De anti-  
 quis hujus Sedis libertatibus, *Wreccis Maris* sc.  
 five naufragiis, &c. Vide Inquisitionem, in Ar-  
 chivo *Curie Capitalis Banci*, Dublinii, an. 29. Ed-  
 wardi I, membr. 21. a. in causa Laurentii Epif-  
 copi Rossensis. Atq; obiter hîc notamus *Ros* vi-  
 ridantem planitiem, vel, ut alii volunt, ericetū  
 significare, & *ailithri*, peregrinationē, quòd lo-  
 cus olim peregrinationibus frequentabatur.

*Laoniæ, E.* Laonia vulgò *Killaloe*, ad  
*S. Flannani.* occidentalem Shenani ri-  
 pam sita, (non procul à ca-  
 taractâ, quâ fluvius impeditur, quò minùs ul-  
 teriùs navigia deferat) nomen habet à S. Mo-  
 lua Abbate, qui ibi aliquandiù vixit, sub fi-  
 nem Seculi VI. Atqui ejus discipulus S. Flan-  
 nanus Theodorici Regis filius, Romæ à Jo-  
 hanne

hanne IV. Pontifice consecratus, primus fuit  
 hujus sedis Episcopus. Eo sedente, Pater ejus  
 Theodoricus Ecclesiam Laonensem multis  
 prædiis dotavit, ac mortuus tandem anno-  
 rum plenus, in eadem, à filio Flannano, solen-  
 niter sepultus est. Inter hujus Ecclesiæ Bene-  
 factores, numeratur etiam Moriertachus *O-*  
*Brien* Rex Hiberniæ, qui è vita migravit 6  
 Idus Martii 1120, & sicut vivus mandaverat,  
 in eadem Ecclesia sepultus est. Nec silentio  
 præteriri debet, ex eadem familia, Donaldus  
*O-Brien* Rex Limericensis, de quo suprâ, ob  
 largitiones non solum huic Ecclesiæ, sed quam-  
 plurimis etiam aliis concessas, ab Historicis  
 multum celebratus. Sub finem Seculi XII,  
 Sedes antiqua Roscræensis huic cathedræ ad-  
 jecta est & unita. Ibi Johannes Rex Angliæ  
 castrum erexit, ex assensu Cornelii *O-Heney*  
 Episcopi Laonensis: Sed ipsum Mannerium  
 Roscræense permutavit postea Matthæus *O-*  
*Hogan*, unus è Cornelii successoribus, cum  
 Edwardo I Rege Angliæ anno Dom. 1280, pro  
 prædiis quibusdam prope novum Castrum in  
 agro Dublinensi, quæ anno post 148, vide-  
 licet anno Domini 1428, qui tunc præfuit Epi-  
 scopus, Donatus *Mac-Cragh* permutavit  
 cum Gulielmo *fin* (sive albo) *fitz-Reuber*,  
 pro villa de Hamonston, apud Limericenses.  
 Mannerium verò Roscræense (ut ad illud re-  
 deamus) Edwardus Primus, anno 1281, Ed-  
 mundo Butlero contulit, postea comiti Caric-  
 kiano. Utcunque, hâc utriusque Sedis unione,  
 Diœcesis Laonensis, admodum spatiosa evasit,  
 ita ut 116 plus minus Ecclesias parochiales  
 præter capellas contineret. Ad Ecclesiæ Ros-  
 cræensis primordia quod attinet, certissimum  
 est



est S. Cronanum Episcopum, vel, ut alii volunt, Abbatem primum ejus fuisse conditorem. Frontispicium ejus ad occasum (pro loci paupertate) satis speciosum est.

*Ardferte, E.*

*S. Brendani.*

Sedes hæc Episcopalis sita est in Kertia regione, olim Kerrigia dicta, quæ patria fuit S. Brendani Abbatis Clonfertensis, cujus memoriæ hæc Ecclesia dicata est. Is ab incunte ætate, in hac sua patria; bonis literis, sub Erto Episcopo, operam dedit, donec adultus, impetratâ veniâ, in Conatiam profectus est, ad S. Järlathum Episcopum, sub quo, Theologiæ studio naviter ad tempus incubuisse dicitur. Orationis longiusculæ S. Brendano attributæ exemplar habeo MS. cujus initium est: *Deus omnipotens, Pater, Filius & Spiritus Sanctus*. Id quod à me libentiùs hîc memoratur, quia Oratio ipsa nondum typis mandata est. Atque hæc de S. Brendano. An verò Ertus ille hujus Ecclesiæ fuerit Episcopus, non facile judicari potest. Fuisse tamen vix est cur non existimemus, donec tempus veritatem in lucem extrahat. Habitatio ejus fixa in Kertia hoc innuere videtur: Et ipsos Episcopos Ardfertenses (ut hoc non omit- tam) nonnunquàm Kerrienses dictos, tam ex Historicis Hibernicis, quàm ex Archivis publicis didici. *Ardfert* significat locum editum mirabilem, vel ut alii interpretantur, Altitudinem miraculorum. Sed vulgò nunc dicitur *Ardart*.

*Fenabore,*



*Fenabore, E.*

*S. Fachnani.*

Post has , recensebitur  
Fenabore , vulgò Kilfenora , in agro Clarenfi (olim Tuemonia) fita, in Baronia nempe de Corcumro, Oceano occidentali pulsata. Hujusce Sedis Episcopum dictum etiam Corcumrothensem notat Johannes Clinnus, in Divisione Sedium Episcopaliū , ad finem Annalium fuorum. Quo tempore, & à quo condita fuerit Ecclesia cathedralis, nihil (quod sciam) certi extat. Suspicietur fortassè aliquis S. Fachnanum, de quo suprà, eam primū excitasse. Qua de re quærant alii. Episcopatus iste , ut totius Hiberniæ minimus , cui nempe 13 tantū parochiæ subiectæ, ita & inter pauperrimos semper numeratus est. Ad reliquas Basilicas instituto ordine, jam pergamus.

---

*In*

---



duti. Edanus hic, ob morum suavitatem celebratus, obiit senex anno Dom. 1161, & in Ecclesia sua cathedrali conditus est, ubi, saxo quo tegitur, Epitaphium Hibernicè inscriptum legitur, in quo Jǫrlathi Comorbanus, sive successor appellatur. Cæterùm hanc Ecclesiam Edani suecessores, novo constructo Choro, in navem Ecclesiæ postea converterunt. Inter eos, Thomas O-Conner Ecclesiæ valdè beneficus fuisse perhibetur: qui porro sedi suæ, ab Henrico III Rege Angliæ, nundinas impetravit, Tuamæ quotannis 28 Decembris & 7 diebus insequentibus habendas. Ad Sedes quod attinet quæ Cathedræ Tuamensi unitæ fuerunt, Prima erat Maionensis, sive Magionensis, tempore Felicis Ruadani Archiepiscopi annexa, post obitum nempe (ut opinor) Celestini aliàs Cæle O-Dubhai Episcopi Maionensis, qui obitus contigit anno Domini 1210. Secunda, Enaghdunensis; Atqui ante ejus realem unionem, diuturnæ erant olim contentiones inter Archiepiscopos Tuamenses & alios, qui ejus etiam Ecclesiæ jus sibi vendicabant. Lis primùm enata est post mortem Thomæ O-Maley Episcopi Enaghdunensis. Eo enim defuncto anno 1250, Florentius Mac-Flin, eodem an. à Cancellariatu Tuamensi ad Archiepiscopatum promotus, intravit in Episcopatum Enaghdunensem, sede vacante, de licentia Canonorum Enaghdunensium: & retinuit, toto tempore suo, temporalia & spiritualia dicti Episcopatus, ut è Rot. Placitor. an. 34. Edw. i. liquet, Concorde quodam Episcopo consecrato, & Regio assensu confirmato 8 Maii 1251, de injuria sibi illata frustrà conquerente. Florentii proximus successor Walterus de Salern, aliquando

quando Decanus Ecclesiæ S. Pauli Londinensis (quem Matthæus Parisiensis malè Archiepiscopum vocat, Armachanum) obiit Londini, in reditu à Roma, paulo post consecrationem, mense nimirum Aprili 1258, antequàm sedem suam vidisset, ita ut de eo, ad hanc rem, non habeo quod dicam. Waltero defuncto successit Thomas O-Conner, de quo suprà, qui sedi Tuamensi simul ac Enaghdunensi præfuit annos 20. Cæterùm sedente ibidem Stephano de Fulburn, vetus controversia denuò suscitata est, inter eum & Johannem de Ufford, qui in Episcopum Enaghdunensem electus, Regium obtinuerat assensum Martii 16 (stylo Anglicano) 1282, in qua tamen Uffordus succubuit. Fulburno defuncto 5 Nonas Julii 1288, Gulielmus de Birmingham successit, cujus tempore Gilbertus quidam ordinis Minorum in Episcopum Enaghdunensem electus & consecratus 1306, Temporalibus Episcopatus tandem restitutus est Julii 15 1308. Archiepiscopo quantumvis invito & reclamante. Mitto hîc (ne longus nimis sim) lites agitatae inter Malachiam Gulielmi successorem, & jam dictum Gilbertum ejusque successores, Jacobum Kernæum, Robertum *Le Petit* & Thomam Malæum. Satis erit hîc indicare Malachiam Thoma Malæo Avenione mortuo anno 1328, Ecclesiam Enaghdunensem repetiisse, & ante obitum per annos non paucos, administrâsse. Atque ita tandem lis ea diuturna finita est. Venimus jam ad Sedem Elphinensem.

*Elphine*, E.  
*S. Mariæ.*

Elphina, sive (ut alii scribunt) Elfina, in regione fertili & amœna, aliquantulum.



lūm surgente sita est, ubi Ecclesiam cathedralē construxit S. Patricius, prope amniculum ē duobus fontibus emanantem, circa medium Seculi quinti, eique præfecit Aficum monachum, magnum pœnitentiæ & austeræ vitæ amatorem, à se\* in Episcopum consecratum, qui paulò postea monachis eam implevit. Sunt qui tradant (quàm verè nescio) Aficum hunc aurificem fuisse præstantissimum, artēque suā, Ecclesiam Cathedralē, operis eximii monumentis, ornasse. Post multas verò annorum centurias, nempe non ita diū post Anglorum ingressum, Sede Roscomanensi hūc translata, hæc Sedes (Elphinensis inquam) multis magnisque ditata est latifundiis. Quando Ardcanensis, Drumclivensis, & alii ejusdem minoris notæ Episcopatus conjuncti itidem & uniti fuerint, ignorare me fateor; Verisimile autem est eos ante Anglorum adventum annexos fuisse vel Elphinensi cathedræ, vel Roscomanensi. Non inveniuntur certè eorum nomina in Dispositione Episcopatum Hiberniæ factâ anno 1152, jam sæpius à nobis memoratâ: & (quod miror) ipsa Sedes Elphinensis in dicta Distributione omissa est, unde non possum non suspicari eam, ad tempus, antè translationem scilicet prædictam, Roscomanensi sedi fuisse etiam adjunctam. Utcūque, certum est sedem Elphinensem, ex hūc unionibus, inter opulentissimos totius Hiberniæ Episcopatus, tandem fuisse numeratam, & Ecclesias parochiales plūs minūs 79 subjectas habuisse. Imperitum vulgus loci nomen\*factum somniat



ab ingenti saxo ibi conspiciendo, quod *Finni Mac-Cool* gigantis Saxum vocant.

*Clonfertæ, E.* Sanctus Brendanus Finlogæ filius, S. Brendani Birrensis æqualis & studiorum comes cœnobium Clonfertæ construxit, propè Shenanum flu. anno Dom. 558, cui ipse præfuit Abbas, & in quo sepultus est, cùm annos vixisset 92. Obiit Enachdunæ die Dominico, 16 Maii anno 577, unde corpus Clonfertam delatum, ibi sepulturæ (uti diximus) traditum est. Ejus tempore, Ecclesiæ cathedralis Clonfertensis primum constituta est. Primi qui ibi præfuit Episcopi obitum, in Annalibus Ultoniensibus, ad annum 571, vel 572, ita annotatum invenimus; *Mæna Episcopus Clonfert-Brenain quievit.* Inter Ecclesiæ hujus Benefactores recensetur vir magni in primis nominis, Johannes quidam, natione Italus, Clementis I V Pontificis Nuntius in Hibernia, Athenriæ ad hanc sedem consecratus, die Dominico ante festum Natalis Domini 1266, ubi cùm præfuisset annos ferè 30, ad Archiepiscopatum Beneventanum in Italia translatus est. Ei successit, in sede Clonfertensi, Robertus, Monachus Benedictinus Ecclesiæ Christi Cantuariæ, qui ab Henrico III Rege Angliæ probatus est 24 Septembris 1296. Sed hoc obiter. Ad Nominis Etymon quod attinet, *Cluain-ferta Latibulum mirabile* significat.

*Killalle, E.* Muredachus ille, cujus  
*S. Muredachi.* memoriæ Ecclesiæ cathedralis Alladenſis dicata est, primus

mus fuit ejusdem Ecclesiæ Episcopus. Ordinatus est à S. Patricio, unde eum claruisse constat Seculo quinto; De tempore verò obitus ejus, nihil traditum comperi. Killalla sita est non procul à Muado, al. Moio fin. in agro Maionensi, & ejus sedis Episcopi ab ea parte agri quâ cingitur, ab Historicis nonnunquam appellabantur Episcopi *de Tir-Amalgaid*. Antiquas hujus Sedis possessiones confirmavit Innocentius III Papa, 3 Kalendas April. 1198, ad rogatum Donati Episcopi Alladenfis. Vide, si placet, earum Catalogum, in editis ejusdem Innocentii Decretalibus Epistolis.

*Achbonria, E.*  
*S. Comrahi.*

Hanc Ecclesiam construxit S. Finianus Clonardensis, circa annum Salutis 530, locum concedente Dynastâ regionis Luigniensis. Ecclesiam ita constructam S. Finianus mox contulit Nathio, qui binominus fuit, dictus vulgò Comrahus, al. *Cruimthir*, vir magnæ sanctitatis. Hunc Scriptor vitæ S. Finiani Presbyterum solùm appellat. Ego autem non possum non existimare factum eum postea fuisse Ecclesiæ hujus Achadensis Episcopum. In Annalibus antiquis Hibernicis, Præsules hujus Sedis appellantur plerumque, à centuria in qua sita est, Episcopi Luignienses, sive Leinienses. Inter Episcopos, ob eruditionem maximè celebratur Gulielmus *Andrew* Anglus, ordinis Prædicatorum, S. Theologiæ Doctor, qui cùm hanc Ecclesiam annos plùs minùs 6 gubernâisset, ad Episcopatum Midensem translatus 1380, post quinquennium decessit, in vigilia nimirum S. Michaelis Archangeli 1385.

*Duaci, E.*

*S. Colmani.*

Diatribam hanc claudit

Duacensis Ecclesia, quæ  
originem suam debet S.

Colmano filio Duaci, qui ibi sedit Episcopus, circa medium Seculi VI, & obiit 3 die Februarii: Obitus autem annum ignoro. Ab ejus cognomine ipsa sedes *Kil-mac-duac*, id est, Ecclesia filii Duaci nomen sortita est: sed corruptè vulgò *Kil-macough* nuncupatur. De hac Ecclesia nihil prætereà memoriâ dignum se offert.

Erunt fortasse qui vitio mihi vertent, quòd de Provinciæ Tuamensis Basilicis, tam pauca dixerim: Sed sciant illi Diplomata & Regesta fermè omnia antiqua Præfulum & Basilicarum illius Provinciæ; exceptis nudis nonnullis possessionum, reddituum & procuratorum Catalogis, magno non solùm Ecclesiarum sed etiam rei antiquariæ detrimento, periisse. Atque hæc sunt quæ de Hiberniæ Basilicis dicenda habui.

---

C A P.

## CAP. XXX.

*De Hibernorum veterum Servis, sive Mancipiis,  
Deque Villanis, Nativis, sive Betagiis,  
fundo quem colebant  
adscriptis.*

**A**D Hibernorum veterum Servos sive Mancipia nunc descendamus. Hibernos olim Servos habuisse quos pretio plerūque certo emebant & vendebant, liquidò constat. Atque adeò frequens sanè erat mos ille apud veteres Hibernos, ut in antiqua Synodo Hibernica, Episcopi legatum, ex bonis Ecclesiæ, per pretium Ancillæ definitum inveniat. Sic enim priscus Canon; *Princeps* (sive Episcopus uti alibi notavimus) *in sua morte, de rebus Ecclesiæ commendare potest, hoc est, pretium ancillæ, sive de mobili substantia, sive de agro.* Habetur in codice Canonum pervetusto Collegii S. Benedicti Cantabrigiæ, ante annos ferme 700 descripto. Item liber Canonum Cottonianus titularum 66, *Synodus Hibernica ait: Omnis qui ausus fuerit ea quæ sunt Regis aut Episcopi furari, aut rapere, aut aliquid in eos committere, parvi pendens despicere, septem ancillarū pretium reddat, aut septem annos pæniteat cum Episcopo.* Ibi porrò, alio Canone, *Servi Juramentum, nesciente Domino, irritum declaratur, sicut & Juramentum filii aut filiae, nesciente patre, & Juramentum monachi, nesciente Abbate.*



Inter Servos numerabantur olim bello capti, utpote pretio empti & venditi, pretio itidem à servitute sæpè redempti. Hùc faciunt hi duo Canones, in jam dicto codice titulorum 66, S. Patricio adscripti, viz. *Si quis redemptionem captivi inquæsi-verit, sine permissione Abbatis, meruit excommunicari.* Item, *Si quis acceperit permissionem Pontificis, & collectum sit pretium captivi, non plus exigerit quàm necessitas poposcit. Si quid suprà remanserit, ponat super altare, & indigentibus detur & captivis.* De ritu aliquo aut modo manumissionis, quo servi libertatem, apud priscos Hibernos, assecuti sunt, nihil traditum reperi. Neque scio an huic rei lucem aliquam adferant varii illi manumissionum ritus à Francis veteribus usitati, vel nimirum per denarium ante Regem, vel eo absente, ante ipsius proceres, jactatum, vel in Ecclesia per chartam, coram sacerdotibus & altari, vel per privatam Epistolam.

Præter Servos hosce, erant & alii quos *Villanos* vocabant; unde & terræ iis concessæ, in *Villenagium* concessæ dicebantur. Hi Laici erant Mannerio vel Glebæ adscripti, ac culturæ & hæredii aut prædii partes habiti, id quod ostendit Liber niger Ecclesiæ cathedralis S. Trinitatis Dublinii, ubi prædia quæ Sitricus Rex eidem Ecclesiæ concesserat, donata dicuntur, *cum Villanis, & vaccis & bladis.* Hoc discimus prætereà, è charta Dermittii Regis Lageniæ, paucis annis ante Anglorum ingressum, concessa, quam è Regesto Prioratus omnium Sanctorum juxta Dublin. Lectori hîc visum exhibere: *In nomine Sanctæ & individue Trinitatis, Patris, & Filii, & Spiritus Sancti. Ego Diarmittius Rex Lageniensium,*  
pro



pro Dei amore & animæ meæ salute, donavi & tradidi spirituali Patri & Confessori meo Edano Lugudensi (sive \* Clochorensi) Episcopo, \* De unione  
ad opus Canonorum Ecclesiæ filie Zole & suc-  
cessorum eorum, terram quandam quæ dicitur  
Ballidubgail, cum hominibus suis, scilicet, Meli-  
su Mac-Feilecan, cum filiis & nepotibus suis,  
liberis & absolutis à procuratione & expeditione  
mea, & omnium in regimine Lageniæ, & Dubli-  
niæ, mihi succedentium, in perpetuam eleëmofy-  
nam, cum legitimis & antiquis terris, & omnibus  
aliis ad eam villam pertinentibus, &c. Testibus  
Laur. Dublin. Archiepiscopo, Kinad \* Episcopo, \* Glend-  
& Benigno Abbate de Glendelacha, Enna filio  
meo, Felano Mac-Feolam, D. Mac-Gillacol-  
●moc, Ethmarebac & † Aralt filiis Torcail, G. † Harald.  
Mac-Gunnar & aliis multis. Ita Regestum,  
fol. 45. Villani hi iidem fuerunt cum iis quos  
alii Nativos, sive Originarios, vel Originales  
inquilinos, alii Betagios vocant. De Betagiis fit  
mentio in antiquo Regesto Archiepiscopi  
Dublin. vocato C R E D E M I H I, nempe  
in duabus Bullis Urbani IV Papæ, necnon  
in libro nigro Ecclesiæ Lismorensis, fol. 1. b.  
unde, ante illius libri combustionem, sequen-  
tia fuerunt desumpta: Memorandum quòd que-  
libet caruca de Betagiis quolibet anno debet ara-  
re Domino (Episcopo) unam acram, ad seisinam  
frumenti, & unam acram ad seisinam avenarum,  
&c. Item Betagii debent trahere blada Do-  
mini. Distinguuntur ibi Betagii, à Tenen-  
tibus. Item in Charta Edwardi 2 Regis  
Angliæ data 14 die Maii anno regni ejus  
IX, hoc est, Gratiæ 1316, quâ præfecit  
Johannem filium Thomæ in comitem de Kil-  
dare, dedit etiam illi Castrum & villam de

Kildare, unà cum servitiis liberè Tenentium, Firmariorum & Betagiorum, &c. Vox labium sonat Hibernicum. Sed quære. Servilis hujusce conditionis Homines non permittebantur munera aliqua subire militaria. Et more quidem veterrimo Heroicorum temporum, ut ostendit Virgilius, *Æneidos* 9,

————— *Quorum primævus Helenor,  
Mæonio Regi, quem serva Lycimnia furtim  
Sustulerat, vetitisque ad Trojam miserat armis.*

Sed rustica tantum navantes servitia, fodiebant, sepiebant, arabant, seminabant, metebant, &c. Villano denique fundi Dominus jus dicebat, tam de corpore, quàm de omnibus bonis & fortunis. En durum jugum Servitutis.

---

  
CAP.

## CAP. XXXI.

*De priscis, apud Hibernos, Probationum sive  
Purgationum generibus, post conver-  
sionem Gentis ad fidem  
Christianam.*

**U**Sitatum olim Purgationis genus, apud Hibernos Christianos, fuit illud Jurisjurandi, tactis solenniter sacris Euangeliiis, & interdum perceptione Eucharistiæ. Hoc docet Canon antiquissimus S. Patricii, sub titulo, de Contentione duorum absque testibus: *Statuunt, ut per quatuor Sancta Euangelia, antequàm comunicet, testetur quid probatur; Et deinde sub Judice fama relinquatur.* Sed & diversa alia genera ab Authoribus mediorum seculorum referuntur, Speciatim Venerabilis Beda, in Martyrologio suo, ad Kalendas Febr. de S. Brigida nostra loquens, *Apud Scotos, (inquit) S. Brigidæ Virginis, cujus vita miraculis claudit. Quæ cùm lignum altaris, in testimonium virginitatis, tetigisset, viride factum est.* Tandem habet Cogitosus, Bedâ antiquior, in ejusdem Brigidæ vita. Ad Duelli examen (nam hoc aliud fuit examinis genus) in Clerico prohibendum spectat sequens Canon Synodi S. Patricii, Auxilii & Iffernini: *Clericus si pro gentili homine fidejussor fuerit in quacunque quantitate. Et si contigerit, (quod mirum non est) per astutiam aliquam, gentilis ille Clerico fallat rebus suis, Clericus ille solvat debitum.*  
Nam

Nam si armis compugnauerit cum illo, meritò extra Ecclesiam computetur. Post Anglorum in Hiberniam adventum, in solennioribus quibusdam Juris actionibus, & purgationibus, Duellum ibi, licet rarius, in usum venit. Talis Duelli ita meminit Johannes Clinnus Minorita Kilkenniensis, in Annalibus suis, ad annum Salutis 1284; *Dominus Galfridus de S. Leodegario Episcopus Ossoriensis acquisivit per Duellum, Manerium de Seirkeran.* Episcopi Athletâ scil. (nam ita intelligo) Athletam adversarii, per *Breve* (ut vocant) *de Reçto*, in jus vocati, superante. Item decennio post, in acri illo dissidio inter Gulielmum de Vescy, tum nuper Hiberniæ *Justitiarium*, & Johannem filium Thomæ, postea Kildaræ comitem, quo Vescæus Majestatis læsæ accusatus est Dublinii, 1 Aprilis, coram Gulielmo de la Hay Custode officii *Capitalis Justitiarii* Hiberniæ, & Concilio Regis. Vescæus causam suam Duello defendere obtulit, id quod adversarius accepit. Post ritus deinde quosdam assuetos, Dies pugnæ, Edwardi Regis assensu, addicitur in Anglia; Atqui Vescæus, ante diem, clanculûm aufugit. Quapropter Rex latifundia ejus in Hibernia, contulit jam dicto Johanni. Sed hæc duo exempla recentiorum sunt temporum. Pergo. Erat & aliud Examinis genus priscis legibus receptum, *Ordalium* dictum, cuius species erant *Ferrum candens*, *Aqua fervida*, & *Aqua frigida*, &c. Gillebertus al. Gille Episcopus Lumniensis, sive Limericensis, (qui claruit anno 1130) in lib. *de Statu Ecclesiæ*, inter ea quæ Episcopus consecrare solebat, numerat *Ferrum Judiciale*. Hinc verisimile videtur Hibernos

nos olim hoc etiam examine usos fuisse. Speciatim Saxo Grammaticus, in vita Nicolai Danorum Regis 81, refert Haraldum Hibernum ortu, *candentium Laminarum* Judicium, *nudatis plantis*, absque inultione sustinuisse. Cæterum postrema hæc examina, *Duellum* scil. & *Ordalium*, vetant Canones, & acriter insectantur Theologi. *Ordalium* equidem jam diù sopitum jacuit, & Probatio per Duellum defuetudine exoleta.

Ultimus dicetur (quem penè præterieram) mos ille vitiosus, olim à litigantibus, coram *Brehonis*, interdum usitatus, jurandi per Caput, Manus, Vitam vel Salutem Principis, sive Domini; qui mos Ethnicam proculdubiò sapit originem, & ab Ægyptiis primùm, uti videtur, manavit. Idque innuit Juramentum Josephi, (è more Ægyptiorum) *per Salutem Pharaonis*, Geneseos cap. 42. Similè morè apud Romanos veteres viguisse, jurandi *per Salutem & Fortunam Cæsaris*, ostendit Dio, lib. 45 & 57. Constat porrò ipsis etiam Christianis tam in Oriente quàm in Occidente, per aliquot Secula, in more postea fuisse, per Salutem aut Vitam sive Imperatoris, sive Regis & filiorum ejus, jurare. In Hibernia mos iste diutius quidem mansit, quàm aliis in locis, demùm verò, etiam ibi in Judiciis interdictus. Manum de tabula.



## CAP. XXXII.

*De veterum Hibernorum & Ostmannorum  
in Hibernia Funeribus,  
Sepulturis & Cryptis  
subterraneis.*

**V**ideamus tandem quale fuit olim in Hibernia Funerum & Sepulturæ genus. Duplex fuisse antiquitus Sepulturæ genus, apud Ethnicos, in Græcia, Italia, Germania, Gallia, Britannia & alibi, Humationem scilicet & Cremationem, doctis satis notum est. Nec dubitandum similes olim ritus, ab Hibernis ante admissam in Hibernia religionem Christianam, fuisse observatos, præsertim cum certissimum sit Druides eorum fuisse Sacerdotes & Legislatores. Druides verò mortuos cremasse & defodisse disertè asserit Pomponius Mela, Geographiæ lib. 3. Nec dissimiles erant olim Exequiæ Ostmannorum in Hibernia, dum Ethnici essent. Nostris certè temporibus, mense nempe Novembri, anno 1646, è colle egesto, in orientali suburbio civitatis Dublinii, dum in aggerem munitum efformaretur, effossum est Sepulchrum antiquum, à Zephyronoto in Euroaquilonem positum, VIII nigris lapidibus marmoreis fabricatum, tectum nimirum duobus, & reliquis sustentatum. Tumuli longitudo fuit pedum sex & pollicum duorum, latitudo, pedum trium & pollicis



In ipso Sepulchro, reperta est magna vis carbonum combustorum, cinerum, & ossium hominis, partim exustorum, partim quasi semiustorum, Opus (ut creditur) Ostmannorum, utpote ab iis dum Ethnici essent, in Reguli vel Nobilis cujusdam memoriâ, constructum. Quo autem modo Dani olim mortuos cremaverint & cineres collegerint videre est apud Olaum Wormium, in Danic. Monum. lib. 1. De antiquis Sepulturis, in montibus vel collibus, sic Virgilius, *Æneid.* lib. 11;

——— *Fuit ingens monte sub alto,  
Regis Dercenni terreno ex aggere bustum,  
Antiqui Laurentis, opacâque ilice tectum.*

Et Lucanus, lib. 8,

*Et Regum cineres extructo monte quiescant.*

De hac re, vid. porrò Isidor. lib. 15. Etymolog. cap. 11.

Hujusmodi nonnulli, hominum labore aggesti, in Hibernia, antiquo opere formâque rotundâ, etiamnum cernuntur, speciatim (ut alios hîc mittam) Nasæ in agro Kildarenfi, & Clonardæ in Midia, qui Antiquorum (uti creditur) fuerunt tumuli, cùm cœmeteria nondum illis in usu essent. De *Circulis* illis sive sepimentis Castrensibus non hîc loquimur, quæ vulgò *Danes Rathes*, hoc est, Danorum præfidia sive castra vocamus, qualia in Hibernia frequentissima vidimus. Saxones, qui olim in circulo etiam castrametabantur, hujusmodi loca munita *Burgos* sive *Burghs* appellabant. Atque *Raith* Hibernicè idem sonat.

Non prætermittendum tamen nonnullos reperiri

periri colles rotundos editos, quorum partibus interioribus in cameras sive concamerationes divisas, Magnates Ostmannici pro Domiciliis, sic fama perhibet, olim utebantur. Atque talis est collis ille apud Sligoenses in Conatia, unico milliari à *Castle-Coner* distans, ad cujus concamerationes subterraneas, introitus, per aliquot annorum centurias, occlusus, anno tandem 1640, à bubulco quodam, casu detectus est & apertus. Camera ibi quadrangulæ sunt, è saxis ingentibus, arcuato opere, cum terrâ superimpositâ, in collem formatâ, constructæ, unâ cum meatu circulari ad easdem. Ichnographiam Areæ structuræ hujusce cameratæ, unâ cum forma unius è fornicibus, cui cæteri pares, sicut mihi descripsit, qui paulò post ipsam detectionem, lumine accenso, perlustravit, CL. Mathematicus Milo Symnerus, hîc exhibere operæ pretium duxi;

---

De

---







prælio superstites tantum terræ quantum casside capere poterant in occisorum tumulos aggererent, notat Camdenus, in Wiltonia. Cæterum de hujusmodi ritibus, à Gentibus ad Arctum usitatis, vide etiam, si placet, plura, apud jam dictum Olaum Wormium, in lib. de Danicis Monumentis, vel, si mavis, apud Saxonem Grammaticum, & Olaum Magnum.

Ad priscum cremationis ritum, apud Hibernos, redimus. Et certè non solum apud Ostmannos in Hibernia, dum Idolorum essent cultores, viguit mos ille comburendi cadavera defunctorum, sed etiam apud ipsos Hibernos, elucente fide Christianâ, haud repentè in tenebras abiit. Nam in pervetusto libro Canonum titulorum 66, in Bibliotheca Cottoniana, Anglo-Saxonicis temporibus descripto, sub titulo, *De nomine Basilicæ, & ejus scissurâ*, ita legimus: *Synod. Hibern. Βασιλικὸς Græcè, Rex Latine, Hinc & Basilica Regalis, quòd in primis temporibus Reges tantum sepeliebantur in eâ, nomen sortita est. Nam cæteri homines sive igne sive acervo lapidum conditi sunt. Item, nemo alienus libertatem scindendi Basilicam, sine Principis permissione habet: Et si hoc ausus fuerit, reddet secundum dignitatem ejusdem loci. Ita Synodus. Ubi & alius antiquus apud Hibernos sepeliendi mos, sub acervo lapidum detegitur, de quo vid. Typum, supra pag. 222. Si ad hunc usum, seu in occisorum memoriam, non aggesta fuerit ingens ea lapidum strues, quæ ad ~~Wicklo~~ **Winde-gates** in agro Wickloensi cernitur, vel acervus lapidum Mercurialis videatur, in honorem Mercurii*

curū (ethnici Viarum præsidis) crebro lapidum jactu, à viatoribus antiquitus pro more congestus, vel, unus è monticulis illis lapidosus qui pro terminis in agris limitandis olim erecti *Scorpiones* dicebantur. Atque hic in trivio sumus. Nec silentio hic prætermittendum quod *de jure corporis sepulti*, ex antiquâ Synodo Hibernicâ his verbis, habet jam dictus Liber Canonum, *Omne corpus sepultum habet in jure suo vaccam, & equum, & vestimentum, & ornamentum sui lecti, nec quicquam horum reddetur in alia debita, quia corpori ejus tanquam vernacula debentur.* De Fœminarum Hibernicarum vociferationibus, five ululatibus, & manuum complosionibus, amicorum funera prosequentium, aliâ occasione suprâ diximus cap. XII. Interdum porro mulieres ad mortuum lamentandum conductæ fuerunt, veterum *Præficarum* more. *Servius Præficam*, planctuum Principem vocat. Romanis mulieribus fuisse olim ejulandi morem, ac comas genasque lacerandi, satis liquet, ex antiquis Rerum Romanarum Scriptoribus: Atqui mos ille, XII Tabularum legibus, his verbis fuit interdictus; *Mulieres genas nè radunto. Mulier faciem nè carpito. Mulieres lessum* (id est, lugubrem ejulationem) *funeris ergò nè habento.* Tacitus, libro de Moribus & Populis Germaniæ: post descriptionem Exequiarum veterum Germanorum, qui corpora clarorum virorum certis lignis cremabant, & sepulchra cespite erigebant, ita pergit, *Lamenta & lacrymas citò, dolorem & tristitiam tardè ponunt. Fæminis lugerè honestum est; viris meminisse.* Neque dubitandum est Hibernos veteres morum similitudinem in

RERUM  
*HIBERNICARUM*  
HENRICO VII  
regnante,  
ANNALES.

*Nunc primum in Lucem editi.*

JACOBO WARÆO Equite Aurato  
Authore.



LONDINI,  
Typis E. Tyler, Impensis Joh. Crook, sub Signo  
Navis, in Cœmeterio S. Pauli. MDCLVIII.



# LECTORI.

**P**ropositum mihi est in his *Annalibus*, Res in *Hibernia* gestas maximè memorabiles, sub *Henrico nostro Septimo*, citra fucum & odium, paucis explicare, atque ex umbra in lucem educere : Pensum certè neque nostratum neque exterorum notitia indignum, modo pro Argumenti dignitate, scriptorem fuisset nactum. Veruntamen, in his tractandis, ut rerum gestarum veritatem melius eruerem, præter ea, quæ ex antiquis schedis, Regestis, & Scriptoribus tam editis quàm ineditis, desumpta sunt, non pauca etiam hæcenus latentia & scitu non indigna, ex *Archivis Cancellariæ & Scaccarii sive Fisci Hiberniæ* exhausti, tanquam è fontibus, unde cuncta certius deriventur. In rebus majoris momenti, quæ per discrepantes *Scriptorum* opiniones, dubiæ videntur, vel nihil asseveranter affirmavi,



## LECTORI.

*ries selecta, ab ipso fermè Anglorum ingressu, in Archivis publicis, ubi messis hætenus fermè intacta manet. Mihi satis superque incepisse, & gustum aliquem horum temporum hic præbuisse. Quicquid uerò hic præstiti (præstiti autem quod potui) Doctorem & moderatorum virorum judicio lubens offero & subjicio. Hi candidi (scio) erunt rerum aestimatores, atque conatus istos meos qualescunque æqui bonique consulent: Iniquos & detractatores nihil moror, non illis ego vigilavi, sed quibus de meliøre luto præcordia. Atque hæc habui quæ de Proposito meo dicerem.*

Londini, VI Kalendas  
Junias, MDCLVIII.

---

RERUM



ricus Septimus appellatus, si turbas à duobus scenicis principibus, vel potius ab eorum fautoribus, suscitatas excipiamus. Regnum is iniit Augusti 22 1485, qui dies praelii, & 30 insequentis Octobris, Coronationis solennia peracta sunt Westmonasterii.

Hiberniam tunc temporis administrabat Geraldus Comes Kildariæ, titulo *Deputati* Johannis de la Pole comitis Lincolnæ *Locumtenentis* Hiberniæ, eo munere functus Richardi III concessione. Hunc Rex confirmavit Deputatum, sed non ita diù postea, novo diplomate, Deputatum constituit Gasparis de Hatfield Ducis Bedfordiæ, quem *Locumtenentem* Hiberniæ designarat. Approbavit etiam Thomam *Fitz-Gerald* Equitem auratum, dicti comitis fratrem, Hiberniæ Cancellarium, Rolandum *Fitz-Enstace* Baronem Portlesterium, summum *Quæstorem* (sive ut loquimur) *Thesaurarium*, virum in Rebus Hibernicis, longo usu versatissimum, cæterosq; consiliarios, præter Judices & alios administratos primarios, etsi eorum plurimi, id quod ille certò cognovit, *Rosæ albe*, sive familiæ Eboracensis fautores fuerint. Veruntamen, eo tempore, (quod mireris in principe tam prudente) illis, alios probatæ fidei viros, è suis non adjunxit. Quid detrimenti inde acceperit, postea suo patebit loco.

Dum hæc agerentur, magnum erat dissidium inter Jacobum Ketingum & Marmaducum Lomleium, de jure Prioratus S. Johannis Hierosolymitani in Hibernia, *Kilmainan* vulgò dicti, utroque pro Priore se gerente, unde & utrique demum exitium. Simultas (ut rem altius repetam) initium  
sumpsit

sumpsit anno 1482. Nam sub exitum ejus anni, exauthoratus est Ketingus, à Petro Daubuffono magno Rhodi Insulæ Magistro, cui subfuit, ob contumaciam & munus male administratum, speciatim, quòd monilia quædam & alia Prioratus sui ornamenta, partim vendiderat, partim pignori posuerat, inter quæ memoratur pars Crucis Dominicæ: Item quod prædia multa ad Prioratum spectantia, partim etiam vendiderat, partim ad longum tempus locaverat, & partim pensionibus quibusdam oneraverat. Deprivato itaque Ketingo, successor designatus est à prædicto Magistro Rhodiano, Marmaducus ille Lomleius, Anglus nobili Lomleiorum familia ortus. Hæc mense Decembri 1482. Is ita electus, anno insequenti, Clontarfam appulit, ubi Præceptoriam fuit ejusdem ordinis, ad secundum à Dublinio lapidem. De appulsu ejus, quamprimum certior factus est Ketingus (qui diu magnâ vixerat potentiâ, & Prioratum jam rexerat annos plus minus 20) illuc magnâ suorum catervâ stipatus properavit, & Lomleium secum captivum ducens, sub arcta custodia detinuit, donec omnibus electionis & confirmationis instrumentis, in manus suas resignatis, (licet præviâ Lomleii protestatione) ad sustentationem, ei tandem concessit Præceptoriam de *Kilsaran*, in agro Louthensi. De his omnibus, Lomleius literas perscripsit, tam ad Regem Angliæ, quàm ad magnum Magistrum Rhodi, eoque tandem successu, post longam nimirum moram, ut Ketingus, ob crimina perpetrata, excom-

excommunicatus fuerit. Ketingus verò hinc irritatus culpamque omnem in Lomleium conjiciens, eum quasi harum novarum turbarum fontem, ex dicta Præceptoria, manu armatâ expulit, Octaviano de Palatio Archiepiscopo Armachano, in cujus diœcesi dicta Præceptoria fuit sita, Lomleium frustra propugnare satagente. Neque hic tamen finis erat ærumnarum Lomleii: nam circa hoc tempus, in carcerem ab adversario denuò conjectus est. Quid de eo postea factum fuerit, traditum non reperi: Hoc constat eum nunquam Prioratum administrasse. Cæterum Ketingus ipse licet Prioratum per 9 ferme annos postea per vim occupaverit, tandem tamen majore cum dedecore ejectus, in summa inopia vitam finiit, postquam nimirum Jacobum Valæum in locum suum suffectum vidisset. Prior hujus loci (quod obiter hic annotatum) totius Hiberniæ Protoprior olim censebatur, & locum suffragiumque habebat inter Proceres Parlamentarios. Ad Prioratum ipsum quod attinet, is adeò amplus erat, & opere tam venusto, ante suppressionem, ut inter ædes universi regni speciosissimas, meritò numerata fuerit.

Sed ut in instituto cursu progrediamur, Mense Novembri, Thomas *Ormond* aliàs *Butler* Eques auratus in Parlamento Westmonasterii coacto, possessionibus & honori Comitum Ormonia restitutus est, ac Statutum editum anno primo Edwardi IV, quo dictus Thomas & duo fratres ejus seniores, videlicet, Jacobus Comes Wiltoniæ & Ormonia, ac Johannes *Ormond* Eques aur. proditores declarati fuerant, adjudicatum est irritum viribusque cassum.

Comes



Comes brevi deinde postea, in numerum eorum asciscitur, qui Regi erant à Secretioribus consiliis.

Ultimus fuit hic annus Johanni Domino Barrio, in quo morum probitas cum generis splendore certavit, ac etiam Ulicko Bourko, Clan-Richardi Dynastæ, nobilissimâ orto familiâ de Burgo, (cujus rami in Hibernia longè diffusi) viro magni nominis & potentia. Ulickum filium is successorem habuit, de quo plura postea.

---

## ANNO CHRISTI

MCCCCLXXXVI.

**R**Ex subodoratus sub hoc tempore Kildarium res novas in Hibernia moliri, literis suis, inter mandata ei dedit, ut in Angliam properaret, specioso prætextu coram consultandi, de rebus ad publicam pacem & tranquillitatem Hiberniæ spectantibus. Kildarius, his literis acceptis, metuens quonam ea res evaderet, Hiberniæ Ordines Dublinii congregatos, de Regis voluntate, certiores facit. Junii deinde 4, Proceres ad Regem literas excusatorias mittunt, in quibus significant subitam Comitum profectiorem in Angliam negotiis quibusdam magni momenti in Parlamento tractandis multum obfuturam: ideoque obnixè petunt, ut ille tam diù se sistat, donec negotia ea conficiantur. Literis illis subscripserunt, ex Ecclesiasticis, Walterus fitz-Simon

mon Dubliniensis & Octavianus de Palatio Armachanus Archiepiscopi, Johannes Painus Episcopus Midenfis, Johannes Purcellus Abbas cœnobii S. Thomæ juxta Dublin. Walterus Champflour Abbas cœnobii B. Mariæ juxta Dublin. Johannes Troy Abbas Mellifontis, Henricus Abbas Baltinglassensis & Nicolaus Prior Conallensis : ex Secularibus verò, Robertus Prestonus Vicecomes Gormanstonius, & Barones VI, Slanius nimirum, Delvinus, Killenius, Houthius, Tripletstonius & Donfanius. His literis Comes quasi munitum se sentiens, tempus itineris indies protraxit.

Nunc ut pergamus; Ad tempus pervenimus conjurationibus plenum, conspirârunt enim ad Regem Henricum subvertendum, Margareta Edwardi IV tum nuper Regis Angliæ soror, Carolique *Pugnacis* Burgundiæ Ducis vidua, aut (ut loquimur) dotaria, Johannes de la Pole Comes Lincolnie, Franciscus Vicecomes Lovellus, aliquando Richardi III Camerarius, & alii nonnulli. Huic flammæ oleum addidit mirum vastumque facinus vafri cujusdam presbyteri Oxoniensis Richardi *Simons*, vel (secundum Polydorum Virgilium) *Simondi* appellati. Is enim, hoc anno, cum discipulo suo Lamberto Simnello egeni opificis, sive pistoris nimirum sive sutoris filio, puero tamen aspectu decoro & docili, ætate etiam conveniente, in Hiberniam trajecit, eumque astutè prius instructum, coram Deputato, Cancellario, Thesaurario & aliis nobilibus, quos familiæ Eboracensis studiosos fuisse audiverat, pro Edwardo comite Warwicensi Georgii Ducis Clarentiæ filio, quasi vero Co-

ronæ

ronæ Angliæ hærede; ex arce Londinensi evaso, ostendit & venditavit. Hoc ille figmento, discipulo suo regnum, & sibi opulentum aliquem Episcopatum somniaverat. Hâc re faciliè creditâ, & cum preceribus nonnullis communicatâ, Puer à Cancellario honorificè hospitio exceptus est. Deinde paulò post missi sunt nuntii, tam ad fautores nonnullos nominis Eboracensis in Anglia & Hibernia, quàm ad prædictam Burgundiæ Ducissam, auxilium petituri, ad justum (ut illi dicebant) titulum Edwardi illius (quem regem salutârant per nomen Edwardi VI) vindicandum. Negotium hoc Comiti Kildariæ maximas postea calamitates attulit, & nisi Deus ruentem sustinisset, sibi & nobilissimæ suæ familiæ fuisset exitio.

Interim de his rebus, Rex certior factus ab Houthæ Barone & aliis, ad imposturam detegendam, verum Warwici comitem, ex arcta in turri Londinensi custodia, die Dominico per præcipuos civitatis vicos, circumduci iussit, & solenni postea processione, Ecclesiam Divi Pauli, cum eo ingressus est, insigni nobilitatis flore stipatus. Hinc liquidò apud Anglos, Impostoris detecta est fraus: Cæterùm in Hibernia, retorta est in Regem impostura, quasi verò ipse Pseudo-Warwicum populo obtruserat.

Fuerunt nihilominus in Hibernia non pauci, qui constantissimè semper fidelissimèque Henrici causam pro viribus defenderunt: Inter quos memorantur Octavianus de Palatio Archiepiscopus Armachanus, Edmundus Cursæus (vel Courcy) ord. Minorum, tum Clochorensis (postea ni fallor Rossensis)

Episcopus, Butlerorum familia, Baro Mouthius & cives Waterfordienses. Conjuratiōis illius exitum in sequentis anni narratione, Deo volente, exponemus.

Inter hæc, Hugo *Mac-Mahon* magnâ suorum catervâ stipatus, in agrum Louthensem irruit, prædas egit, & prædia undique diripuit & incendit. Combustæ feruntur in hac incurfione 28 villæ. Porro VI Kalendas Martii, in partibus nonnullis Ultoniæ, tanta vis venti & procellæ contigit (neque abs re erit verbo memorare) ut arbores eradicarentur, multæ domus & aliquot Ecclesiæ (inter alia mala quamplurima) pessumruerent.

Fatis concesserunt hoc anno, ex Episcopali ordine, Thaddæus Episcopus Dunensis & Connerensis, consecrationis an. 17, Johannes Hedianus Ossoriensis, cū sedisset annos circiter 7, & (Julii 19) Thomas Arthurus Limericensis, cū præfuisset annos plūs minūs 17. Thaddæo successit Tiberius quidam, Hediano, Oliverus Cantwellus, ordinis Prædicatorum, & Arthuro, Johannes Folanus, Rector Ecclesiæ Clonmorensis, negotiorum jam dicti Octaviani Armachani, in Curia Romana, Procurator.

Hæc in Hibernia. Interim Wintoniæ in Anglia, Elizabetha Regina filium Regi peperit 20 Septembris, Arthurum vocatum. Neque silentio hîc prætereundum Henricum Regem hoc anno Bullam procurâsse, ab Innocentio VIII, datam VI Kalend. Aprilis, per quam (inter alia) omnes Episcopi, &c. jussi sunt excommunicationes in rebelles emittere, quoties ex parte Regis requisiti fuerint. Hæc res negotia Regia magno-  
perè



perè postea juit promovitque , tam in Anglia quàm in Hibernia.

---

## A N N O C H R I S T I

MCCCCLXXXVII.

**J**ohannes Comes Lincolnæ filius & hæres Johannis de la Pole Ducis Suffolciæ, vir animi excelsi & elati, (quem Richardus III, cùm filius suus obiisset, successorem regnique hæredem declaraverat) litteris & nuntiis certior factus, de Idolo hoc in Hibernia pro vero comite Warwicensi recepto, speque ductus, per hunc pontem, viam sibi patefactam, ad Anglicum Sceptum suo titulo obtinendum, si nempe sub hujus Larvæ nomine, proprio suo tempore detegendæ, Regem Henricum opprimeret, in Flandriam trajecit, ubi Dominum Lovellum invenit, qui consiliorum suorum particeps, ibi paulò antè appulerat. Hi arcana ineunt consilia cum Margareta Burgundiæ Ducissa; Edwardi IV sorore, acerbissima familiæ Lancastriensis hoste, de Henrico rege exturbando. Ibi decretum fuit, ut Comes & Lovellus, cum exercitu qui Ducissæ expensis conscriberetur, in Hiberniam primò transfretarent, & inde postea, adjunctis Hibernorum viribus, in Angliam, adversus regem. Exercitus paucis post diebus 2000 Germanorum militum veteranorum conscriptus, sub ductu Martini Swartii, vel (ut alii habent) So-



varpi Germani, veteranæ militiæ gloriâ clari, & navigiis impositus, è Flandriâ solvit, Dubliniûmque ( Hiberniæ Metropolim ) appulit mense Maio : Die deinde Pentecostes, Pseudo-Warwicus iste (cujus suprà mentionem fecimus) Dublinii in Ecclesia cathedrali S. Trinitatis, quam ædem Christi vulgò vocant, post concionem, à Johanne Paino Episcopo Midensi ibi editam, in qua publicatus est titulus ejus ad Coronam, solenniter coronatus est, Præsentibus Deputato, Cancellario, Thesaurario, Comite Lincolnæ, Domino Lovello, & multis aliis è proceribus & viris primariis, tam Ecclesiasticis quàm Secularibus. Coronam quâ usus est, à statua B. Mariæ Virginis, in Ecclesia illius memoriæ dicata, prope portam urbis, quam *Dames-gate* vulgò appellamus, asservata, mutuata ferunt. Hinc per mediam urbem, magno populi applausu, ad castrum Dubliniense deductus est & epulis exceptus. Inter eos quibus præsentia displicebant, numeratur Octavianus Archiepiscopus Armachanus : Is enim (postquàm Kildarium à tam infelici proposito frustra deterrere desudâisset) se subducens, coronationi interesse recusavit, id quod multum ei postea peperit molestiæ. Interim verò sub eientiti Principis nomine, Comitia & Juris fora habita sunt, ac Processus, Tabulæ publicæ & Acta Concilii prodierunt : Speciatim de *Magno Concilio*, ejus nomine & autoritate congregato, fit mentio in Epistola prædicti Octaviani Armachani, ad Præsulem quendam Anglicum, cujus nomen non editur, in quo Concilio, Subsidium

Subsidium à Clero se absente, Papæ concessum asserit, *ad absolutionem à sententiis & censuris quas forsàn novos tumultus contra Regem suscipientes incurrerent, obtinendam.* Epistolæ exemplar habetur in Octaviani Regesto, fol. 152. a. Cæterùm hæc omnia latâ lege, in Parlamento Pontanæ coacto, sub Poyningo Prorege, anno 1494, rescissa sunt & penitus antiquata.

Sub initium Junii hujus anni 1487, Dominus Thomas *Fitz-Gerald* Cancellarii munere se abdicavit, eique successit Rolandus Eustacius Baro Portlesterius. Brevi deinde postea, classis, Concilii decreto, cum ementito hoc Principe, & copiis tam Germanicis quàm Hibernicis, quibus præficiebatur Comes Lincolnæ (suprà dictis Domino Lovello, Dom. Thoma *Fitz-Gerald* & Swarto Germano comitatus) è Dublinio solvit, & vento secundo, Fouldriam apud Lancastrienses in Anglia appulit: Quo se statim contulit Thomas Broughtonus Eques auratus, conjurationis socius: cum parva militum manu. Ita instructi agrum Eboracensem pertranseunt, ubi etiam copiarum quarundam accessionem expectabant, sed frustra. Utcunque animos non despondentes Newarcum versùs properant, sperantes locum subito eorum adventu, facile possessuros. Rex autem, rebellium consilio intellecto, cum exercitu valido, sub ductu Gasparis Ducis Bedfordiæ & Johannis de Vere Oxoniæ Comitis Angliæque Thalassiarchæ, Nottinghamiam (nam illuc tunc nuper venerat) relinquens, non procul à Newarco, castrametatus est, eorùmque transitum ibi interclusit. E diverso,

Lincolniæ Comes, cognito Regis adventu, intrepidè tamen iter institutum continuavit, & eadem nocte, castra fixit apud Stocham viculum, in agro Nottinghamiensi, in ipso fermè conspectu exercitus Regis. Postridiè, Junii nempe 20, Henricus rex, exercitu è castris educto & in tres acies diviso, Stocham profectus est, ubi Comes itidem suos, satis animosè, Swarti directione, in aciem duxit. Dimicatur utrinque fortiter per tres horas, æquo quasi Marte. Tandem verò prima Regis acies, quæ hucusque impetum sustinuerat, reliquis duabus (quod mireris) quasi ociosè prælium tam diù spectantibus, tantâ vi & audaciâ pugnam continuavit; ut occisis primariis hostium Ducibus, cæteri in fugam facilè versi fuerint. In hoc prælio (quod in annum 1489 ~~perperam~~ conjicit Polydorus Virgilius) ex parte ementiti principis, acriter pugnantes occubuerunt Johannes de la Pole comes Lincolniæ, Franciscus Vicecomes Lovellus, Dom. Thomas Fitz-Gerald, quem falsò nonnulli comitem Kildariæ appellant, Mauritius fitz-Thomas Geraldinus, Broughtonus, Plunketus quidam Baronis Killenii filius & Swartus: præter quatuor millia militum gregariorum. Sunt tamen qui Dominum Lovellum in Trento fluvio submersum dicunt, & alii, qui non aquis periisse, sed in caverna quadam subterranea diù postea latuisse & vitam produxisse miseram asserunt. Ex parte Regis dimidium duntaxat primæ aciei cecidit. Capti sunt inter alios, scenicus ille regulus Lambertus Simnellus & astutus sacerdos ejus præceptor. Lambertus, clementiâ Principis inauditâ, postquam crimen agnovisset, & misericordiam Regiam

giam implorâſſet, ad mortem non eſt damna-  
tus, ſed in culinam Regis detrufus, ibi veru ad  
tempus circumegit, & poſteà in numerum ad-  
miſſus eſt accipitrariorum Regis. Sacerdos  
verò clericali ordine privatus, in gurguſtium  
quoddam detrufus eſt. Sic aliqui tradunt.  
Afferunt verò alii, ordinis intuitu, criminis  
atrocitate non obſtante, eum neque morte  
multatum, neque ordine privatum, ſed per-  
petuo tantum carceri adjudicatum.

Sed hanc rem ſuis etiam verbis exhibebit  
Johannes Hereus Medicinæ Doctör, qui Hiſto-  
riam Anglicanam Heroico carmine deſcripſit,  
ab initio Edwardi IV, uſque ad initium Hen-  
rici VIII,

*Lambertus capitur, necnon Simondus inermis,  
E quibus hic tenebris damnatur carceris atri,  
Concludendus ibi, miſero dum vita ſuperſit.  
Ille ex rege novo, lixa eſt & calo creatus,  
Servus ut ad Regis portaret ligna coquinam:  
Regis at accipitres poſthac aluiſſe refertur.  
Sic quamvis meriti tormenta cruceſque fuiſſent,  
Parvâ Rex pænâ ſtatuit ſcelus omne piare.*

Hoc incendio ſic ſopito, Rex in partes ſep-  
tentrionales profeſtus eſt, atque in ea  
profeſſione, non pauci è Simnelli & Co-  
mitis Lincolnæ fautoribus detecti ſunt, è  
quibus nonnulli, ad terrorem aliorum, ul-  
timo ſupplicio fuerunt affecti, alii mag-  
nis pecuniæ ſummis multati, aliique præ-  
fertim tenuioris ſortis, ſine multis condo-  
nati. Hiſque peractis, Rex Londinum rediit,  
ubi magno civium applauſu, exceptus eſt. No-  
vembris inſequentis 25 (die S. Catharinæ)



Uxor ejus Elizabetha Regina magna cum pompa solenniter uncta est & coronata Westmonasterii: Cujus coronationis *Prognosticon*, versibus Lyricis, mox composuit Bernardus Andreas, Poëta laureatus, Regisque Henrici Historiographus.

Rex brevi postea Prætori & civibus Waterfordiæ, quos sibi fidelissimos invenerat, literis suis postquam immotam eorum fidem laudâisset, inter mandata dedit, ut ad usum urbis, naves, bona & merces civium Dubliniensium intercipere conarentur, necnon omnium aliorum, cum iis mercaturam exercentium. Anno etiam sequenti (Maii 12) ad plenius benevolentiae suæ testimonium, novis privilegiis & immunitatibus, Urbis fidelitatem remuneravit. Ad seditionem tamen extinguendam, nullas hætenus copias, (quod mirum videri possit) in Hiberniam misit. Hibernica proculdubio hucusque, eum nimis neglexisse non negandum. Cæterùm hanc culpam aliquantùm correxit anno insequenti, tantâ tamen cum lenitate & clementiâ, (diligere enim quàm metui maluit) ut Principem se ostenderit & misericordem & pacis summo perè amantem, atque inde victoriam incruentam reportaverit, ut ex illius anni narratione, lectori liquidò constabit.

Interim Decembris VII, Jacobus *Fitz-Thomas* Geraldinus, comes Desmondia, qui annos fermè 28, opibus & potentiâ floruerat, à famulis, in ædibus suis Rathkelæ, apud Limericenses, subito crudeliter trucidatus est. Stemma suum is duxit à Mauritio filio Geraldii, qui sub Henrico Secundo, in expugnanda Hibernia, fortem egregiâque navavit operam. Jacobo  
fine



sine prole, saltem mascula, mortuo, Mauritius frater successit, à quo Johannes Mantagh, id est, edentulus, perpetrati sceleris princeps, paulò post captus est & occisus. Atque ita certè plerùmque usu venit, ut qui, aliorum cædibus, manus polluerunt, eos pœna talionis sequuta fuerit. Hoc admonet Horatius, lib. 3 Carmin. Odâ 2,

*Rarò antecedentem scelestum  
Deseruit pede pœna clando.*

Cujus rei veritatem plurimis demonstrare exemplis in promptu est. De Mauritio successore plura postea erit dicendi locus. Sed ad res magis publicas redeamus.

Ad primum victoriæ Regis rumorem, seditionis in Hibernia concidit animus, & de ea paulò postea certiores facti, Kildarius & alii è potentioribus nuntios demùm miserunt, qui factum Regi excusarent, errorem agnoscerent, & veniam quàm humilimè peterent. His nuntiis & submissionibus, Rex aliquantulum lenitus, maturâ rei deliberatione, cum consiliariis suis habitâ, nuntios tandem in Hiberniam remisit, ad Comitem & cæteros, cum literis, in quibus, postquàm nuperæ prodicionis eos infimulâisset, præteritorum tamen veniam cunctis promisit, secundùm merita eorum futura. Ad Hiberniæ administrationem quod attinet, eam pro tempore, Comitis fidei iterum commisit, cum instructionibus quibusdam & mandatis temporis convenientibus & aptatis. Atque ita tandem fucus Lamberti-nus in Hibernia, quasi in fumum evanuit.

Quid

Quid verò Rex fecerit, ne recens rebellio iterum flammam conciperet, in sequenti anno narrabitur. Non negandum enim Regem justas habuisse causas suspicandi scintillas ibi aliquas non adeò plenè fuisse extinctas, quin datâ fortè novâ occasione, incendium denuò ex iis excitari posset.

His diebus de Asylorum immunitatibus, multæ per Angliam & Hiberniam querimoniæ increbuerunt: Hoc itaque anno, exorbitantia quædam eorum privilegia, Innocentius VIII Papa, per Bullam datam Romæ VIII Idus Augusti, imminuit & depressit, ita ut deinceps facinorosi ad ea confugientes, & nova crimina foràs perpetrantes post reditum, Regis aut ministrorum ejus mandato, ad examina subeunda extraherentur; Item, ut obætorum ad ea confugientium bona creditoribus subjicerentur, si hoc in fraudem fecerint creditorum, ut denique læsæ Majestatis convicti similiterque protecti, custodiâ tamen à Rege arctâ includerentur, ne exeuntes pejora perpetrarent. Bulla ipsa habetur Westmonasterii, in egregio Antiquitatum, præcipuè Britannicarum, Thesauro Cottoniano, sub imagine Cleopatæ, E. 3. Criminum impunitatem in Asylis, Græcis urbibus simile olim attulisse malum, imperante Tiberio, donec per Senatus consulta, modus præscriberetur, ostendit Tacitus, Annalium lib. 3.

---

A N N O

## ANNO CHRISTI

MCCCCLXXXVIII.

IN Hiberniam Rex misit hoc anno Richardum Edgecombum Equitem auratum Cornubiensem, Aulæ suæ Censorem, sive (ut loquimur) *Contrarotulatorem*, unum è Consiliariis suis, singulari virum prudentiâ, cum armata 500 militum manu, & potestate tam ad Juramentum fidelitatis & obsequii recipiendum à proceribus, nobilibus minoribus & primariis civibus, quàm ad delictorum veniam concedendam. Eadem gratiâ non paucis è Proceribus & aliis nominatim à Rege prius concessâ: Nam ex Ecclesiasticis, Regiis diplomatibus, condonati fuerant Archiepiscopi Armachanus & Dubliniensis, Episcopi Midenensis, Darenensis & Clonensis, Abbates cœnobiorum B. Mariæ juxta Dublin, S. Thomæ juxta Dublin, Baltinglassensis, Navanensis, Mellifontani, Beëtifensis & B. Mariæ Trimmensis; Priores deinde cœnobiorum S. Petri novæ villæ juxta Trim, Conallensis & Louthensis: Hi etiam ex Proceribus secularibus & aliis viris primariis, Comes Kildariæ, Vice-comes Gormanstonæ, Barones Slanius, Delvinus, Killenius, Houthius, Trimletstonius, Donsanius & Portlesterius, uti etiam primarii utriusque Banci Judices. Hæc mense Maio. Sed ut ad Edgecombum redeamus. Is cum 500 militibus (de quibus suprà diximus) quinque navibus impositis,

positis, ad portum Kinsalæ appulit Junii 27. Verum enim verò, ei animus fuit terram ibi non ingredi, sed juramento fidelitatis, in nave sua, à viris nonnullis primariis recepto, vela protinùs pandere, versùs alia loca. Eodem igitur die, in ipsa nimirum nave, Thomas Dominus Barry Homagium pro Baronia sua, necnon Juramentum fidelitatis coram eo præstitit. Proximo tamen mane, Jacobi Domini Courcæi & opidanorum primariorum importunitate evincente, Kinsalam ingressus est, ubi in Ecclesiæ S. Mæltoci cancello, Courcæus Homagium pro Baronia præstitit, & tam ille quàm opidani juramento fidelitatis & chirographis obstricti sunt. Quibus peractis, & Regiâ condonatione iis concessâ, post prandium, è Kinsala solvit, & ejusdem mensis die ultimo, Waterfordiam appulit, urbem, quæ nullis fucis à debito obsequiò se passa fuerat divelli. Ibi ab Urbis Prætore (quem Majorem vocant) & civibus honorificè receptus est. Postridiè verò, postquàm Urbis fidelitatem & constantiam magnoperè laudâset, Regisque gratias & benevolentiam declarâset, unâ cum protectionis & remunerationis promisso, vela fecit versùs Dublinium, sed ventis adversantibus, eò non pervenit ante quintum Julii, quo die supplices eum exceperunt Urbis Prætor & cives, prope portam cœnobii fratrum Prædicatorum, à quibus fratribus in hospitium receptus est. Mansit ibidem 7 dies, ante reditum Comitis Kildariæ Deputati Hiberniæ à peregrinatione, quam tum nuper susceperat. Julii 12, Comes tandem  
Dublinium



Dublinium rediit, eodemque die Edgecomb us ad cœnobium S. Thomæ in suburbio occidentali, ubi Comes tunc erat, profectus est, deducuntibus Episcopo Midenfi, Barone Slanio & aliis, à Kildario eo fine missis. Ibi postquam in camera magna, literas Regias, non sine signis quibusdam acerbitalis, comiti palam obtulisset, in partem interiorem ambo secesserunt, ubi, præsentibus duntaxat Proceribus, diù collocti sunt, de summâ rerum. Cæterum tunc temporis propter absentiam multorum è Proceribus, nihil decretum. Colloquio eo finito, Comes ad ædes suas Maynothenfes rediit, & Edgecomb us, ad fratres Prædicatores. Postridie (qui dies erat Dominicus) Excommunicationis absolutio, quam à Pontifice procuraverat Rex Henricus, omnibus fidelitatem debitam præstantibus, Edgecombi mandato promulgata est, Dublinii in Ecclesia S. Trinitatis, in concione nempe à Paino Episcopo Midenfi ibi prolatâ. In disceptatione de juramenti suscipiendi formula, inter Edgecomb um & Proceres, dies aliquot postea, tam Maynothæ, quàm Dublinii, elapsi sunt. Conveniunt verò tandem de juramento sequenti,

Ego——promitto & oblige me, quòd deinceps verus fidelis & obediens ero ligeus & subditus Celsissimi Potentissimique Principis Naturalis mei & Prudentissimi Domini Henrici VII, Dei gratiâ Regis Angliæ & Franciæ & Domini Hiberniæ, & heredum suorum, de corpore suo exeuntium, Regum Angliæ. Item, quod nunquam juvabo, assistam aut fovebo aliquos rebelles aut proditores Domini mei prædicti, aut aliquos subditorum



subditorum ejus, qui perpetrabunt aliquid contra  
 eorum fidelitatem & personam Regiam, vel Co-  
 ronam ejus. Et quòd nunquam juvabo vel fovebo  
 privatè vel apertè aliquid quod erit contrarium  
 Bono, Honori, vel Securitati dicti Domini mei,  
 aut heredum suorum Regum Angliæ, in rebus  
 pertinentibus ad conservationem nobilissimæ sue  
 personæ & Status Regalis: sed si contingat quòd  
 aliquo tempore mihi notum erit quicquam ten-  
 dens ad damnum, dedecus, vel molestiam Celsitu-  
 dinis ejus, vel dictorum suorum heredum Regum  
 Angliæ, pro viribus meis reprimam illud & impe-  
 diam. Præterea quamprimum potero, declarabo  
 illud, vel declarari faciam Celsitudini suæ, vel  
 heredibus suis Regibus Angliæ, vel eorum Consi-  
 liariis. Item quòd serviam dicto Domino meo &  
 omnibus heredibus suis Regibus Angliæ, in omni-  
 bus titulis eorum, ad Coronas Angliæ & Fran-  
 ciæ, & Dominium Hiberniæ pertinentibus, & in  
 omnibus ejus & eorum titulis & contentionibus, in  
 causa Coronæ. Et quòd vivam & moriar, cum  
 eo & iis, contra omnes: atque ejus eorumque  
 legitima mandata, pro viribus meis verè & fi-  
 deliter observabo & exequar. Item si aliqui  
 nuntii vel alii cujuscunque ordinis, gradus, vel  
 conditionis missi fuerint à Burgundie Ducissa, vel  
 à quocunque alio, cum literis vel mandatis ad me,  
 vel, quoad noscam, ad aliquem alium, ut me vel  
 illos pervertant à debita fidelitate & obedientia,  
 vel ut incitent seditionem vel rebellionem, inter  
 Regis subditos, vel si aliquis subditus Regis in  
 Hibernia, vel exterius in Hiberniam venerit, &  
 usus fuerit aliquo sermone seditioso, vel indecen-  
 ti, contra Regis personam, aut honorem, Ego an-  
 nuntiar quamprimum ad notitiam meam pervene-  
 rit, capere eum, vel eos, ita, uti dictum est, affe-  
 rentem.

rentem vel afferentes literas, vel nuntia, ad novam seditionem excitandam, vel seminantem vel seminantes sermones seditiosos aut indecentes: Et quod, quantum ad me attinet, faciam eos puniri, secundum eorum demerita, vel aliter eum vel eos mittam ad Regem, cum eorum literis, vel sermonum notitia. Item in posterum non impediam nec impediri faciam executionem & declarationem magnarum Sanctæ Ecclesiæ censurarum, contra quamcunque personam, cujuscunque fuerit status, gradus, vel conditionis, per aliquem Archiepiscopum, Episcopum, Abbatem, Priorem, Rectorem, Vicarium, vel Curatum, intra terram Hiberniæ, authoritate S. nostri Patris Innocentii VIII, concessarum, contra omnes Regis subditos, qui impedient vel perturbabunt Dominum nostrum Henricum Septimum, in titulo Coronæ Angliæ & Dominiæ Hiberniæ, vel aliquo modo molientur seditionem vel rebellionem, vel sustentabunt vel reficient aliquos proditores vel rebelles machinantes destructionem nobilissimæ suæ personæ, vel subversionem dicti regni sui Angliæ & Dominiæ Hiberniæ, sed pro viribus meis adjutor ero in executione & declaratione dictarum censurarum, quoties ex parte dicti Domini nostri Regis requisitus ero, vel sufficientem materiam aut causam habebo. Hæc autem Declaratio facta est absque fraude, aut fallacia: Ita me adjuvet hoc Sanctum Sacramentum, &c.

Ecclesiasticorum autem Juramento adjecta est hæc clausula: Item, in posterum quoties Ego legitimè requisitus ero, ex parte Domini nostri Regis, ad Ecclesiæ censuras exequendas, per authoritatem S. Patris nostri Innocentii Papæ Octavi, & per Bullam ejus sub plumbo, contra omnes  
 Domini

*Domini Regis subditos, cujuscunque fuerint dignitatis, gradus, status vel conditionis, qui impedient aut perturbabunt dictum Dominum nostrum Regem, in titulo suo Coronæ Angliæ & Domini Hiberniæ, vel qui incitabunt seditionem vel rebellionem contra eum, vel qui adjuvabunt, sustentabunt, vel reficient aliquem è proditoribus vel rebellibus ejus qui machinabitur destructionem nobilissimæ suæ personæ, vel subversionem dicti sui Regni Angliæ, vel Domini Hiberniæ, dictas censuras, cum omni solennitate ad easdem pertinente, intra aliquam Ecclesiam meæ jurisdictionis palam & solenniter exequar, ac declarabo easdem censuras in & contra omnes transgressores ejusdem Bullæ, vel exequi & declarari faciam, si causa mihi fuerit nota, vel aliter legitime ex parte Regis nostri, vel heredum suorum Regum Angliæ, monstrata fuerit, & probata. Neque disistam ex amore, odio, invidia, metu, vel aliqua alia causa. Ita me adjuvet, &c. Salvo ordine Episcopali.*

Julii 21, Homagium primum præstitit Geraldus Comes Kildariæ coram Dom. Richardo Edgecombo in cœnobio S. Thomæ, in Camera nimirum magna, vulgò dicta *Camera Regia*. Deinde durante Missâ, ab excommunicatione absolutus est, & more proposito, Fidelitatis juramento obstrictus. Similiter fecerunt Rolandus Eustacius Baro de Portlester, summus Hiberniæ Quæstor, Robertus Prestonus Vicecomes de Gormanston, Jacobus Flemingus Baro de Slane, Nicolaus de Sancto Laurentio Baro de Houth, Christophorus Barnewallus Baro de Trimletston, Johannes Plunket Baro de Donsany, & alii. Item ex Ecclesiasticis, Walterus Fitz-Simons Archiepiscopus

pus Dubliniensis, Johannes Waltonus ejus Prædecessor in Archiepiscopatu, sed qui ante aliquot annos resignaverat, Mannerio tantum de Swordes sibi ad sustentationem, quoad viverit reservato: Item, Johannes Painus Episcopus Midenfis, Edmundus Lanus Episcopus Darenfis, Johannes Pursellus Abbas cœnobii S. Thomæ juxta Dublin. Walterus Champflourus Abbas cœnobii B. Mariæ juxta Dublin. & Jacobus Coganus Prior cœnobii S. Patricii de Holm-Patric, qui omnes postea chirographis porro fuerunt obstricti ad fidelitatis Juramentum observandum. Neque hic prætermittendum Edgecombum, postquam Comes homagium præstitisset, torquem aureum collo ejus aptasse, quem Rex ei miserat, tanquam benevolentiae suæ arrhabonem. His ita peractis, Edgecombis splendido epulo excepit Comitem, & quamplurimos è proceribus, in Domo fratrum Prædicatorum. Postridie, Thomas Meilerus Prætor Urbis & cives primarii in Prætorio, vulgò dicto *The Toulfell*, congregati, fidelitatis juramentum, coram Edgecombo, præstiterunt; & juramenti formulam, sub urbis sigillo, Regi transmiserunt.

Julii deinde 23, Edgecombis, Dublinio Pontanam (quam Droghedam vulgò dicimus) adiit. Dieque proximo, postquam nempe Prætor & opidani juramentum fidelitatis, in Prætorio ibidem, coram eo suscepissent; condonati sunt omnes, & in gratiam Regis (diplomate Regio) recepti. Inde Trimnam profectus est die sequenti; ubi præteritorum venia Præposito (sive *Portgrevio*) & opidanis itidem concessa est; post agnitam Regi fide-



tatē. Ibi etiā Nicolaus Herbertus Prior cœnobii S. Petri novæ villæ juxta Trimmā, Richardus Nangle sive de Angulo Abbas Navanensis & Jacobus de Castro-Martin Abbas Bectiffensis juramentum oblatum præstiterunt, & in gratiam Regis recepti sunt. Dublinium deinde reversus Julii 26, ibi brevi postea, in Domo fratrum Prædicatorum, simile sacramentum, inter alios, dixerunt Octavianus de Palatio Archiepiscopus Armachanus, Philippus Birminghamus summus in Tribunali regio Judex, & Thomas Dowdallus Rotulorum Præfectus. Edgecombi penso ad finem jam fermè perducto Kildarius & nonnulli alii è magnatibus, enixè cū illo egerunt, ut Ketingus Prior (de quo suprā) & Thomas Plunketus summus communium Placitorū Judex condonarentur. Nam hi duo, præcipuè verò Ketingus, Regis iram in se valdè excitārant, quasi nuperæ rebellionis faces & antesignani. Plunketo quidem, illorum intercessionibus, data tandem est venia, Ketingo autem, ob plurima illi objecta crimina, non solum veniam concedere præcisè is recusavit, sed protinùs etiam munere Præfecti castri Dubliniensis amovit, quod per aliquot annos usurpaverat, eique amoto successit Richardus Archboldus, quem Ketingus priùs possessione vi deturbārat. Tunc verò Edgecombus ultimo condonationum negotio confecto, Julii 29, Dalkeyam iter fecit, quò Archiepiscopus Dubliniensis & alii viri primarii non pauci eum honoris ergò deduxerunt. Ibi navem ille conscendit, & Cornubiam versùs vela fecit, sed partim ventis adversantibus partim tempestate impeditus, in Cornubiam non apulit, ante diem 8. Augusti insequentis.

*Circa*



Circa idem tempus, Johannes Painus Episcopus Midenfis (quem falsò liber Houthensis inter Kildarii adversarios numerat) à Kildario & Senatu Regio in Angliam missus est nuntius, tum ad Regem placandum, tum ad adversariorum machinationes prævertendas. Neque defuit sibi è contra, Octavianus Archiepiscopus Armachanus: Nam ut Kildarii & aliorum suorum adversariorum vires faciliùs enervaret, multum egit cum amicis suis in Anglia, de Hiberniæ Cancellariatu sibi obtinendo: licèt irritò successu. Sibi fidum eum fuisse Rex benè novit, veruntamen pro ratione illorum temporum, meritò metuit, ne si eum constitueret Cancellarium, Reip. id detrimento fieret, ne inde nimirum contentiones inter Deputatum & illum tunc temporis fernè extinctæ resuscitarentur, & sic publica Pax disturbaretur.

Brevi postea Kildarius in Moycassellam Mac-Geoghegani regiunculam profectus est, ubi castrum Bilerahum vi cepit & diruit, atque inde milites dispersi prædia circumquaque depopulati sunt, & cum prædis spoliisque domum redierunt.

Idem annus supremus erat Thomæ Haroldo Priori Ecclesiæ cathedralis S. Trinitatis Dublinii, viro gravissimo, qui obiit Februarii 27. Ad hujus rogatum, (Octobris 1. 1486) Henricus VII annuam 20 librarum pensionem dictæ Ecclesiæ concessit, ex redditu civitatis Dubliniensis. Fama obtinet hanc Haroldorum in Hibernia familiam stirpem esse Danicam, sive Ostmannicam.

## ANNO CHRISTI

MCCCCLXXXIX.

**E**X Hibernia accersiti in Angliam transfretarunt Proceres ferè omnes *Seculares*, sive (ut vulgò loquimur) *Temporales*, qui Grenovici (ad 4 ab urbe Londinensi lapidem) in conspectum Regis admissi, ab eo acriter increpati sunt, quòd Lamberti causam propugnassent. Inter alia, Regem dixisse ferunt se putasse eos simias tandem coronaturos, si ipse diu absens fuerit. Afferit præterea liber Houthensis quòd quo primo tempore, in Aula Regia, epulo excepti fuerunt, Rex Lambertum Pincernæ munus pro ea vice obire fecit, eo modo crimen eorum ostendens & redarguens. Cæterum paulò postea in gratiam Regis plenè recepti sunt & honorificè habiti, speciatim in solenni processione Grenovici, Regem ad Ecclesiam comitati, ac benignè demum, pro solita Regis clementia, dimissi. Baroni Houthæ discessuro, ob fidelitatem spectatam, Rex auri signati 300 libras Anglicanas, quæ aureos Gallicos circiter mille faciunt, benevolentia suæ testimonium, dono dedit. Hæc in Anglia.

In Hibernia hoc anno Mauritius comes Desmondia, in duobus conflictibus victor fuit: in altero, vicit & interfecit Murchardum O-Carroll & Mælmurrium fratrem ejus, in altero, Dermidium Cartæum filium Thaddæi.

Mauritius

Mauritius ille (quod recens nominis ejus mentio submonuit) à nonnullis *Claudus* cognominatus est, sed vulgò *Bellicosus*, ob crebros nimirum conflictus, quos cum vicinis habuit; à quibus etiam multa prædia extorsisse ferunt, & sui juris fecisse.

Julii 6, Synodus Provincialis celebrata est ab Octaviano de Palatio Archiepiscopo Armachano, in Ecclesia parochiali B. Mariæ virginis de *Athirde*, aliàs de Atrio Dei, cū interfuerunt Johannes Painus Midensis, Edmundus Cursæus Clochorensis, Gulielmus Ferrallus Ardachadensis, Georgius Dromorensis, Donaldus Fallonus Derensis, Menelaus *Mac-Carmican* Rapotensis, & Walterus Blackæus Cluanensis sive Clonmacnoisensis, Episcopi. In hac Synodo, magna fuit contentio inter Thomam quendam Bradæum filium Andree & alium dictum Cormacum, de jure Episcopatus Kilmorensis sive Triburnensis. Atqui res tandem, communi consensu, subjecta est Midensis, Clochorensis & Ardachadensis Episcoporum arbitrio. Quid tunc temporis concluderint, non comperi: Hoc certè constat ex Regeſto jam dicti Octaviani, utrumque (tam Thomam nempe quàm Cormacum) sexennio postea appellatum fuisse Episcopum Kilmorensem, & interfuisse (quod nimiris) Concilio Provinciali Pontanæ tunc habito, in Ecclesiâ S. Petri.

Eodem anno, 3 Kalendas Februarii, è vitâ migravit Philippus Birminghamus primarius in Tribunali regio Judex, vir Juris patrii prudentiâ insignis, & in cœnobio B. Mariæ virginis juxta Dublin. sepultus est. Tota præterea hæc æſtas valde morboſa extitit, peste ac

febris supra modum grassantibus, unde quamplurimi mortales perierunt. In Anglia sub finem Novembris, Arthurus Regis filius (tum triennis) Walliæ Princeps creatus est.

## ANNO CHRISTI

MCCCCXC.

**H**is diebus Margareta Burgundiæ Ducissa dotaria, (de qua antea) ex odio in Henricum regem & familiam Lancastriensem novum statuit Belli incendium in Hibernia excitare. Primum igitur falsos spargit rumores Richardum Ducem Eboracensem in arce Londinensi non fuisse occisum, ut vulgò ferebatur, sed fugâ evasisse. Postea adolescentulum quendam vero nomine Petrum Osbeckum, sed vulgò Perkinum Warbekum vocatum, exploratorum suorum ope, selegit ad Ducem hunc Eboracensem agendum, filium scil. secundo-genitum Regis Edwardi IV, regniq. fratre suo seniore Edwardo V occiso, hæredem. Erat enim Perkinus vultu & corpore Richardo non dissimilis, ingenio præterea admodum acuto, ætate etiam conveniente: Tornaci quidem editus in Flandria, patre Johanne Osbecko urbis Censore, matre Catharinâ de Faro: Sed qui linguæ Anglicæ non expers erat. Hunc igitur



igitur Ducissa idoneum judicans instrumentum; occultò apud se, per aliquot menses, detinuit, donec nempe eum Principis gestum imitari docuisset, & de omnibus quæ ad Ducem Eboracensem pertinerent, plenè informâisset, cum aliis quibusdam documentis, ad rem tantam suscipiendam necessariis. Ita institutum, clanculùm eum demùm in Lusitaniam misit, unà cum Domina Bramptona, Edwardi Bráмпто*n*i Equitis aurati uxore, ac uno è famulis suis, qui tanquàm explorator actiones ejus quotidie observaret, eoque porrò consilio, ut inde, & non è Flandria, ne machinatio hæc à se profluxisse videretur, in Hiberniam navigaret, quamprimùm ab ea mandatum reciperet. In Hibernia enim non pauci adhuc remanebant, id quod illa satis novit, nominis Eboracensis plurimùm studiosi. Sed Perkinum in Lusitania jam relinquamus, cætera quæ post appulsum ejus in Hiberniam ad eum pertinent, suo loco explicaturi. Interim tamen haud prætermittendum nonnullos etiamnum contendere hunc (Perkinum quem dicimus) verum Richardum Ducem Eboracensem extitisse. Fatendum sanè vitam ejus, (quoad circumstantias) non parvâ involutam obscuritate, præsertim si consideremus tot Principes (ut ex sequentibus patebit) partem ejus contra Regem, per aliquot annos, fovisse. Cæterùm constabit itidem, sub hoc prætextu, quemque suum promovisse negotium, eoque finito, Perkinum deseruisse. Neque novum aut mirum iis videbitur principes imaginarios tanta ausos moliri,

C c 4

quibus



quibus notæ sunt Historiæ Pseud-Alexandri, apud Josephum, & Pseudo-Neronis, apud Tacitum & Suetonium. Sed jam ad institutum pergamus.

## ANNO CHRISTI

MCCCCXCI.

**P**ROcrastinabat adhuc Margareta Burgundix Ducissa Perkinii missionem in Hiberniam. Interim omnia ibi pacata videbantur. Annus tamen vulgò dicebatur infauſtus : nam continuis in æſtate & autumno pluviis, magna erat annonæ caritas per univerſam Hiberniam.

Sub exitum porrò Decembris, poſt Cometam, qui per aliquot dies effulſit, Morbus quidam gravis & peſtilens, à loco ubi primum natus, Sudor Anglicus vulgò nominatus, Hiberniam primum affligere cœpit, quem Medicorum nonnulli manâſſe putant, à malignitate quadam in ipſo aëre, ex crebris & inſalubribus cœli mutationibus, impreſſa. Hujus morbi Symptomata & remedium præſens utpote rem miram, Polydori Virgilii verbis, ad annum primum Henrici Septimi, quo morbus ille Angliam primò vexavit, adſcribere non pigebit, Eodem anno, novum morbi genus pervasiſt per totum regnum, ſub primum Henrici in Inſulam deſcenſum, dira quidem lues & quam nulla ſit ætas antea quod conſtet perpeſſa : ſubito enim ſudor letalis corpus tentabat, ac ſimul dolor caput

caput stomachumque ·vehementi caloris ardore  
affectum infestabat. Quo morbo homines vexati,  
quia alii æstus impatientes, si in lecto erant, stragula  
dimovebant, si vestiti, vestes deponebant,  
alii sitibundi frigidum potum sumebant, alii de-  
mum patientes caloris fætorisque, (nam sudor  
grave olebat) additis stragulis, sudorem provo-  
cabant: ita ut ex omni ægrotantium numero,  
vix centesimus quisque revaleret. At post 24 ho-  
ras, tanto temporis spatio vis ejus morbi sevie-  
bat, abeunte sudore servabantur, non eo tamen  
expurgati erant, quin iterum atque iterum in  
morbum reciderent, multique inde interirent.  
Sed ea res remedium tanto malo ad ultimum  
monstravit: Nam qui semel primò sudârunt, cùm  
deinde tentarentur, observabant ea quæ in pri-  
ma curatione profuissent, & illis pro remedio  
utentes, addebant semper aliquid ad curationem  
utile. Item, & illi iidem cùm iterum in idem  
valetudinis genus inciderent, ex priore observa-  
tione, vim sudoris facile evaderent. Quibus re-  
bus ita usu venit, ut post ingentem mortalium  
stragem, remedium unicuique promptissimum in-  
ventum sit, quod hujusmodi est: Si quis interdix  
sudore corripitur, cùm vestitus, protinùs caba-  
tum eat, sin noctu & in lecto, tum quiescat, nec  
se è lecto moveat, usque ad 24 horas exactas, in-  
terim ita se stragulis oneret, quo non provocetur  
sudor, sed sua sponte molliter stillet, cibi nihil  
capiat, si tam diù tollerare possit, neque plus po-  
tus consueti ac calefacti hauriat, quàm modicè  
satis sit ad sitim extinguendam. Inter hanc cu-  
rationem in primis caveat, ne manum quidem  
aut pedem, sui refrigerandi causâ, extra stra-  
gula proferat, quod facere letale est. Hoc re-  
medium est novo morbo inventum, qui tantum  
Angliam

Angliam id temporis pervasit, & postmodum  
æpè graviter vexavit. Sic Polydorus, qui  
sub exitum anni 1507, Archidiaconatu Wel-  
ensi donatus est.

Observârunt nonnulli hunc morbum ju-  
venes plerunque & viros mediâ ætate flo-  
rentes invasisse, qui si in initio morbi vel  
paululum dormitarent, statim interibant :  
Paucos porrò evasisse quos morbus saturos  
invaserat : Fœminas verò, pueros & senes  
hoc malo rarò correptos. Cæterùm de mor-  
bi illius novitate, non est cur miremur :  
Nova morborum genera nostris etiam tem-  
poribus exoriri quis nescit ? Atque idem  
de temporibus antiquis sentiendum est, ut  
è Plin. lib. 26. cap. 1. satis liquet, ubi  
de temporibus agit quibus novi morbi, no-  
minatim, Mentagra, Carbunculus, Ele-  
phantiasis, Gemursa, & Colus in Italia  
primùm cœperunt. Sed de his satis superque.  
Pergamus jam ad alia.

Junii 22 Elizabetha Regina filium Regi  
peperit Grenovici in Cantio, Henricum  
nuncupatum, qui postmodum regnavit.

Sub exitum Novembris, Kildarius Parla-  
mentum Trimmæ indixit, tenendum die Ve-  
neris proximo post festum Epiphaniæ Do-  
mini. Sed de Legibus vel Actis ibi latis,  
nihil quod sciam extat.

Januarii 15 è vita migravit Thomas Scro-  
pus aliàs de Bradley fermè centenarius, vir  
genere ortus nobili, sed virtutibus nobili-  
or, qui dum Carmelita esset Norwicen-  
sis, ab Eugenio IV Papa, designatus est  
Episcopus Dromorensis in Hibernia. Post ac-  
ceptam verò episcopalem dignitatem, (verba  
sunt

sunt Johannis Lelandi Antiquarii hætenus inediti) Rhodians militibus charissimus fuit : Nam apud illos Legati functione usus est. Præterea Romæ in pretio erat , magnamque cum Eugenio IV , cui libros aliquot historicos, de rebus Carmeliticis dedicavit , gratiam iniverat. Vixit ad decrepitam usque ætatem. Mortuus est anno Dom. 1491. Sepulchrum ejus ostenditur Lovetofti, opido maritimo & limitaneo Sudovolgæ. Sic ille. Scropi liber, quem de Carmelitani ordinis Institutione scripsit , etiamnum extat Cantabrigiæ in Bibliothecâ publicâ. Is diu antè obitum episcopatu se sponte abdicavit, & Carmelitarum disciplinæ se denuò submisit , in cœnobio ejusdem ordinis Lestofti, ubi , à mundanis occupationibus segregatus vixit. Successit ei in Episcopatu (tempore Henrici VI Regis) Thomas Radcliffus, qui sicut prædecessor, in Anglia vixit, & (quantum auguror) sedem suam Episcopalem nunquam vidit. In libro Benefactorum Ecclesiæ Dunelmensis , olim vulgò dicto *Libro Vitæ*, fol. 57. b. is appellatur *Magister Thomas Radcliff Episcopus Dromorensis & Suffraganeus Dunelmensis*. Habetur liber iste in egregia Bibliotheca Dom. Thomæ Cottoni Baronetti , ( sub Domitiano , A. 7 ) cujus libri prior & antiquior pars literis aureis & argenteis exarata est. Extrema Scropi senectus confirmare videtur eorum opinionem qui animi tranquillitatem & victum monasticum , secundum regulas strictiores , ad valetudinem & longævitatem plurimum conferre putant.

Hæc



Hæc sub exitum anni. Interim in Ultonia, dissidiis indies crescentibus, inter Conum O-Nealum Tironiæ Dynastam & Odonem (sive Hugonem) Rufum O-Donellum Tirconallium, utérque tandem, mense Augusto, per amicorum intercessionem, ad Kildarium (Deputatum) profectus est, ut ab illo, post auditas querelas, pax si commodè id fieri posset, componeretur. Suscepit Comes reconciliationis negotium; atqui per litigantium pertinaciam, sine fructu. Redeunt itaque illi in Ultoniam, ubi post prædas utrobique passim abactas, pugna tandem inter eos commissa est, in qua multi utrínque ceciderunt, sed plures ex parte O-Donelli. Cæterùm Conus haud ita diù post, nempe VI Idus Januarii 1492 (stylo Anglicano) per Henrici fratris malas artes trucidatus est. Tùmque Tironia ad tempus quasi divisa fuit, dum altera pars incolarum Henricum sequeretur, altera, Donaldum fratrem (ut opinor) seniore, donec resignante tandem Donaldò, anno 1497, eo ambitionis obice amoto, Dynastiam solus occupaverit Henricus. Verùm non diù duravit hæc malè parta potentia, uti suo loco postea patebit.

*Audax omnia perpeti (inquit Horatius)*

*Gens humana ruit per vetitum nefas.*

Ad O-Donellum quod attinet, Is porrò VII Kalendas Junias 1497, (ut omnia simul congeramus) præfecturâ se abdicavit, & in ejus locum suffectus est Conus filius, die Martis proximo



proximo sequenti. Vixit postea Odo ad annum usque 1505, quo senex decessit 5 Idus Julii, & in cœnobio fratrum Minorum observantium de Donagall, quod ipse fundaverat, sepultus est. Hæc ideo hic conjunximus, ne series narrationis interromperetur.

Ut verò ad hunc annum redeamus: Ad Monetariorum corruptelas fraudesque prævertendas, Martii die XXIX, Nicolaus *Flyn*, à Rege constitutus est *Supervisor* officinarum monetariarum Dublinii & Waterfordiæ. Mense etiam Aprili sequenti, prodiit Edictum Regis contra nummos adulterinos, antea in Hibernia cufos.

---

## ANNO CHRISTI MCCCCXCII.

**D**E novis quibusdam in Hibernia machinationibus, Rex Henricus jam certior factus, in locum suspecti Comitis Kildariæ suffecit (rebus suis ita ut judicabat poscentibus) *Walterum Fitz-Simons* Archiepiscopum Dubliniensem, cum titulo Deputati Gasparis Duceis Bedfordiæ *Locum-tenentis* Hiberniæ. Sub idem etiam tempus, amoto Rolando *Fitz-Eustace* Barone Portlesterio, Kildarii socero, à munere summi Hiberniæ Quæstoris, quod annos plusquam 38 administraverat, ad locum illum promovit Jacobum Ormondium Equitem

Equitem auratum, filium nothum Johannis tum nuper Comitis Ormoniae, (in peregrinatione Hierosolymitana defuncti, circa annum Domini 1478) cum modica militum manu, protinùs in Hiberniam misit. Hæc mense Junio. Cæterùm de Actis ejus, quæ ad hunc annum pertinent, post appulsum, nihil traditum reperi, præterquàm quòd velitatione una vel altera, prope Dublinium, cum Kildario & Geraldinis decertavit. Hæc res utrique familiæ magna attulit detrimenta. Inter alia, hinc ansam arripuerunt Hibernicæ originis non pauci, Anglorum limites, incendiis & direptionibus vastandi. Junii itidem XI, Alexander Plunketus ex ordine equestri Hiberniæ Cancellarius à Rege constitutus est: De quo munere fideliter administrando sacramentum præstitit Dublinii, 26 insequentis Septembris. Eodem etiam die Thomas Butlerus *Rotulorum* Cancellariæ Præfectus designatus, muneris sui juramentum suscepit. Paulòque antea, 20 nempe Augusti (nam annus hic fuit mutationibus memorabilis) Nicolaus Turnerus (amotò Plunketo) summus communium placitorum Judex simile loci sui sacramentum præstitit.

Inter hæc, Henricus noster ad Carolum Octavum Gallorum regem, Legatos misit Thomam Comitem Ormoniae, Regiæ Camerarium summum & Thomam Goldstonum Priorem Ecclesiæ cathedralis Cantuariensis, viros prudentes & integerrimos, de fœdere inter eos, si commodè id fieri posset, transigendo, *quod negotium utrinque*

*trinque artificio* ( inquit Polydorus ) *summo agebatur.* Cæterùm Caroli consilio de nuptiis inter se & Annam Armoricæ sive Britannicæ Ducissam hæredemque conficiendis , jam plenè detecto , Legati ( ad eam præcipuè rem devalandam missi ) Henrici jussu , qui moleste tulit quod Gallus his nuptiis Britanniam in suam ditionem redigeret , in Angliam , re infectâ redierunt. Comitem hunc Ormonicæ ( digressioni ignosce ) ut singulari Principis sui favore , ita opum affluentia floruisse ferunt , & cùm post aliquot annos in Hiberniam rediret , immanem pecuniæ summam secum portasse. Afferunt nonnulli expressè quadraginta millia librarum monetæ Anglicæ , præter argentum cælatum , post mortem ( quæ Londini accidit anno 1515 ) in loculis suis reliquisse. Res mira certè , & , pro illorum temporum ratione , vix credibilis.

Verùm ut in instituto cursu progrediamur ; Dirupto mox inter Reges negotio pacis ; belloque utrîque indicto , Burgundicæ Ducissa tempus jam nacta ut putabat opportunum , missis per nuntium Ulissiponem in Lusitania literis , Perkinum , sine mora , in Hiberniam trajicere mandat. Is literis perlectis , ad iter protinùs se paravit , atque navè conscensâ , haud multò post , Corcagiam appulit , urbem 100 milliaribus versùs austrum , à Dublinio distantem. Ibi ( si qua fides sit adhibenda confessioni , manu sua propria , in Anglia postea descriptæ ) cives quidam eum splendidè vestitum videntes,

tes, filium esse affirmârunt Georgii nuper Ducis Clarentiæ, alii, filium nothum Richardi III, demum verò, conjunctis suffragiis, eum pro certo esse Richardum Ducem Eboracensem, filium secundum Edwardi IV. Addit Confessio ejus hæc se primò juramentis abnegâsse, coram Urbis Prætore & civibus, sed per eorum importunitatem & copiarum promissa, quasi partim ab Urbe, partim à Comitibus Kildariæ & Desmonix, in ejus auxilium adversus Regem conscribendum, illis se tandem dedere adactum. Sic ille de seipso. Sunt tamen, quibus ego potius fidem habeo, qui disertè tradant statim post appulsum in Hiberniam, se pro Richardo Duce Eboracensi palàm gessisse, & à civibus Corcagiensibus magnâ gratulatione exceptum, sed præcipuè à Johanne *Water* mercatore. Fama etiam manet eum *Wateri* *apprenticium* (ut vocant) ibi aliquando extitisse, quod nec affirmare mihi animus est, nec refellere. Literæ ejus ad Comites Kildariæ & Desmonix missæ etiamnum extant, quibus eos oravit, uti sibi in oppugnando Henrico non deessent, sed auxiliares mitterent copias, ad jus suum recuperandum. Atq; ita Hibernia his temporibus quasi Theatrum fuit, quod intrârunt personati Principes, licèt brevi, personis depositis, è Theatro extrusi. Cùm hæc comperisset Carolus Rex Gallicus, hanc ansam avidè arripiens, Perkino per nuntios protinùs significavit sibi deliberatum esse auxilia illi abundè præstare, ad regnum suum recuperandum, ab usurpatore, professo Galliæ hoste, eoque nomine rogavit eum, ut ad se in Galliam properaret. Magnis hisce pollicitationibus



tionibus Perkinus exultans, & omnia sibi jam ratus ex animi sententia succedere, instigatus prætereà à prædictis nuntiis, nimirum Ludovico quodam deLaques & Stephano Friono, nuper Regis Henrici Amanuensi pro lingua Gallica, sed qui Regi nescio unde infensus, ab eo nuper defecerat, rem cum amicis præcipuis & fautoribus communicavit, eorumque consilio, brevi postea vela fecit Galliã versùs; ubi ventis faventibus incolumis appulit, & ad Aulam Regis deductus, ab eo, Ducis Eboracensis nomine salutatus est & honorificè exceptus. Hæc palàm: Sed reverà nulum alium in finem Rex ista fecit, quàm ut Henricum nostrum ad æquiores Pacis condiciones flecteret: nam negotio pacis postea transacto, Perkinus citò neglectus est. Is igitur ex metu (ut creditur) nè Henrico in manus traderetur, in Flandriam clanculùm ad Ducissæ Curiam confugit, ubi quasi verus Edwardi I V filius tum primùm ab ea visus, perhonorificè receptus est.

Hoc tempore, Prophetia Sancti Cataldi Hiberni, Episcopi primùm Rachuensis in Momonia, (quæ Provincia est australis Hiberniæ) deinde Tarentini in Italia, plumbeis laminis inscripta, Tarenti inventa fuisse dicitur, & Ferdinando Primo Regi Arragoniæ & utriusque Siciliæ ostensa. Mira quæ tam de Prophetia ipsa, quàm de inventione ejusdem traduntur, petas ex Alexandro ab Alexandro, (qui tum vixit) in Genialium dierum, lib. 3, cap. 15. De Monumentis publicis, & Libris olim plumbeis laminis confectis, vide



etiam Herman. Hugon. lib. de Prima Scribendi origine, cap. 10.

Sed hunc annum, nihil magis nobilitat quàm Christophori Columbi Genuensis Navigatio, quâ novus quasi Orbis in Atlantico Oceano Ferdinandi Castellæ Regis auspiciis, tum primùm Europæis, ut plerique putant, detectus est. Non desunt qui huic detectioni, tanquàm vaticinium, referunt illud Senecæ, in Medea,

—————*Venient annis*  
*Secula seris, quibus Oceanus*  
*Vincula rerum laxet, & ingens*  
*Pateat tellus, Typhisque novos*  
*Detegat orbes, nec sit terris*  
*Ultima Thule.*

Ista mutuâTe videtur Seneca ex Platonis Dissertatione, in Phædone, de Orbe incognito. Quantum sibi & gloriæ suæ, è procrastinatione, defuit Rex noster Henricus, cui rem priùs obtulerat Columbus, judicent alii. Ad Hibernica nunc redeamus.

Tanta erat per Hiberniam hâc æstate ficitas, ut quamplurimi fluvii fermè siccati essent, & pecora passim siti perirent. Sæviit etiam paulò postea pestilentia, quâ, inter plurimos alios, sublatus periit Jacobus Flemingus, (sive Flandrensis,) Baro Slanius, cui successit Christophorus filius, qui postmodum ab Henrico VIII, Januarii 13 (stylo Anglicano) 1513, summus Hiberniæ Quæstor constitutus est. Denique non abs re erit verbo memorare, Cometam hoc anno, per duorum mensium spatium post solis occasum, effulxisse.

A N N O

## ANNO CHRISTI

MCCCCXCIII.

SUB finem Junii (nempe die Veneris proximo post festum Nativitatis S. Johannis Baptistæ) Walterus Archiepiscopus Dubliniensis Deputatus Gasparis Ducis Bedfordiæ Locum-tenentis Hiberniæ. Ordines ad Parlamentum Dublinii evocavit, in quo irritæ declarantur *Inquisitiones* omnes adversus eum, Rolandi Baronis Portlesterii instigatione, antea compertæ. Ipsi porrò Baroni, subitâ rotæ conversione, dies in *Scaccario* sistendi indicitur, ad rationem reddendam muneris sui, dum summus esset Hiberniæ *Quæstor*, sub pœna amissionis terrarum & bonorum, nec non corporis disponendi, pro voluntate Regis. Quando vel quo pacto sedata fuerit hæc tempestas, non comperi. Tunc porrò cives Waterfordienses, qui in Comitibus Parlamentariis, ante aliquot annos, sub Geraldō comite Kildariæ habitis, damnati fuerant, latâ lege, plenè restituti sunt, & Statutum contra eos, sic antea editum, antiquatum est & abrogatum: Urbis etiam possessiones & immunitates confirmatæ. Iisdem Comitibus, ad seditiosorum quorundam machinationes prævertendas, Augusti dies 12 dictus est Johanni Water civi Corcagiensi, uni è præcipuis Perkinii fautoribus (cujus supra fit mentio) comparendi, & Præfecto five *Constabulario* Castri Dubliniensis in manus se reddendi,

etiam Herman. Hugon. lib. de Prima Scribendi origine, cap. 10.

Sed hunc annum nihil magis nobilitat quàm Christophori Columbi Genuensis Navigatio, quâ novus quasi Orbis in Atlantico Oceano Ferdinandi Castellæ Regis auspiciis, tum primùm Europæis, ut plerique putant, detectus est. Non desunt qui huic detectioni, tanquàm vaticinium, referunt illud Senecæ, in Medea,

—————*Venient annis*  
*Secula seris, quibus Oceanus*  
*Vincula rerum laxet, & ingens*  
*Pateat tellus, Typhisque novos*  
*Detegat orbes, nec sit terris*  
*Ultima Thule.*

Ista mutuasse videtur Seneca ex Platonis Dissertatione, in Phædone, de Orbe incognito. Quantum sibi & gloriæ suæ, è procrastinatione, defuit Rex noster Henricus, cui rem priùs obtulerat Columbus, judicent alii. Ad Hiberrica nunc redeamus.

Tanta erat per Hiberniam hâc æstate siccitas, ut quamplurimi fluvii fermè siccati essent, & pecora passim siti perirent. Sæviit etiam paulò postea pestilentia, quâ, inter plurimos alios, sublatus periit Jacobus Flemings, (live Flandrensis,) Baro Slanius, cui successit Christophorus filius, qui postmodum ab Henrico VIII, Januarii 13 (stylo Anglicano) 1513, summus Hiberniæ Quæstor constitutus est. Denique non abs re erit verbo memorare, Cometam hoc anno, per duorum mensium spatium post solis occasum, effulxisse.

A N N O

## ANNO CHRISTI

MCCCCXCIII.

SUB finem Junii (nempe die Veneris proximo post festum Nativitatis S. Johannis Baptistæ) Walterus Archiepiscopus Dubliniensis Deputatus Gasparis Ducis Bedfordiæ Locum-tenentis Hiberniæ. Ordines ad Parlamentum Dublinii evocavit, in quo irritæ declarantur *Inquisitiones* omnes adversus eum, Rolandi Baronis Portlesterii instigatione, antea compertæ. Ipsi porrò Baroni, subitâ rotæ conversione, dies in *Scaccario* sistendi indicitur, ad rationem reddendam muneris sui, dum summus esset Hiberniæ *Quæstor*, sub pœna amissionis terrarum & bonorum, nec non corporis disponendi, pro voluntate Regis. Quando vel quo pacto sedata fuerit hæc tempestas, non comperi. Tunc porrò cives Waterfordienses, qui in Comitibus Parlamentariis, ante aliquot annos, sub Geraldō comite Kildariæ habitis, damnati fuerant, latâ lege, plenè restituti sunt, & Statutum contra eos, sic antea editum, antiquatum est & abrogatum: Urbis etiam possessiones & immunitates confirmatæ. Iisdem Comitibus, ad seditiosorum quorundam machinationes prævertendas, Augusti dies 12 dictus est Johanni Water civi Corcagiensi, uni è præcipuis Perkinii fautoribus (cujus supra fit mentio) comparendi, & Præfecto five *Constabulario* Castri Dubliniensis in manus se reddendi,

dendi, sub criminis *feloniae* poena. Idem-que dies, ob eandem causam, assignatus est Philippo Water (Johannis filio) Decano Limericenti, & aliis expressim in Statuto nominatis; inter quos fuit Edmundus Comerfordus Decanus Kilkennienfis, qui tamen feliciter absolutus, postea Episcopus evasit Ossorienfis, ut suo loco narrabitur. In eodem denique Parlamento, (ut quæ minoris sint notæ prætermittamus) omnes Coronæ possessiones, quæ post annum primum Henrici Sexti concessæ fuerant, sive alienatæ, Regi restitutæ sunt, cum cautionibus tamen quibusdam, in Statuto expressis. Mense Augusto sequenti, hoc Parlamentum solutum est.

Paulò deinde postea, circa sextum scilicet insequentis Septembris, Waltero Archiepiscopo Dubliniensi successit in munere Deputati Gasparis Ducis Bedfordiæ Locum-tenentis Hiberniæ Robertus Prestonus Eques Auratus, primus Vicecomes Gormanstonensis. Quem honorem concesserat ei Edvardus IV. Is, simul ac gladium Authoritatis accepisset, Proceres & alios viros primarios, è Pagis sive (ut vulgò loquimur) Comitatus Midia, Dublinii, & Kildariæ, qui interesse poterant, Trimmam convocavit, ubi duodecimo ejusdem mensis (die scilicet præstituto) convenerunt Dom. Alexander Plunketus Cancellarius, Geraldus Comes Kildariæ, Johannes Paynus Episcopus Midenfis, Edmundus Lanus Episcopus Darenfis, Christopherus Flemingus Baro Slanius, Richardus Nugentus Baro Delvinus, Edmundus Plunketus.

Baro



Baro Killenius , Nicolaus à S. Laurentio  
 Baro Houthius , Christophorus Bannewal-  
 lus Baro Trimletstonius , Johannes Plun-  
 ketus. Baro Donsanius , Gulielmus Darcy  
 & Gulielmus Wellesley Equites Aurati , &  
 alii deinde nonnulli , qui omnes , 4 die  
 postea , ad Articulos quosdam Paci Regni  
 consulentes observandos , & chirographos de-  
 derunt & obsides. Articulorum præcipui  
 fuerunt , ad Militiam sine Proregis sive *De-  
 putati* assensu cohibendam , & ad tributa  
 quædam Hibernica tollenda , cum quibusdam  
 aliis , in homicidas , deprædatores & er-  
 rones. Parlamentum porrò Pontanæ sive  
 Droghedæ habuit , cuius Statuta non ex-  
 tant. Atqui illud Parlamentum in proxi-  
 mis Comitibus , sub Poyningo habitis , an-  
 no sequenti , vacuum adjudicatum est ac  
 invalidum , idque propter rationes se-  
 quentes , Primò , quòd Dux Bedfordiæ ,  
 Locum-tenens Hiberniæ , cuius Deputatus  
 ille fuit , munus suum abdicasset , ante  
 Parlamenti citationem : Secundò , quòd  
 citatio non esset generalis , sed quatuor tan-  
 tum comitatibus directæ : Tertio denique,  
 quòd in diplomate Regio quo Deputatus  
 is constitutus est nulla data esset ei pote-  
 stas Parlamentum convocandi. Interim men-  
 se Octobri, Walterus Archiepiscopus Dub-  
 liniensis in Angliam profectus est , ubi Re-  
 gem , de Statu rerum Hibernicarum plenè  
 informavit.

Porrò Kildarius (quod oblivione non est te-  
 gendum) de criminationibus, ab adversariis,  
 in Aula Anglica, in se comparatis, certior fa-  
 ctus , mense Novembri in Angliam etiam

trajecit, ut de criminationibus objectis, se apud Regem purgaret. Ibi auditus quidem, sed responsis ea tempestate à Rege non probatis, in Hiberniam remissus est anno sequenti, cum Edwardo Poyningo Equite, Hiberniæ Deputato designato, ad examen ibi subeundum. Inter Comitibus adversarios inprimis memoratur Jacobus Ormondus, Hiberniæ Thesaurarius, qui paulò antè, prædia ejus & amicorum in agro Kildarensi, ferro flammæque devastârat, posteaque Gulielmo Prestono Equite aurato Vicecomitis Gormanstonii filio muneris sui Vicario sive (ut loquimur) *Deputato* relicto, in Angliam properaverat, ubi coram Senatu Regio, crimina haud pauca Comiti objecerat.

Hoc etiam memoratu fortassis non est indignum, quòd sub initium hujus anni Johannes *Serjeant* Prætor Dubliniensis (quod munus bis etiam antea obiverat) in carcerem conjectus est, arcem nimirum Dubliniensem, & in ejus locum, pro residuo anni suffectus est Richardus *Arland*. Quodnam Serjeanto crimen objectum fuerit, pro certo non habeo compertum, nec quid de eo postea factum. Suspiciantur aliqui postulatum tanquam Perkinii fautorem & conjurationis ejus affinem.

Hæc domi. Dum verò hæc in Hibernia agentur, non sibi defuit Henricus; nam ut facilius Ducissæ Burgundiæ & Pseudo-Ducis Eboraci molitiones subverteret, non paucos misit in Flandriam exploratores, sub variis prætextibus, qui munere suo tam fideliter perfuncti sunt, ut multi in Anglia conjuratores detecti fuerint, & de toto mysterio Rex plenam

nam habuerit informationem. Hinc ex conjuratis in Anglia præcipui capitali supplicio affecti sunt. Quid verò de Rebus Hibernicis stabiliendis fecerit, in anno sequenti narrabitur.

---

## ANNO CHRISTI

MCCCCXCIV.

**D**Ecreverat jam Henricus viros aliquos fidos & prudentes in Hiberniam mittere, cum ad Perkini imposturam detegendam, tum ad fautorum machinas subvertendas. Uno igitur eodémque tempore, 13 videlicet Septembris, Edwardum Poyningum Equitem auratum, unum è Consiliariis suis, Hiberniæ designat Deputatum, Henricum Deanum Episcopum Bangorensem (in Wallia) & utriusque Lanthoniæ Priorem, Cancellarium, Item Hugonem Conway Equitem auratum summum Questorem sive (ut nunc loquimur) Thesaurarium, per Jacobi Ormondii resignationem. Novi etiam sub id tempus constituti sunt Judices, videlicet, Thomas Bouringus, summus in Tribunali Regio Judex, Johannes Topclifus, primarius Communium placitorum Judex, & Walterus Everus primarius Fisci Regii Baro, viri Legum Anglicarum consultissimi. Hos omnes protinus in Hiberniam misit, unà cum copiis quibusdam, sub Poyningi ductu, sed ad numerum vix 1000. Hi tunc paucis post diebus Houtham

appellantes , ad septimum à Dublinio lapidem , inde Dublinium progressi sunt , ubi Poyningus gladium, pro more , à Prædecessore accepit, & cæteri administri Regii suprâ memorati in Senatorum Regionum album ascripti. Brevi postea Poyningus, conjunctis simul universis copiis , tam suis nempe ex Anglia deductis , quàm aliis , à Kildario & Jacobo Ormondio collectis , in Ultoniam festinat , adversus Perkini participes , qui illuc confugerant , & alios Rebelles. Ibi ferro & igne devastare cœpit territoria O-Hanloni , Magenissi & aliorum vicinorum : Hibernis interim in sylvas & loca uliginosa aufugientibus. In exercitu tunc erat Jacobus Ormondus , qui flammæ oleum adjecisse dicitur. Ferunt porrò Kildarium, ( qui ibi etiam aderat ) indignatione contra Poyningum exardentem , tanquàm adversariis suis indulgentiorem & eorum machinas promoventem , clandestina agitasse consilia , cum Dynastis quibusdam Hibernicis , de Deputato oppugnando , & speciatim cum Malachia O-Hanlono ( in cujus regione Deputatus tunc erat ) de eo interimendo. Sunt tamen qui non sine causâ arbitrantur hanc famam à Comitibus adversariis disseminatam , ad ruinam ei accelerandam. Atque hoc verisimilius videtur , tum quia O-Hanlonus , adhibito biennio postea solenni juramento , Comitem illius sceleris immunem declaravit , tum quia comes in Angliam paulò post missus , & à Rege auditus , feliciter tandem absolutus est , ut suo postea loco patebit. Sub eodem tempore,  
 Jacobus



Jacobus Comitis frater, ejusque etiam, uti fertur, consilio & jussu, castrum Catherlaghenfe, ad tricesimum ab Urbe lapidem, ex improvise occupavit, & præsidio firmavit. De hac re, ut primum Deputatus rescivit, reditum acceleravit, & acceptis obsidibus à Magenifio & O-Hanlono, de pace observanda, Catherlagham adiit, ubi arctâ castrum cinxit obsidione, ac post unam vel alteram septimanam, deditione cepit. Inter hæc, Summum Concilium (quod Parlamentum vocamus) indixit. Die Lunæ proximo post festum S. Andreæ Apostoli hoc Parlamentum Pontanæ inchoatum est, in quo Impositiones illæ gravissimæ, **Coyu**, **Liberp**, &c. penitus exterminantur, & Subsidiaria pecunia eâ conditione, Regi offertur. Multæ porro aliæ tunc temporis Leges sancitæ sunt. Inter quas, de Parliamentis in Hibernia in posterum non habendis, ante Rationum pro indicendo, & Actorum aliquot sancientorum transmissionem, sub magno Sigillo Hiberniæ, ad Regem & Concilium, eorûmque Actorum approbationem impetratam, unâ cum licentia indicendi Parlamentum, à Rege adepta, sub magno Sigillo Angliæ. Item, Lex ea memorabilis, quæ (sicuti & prior) hodiè vulgò *Poyningi Lex* vocatur, De publicis Angliæ Statutis tum nuper ordinatis, in Hibernia etiam recipiendis. Antiquorum siquidem Angliæ Statuta fuerant antea (ut observant Jurisperiti) in Hibernia recepta. Item alia Lex ut Proceres, trabeis sive togis Parlamentariis vestiti in Comitibus apparerent, uti solebant



bant ante annos 20, vel ut maximè 24. Ad Pacem itidem publicam conservandam, Statuta quædam Kilkenniensia confirmantur, cum honorifico Elogio, de Hiberniæ felicitate, dum Statuta ea, ibi observarentur: Homicidium ex malitia præcogitata & Bellum gestum contra Locum-tenentem; Deputatum, vel Anglicam gentem, fiunt læsæ Majestatis crimina: Potestas pacem vel bellum transigendi & sclopos vel majora tormenta retinendi, sine Gubernatoris licentia, restringuntur: Verba illiciti Patrocinii, & quæ dissidia inter nobiles familias alebant, videlicet, *Crom-abo*, *Butler-abo*, (hoc ab Ormonio, illud à Kildario usurpatum) & similia abrogantur. Inter quæ numeranda Desmonii *Shannet-abo* & Clan-Ricardi *Galriagh-abo*. Nonnullaque alia hujusmodi sancita sunt, tempori aptata. In hoc etiam Parlamento, ad petitionem Dom. Johannis Kendalli Prioris Hospitalis S. Johannis Hierosolymitani in Anglia, nomine & vice Domini Magistri Rhodi, lata est lex, quâ irritæ declarantur omnes alienationes & concessioness factæ per Jacobum Ketingum (de quo antea diximus) Thomam Talbotum proximum ejus antecessorem & alios Priores Hospitalis ejusdem ordinis in Hibernia. Aliæ porro leges sancitæ fuerunt, de gemmis, ornamentis & reliquiis ejusdem Prioratus restituendis, à Ketingo oppignoratis: Deq; Præceptoribus (ut loquimur) ab eo constitutis exauthorandis, & de munere Prioris illius Ordinis in Hibernia nemini concedendo, nisi ex Anglico sanguine, & sustentationem ab eodem ordine in Anglia percipienti. In hoc denique Ordinum conventu, Geraldus Comes

Comes Kildariæ, Jacobus *Fitz-Thomas-Gerald*, comitis (ut opinor) frater, de quo suprâ diximus, & multi alii ex Geraldinis & eorum participibus rei facti sunt proditionis. Comes etiam ipse, Poyningi jussu, captus & Pontanam evectus, inde in Angliam paulò post captivus missus est. Cæterum eventus præter expectationem: Nam à Rege tandem probatus, omnibus juribus (quod suo tempore opportuniùs commemorandum) restitutus est.

Parlamento nondum soluto, Deputatus aliam suscepit expeditionem adversus Rebelles: sed tunc etiam propter nemora & loca uliginosa, ad quæ aufugerant, sine fructu sperato. Interim antequàm discederet, potestatem quandam vicariam Deano Cancellario delegavit, Parlamentarium conventum continuandi, in ulteriorem diem rejiciendi, prorogandi, dissolvendi. Hujus Parlamenti Statuta (quod obiter annotatum) linguâ Anglicâ scripta sunt, quùm priorum Comitiorum Statuta linguâ antiquâ Gallicâ scripta essent & in Rotulos digesta.

Sub id tempus defecit *Fraternitas* militaris S. Georgii, quam ad defensionem Comitatum Dublinii, Kildariæ, Midia & Louthæ, Autoritas Parlamentaria mense Decembri 1479, sub Edwardo IV Rege, erexerat. Constabat hæc Societas ex 13 viris primariis, qui Dublinii annuatim, die S. Georgii, ex seipsis Ductorem eligebant, pro anno sequenti, Ductori tamen suberat admodum parva armatorum manus, solùm nempe 200. Primi qui electi sunt in hanc Societatem fuerunt,

*E comitatu Kildariensi.*

Geraldus Comes Kildariæ, tunc Deputatus  
 Richardi filii secundi Edwardi I V Regis,  
 Ducis Eboracensis Hiberniæque Locum-tenentis,

Rolandus Eustacius, Baro Portlesteriæ &  
 summus Hiberniæ Quæstor,

Nicolaus Woganus Eques auratus.

*E comitatu Dubliniensi,*

Dom. Jacobus Ketingus Prior Hospitalis S.  
 Johannis Hierosolymitani in Hibernia,

Robertus à S. Laurentio Baro Houthæ,  
 Prætor Dubliniensis.

*Ex agro Midenfi.*

Robertus Prestonus Vicecomes Gormástonæ,

Jacobus Flemingus Baro Slanæ,

Johannes Plunketus Eques auratus,

Alexander Plunketus Armiger.

*Ex agro Louthensi.*

Richardus Belleu Armiger,

Prætor Pontanensis,

Nicolaus Taaf Armiger.

Sed ut pergamus: Aprilis 28 obiit Jacobus Walæus S. Theologiæ Doctor, Ordinis Minorū aliquando Episcopus Darenfis, & Londini, in cænobio ejusdem ordinis (cujus *Gardianus* fuerat) sepultus est, cū in eodem cænobio, Episcopatu Darenfi ultrò abdicato, in magnâ tranquillitate, diū vixisset, factus interim Episcopi Londinensis suffraganeus. Mense Septembri insequente, Nicolaus Episcopus Elphinensis, propter valetudinariam senectutem & oculorum caliginem, se tanto oneri

ri imparem sentiens, Episcopatu etiam se sponte abdicavit, reservatâ sibi, quamdiu viveret, annuâ pensione 50 marcarum ex Episcopatu pendenda. Resignationis instrumentum habetur in Regesto Octaviani Archiepiscopi Armachani, fol. 405. b, in cujus fine, Papam rogat, ut ad Episcopatum Elphinensem sic resignatum transferatur Georgius Episcopus Dromorensis.

Sub exitum istius anni, Cormacus Cartæus Dynasta Muscriæ (Regiuncula est non procul ab urbe Corcagiensi) ab Oweno five Eugenio Thaddæi filio fratre suo germano, atrocitèr trucidatus est. Corpus Cormaci ad cœnobium fratrum Minorum de Kilcrea, quod ipse fundaverat deportatum ibi monumento conditum est. An fratricida ex jure judicatus fuerit necne, haud comperi: Hoc constat, quod etiam si multæ bonæ leges his temporibus ad Reipublicæ salutem spectantes sancitæ fuerint, vim tamen & virtutem tunc & diù postea non extenderunt, ultra Regiones ab Anglica gente habitatas.

Hoc etiam anno, (ut annum jam concludamus) Reliquiæ S. Palladii Episcopi in capsulam argenteam translatae sunt Forduni in Scotia, à Gulielmo Schewes Archiepiscopo Andreapolitano, Palladii (inquam) illius, qui in primis Ecclesiæ Hibernicæ temporibus, à Cœlestino Pontifice, in Hiberniam missus est, ad fidem Christianam ibi propagandam. In quo munere cum paulisper desudâisset, Romam reversurus, in *Albaniam* profectus est, ubi Forduni, XVIII Kalendas Januarii anno 431 mortem obiit, eodem nempe anno quo in Hiberniâ venit. Cæterum in Annalibus cœnobii Inisfallensis MSS. qui



qui penes me sunt, in Hibernia uno anno mansisse fertur, tuncque in Britannia quievisse in Christo. Ibi Martyrium passum innuit Tirechanus, in vita S. Patricii. Sed ad alia transeamus.

---

## ANNO CHRISTI

MCCCCXCV.

**A**B Asylo suo in Flandria erupit hoc anno Perkinus: Nam postquam Ducissæ suasu, Martisaleam in Anglia subire statuisset, coactâ modicâ militum manu, ad numerum sc. 500 vel 600 hominum, exterorum plerumque & ex fæce plebis, Angliam versùs vela pandit, & sub initium Julii, ad oram maritimam Cantii perveniens, mox milites aliquot, in apertum illud litus, quod **The Downes** vocamus, exposuit, eo fine ut Cantianorum animos tentaret. Cæterum captis suorum 169, ab opidanis Sandwicensibus & aliis regionis vicinæ incolis, cæterisque partim occisis, partim ad naves repulsis, cursum Hiberniam versùs flexit, ubi auxilia etiam alia expectavit. Interim captivi Londinum perducti restibus vincti, alii paulò postea Londini & Wappingi, alii circa oras maritimas, in patibulis, ad similibus nebulonum terrorem, suspendio strangulati sunt. Cùm verò Perkinus post appulsum in Momoniam, ibi itidem spe excidisset, procellam prætereâ imminentem, justis de causis, à ministris Regiis

giis metuens, fautorum consilio, in Scotiam navigavit, à Jacobo IV Rege copias auxiliares petiturus. Ibi decenter stipatus, à Rege tanquam verus Dux Eboracensis perhonorificè receptus est, &, quod mirum videatur, haud multo post, Regis assensu, uxorem duxit Dominam Catharinam Gordonam, Alexandri comitis Huntlei filiam, virginem in primo ætatis flore, formosam & modestam, Regique ipsi sanguine conjunctam. Sunt qui tradant Scotiæ Regem, qui in Henricum VII animo erat infenso, oblatam hanc arripuisse ansam, ad Bellum ei indicendum: incitatum porrò literis secretis Maximiliani Cæsaris, Caroli Gallorum Regis & Margarete Burgundiæ Ducissæ dotariæ, in gratiam ementiti hujus principis conscriptis. Neque prorsus defuit spes aliqua exigua ex Hibernia: Perkinus igitur, (sub ficto nomine Richardi Ducis Eboraci) literas perscripsit ad Mauritium Comitem Desmondæ, quibus vehementer flagitavit, ut copias in Scotiam mitteret, ad jus suum in Anglia recuperandum. Sed frustra: Nam Comes (quâ ratione ductus non reperi) nihil milit subsidii.

Interim dum hæc in Scotia gererentur, ut ad Poyningum redeamus: Is Hiberniam tum pacatam administrabat. Inde verò mense Januario insequenti revocatus, in Angliam trajecit, ubi non diù post reditum, Henricus Rex, ob utilissimam sibi, tam in pace, quam in bello, operam navatam, in aureæ periscelidis ordinem eum cooptavit. Magnâ prætereà tam apud Henricum nostrum Septimum, quam apud filium ejus Henricum Octavum, per plurimos postea annos gratiâ floruit & potentiâ.

In

In Poyningi sic (uti diximus) revocati locum, Henricus Deanus Episcopus Bangorensis, Justitiarum Hiberniæ titulo, mox suffectus est. Ita ut jam uno eodémque tempore, Hiberniæ fuit & Justitiarius & Cancellarius, necnon Episcopus Bangorensis, & Prior Lanthoniarum, ad quas Cellæ etiam de *Colp* & *Duleek* in Midia pertinebant. His verò honoribus, cùm per menses fermè 9 potitus fuisset, à Rege in Angliam revocatus est, uti suo postea loco narrabitur. Interim Aprilis 26, Rex constituit Gulielmum Radcliffum Ærarii Hiberniæ *Subthesaurarium*, & die sequente, Johannem Pimpum *Questorem* exercitus ibidem.

Mense Julio, Octavianus Archiepiscopus Armachanus Synodum celebravit Pontanæ, in Ecclesia S. Petri, ubi confirmatæ sunt indulgentiæ Georgii Dromorensis Episcopi, *Indulgentiarum Hospitali S. Spiritus in Saxia*, (sive in vico Saxonum) *de urbe, & Benefactoribus ejusdem indultarum Ministratoris*, necnon ad construendum novum *Hospitale S. Spiritus*, membrum viz. *supradicti Hospitalis in Hibernia Procuratoris*. Vidi ego Sigillum hujus (uti credo) Georgii, quo usus est, ante infulas susceptas, cum hac inscriptione **SI G. GEORGII BRANNI VICARII GENERALIS SANCTI SPIRITUS**. Fuit is natione Græcus, patriâ Atheniensis. De aliis illius Synodi Actis, nihil (quod sciam) extat.

Mense deinde Augusto, Odo sive Hugo rufus O-Donellus tum nuper è Scotia reversus, O-Connoros in prælio prope Sligoam superavit. Castrum etiam Sligoense (quod Mauri-  
tius

tius filius Geraldi construxerat anno 1252) obfidione incinxit, sed frustra: Nam Ulicki de Burgo Clan-Richardi Dynastæ accessu, cum magno exercitu, territus in Tironalliam se subito cum copiis subduxit. Ulickus interea omnium ejus fautorum prædia, in regione vicina diripuit & incendit. Filius hic fuit Ulicki illius, quem hujus Regis anno primo obiisse diximus.

Ab instituto non omnino alienum videatur, verbo uno vel altero hic memorare hunc annum ultimum fuisse Gaspari de Hatfield Bedfordiæ Duci, quandoque (ut antea diximus) Hiberniæ Locum-tenenti, qui senex & cœlebs decessit Decembris 21, & in cœnobio Keinshamensi apud Somersettenses in Anglia sepultus est. Hoc etiam anno, dum Kildarius in Anglia hæreret, à criminibus objectis, se purgare satagens (an verò in carcere huc usque detentus nescio) Alifona uxor ejus filia Rolandi Eustacii Baronis Portlesterii mortem obiit in Hibernia, ex dolore (ut putatur) quem in mariti ærumnis & periculis hauserat, & sepulta est in cœnobio fratrum Minorum juxta pontem de Kilcullen, quod pater ejus extraxerat.

---



## ANNO CHRISTI MCCCCXCVI.

**K**ildarius admissus est hoc anno, Rege ipso coram, causam suam defendere, & ad objecta crimina respondere. In qua re, ita se gessit, ut negotio plenè intellecto, in gratiam receptus fuerit. Ad Articulum postremum adversus eum, aculeato hoc dicto conclusum, *Quòd universa Hibernia eum gubernare non sufficeret*, Regem lepidè dixisse ferunt, *Itanè verò, Is igitur universam Hiberniam gubernabit.* Et brevi certè postea omnibus Juribus à Rege restitutus est. Augusti deinde 6, diplomate Regio, *Locum-tenens* Hiberniæ constitutus. Ita paucis mutatis, Stanihurstus. Neque fidem Regis is fefellit: Nam post reditum in patriam, virum se ostendit & strenuum & Principi fidelem. Sunt qui tradant primogenitum suum Geraldum tunc temporis in Anglia reliquisse, qui pignori esset de futura fidelitate.

Dum hæc in Anglia agerentur, Junii die 25, Dublinii, Concilii Regii sententiâ, *Deanus Justitiarius Richardum Nugentum Delvinia Baronem, omnium copiarum Ducem sive Commissionarium* (verba sunt Tabularum publicarum) & *primarium Ductorem* designavit, ad defensionem comitatum Dublinii, Kildariæ, Midia, & *Urielis*.

Kildarius in Hiberniam reversus est (cum secunda sua uxore Elizabetha de S. Johanne quam tum nuper duxerat) mense Augusto, & simul ac gladium, pro more, à prædecessore  
Bango-

Bangorensi Episcopo accepisset, coplis convocatis, adversus O-Brienū expeditionem suscepit, & in Tuomoniā, per Limericum, profectus, Feybachum, Finini *Mac-Nemarræ* castrum, deinde Ballinitium castrum & alia loca munita vi cepit & diruit. Post reditum etiam (ut Regis negotia meliùs promoverentur) ille & Octavianus Archiepiscopus Armachanus, qui diù dissidentes vixerant, sibi mutuò reconciliati sunt, unde Archiepiscopus reliquum ætatis in magna tranquillitate transegit. Deano Episcopo Bangorensi in Angliam interim revocato, in Cancellarii munere successit Walterus Archiepiscopus Dubliniensis, tum nuper ex Anglia reversus, vir gravis & eruditus. Formā prætereà erat decorā, & quæ reverentiam incuteret,

*Gratior est pulchro veniens è corpore virtus.*

Neq; silentio prætereundum, quòd in Concilio Provinciali Dublinii celebrato, in Ecclesia S. Trinitatis, *Leſioribus Universitatis Dublin:* stipendia quædam assignavit, à se & suffraganeis suis annuatim pendenda. Manet etiam narratio, dum in Anglia hæreret, Oratorem quendam in Regis laudem, Rege ipso coram, orationem habuisse politam, Regemque, finitâ oratione, ad Archiepiscopum (qui unâ aderat) conversum illum rogâsse, ut de ea, sententiam suam ediceret, Archiepiscopū deinde (qui adulationem novit perpetuū esse malum Regum) liberè his verbis respondisse, *Domine Rex, nihil certè vitii in hac oratione observavi, præter adulationem.* Tūmq; Regem aridentem sic conclusisse, *Ita me Deus amet,*

*Pater Dubliniensis, nos ipsi idem vitium observavimus. Atque ita Archiepiscopi ingenuitas ab optimo Principe meritò probata est. Ad Deanum quod attinet, quadriennio post reditum in Angliam exacto, ob plurimas animi virtutes & fidele obsequium Regi præstitum, Sarisburiam primùm, & inde post annum unum vel alterum, Cantuariam translatus est, ubi tamen admodùm exiguo præfuit tempore, Nam Februarii 15 (stylo Anglicano) 1502, Lamethæ decessit. Inde cadaver Cantuariam deportatum, ibidem in Ecclesia sua cathedrali, in medio scilicet loci, qui Martyrium appellatur, tumulatum est, sub lapide marmoreo, æneis laminis ornato, cum Epitaphio promotiones ejus Ecclesiasticas figillatim exprimenti.*

Nunc ut pergamus, Decembris 19, fatis concessit admodùm senex Rolandus Fitz-Eustace, Baro de Portlester, (quem Edwardus IV ad eam dignitatem evexerat Martii 4 1462) & in cœnobio fratrum Minorum de observantia prope pontem de Kilcullen, in agro Kildariensi, quod ipse à fundamentis excitârat, tumulatus est. Monumentum tamen speciosum sibi & Margaretæ *Jenicô* defunctæ uxori suæ extruxerat anno 1455, Dublinii, in Ecclesia S. Audoëni, in capella nempe B. Mariæ Virginis, à se itidem constructa, ut ex inscriptione sepulchri constat. Reciprocus ille fortunæ æstus expertus est. Deputatus fuit aliquandiù Georgii Ducis Clarentiæ *Locum-tenentis* Hiberniæ, deinde Cancellarius Hiberniæ, & per annos plusquàm 38 summus Quæstor sive Thesaurarius, Eaque dum obiret munia, magnas sibi comparavit opes. Ecce verò rerum humanarum

narum vicissitudinem : Paucis ante obitum annis, Thesaurarii munere exactus, alias, easque non leves, prout antèa retulimus, passus est molestias. Filius is erat (ut id etiam hîc adnotem) Edwardi Fitz-Eustace Equitis auri, quem Henricus Sextus Deputatum constituerat Richardi Ducis Eboracensis, Hiberniæ *Locum-tenentis*, anno 1454. Nec omitendus, qui ante Baronem obiit Cornelius (filius Tirlachi) O-Brien, Tuomonix Dynasta, cui successit populari electione, *Gil. duf* frater. Hæc sub finem anni.

Interim Augusti 26, Henricus Rex, de Perkinii fautorum conatibus quibusdam clandestinis in Momonia, certior factus, ut eos facilius enervaret, & Momonienses in officio retineret, omnium delictorum veniam concessit Mauritio comiti Desmondix & nonnullis aliis è magnatibus Momoniæ : Similemque clementiam exhibuit Davidi Casselienti Archiepiscopo & quibusdam è suffraganeis ejus, Corcagiensi nimirum & Waterfordiensi Episcopis. Sub idem porrò tempus Opidanis Yoghalsibus libertates antiquas confirmavit, & novas præterea adjecit.



## ANNO CHRISTI MCCCCXCVII.

**C**œpit sub hoc tempore, negotium de pace componenda, inter Regem nostrum Henricum & Jacobum IV Scotorum Regem. Inter alia, per literas urget Henricus, ut sibi in manus traderetur Perkinus, utpote Impostor & jure gentium non protegendus. Recusavit hoc Jacobus, ipsum dicens non idoneum esse Judicem, de titulo illius, quem pro Principe perfugo receperat. Fœderis tamen cupidus, si æquis conditionibus, id fieri posset, & Perkinum cernens paci esse maximo impedimento, rogavit eum demum ut in aliud aliquod regnum transfretaret, quod ipse decrevisset, cum Rege Angliæ fœdus renovare: Promisit tamen se pecuniis eum & cunctis ad navigandum necessariis instructurum.

Perkinus contra ut Regem à proposito deflecteret, nullum non movit lapidem: Sed cum surdo (quod aiunt) se cecinisse comperisset, nullumque renitendi locum relictum, brevi postea, alto corde dolorem reprimens, novo itineri se accinxit, & nave conscensâ, cum uxore & familia, vela fecit versum Hiberniam. Atque ita recens ejus felicitas tanquam somnium transiit. Corcagiam iterum appulit Julii 26, ubi nonnulli ex amore, alii, rerum novarum studio, ad eum accesserunt, inter quos fuit (ut aliqui perhibent) Mauritius Comes Desmondia. Adventum hujus larvæ, unâ cum conjuratorum detectione, Prator & cives Waterfordiæ, literis paulò postea per nuntium

tium missis, Regi Henrico significant. Atque ut antea contra Lambertum, ita nunc contra Perkinum, pro viribus fortiter prudenterque se gerunt, ideoque gratia Principis merito flourerunt, multaque ab eo consecuti sunt beneficia, neque temere, pro symbolo tunc usurpasse videantur, *Intacta manet Waterfordia*. Sed ut ad Perkinum redeamus, Is post mensem unum vel alterum, literis per nuntios acceptis, certior factus est Cornubienses, licet in praelio ad *Black-beath*, in agro Cantiano, a copiis Regiis, mense Junio præcedenti, magnam accepissent cladem, paratos tamen fuisse Belli aleam rursus subire, atque dummodò sibi non deesset, sed ad eos protinus veniret, copias auxiliares ei adjuncturos, ad jus ejus recuperandum. Re mox amicis communicata, eorum consilio, quâ potuit festinatione, mense Septembri, cum uxore sua & parva militum manu, nimirum ad numerum duntaxat 120, in Cornubiam trajecit, civibus Waterfordiensibus quatuor navibus eum persequentibus, licet fortuna conatibus eorum non arriserit. Qui plura de Perkinio, principe illo Nebulonum, (ut eum appellare solebat Rex Henricus) sciendi cupidus est, Rerum Anglicarum historias petat, in quibus copiosè traduntur. Satis videatur hîc interim indicare post Exoniam, ab arcta quâ (copiis Cornubiensibus adjutus) obsidione cinxerat, exercitus Regii accessu, liberatum, ejusque fugam in Asylum cœnobii Belli-loci, apud Southantonienenses, sponte eum inde exivisse & Regis gratiæ se submisisse; Londinum deinde captivum ductum, & post secundam fugam iterum captum, ac per civitatem, ludibrio expositum,

fitum, vitæ suæ seriem & confessionem qualemcūque manus suæ subscriptione firmâsse & publicè perlegisse, tandem verò, quòd post veniam concessam, res novas denuò molitus fuisset, capitali supplicio (ut suo loco dicemus) affectum. Confessionem antedictam Rex typis excudi mandavit; sed, quod mirum videatur, de Burgundiæ Ducissa, altum in ea fuit silentium: præsertim cū Henrico res factis nota esset, Ducissæ technis & figmentis has turbas fuisse suscitatas. Hoc tamen Regis artificio ascribitur, qui eo modo Ducissam demereri, vel saltem à novis turbis excitandis avertere sperabat: Neque spe suâ omninò frustratus: Nam Ducissæ hinc ita placuit, ut nihil postea adversus eum molita fuerit.

Iisdem diebus, Henrici Regis diplomate & auspiciis, ad regiones incognitas lustrandas, & imperio Anglicano acquirendas, missus est Sebastianus Cabota Venetus, Cosmographus insignis & rerum nauticarum peritissimus: in qua navigatione, Insulam illam primus detexit, quam hodiè **Newfound-land** sive Terram novam, appellamus, necnon oras maritimas Continentis septentrionalis (ut nunc loquimur) Americæ. Cœptum sanè egregium & silentio non prætermittendum.

Verùm ut in cursu instituto progrediamur, magna circa hoc tempus exorta est discordia inter Petrum Butlerū (qui postea comes evasit Ormonix) & Jacobum Ormondiū (de quo dixi ad an. 1492 & 1493) quæ Ormondio demum fuit exitialis: Nam is XVI Kalendas Augusti, sex tantum equitibus stipatus, à jam dicto Petro Butlero, catervâ nescio quâ comitato, in via, inter Donmoram & Kilkenniam, hastâ transfixus

transfixus est. Martii die 17 qui S. Patri-  
cio sacer, *Cavernam Purgatorii S. Patricii in*  
*Lough-derg, à (Guardiano conventus Donagal-*  
*lensis, unà cum aliis ab Episcopo (Clochorensi)*  
*missis è Decanatu de Lough-ern (Alexandri*  
*VI) Papæ autoritate, dirutam fuisse* tradit  
Author Annalium Ultoniensium, qui tum vixit,  
utpote supposititiani, id quod *popularibus no-*  
*tum* asserit, ex *Militis historia & aliis libris au-*  
*thenticis*. Per Militis historiam intelligit (opi-  
nor) Oëni militis Hibernici historiam, à Gil-  
berto monacho Cistertiensi cœnobii B. Mariæ  
Ludensis, apud Lincolnenses in Anglia, rela-  
tam anno Dom. 1152. Qua de re, plura noscendi  
cupidus legat Henricum monachum Salterey-  
ensem, qui Libellum edidit, de Oëni illius  
in Purgatorium S. Patricii ingressu, ex præ-  
dicti Gilberti relatione, vel Matthæum Pa-  
risiensem, in Stephani Regis historia.

Hoc etiam anno (redeundum est enim ad  
propositum) Maii penultimo, Frater Dionysius  
cognomine ~~White~~ *White*, quod Album sonat, qui se  
pro Episcopo Glendelacensi diù gesserat, octo-  
genarius janus & longâ senectute fatigatus, Dub-  
linii, in domo capitulari Ecclesiæ S. Patricii,  
juri suo qualicûnque renunciavit, conscientiam  
(ut fatebatur) tactus, quòd sedes ea Glende-  
lacensis à tempore Regis Johannis, cathedræ  
Dubliniensi conjuncta esset & colligata. Fue-  
runt tamen alii etiam, qui circa hæc tempora,  
eodem gavisi sunt titulo: Nam per obitum Jo-  
hannis cujusdam, dicti similiter Glendelacensis  
Episcopi: Ivonem *Russi* ordinis Minorum, ad e-  
undem Episcopatum promotum anno 1494,  
eoque paulò postea mortuo, alium Johannem  
eiusdem itidem ordinis provisum 21 die Au-  
gusti



gusti 1495, (si non ut alibi 1501) ostendit Lucas Waddingus Waterfordiensis, (cujus laboribus literariis ille ordo multum debet) *Annal. Minorum* Tom. VII. Sed ut ad finem hujus anni properemus, Januarii 28 (stylo Anglicano) Walterus Champflourus Abbas cœnobii B. Mariæ virginis juxta Dublin. unus è visitatoribus ordinis Cisterciensis in Hibernia vir prudens & eruditus, naturæ debitum persolvit, admodum senex, magno sui desiderio relicto, cum annos præfuisset fermè 30, factus interim ad tempus magni sigilli Custos. Monasterio suo, inter alia beneficia, is, 450 marcarum pretio, hoc est aureorum Gallicorum 1000, comparavit, anno 1486, à Thoma Priore cœnobii Benedictinorum B. Egidii minoris Malvernæ, apud Wigornienfes in Anglia, omnes possessiones ad dictum Prioratum, tunc temporis in Hibernia spectantes, Johanne Alcoco Episcopo Wigornienfi, cum assensu Prioris & Capituli Ecclesiæ suæ cathedralis, venditionem confirmante. Successit ei in cœnobii regimine Johannes *Orum* ejusdem Domus Monachus, dein Prior.

Tanta denique annonæ caritas Hiberniam fermè universam hoc anno afflixit, ut multi passim fame perirent, præsertim in Ultonia. Atqui in quibusdam Lageniæ partibus, non æquè laboratum: Nam Dublinii tritici *Peckis* (ut vulgò appellatur) mensuræ ibi usitatæ, qui continet duos medimnos, five 4 fermè modios Anglicos (*Busbellos* appellamus) tunc vœniit decem solidis, & similis mensura hordei madefacti regerminantisque, quod Græci *Bynen* nos *Mault* vocamus, octo solidis: Pretia quidem pro illorum temporum ratione, satis

fatis dura. In Midia, tritici *Peckus* valebat 5 uncias minores argenti, & cervisiæ *galo*, sex denarios, sive aurei Gallici partem duodecimam. Apud Ultonienses verò, avenæ *Bertus* (ut vocant) valebat vaccam, & vacca lactans, duas vaccas prægnantes, duosque solidos. Notandum in Hibernia quàmque fermè regionem distinctam & à cæteris differentem olim habuisse mensuram, non sine Reip. detrimento evidenti. Magnam regulæ fixæ in re mensuraria & nummaria, utilitatem, ita exprimit Budelius, De Monetis,

*Una fides, pondus, mensura, moneta sit una,  
Et status illæsus totius orbis erit.*

Sed hoc obiter. Ad nostra redeo.

## ANNO CHRISTI MCCCCXCVIII.

IN Ultonia, X Kalendas Augusti, Henricus IO-Nealus qui Conum fratrem (ut suprâ retulimus) occiderat, pœnâ licèt claudâ reum assequente, à Coni filiis Tirlacho & Cono, interfectus est. In eam porrò Provinciam hoc anno, ad insolentiam Neali mac Art O-Neali comprimendam, Kildarius, copiis coactis profectus est, ubi conjunctis viribus O-Donelli, Maguiri, Tirlachi O-Neali Coni filii (sui ex Eleanora sorore nepotis) & aliorum ex stirpe O-Nealorum, *Donganon* castrum expugnavit, & captivos ab O-Nealo in castro illo

illo detentos , libertati restituit. Omium deinde progressus , illud etiam castrum occupavit , ac paucis post diebus Nealum *Mac-Art* in ordinem , obsidibus receptis , rededit.

Brevi post reditum , mense nimirum Octobri , expeditionem in Momoniam suscepit , & Corcagiam progressus , ibi ob priora Urbis admissa , & ad similia prævertenda , præsidium locavit. Tūque XV die ejusdem mensis , primarios Corcagiæ cives & Kinsaliæ opidanos juramentum fidelitatis Regi præstare effecit , coram ipso & Concilio regio , atque ad illud observandum tam chirographos dare quam obsides. His rebus ex animi sententia confectis , hieme jam ingruente , domum reversus est. Kalendis Martii insequentis , Parlamentum Dublinii convocavit , nomine *Deputati* Henrici filii secundi Henrici Regis , Hiberniæ *Locum-tenentis*. Sed de Legibus in eo sancitis , in Archivis nihil extat , nec de aliis Actis , præter *Amerciamenta* quædam (ut vocant) sive Multas leves pecuniarias Proceribus nonnullis & aliis summonitis , quòd absentes fuerint , impositas. Sunt qui tradant *Rotulum* Legum tunc latarum sinistrè olim sublatum fuisse , ac Nangleum quendam necnon alium Skeganum dictum hujus criminis in Anglia postea postulatofuisse , speciatim Nangleum ea de causa in carcerem conjectum fuisse , ibique ad mortem usque detentum.

Inter hæc , amoto Richardo Talboto , qui Prioratui S. Johannis Hierosolymitani in Hibernia , Custodis titulo , per annum unum vel alterum præfuerat , Robertus Everus ,  
Anglus

Angulus, nobili Everorum familiâ ortus, à magno Rhodi Insulæ Magistro constitutus est Prior. Porrò XII Kalendas Januarii, Alexander VI Bullam Innocentii VIII (cujus suprà fit mentio ad annum 1486) confirmavit. Bulla confirmationis habetur in Bibliotheca Cottoniana, sub Cleopatra, E. 3.

Jam Obitus doctorum quorundam viro-  
rum recensendi sunt. Januarii XI mortem  
obiit David de Winchester, sive Wintonien-  
sis, Prior Ecclesiæ S. Trinitatis Dublinii, vir  
gravis & eruditus, & in dicta Ecclesia sepul-  
tus est, cùm Prioratum laudatè administrâs-  
set annos 9 & menses 10. Hujus Ecclesiæ Be-  
nefactorem egregium extitisse ferunt : Sed  
quid præstiterit, sigillatim recensere nequeo.  
Erexisse quidem & dotâsse ibidem *unum Ma-  
gistrum & 4 pueros choristas*, ex ipso funda-  
tionis instrumento intelligimus, dato 28 Au-  
gusti 1493. Successit ei in Prioratu, Richardus  
Skerretus, qui annos præfuit 20. Item X  
Kalendas Aprilis naturæ debitum persolvit  
Carolus Maguirius Ecclesiæ Armachanæ Ca-  
nonicus, Theologus, Philosophus & Historicus,  
eo genere exanthematum sublati, quod  
Medici morbillorum nomine designant, ætatis  
suæ anno 60.

---

A N N O



## ANNO CHRISTI

MCCCCXCIX.

**I**N Conatia jam res erant admodum turbidæ : in eam itaque Provinciam, Kildarius hoc anno exercitum duxit, ubi quatuor castra, videlicet, Athleag, Roscoman, Tuilsk & Castle-reagh cepit & præfidiis firmavit. Dum hæc in Conatia aguntur, Prælium in Momonia conferunt Petrus Butlerus (de quo supra diximus) & Tirlachus O-Brien, qui anno superiori, per mortem Gilduffi, Tuomonix Dynasta electus fuerat. Pugnatum utrinque acriter in initio, sed Butlerus demum & sui in fugam versi sunt, multique ceciderunt, inter quos fuit *Superior Kilkennia*, ita tunc temporis Magistratum Urbanum vocabant. Quenam fuerit prælii causa, non possum pro certo affirmare : Sunt qui dicant discordiam initium sumpsisse, de finibus & prædiis quibusdam, quæ uterque sibi vendicarat.

Augusti die 26, Comititia Parlamentaria habebantur apud *Tristle-dermot*, sive (ut hodiè vulgò appellatur) *Castle-dermot*, in agro Kildariensi. Opidum à S. Diarmitio hoc nomen acceptum fert, qui in primis surgentis Ecclesie Hibernicæ temporibus, singulari ibi sanctitate vixit, cujus tempore & diù postea Desertum Diarmitii appellabatur. In his Comititiis, lata est lex, de Publicanorum sive *Custumariorum*

*mariorum* & aliorum ministrorum vectigalium fraudibus puniendis : Item, alia lex, de vectigali imponendo omnibus mercibus, tam importandis, quàm exportandis, exceptis oleo & vino, cum cautionibus tamen nonnullis in Statuto eo expressis. Latæ sunt etiam eodem tempore duæ leges, quæ animadversiones continebant in Procere quosdam : Prior, in eos qui cùm equitarent, ephippiis, more Anglicano, non uterentur : Posterior, in eos qui in Comitibus, Trabeis Parlamentariis non ornarentur. Regi præterea concessum est Tributum sive Subsidium pecuniarium, tam à Clero, quàm à Laicis.

In Anglia, haud ita multò post, mense nimirum Novembri, Perkinus & Johannes *Water* (cujus suprà fit mentio) tum nuper Prætor Urbis Corcagiensis in Mononia, qui inter præcipuos proditorum & Consiliorum Perkinii participes numerabatur, Westmonasterii, à duodecim viris læsæ majestatis rei peracti, Tiburnæ (quod patibuli publici nomen est) ultimo supplicio affecti sunt. Capita cadaveribus amputata, ad pontem Londinensem, pro more in criminibus gravioribus usitato, suspensa sunt. Perkinus ad locum supplicii deductus, ibi pegmate conscenso, Confessionem suam, sive vitæ suæ seriem, paulò ante mortis articulum, publicè denuò perlegit, veramque fuisse agnovit ; fautorum permultis vicem ejus dolentibus, & quasi ulterioris vitæ spe inductum, id enim fecisse, in angulis susurrantibus. Iste Perkinii fuit exitus. Atque ita tandem Henricus ab hujusmodi spectris liberatus est. Ad Johannis Wateri filium Philippum, de quo suprà, quod attinet, clementiâ  
Regiâ

Regiâ is postea condonatus est. Circa hoc tempus, aliam Hibernorum quorundam conjunctionem detectam ferunt, qui nominis Eboracensis adeo studiosi fuerunt, ut de filio notho Richardi III, è carcere, ubi diu detentus fuerat, liberando, & in Hiberniam deducendo, eo animo, ut ad regnum eum eveherent, arcana inivissent consilia. Hoc notho mox fuit exitio. Nomina conjuratorum non reperi, nec quid de iis postea factum fuerit. Hoc anno, Insulæ Jarfeia & Garnfeia (Antonino, Casafaria & Sarnia) quæ imperio Anglicano, à quo Normanni rerum potiti sunt fideliter semper adhæserunt, sed, quod ad rem Ecclesiasticam pertinet, sedi Constantiensi in Normannia subfuerunt, ab ea abstractæ sunt, & Diœcesi Wintoniensi in Anglia adjectæ. Hoc etiam anno excessit è vivis Jacobus Courcæus Baro Kinsalius, de quo antea. Anglica hæc familia latifundiis & magna diu floruit potentia, sed amplissimæ illæ possessiones paulatim quasi diffugerunt,

---

## ANNO CHRISTI M D.

**N**unc ingredimur annum Christi quingentesimum ultra millesimum, qui & Jubilæus dicitur. Jubilæum primum instituit Bonifacius VIII, centesimo quoque anno celebrandum, postea verò Clemens VI, quod

quòd tempus illud longius videretur, ad quinquagesimū contraxit, & tandē Sixtus IV, ad vicésimū quintū. Hoc anno Alexander VI potestatem concessit Gaspari *Pow* sive *Poo*, Hispano, Protonotario & S. Theologiæ Doctori, ac cuidam Guilielmo *Butts*, impertiendi hujus Jubilei indulgentiam omnibus Anglis, Hibernis & aliis Henrici Regis subditis, qui per bella, itineris difficultatem, &c. Romam petere impediti, subsidium pecuniarium, adversus Turcas, erogarent, secundum regulas in instrumento quodam expressas: Tempusque dilatavit, usque ad ultimas vespervas infra octavas Paschæ sequentis. Instrumenti exemplar in Anglicam linguam conversi, extat in Bibliotheca Cottoniana, sub Cleopatra E. 3. Irritum successum pecuniæ hinc collectæ, petas ex Polydoro Virgilio, in eodem anno.

Vix sopitum seditionis incendium in Conatia anno superiore, quando aliud non minus grave exortum est in Ultonia: In eam itaque Provinciam, Kildarius hoc anno, aliam suscepit expeditionem, ubi, inter alia, castrum *de Kinard* expugnavit, cui Tirlachum O-Nealum Coni filium, (cujus ope biennio ante, castrum *de Donganon* ceperat) cum novo præsidio præfecit. Sub id tempus civibus Corcagiensibus (prolatâ amnestiâ) in gratiam Regis receptis, ille poenitentia sæpius quàm poenâ pacatus; Urbis immunitates, Augusti primo, confirmavit & auxit, adeò verum est illud Ovidii, lib. 2, de Ponto, eleg. 9,

*Regia (crede mihi) res est succurrere lapsis.*

F f

Interim



Interim dum hæc fiunt, David Barrius Archidiaconus tam Corcagiensis quàm Clonensis, nescio unde infensus, fratrem suum Guilielmum Dominum Barrium, virum fortitudinis & liberalitatis laudibus venerandum, subito & nihil minus expectantem crudeliter trucidavit. Fratricida autem mox captus à Thoma Barrio occisus est, & cadaver ejus vicesimo die postea ex humo effossus, Mauriti comitis Desmonie jussu, publicè combustum est. O varii mortalium casus!

————— *En quo discordia fratres  
Perduxit miseros.*

Circa hæc ipsa tempora, ultimum diem clausit Donaldus *O-Fallonus*, ordinis Minorum de observantia, Episcopus Derensis, cum illi sedi præfuisset annos circiter 15, vir magni suo tempore nominis, ob eruditionem, & assiduas, per universam Hiberniam, conciones, annos totos 30. Hoc etiam fortasse memoratu non indignum videatur, quòd hoc anno magna pars Galviæ urbis (quæ Conatiæ est quasi ocellus) incendio fortuito conflagravit. Hæc urbs pro Magistratu (quod obiter hîc annoto) primum Præpositum habuit, inde Superiorem & Ballivos, postea Richardi III concessione, Majorem cum Ballivis, & demum (si de recentioribus temporibus hic dicendi locus) Majorem & 2 Vicecomites.

His diebus, Rex Henricus, ut ob perspectam prudentiam (Anglorum Salomon habitus) magnâ apud vicinos principes polluit auctoritate, ita etiam hoc honori ejus accessit, quòd à procul disitis Equitibus Rhodiensibus, hoc

hoc anno designatus fuerit illius ordinis Protector.

Ad Ingeniorum Seculum nunc accedimus, quo nimirum maxima crevit seges hominum doctorum & singulis scientiis illustrium, per universam Europam. Ut verò Seculum concludamus, de cujus posteriore parte, hucusque egimus, non omittendum duxi, quod inter Hibernorum præcipuos, qui, hoc exeunte seculo, doctrinâ claruerunt, suo iure meritò haberi debet, patriæ suæ Ornamentum, Mauritius de Portu, aliàs *O-Fibely*, ordinis Minorum, post aliquot annos, à Julio 2 Papâ, Archiepiscopus renunciatus Tuamensis, de quo alibi fusiùs diximus. Sed memoriam ejus nemo meliùs celebravit, quàm Johannes Camers, Artium & S. Theologiæ Doctor, ordinis itidem Minorum, in notis suis ad 35 caput Solini, quem ut unicè dilexerat & coluerat, sic ab eo vicissim redamatus. Neque silentio prætereundus est Walterus *Fitz-Simon* Archiepiscopus Dubliniensis, Dublinique natus, cujus in præcedentibus plurima mentio, ob bonarum Artium scientiam, Theologiæ inprimis ac Philosophiæ, à Richardo Stanihursto celebratus. Sed singulos enumerare, non est hujus loci. Inter externos ejusdem melioris notæ, qui munera tunc temporis in Hibernia obierunt, non immeritò ob eruditionem numerandus Octavianus de Palatio, Florentinus, Juris Canonici Doctor & Archiepiscopus Armachanus. Is à Sixto IV, in Edmundi Connesburgi antecessoris abdicantis locum suffectus, consecrationem obtinuit paulò ante exitum Martii 1480, postquàm, sub Connesburgo, Ecclesiam Armachanam per triennium vel

Circiter administrâset. Decessit grandævus  
 mense Junio 1513, à consecratione annis 33  
 & tribus mensibus. In hoc etiam non sine  
 laude nominandus, quòd quo tempore Hen-  
 ricus VII, à quamplurimis in Hibernia mag-  
 næ potentix viris, d fectus fuit, à debita  
 fidelitate nunquàm discedere voluerit, aut  
 adversæ parti adhærere, licèt multis inde  
 ærumnis & difficultatibus conflictatus fuerit.  
 Ejus sunt in plebis Armachanæ sui tem-  
 poris mores barbaros, vulgati illi Rhythmi,

*Civitas Armachana,  
 Civitas vana,  
 Absque bonis moribus :  
 Mulieres nude,  
 Carnes crude,  
 Paupertas in edibus.*

Hinc itaque Pontanæ is plerūque, aut  
 in mannerio suo *de Termon-Fechan*, apud  
 Louthenses, degebat; Armachæ rarò aut  
 vix unquam: Nam licèt Armacha, antiqui-  
 tate priscâ, academiâ illustri, & magnitudi-  
 ne suâ, plurimis Hiberniæ urbibus olim fue-  
 rit præferenda, haud mirum tamen, si per  
 diutinam (in Ultonia) Bellorum rabiem, ad  
 pudendam tunc temporis redacta fuerit pau-  
 pertatem, & ferè conciderit. At urbes lon-  
 gè celebriores bellis concidisse, è doctis quis  
 nescit? Sed pergamus: Hoc anno, à medio Sep-  
 tembris usque ad finem hyemis, Hibernia con-  
 tinuas pluvias & crebras tempestates per-  
 pessa est.

ANNO

## ANNO CHRISTI

MDI.

**I**N Lagenia & Momonia læta erat toto hoc Anno quies : Atqui in Conatia & Ultonia res tumultuosæ. Castrum Sligoense in Conatia, à stirpe Roderici O-Conner filii Tirdelvaci *Carragh* (i. Pforici) obsessum est, & scallis admotis captum. In Ultonia porrò, per solita Dynastarum dissidia, multæ cædes perpetratæ sunt. Pugnam etiam Armachæ conseruerunt O-Neali & Scori quidam, sive (ut ab historicis Hibernicis appellantur) Albani, in qua Albani amiserunt filium quendam Domini *de Aig*, ex familia Mac-Donellorum, tres filios Colli *Mac-Alexander*, Tirlachum scil. Donatum & Lufdarum, ac gregarios milites plùs minùs 60. Die S. Patricii hæc gesta sunt.

Decembris 28, è vita migravit Guilielmus *Sbyoy*, aliàs *Seoy*, Archiepiscopus Tuamensis, cùm præfuiſſet annos plùs minùs 20. & in Ecclesiâ (ni fallor) S. Nicolai Ga viæ sepultus est, ubi proximus ejus prædecessor Donatus *Imurry* aliàs *Imirdle* Collegium Vicariorum eorumque *Guardiani* instituerat

Erat etiam hic annus duabus nuptiis in Anglia memorabilis : Nam Novembris 14 (die S. Erkenwaldi Episcopi Londinensis) Londini in Ecclesia S. Pauli celebratæ sunt nuptiæ inter Arthurum Henrici Regis primogen-



circiter administrasset. Decessit grandævus  
 mense Junio 1513, à consecratione annis 33  
 & tribus mensibus. In hoc etiam non sine  
 laude nominandus, quòd quo tempore Hen-  
 ricus VII, à quamplurimis in Hibernia mag-  
 næ potentiae viris, d'fertus fuit, à debita  
 fidelitate nunquàm discedere voluerit, aut  
 adversæ parti adhærere, licèt multis inde  
 ærumnis & difficultatibus conflictatus fuerit.  
 Ejus sunt in plebis Armachanæ sui tem-  
 poris mores barbaros, vulgati illi Rhythmi,

*Civitas Armachana,  
 Civitas vana,  
 Absque bonis moribus :  
 Mulieres nude,  
 Carnes crude,  
 Paupertas in edibus.*

Hinc itaque Pontanæ is plerúnque, aut  
 in mannerio suo *de Termon-Fechan*, apud  
 Louthenses, degebat; Armachæ rarò aut  
 vix unquam: Nam licèt Armacha, antiqui-  
 tate priscâ, academiâ illustri, & magnitudi-  
 ne suâ, plurimis Hiberniæ urbibus olim fue-  
 rit præferenda, haud mirum tamen, si per  
 dintinam (in Ultonia) Bellorum rabiem, ad  
 pudendam tunc temporis redacta fuerit pau-  
 pertatem, & ferè conciderit. At urbes lon-  
 gè celebriores bellis concidisse, è doctis quis  
 nescit? Sed pergamus: Hoc anno, à medio Sep-  
 tembris usque ad finem hyemis, Hibernia con-  
 tinuas pluvias & crebras tempestates per-  
 pessa est.

A N N O

## ANNO CHRISTI

MDI.

IN Lagenia & Momonia læta erat toto hoc Anno quies : Atqui in Conatia & Ultonia res tumultuosæ. Castrum Sligoense in Conatia, à stirpe Roderici O-Conner filii Tirdelvaci *Carragh* (i. Pforici) obsessum est, & scalis admotis captum. In Ultonia porrò, per solita Dynastarum dissidia, multæ cædes perpetratæ sunt. Pugnam etiam Armachæ confecerunt O-Neali & Scoti quidam, sive (ut ab historicis Hibernicis appellantur) Albani, in qua Albani amiserunt filium quendam Domini *de Aig*, ex familia Mac-Donellorum, tres filios Colli *Mac-Alexander*, Tirlachum scil. Donatum & Ludarum, ac gregarios milites plùs minùs 60. Die S. Patricii hæc gesta sunt.

Decembris 28, è vita migravit Guilielmus *Sbyoy*, aliàs *Seoy*, Archiepiscopus Tuamenfis, cùm præfuiſſet annos plùs minùs 20. & in Ecclesiâ (ni fallor) S. Nicolai Ga viæ sepultus est, ubi proximus ejus prædecessor Donatus *Imurry* aliàs *Imirdle* Collegium Vicariorum eorumque *Guardiani* instituerat.

Erat etiam hic annus duabus nuptiis in Anglia memorabilis : Nam Novembris 14 (die S. Erkenwaldi Episcopi Londinensis) Londini in Ecclesia S. Pauli celebratæ sunt nuptiæ inter Arthurum Henrici Regis primogenitum

nitum Walliæque Principem, & Dominam Catharinam, Ferdinandi Regis Hispaniæ alteram filiam, ille annos natus 15, hæc, circiter 18. Item Januarii insequentis die 25, Londini itidem, ad crucem scil. Paulinam, publicatæ sunt nuptiæ Jacobi IV Regis Scotiæ cum Dominâ Margaretâ Henrici primogenitâ, per procuratorem prius contractæ, & Hymnus SS. Augustini & Ambrosii tunc temporis solenniter ibi decantatus est. Atqui ut hæc magnâ transacta sunt pompâ, ita magno omnium ordinum applausu recepta. Sed juxta illud Salomonis, Extrema gaudii luctus occupat: Non ita diu postea, Arthurus ille egregiæ spei Princeps, qui (sub præceptore Bernardo Andrea) ex indole eximiâ, progressum in bonis literis fecerat suprâ ætatem maximum, ut & Elizabethâ Regina mater ejus, fœmina prudens, moribus suavissimis castissimisque, & Sexus sui & Seculi Ornamentum, magno Regis & popularium mœrore, extincti sunt, ille Aprilis 2 1502, hæc 11 insequentis Februarii, puellâ enixâ in puerperio.

Sed ut ad Hibernica redeamus, Holinsheadus, quo authore nescio, Henricum jam dicti Arthuri fratrem juniorem, hoc anno à Rege constitutum asserit Hiberniæ *Locum-tenentē*. Ut ut fuerit, hunc certè titulum Archiva tradunt à Rege ei concessum 12 Septembris 1494, unico nimirum die, antequàm Dom. Edwardus Poyningus (de quo suprâ diximus) designatus est Deputatus, quo tempore Henricus quartum duntaxat ætatis annum attigerat. Titulus ille Locum-tenentis Hiberniæ, potestatis & honoris plenissimus habitus (ut hoc obiter adnotem) olim ab Angliæ

glia Regibus, non solum iis concedebatur qui in Hiberniam transmissi sunt, ad Remp. ibi administrandam, sed interdum iis etiam, qui in Anglia detenti, eo quidem titulo gavisi sunt, atqui administratio in eorum Deputatos collata est. Porro ut facti erant aliquando Deputati Locum-tenentium, sic interdum, pro Principis arbitrio, Deputati ipsius Regis, interdum Justitiiarii, & antiquioribus temporibus, Custodes: sed plerunque una eademque authoritate, quæ sanè ampla erat & Regia, neque absimilis illi Proprætorum & Proconsulum, apud veteres Romanos.

---

A N N O C H R I S T I  
MDII.

**F**uit hoc anno sævissima lues, per universam Hiberniam, quæ infinitum pecorum numerum absumpsit. Rerum publicarum nihil prætereà (quod sciam) habet hic annus memoratu dignum. Non prætermittendum tamen in Ultonia, omnia cædibus fuisse plena, dum alii à gentilibus suis adversæ partis confossi cadebant, alii, ab hostibus vicinarum regionum, trucidabantur.



## ANNO CHRISTI

MDIII.

**E**xente Aprili, Kildarius, à Rege accersitus, è Dublinio in Angliam trajecit: Sed antequàm discederet, muneri suo præfecit (durante absentia) Walterum Fitz-Simon Archiepiscopum Dubliniensem. Præcipuæ profectionis suæ causæ fuerunt, cùm ad rationem muneris sui reddendam, tum ad mandata Regis in rebus quibusdam gravioris momenti recipienda. Post tres deinde menses, in Aula Anglica exactos, negotiis jam, ob quæ venerat, secundùm animi sententiam confectis, magno cum honore & novis instructionibus, à Rege in Hiberniam remissus est Deputatus. Dublinium rediit mense Augusto, unà cum Giraldo primogenito & uxore ejus Elizabetha, Domini Johannis Zcuchæi *de Codner* filia. Reversum magna popularium gratulatio excepit.

Ante finem Autumni, Kildarius in Ultoniam profectus, ibi Belfastum castrum incepit diruitque. Deinde opidum *Knock-fergus* aliàs *Carig-fergus* live Fergusii rupem ingressus, in castro ibidem, ad loci securitatem, Stantonum quendam Præfectum, sive *Constabularium* locavit. Hisque rebus ita ordinatis, domum rediit.

Dum hæc in Ultonia aguntur, Theobaldus de

de Burgo Dynasta *Muskriæ-cuire* in Momonia, à Donato O-Carollo & Cornelio O-Duiro, in quadam (ni fallor) velitatione, interfectus est. In Conatia verò, circa idem tempus, Ulickus Bourkus sive de Burgo Malachiam O-Kellæum, à quibusdam è familia Bourkorum adjutum, profligavit.

Februarii insequentis die 18, Henricus Dux Eboracensis, mortuo (ut suprà retulimus) Arthuro fratre, creatus est, pro more usitato, Walliæ Princeps & Cestriæ Comes. Decimo post die Geraldus comitis Kildariæ filius factus est summus Hiberniæ *The-saurarius* (ut nunc loquimur) malim dicere *Quæstor*, eodemque die sacramentum præstitit Dublinii, coram Deputato & Senatu Regio, de munere eo benè & fideliter administrando.

Fatis concessit, hoc anno, in autumno, Alexander Plunketus Eques auratus, Hiberniæ tum nuper Cancellarius, vir magni nominis. Eum & eodem anno secutus est David *Creagh* Archiepiscopus Casseliensis, Theologus & Juris utriusque peritus, qui mortem obiit Septembris 5, cum Archiepiscopus præfuiisset annos circiter 20, eique successit Richardus quidam. Davide sedente, Kildarius (quod cemitendum non putavi) nescio unde ei offensus, Ecclesiam cathedralem S. Patricii Casseliæ incendio deformavit. Hac de re, Archiepiscopus, anno 1496, apud Regem Henricum, graviter conquestus est: Sed nihil (quod mirum) profecit, etiam licet Comes ipse, lite coram Rege & Concilio pendente, factum apertè fassus esset, necnon (quod crimen aggravabat) de causâ tanti facinoris interrogatus, illud se nunquam

quàm perpetrâsse respondisset, nisi Archiepiscopum intra Ecclesiam tunc fuisse putâisset. In hoc certamine, succubuit ita Archiepiscopus, qui cùm frustrâ se sudâsse comperisset, alto corde dolorem premens, in patriam reversus est, ubi hoc anno vitam cum morte commutavit. Interim Kildarius, à Rege in gratiam receptus, & cum honore (sicut antea retulimus) in Hiberniam remissus, publica negotia, magnâ fide & solertiâ administravit: multis interim vicem Archiepiscopi, non sine causa dolentibus. Quid postea Kildarius fecerit, ad injuriam hanc resarciendam non comperi: Verisimile est eum qui Ecclesiæ cathedrali S. Trinitatis Dublinii, præter capas chorales magni pretii, & alia ornamenta, villam etiam quæ *Magna Caparaw* dicitur, contulerat, (hæc si vera, quæ sanè vulgò feruntur) pœnitentiâ ductum, in Ecclesia Casseliensi reficienda, quam ipse incenderat, pecuniam etiam impendisse. Sed redeamus.

Hoc etiam anno, obiit Laurentius Nevillus Episcopus Fernensis, vir nobili ortus familiâ, in agro Wexfordiensi, cùm annos præfuisset plùs minùs 23, cui successit Edmundus Comerfordus Decanus Kilkenniensis, qui anno sequenti Kilkenniæ, in Ecclesia cathedrali S. Canici consecratus est. Interim 5 Idus Aprilis 1502, mortem obiit Dom. Robertus Prestonus primus vicecomes Gormanstonius, cujus in præcedentibus plurima mentio. Hanc ille dignitatem filio Gulielmo reliquit. Hoc denique anno Decembris II, Philippus Pinsonus Minorita Anglicus, S. Theologiæ Professor ad Archiepiscopatum Tuamensem, Rege Henrico VII rogante, Romæ promotus, ibi triduo post,

pòst , ex peste obiit , ut ex literis Hadriani de Castello Cardinalis S. Chrysogoni , ad dictum Henricum , datis 4 insequentis Januarii (quæ extant in Bibliotheca Cottoniana) intelligimus. Ex iisdem literis constat etiam Pinsonum, ante promotionem ad Archiepiscopatum, suffraganeum fuisse ipsius Hadriani , tunc Herefordiensis, postea Bathoniensis & Wellensis in Anglia Episcopi. Vacavit deinde sedes Tuamensis per duos annos & sex menses.

## ANNO CHRISTI

MDIV.

**F**Oedus inierunt, circa hoc tempus, Ulickus de Burgo Clan-Richardi Dynasta, vulgò dictus *Mac-William* & alii nonnulli ejusdem familiæ, cum Tirlacho O-Brien Tuomonix Dynasta, Mælronio O-Carroll, aliisque è primariis viris *Legh-Moe*: sic australem Hiberniæ medietatem olim appellabant. De particulari eorum machinatione, non possum aliquid pro certo affirmare. Ut ut res fuerit, Kildarius, de eorum consiliis certior factus, copiis contractis, sub initium Augusti, signa contra eos movit. Ei se adjunxerunt multi nobiles Lageniæ, ex Anglica stirpe, videlicet, Vicecomes Gormanstonius, & Barones, Slanius, Delvinus, Killenius, Houthius, Trimletstonius & Donsanius. Item Johannes Blakæus Prætor (sive Major) Dubliniensis, cum armata civitatis



vitatis manu : Opidani prætereà Pontanenses, necnon O-Donellus, O-Relius, Guilielmus Ferallus Episcopus Ardachadensis, Annaliæ aliquando Dynasta, etiam post infuſas ſuſceptas; & alii nonnulli ex potentiſſimis *Legh-cone* ſive *Legh-cuine*; ſic medietatem Hyberniz ſeptentrionalem appellabant, cum copiis ſuis auxiliaribus. *Mc-William* è contra, ſuum etiam exercitum, numeroſum ſanè, convocavit. Ejus copiis Kildarius obviam factus eſt, Auguſti 19, in loco dicto *Knock-to*, aliàs *Knock-tua*, ſive colle ſecurium, paucis milliaribus à Galvia diſtante. Pugnatum eſt per aliquot horas, utrinque acriter, dubio Marte: Sed Kildario demùm ceſſit victoria, hoſtibus in fugam converſis. In prælio & fuga, ex parte Ulicki de Burgo, plùs minùs quatuor millia hominum ceciderunt. Longè majorem numerum tunc temporis interiſſe, videlicet 9000, refert Liber Houthenſis: ſed falſò proculdubio. In eodem prælio, multi etiam capti ſunt, inter quos fuerunt duo Ulicki filii. Ex parte Deputati, aliqui deſiderati, atqui numerus eorum incertus. Mirum eſt & vix credibile quod in libro albo Fiſci (quem *Scaccarium* appellamus) Dublinii annotatum fuit, in eo tam atroci prælio, *nullum Anglicum* (ex parte Kildarii, nam ita intelligo)  *fuiſſe laſum*. Autographum anno Dom. MDCX, caſu combuſtum eſt, Sed penes me ſunt Notæ quædam historicæ ex eo olim excerptæ. Victores (ut pergamus) cùm regionem adjacentem vaſtâſſent, & Galviam ac Athenriam deditiſſent, cum prædis optimis domum

domum redierunt. Deputatus captivos secum duxit prædictos Ulicki filios, & ut nonnulli tradunt duas etiam illius filias : Sed Ulickus ipse fugâ evasit. Is quidem vir fuit magni inter suos nominis, bello strenuus, consilióque non postremus, licet in hoc prælio, pro Martis aleâ, superatus. Stemnia duxit à Guilhelmo Aldelmi filio, Henrici Secundi Regis Angliæ Dapifero, & Hiberniæ sub eo, ad tempus, Gubernatore. Kildarius post reditum, 30 vini *tonnas*, sive dolia 120, benè merentibus distribuit. Neque defunt qui dicant (quàm verè nescio) totum hoc negotium initium sumpsisse ex similitate quadam inter Kildarium & Ulickum oborta, quæ tandem in apertum illud bellum erupit. Mense Julio, Kildarius (uti tradunt nonnulli) in honoratissimum Equitum *Gartherii* sive *Periscelidis* ordinem adscitus est. Alii verò honorem illum egregiæ fortitudinis præmium, paulò seriùs, nimirum post reditum, obtinuisse ferunt.

Brevi postea Walterus Fitz-Simon Archiepiscopus Dubliniensis, à Kildario & Concilio Regio, in Angliam missus est, ad Regem, de his & aliis publicis rebus, informandum. Houthæ is navem conscendit Septembris 20, Cruce suâ, pro more, Richardo Skereto Priori Ecclesiæ cathedralis S. Trinitatis Dublinii, tanquàm Custodinato priùs traditâ. Die sequenti, vento usus secundo, in Angliam appulit; & ad Aulam Regis, paucis post diebus, perveniens, ibi munus sibi demandatum, adeò solerter, eâque prudentiâ exequutus est, ut Rex summo eum habuerit in pretio, & haud ita diu post, cum gratiis & literis

literis voluntatem ejus experimentibus, in patriam remiserit.

Interim egit Henricus cum Julio 2 Papa, de Henrico VI, ultimo ante ipsum, familiae Lancastriensis Rege, in Sanctorum numerum referendo. Atque hanc rem ut promoveret, libellum de virtutibus & miraculis ejus conscribendum curavit, qui etiamnum typis excusus extat. Papa hujus negotii examen, Cantuariensi Archiepiscopo, necnon Episcopis Londinensi, Wintoniensi & Dunelmensi, per Bullam commisit, quam integrum (typis quod sciam antehac non editam) Lectori visum est exhibere, ex autographo quod etiamnum extat Westmonasterii in Bibliotheca instructissima V. CL. Dom. Thomæ Cottoni Baronetti, sub effigie Cleopatæ, E. 3.

*Julius Episcopus servus servorum Dei, Venerabilibus fratribus Archiepiscopo Cantuariensi, & Winton. Dunelmen. & Londinensi Episcopis, Salutem & Apostolicam benedictionem. Divine providentiæ Altitudo, nullis clausa limitibus, nullisq; finibus terminata, cujus potentia inscrutabilis & viæ investigabiles sunt, ad corroboratorem & exaltationem catholice fidei, præterquam nullum aliud ad salutem, fundamentum poni potest, & ut secundum Prophetam in suis sanctis collaudetur, nonnullos ex hominibus quos ad sui similitudinem formavit, sue gratiæ infusione clariùs illustrat & benedictionibus suis specialibus prævenit & exornat, ut & in illis gratiæ sue radiis, singulari quadam prærogativa virtutum & meritorum uberius circumfulcitur, sue Majestatis potentiam ostendat, & per lumen fidei quam in eis firmiter roboravit, ejus benignitate cognita, ad ipsius laudem & magnificentiam*  
*fideles*

fideles ferventiùs inducantur, & Sanctorum in quibus benedicitur & laudatur precibus & meritis, ad æternæ & incorruptibilis mansionis gloriam, feliciter perducantur. Sane ex literis carissimi in Christo filii nostri Henrici VII Angliæ Regis illustris, ac etiam fama quadam non vulgari intelleximus claræ memoriæ Henricum VI Angliæ regem, dum in hoc mundo ageret, vitæ sanctimonia, moribus probatis, ferventi in proximos caritate, & omni virtutis & sanctitatis genere claruisse, ac jejuniis & misericordiæ operibus assiduè vacavisse, & duo magna & insignia Collegia, pro sustentatione pauperum scholarium ad honorem omnipotentis Dei & ejus gloriosissimæ genetricis Beatae Mariæ Virginis, in dicto regno erexisse, fundasse & dotasse, & tam eo vivente, quàm post ejus mortem, Dominum illius meritis & intercessionibus multa & evidentissima miracula demonstrasse & quotidie demonstrare. Nam cum ad ejus sepulchrum, debita cum devotione accedunt cæci videre, surdi audire, claudi ambulare, & quocunque infirmitatis genere oppressi, ipso Henrico VI quondam Rege intercedente, & Altissimo operante, sanitatem recipere dicuntur. Cujus rei fama non solum per totum dictum regnum, sed etiam per alia loca vicina, mirificè divulgata, diversarum Regionum populi ad illum frequens concursus & singularis devotio habetur & continuè magis augeatur, adeò ut totius populi illarum partium firma sit opinio ut dictus quondam Henricus Rex Cathologo Sanctorum mereatur ascribi. Quare prefatus Henricus Rex modernus nobis humiliter supplicari fecit, ut aliquibus Prælati illarum partium qui de vita & meritis ac miraculis aliisque supradictis diligenter & prudenter inquirant



rant & nobis per suas literas super his quæ invenerint relationem fidelem facerent committere, ac alias ad effectum Canonizationis dicti quondam Henrici Regis in præmissis opportunè providere de benignitate Apostolica dignaremur. Nos igitur etsi dicti Henrici moderni Regis desideriis annuere cupiamus, attendentes tamen hujus rei divinum judicium potius quàm humanum existere, & propterea pro tanti negotii magnitudine, in illo maturè, graviter & accuratè procedere intendentes, ipsius Henrici moderni Regis in hac parte supplicationibus inclinati, vestigiis etiam felicitis recordationis Innocentii VIII & Alexandri VI Romanorum Pontificum prædecessorum nostrorum, qui similiter Commissionem fecerunt inherentes, fraternitati vestræ, de qua in his & aliis magnis & arduis fiduciam gerimus in Domino specialem, per Apostolica scripta committimus, & mandamus, quatenus vos, vel tres aut duo vestrum, de vita, moribus, sanctimonialia, caritate, devotione erga Deum, & piis operibus dicti quondam Henrici Regis, necnon miraculis, tam in vita, quam post mortem, aliisque consimilibus quæ circa pondus tanti negotii requiruntur, diligenter, solerter, prudenter, accuratè, cautè, & maturè in quocunque seu quibuscunque loco aut locis, de quo vel quibus vobis magis expediens visum fuerit, ad præmissa cognoscenda, auctoritate nostrâ inquiratis, testes legitimos recipiatis, & præstito prius per eos juramento, diligenter examinare curetis, de loco, tempore, mense, die, nominibus, cognominibus, causa scientiæ, aliisque circumstantiis, in talibus necessariis & requisitis fidelitè inquirentes, Instrumenta etiam publica & alias scripturas,

pturas, universaque alia probationum genera, ad hujusmodi negotium facientia videatis, & diligenter examinetis, & personas apud quas fuerint, ad illa vobis exhibenda, per censuram Ecclesiasticam & alia juris remedia, appellatione remotâ compellatis. Et quicquid in præmissis inveneritis, sub testimonio literarum vestrarum clausarum, & vestris sigillis munitarum, per fidelem nuntium, ad nos & sedem Apostolicam transmittere curetis, ut nos illis visis, & diligenter examinatis, & cum venerabilibus fratribus nostris communicatis, in hujusmodi negotio, prout illius magnitudo requirit, concedente Domino, ad ejus laudem & gloriam, ac Orthodoxæ fidei exaltationem, ad ulteriora & magis specialia, si nobis & eisdem fratribus visum fuerit, procedere valeamus. Dat. Romæ, apud Sanctum Petrum, Anno Incarnationis Dominicæ Millesimo quingentesimo quarto, Tertiodecimo Kalend. Junii, Pontificatus nostri anno Primo. Hactenus ipsa Bulla.

Cæterum res tota sub ea Commissione quasi sensim silentio expiravit. Ad Henricum sextum ipsum quod attinet, ut ob pietatem & Christianam patientiam, vulgò habitus est vir sanctissimus, ita ob inertiam, à nonnullis, inter pessimos Reges numeratus, ut qui Galliam à patre subactam turpiter amisit, ac postea deinde Angliæ etiam regno excidit. Non omittendum hîc (quod traditum reperi) Henricum Sextum, dum manus aliquando lavaret, Bello in Angliâ intestino exardente, prædixisse Henricum nostrum tunc puerum

G g

stantem

astantem regni gubernacula tandem suscepturum, eumque paulò postea in partes transmarinas clanculùm misisse, ut procellam imminentem faciliùs evaderet. Ex Prædictionis hujus & cæterarum sanctarum Henrici Sexti virtutum admiratione, Henricum VII postea inductum ferunt ad Apotheosim prædictam promovendam, licèt sine fructu sperato.

Pestis hoc anno multos ferè ubique absumpsit, sed præcipuè in Ultonia, interque cæteros, Patricium Conallium Abbatem *de Cluanois*, tum nuper à Roma reversum, ubi designatus fuerat Episcopus Clochorensis, per resignationem Nehemiæ *Clonin* ordinis Erenitarum S. Augustini, qui Augusti 29, anno superiore resignasse dicitur, ad jam dicti Conallii instantiam, reservatâ ducatorum aliquot pensiunculâ, de Camera, quàm diù viveret, sibi annuatim solvenda. Vacabat deinde sedes Clochorensis ad annum usque MDVIII, quando Eugenius Mac Camail Decanus Clochorensis ad eam consecratus est ab Octaviano Archiepiscopo Armachano, assistentibus Thoma Kilmorensi & Tiberio Dunensi & Connerensi Episcopis. Interim verò, mense Julio hujus anni 1504, Synodus Provincialis quam Pontanæ indixerat Octavianus Armachanus, pestis metu, quæ ibidem multùm grassabatur, ad Ecclesiam B. Mariæ Virginis de Atrio Dei, apud Louthenses translata est, ibique (quantùm auguror) derepentè, contagionis etiam metu, solut

Ad

Ad tempora jam pervenimus magis pacata quidem, sed insignibus rebus gestis, variisque casibus, non æquè memorabilia ac priora : Nam Pax, aurea Pax Historiæ non tam uberem plerùmque scribendi materiam præbet, ut Bellona solet : verum (quod longè gloriosius est) Regna, civilitate, opibus, bonis literis & legum salutarium fructibus, beat adornâtque ;

————— *Pax una triumphis  
Innumeris potior.*

Sed nunquam optatior, quàm post Belli calamitates.

Observat Volaterranus Geographiæ suæ lib. 3, (quod hîc non reticendum) obortâ his diebus quæstione de potiore loco in sedendo, inter Oratores Henrici nostri VII. & Hispaniæ regis, Julium II Pontificem, locum Angliis adjudicâsse honoratiorem. Neque novum tamen fuit hoc privilegium : Siquidem in Conciliis generalibus, Pisano, Constantiensi & aliis, Reges Angliæ eundem locum pacificè tenuerunt. Transeamus jam tandem ad annum sequentem.



---

ANNO CHRISTI

MDV.

**N**ondum extincta pestis (de qua suprà diximus) hoc etiam anno Hiberniam graviter afflixit: quam continuis in æstate & autumno pluviis, magna subsequuta est annonæ caritas. Idem annus supremus erat Johanni Alleno Decano Ecclesiæ S. Patricii Dublinii, viro docto & admodum humano, qui Dublinii ultimum diem clausit Januarii 2 (stylo Anglicano) 1505, cum Decanus extitisset annos circiter 40, à morte nempe Philippi Norrisii S. Theologiæ Doctoris, ultimi ejus prædecessoris, & ibidem in navi dictæ S. Patricii ædis, cui Ecclesiæ multa contulerat, sepultus est. Ptochotrophium is paulò ante obitum, pauperibus & infirmis extruxit Dublinii, in vico S. Coëmgeni, vulgò Kevinii, eligendis præcipuè ex Allenis, Barretis, Beggis, Hillis, Dillonis & Rodieris, quibus prædia assignavit unde alerentur. Ptochotrophii fundum dedit Walterus Fitz-Simon Archiepiscopus Dubliniensis 8 Junii 1504. Ante Allenum, Patricius O-Fihely ord. Minorum de Observantia, magnâ doctrinæ, famâ,

famâ , decessi. , & in cœnobio sui ordinis *de Temolagi* , apud *Corcagienses* , sepultus est.

## ANNO CHRISTI

MDVI.

**H**Oc anno magna pars *Trimæ* (Opidum est *primarium agri Midenfis*) de cœlo tacta deflagrâsse fertur. Mense Augusto, Cometes effulsit, sed paucis diebus postea intercidit. Martii V I, debitum naturæ persolvit *Johannes Paynus S. Theologiæ Doctor, ordinis fratrum Prædicatorum, Episcopus Midenfis*, cum annos sedisset plusquam 23, constitutus interim ad tempus *Rotulorum Præfectus*, sive (ut vulgò loquimur) *Magister*: Homo ob eleemosynas & mensam hospitalem celebratus. Is à *Sixto I V Episcopus renunciatus Midenfis*, inthronisatus dicitur per *Clerum Midensem, in Ecclesia S. Patricii de Trim, in festo S. Dominici* (4 nempe Augusti) 1483, uti à *Georgio Coglæo, Notario publico & Curia Midenfis Registrario*, annotatum est. Sepultum ferunt *Dublinii*, in cœnobio sui ordinis. Veruntamen, sepulchrum marmoreum æreis laminis olim ornatum sibi & successoribus suis, in Ecclesia *S. Patricii*

Dublinii , non procul à porta occidentali, statuit, id quod rude Epitaphium, claudicante rhythmo, ibi inscriptum etiamnum docet. Eodem anno Junii 26 (uti tradit Lucas Waddingus, ex Libris Consistorialibus) ad Archiepiscopatum Tuamensem promotus est Mauritius à Portu, al. O-Fihely, Minorita, vir literis egregiè excultus. De quo suprà diximus: sed plenius in libro nostro de Scriptoribus Hiberniæ.

## ANNO CHRISTI

MDVII.

**C**IRCA hos dies, Henricus rex podagrâ laborare cœpit, deinde catarrhi in pulmones defluxione, unde, post annum unum vel alterum, phthisi absorptus est. Interim verò mortem suam appropinquare sentiens, ad eam se disponere cœpit. Egenis itaque quamplurimas largitus est Eleemosynas, atque multam pecuniam in alios pios usus erogavit, pauloque ante obitum, in testamento suo iussit, ut si quid Fiscus suus injustè cuiquam diripuisset, id injuriâ affecto redderetur. Caterùm exitus probavit longè tutius esse quemque suis oculis & manibus talia committere, quàm alienis, post mortem. Hoc anno Guilielmus Rokeby

*Rokey* Juris Canonici Doctor, patriâ Eboracensis consecratus est Episcopus Midenfis, & paulò post, in numerum eorum ascitus, qui Principi erant ab arcanis in Hiberniâ consiliis. Is Dublinium postea translatus (post mortem nimirum Walteri *Fitz-Simon* Archiepiscopi Dubliniensis, qui Finglassæ obiit, ad secundum à Dublinio lapidem, 14 Maii MDXI) Synodum provincialem celebravit anno MDXVIII, cujus Canones extant in libro rubro Episcopi Ossoriensis. Sed hoc obiter.

---

## ANNO CHRISTI MDVIII.

**M**Eense Octobri, Kildarius, impetratâ licentiâ Regiâ, Parlamentum Dublinii indixit, in quo concessum est Subsidium tam ab Ecclesiasticis quàm à Laicis. Cæterum de aliis Legibus in eo sancitis, nihil extat, præter consuetas illas, de Privilegiis & libertatibus Ecclesiæ & *Terræ* Hiberniæ confirmandis. Subsidium illud sive Tributum agris duntaxat imponebatur, idque juxta ratam portionem 13 solidorum & 4 denariorum ex 120 jugeribus occupatis & cultis. Illæ enim taxationes non nisi ex Ordinum consensu, in Parlamento congregatorum irrogabantur: neque semper terris solum imponebantur, sed quandoque etiam, vel pro ratione agrorum,

G g 4

vel



vel bonorum, præsertim posterioribus temporibus, secundum regulas & cautiones in singulis Statutis præscriptas. Abstulit hic annus Walterum Blakæum Episcopum Clonensem five Clonmacnoisensem, cum sedi illi præfuisset annos plusquam 20, Item, Thomam Congalanum Episcopum Elphinensem, virum ob prudentiam & erga egenos liberalitatem celebratum, Item, Johannem *Orum* Abbatem XXXV cœnobii B. Mariæ Virginis juxta Dublin. qui decessit 5 Idus Decembris, & in Ecclesia cœnobii sui, prope Richardum Graceum, quondam *Reclusum*, sepultus est. Successit ei Richardus *Beg*, five Parvus, qui superstes fuit vix 2 annos & 6 menses.

---

ANNO

---

---

ANNO CHRISTI  
MDIX.

**R**estat jam pars tantum posterior anni ultimi Henrici VII. Circa quod tempus, Kildarius, suasu quorundam è familiâ O-Nealorum, copiis collectis, Dublinio in Tironiam profectus est, ad recuperanda castra de *Donganon* & *Omey*: Atqui Donganonio ante adventum dedito, ultrà movit, & Omium castrum expugnavit, quod tamen postquàm Arthurum Coni filium, ibi captivum detentum libertati restituisset, diruit prostravitque. Atque ita Kildarium vidimus, ut in initio, sic in fine regni Henrici, Hiberniæ Deputatum, qui licèt magnis diù difficultatibus conflictatus fuerit, posteriora tamen tempora, magnâ animi tranquillitate, rebus semper ferè ad vota fluentibus transegit. Ecce verò rerum humanarum fragilitatem: Is, paulò ante obitum, expeditionem contra O-Carollum susceperat, sed Athiæ in ipso itinere; (quasi in medio cursu) in ægritudinem incidit, & Kildariam discedens ibi post paucos dies, 3 nempe Nonas Septembris MDXIII, extinctus est. Cadaver Dublinium deportatum, in Ecclesia cathedrali S. Trinitatis, juxta sacellum à  
fe

se constructum , à boreali parte summi altaris , tumulatum est. Hoc obiter. Erat is vir magnanimus , procerus , formâ decenti , & ob crebras victorias illustris , rigidus tamen & præferox. Anglorum confinia quædam ( quod hîc etiam non prætermittendum ) castris firmavit , unde tutelam iis & securitatem præstitit. Hujus anni sub initium obiit Ulickus de Burgo ( qui & Mac-William dictus ) Clan-Richardi Dynasta , cujus in præcedentibus nonnulla mentio , & Atheniæ sepultus est , in Ecclesia cœnobii fratrum Prædicatorum. Sed nobiles jam relinquamus , de Rege , Nobilitatis fonte , dicturi. Ad finem nunc pervenimus regni Henrici VII , qui Aprilis XXII , in Palatio suo Richmondia , quod ipse de novo construxerat , ex hac vitâ migravit , ætatis anno LIII , regni XXIV. Corpus ejus XI insequentis Maii , more Regio , Westmonasterii , in medio nempe Sacelli , eximii operis , ( *Orbis Miraculum* vocat Lelandus ) quod ipse ad ortum Ecclesiæ S. Petri , 14000 librarum Anglicarum sumptu , à fundamentis excitaverat , sepultum est : ubi Testamenti executores Mausoleum splendidissimum ex ære solido deaurato , statu ejus & uxoris adornatum , postea extruxerunt. Princeps is fuit fortis & felix , prudens etiam & in rebus sui temporis turbidis sedandis admirandæ dexteritatis : porro frugi , *quo verbo* ( ut Cicero de Dejotaro ) *scio laudari Reges non solere* , & per aliquot ante obitum annos ( ne quid lectorem celemus ) ob multas Legum pœnalarum ejus auctoritate exactas , populo videbatur gravis. Inter delatores , præcipui

præcipui fuerunt Richardus Empsonus & Edmundus Dudleyus, uterque Juris Anglici consultus, qui sub initium Henrici VIII, ad mortem damnati, plebis furori victima facti sunt, securi percussi. Cætera, de Henrico, suis verbis, pro me narrabit Polydorus Virgilius, Archidiaconus Wellensis, & Hadriani de Castello Cardinalis ac Episcopi Bathoniensis & Wellensis in Angliâ subcollector: Corpore fuit gracili, sed benè firmo ac valido: Staturâ quæ parùm justam excederet, formâ eximiâ, vultu, præsertim in sermone hilari, oculis glaucis, dentibus raris, capillo etiam raro, ingenio magno sagacique, & à literis non alieno, animo excellenti atque forti, in summis quoque periculis, & naturæ ipsius habitu, propè divino. Res consultò graviterque gerebat, quò suæ prudentiæ opinio per hominum animos facilis pervaderet. Tum paucis interjectis: Erat præterea moderatus, honestus, frugi & benignus, & adeò superbiæ atque arrogantiae abhorrens, ut in ejusmodi vitiis notatos, durus ac asper esset. Pergo. Nuptiis inter eum & Elizabetham filiam & hæredem Edwardi IV regis feliciter confectis, titulus ille diù disceptatus, inter familias Eboraci & Lancastriæ, terminatus est, atque conjunctæ fuerunt Rosæ, Alba, insigne Domus Eboracensis, & Rubra, Lancastriensis: De quibus Bernardus Andreas, Tholosas, ejus temporis Poëta:

Ecce



Ecce nunc omnes posuere venti  
 Murmures, præter Zephyrum tepentem:  
 Hic Rosas nutrit, nitidosque flores  
 Veris amæni.

Quando seu longus tenuit colonos  
 Imber, & nubes resoluta fluxit,  
 Et diu pendens aratrum reliquit  
 Tristis arator.

Et non ita diu postea, D. Thomas Morus :

Purpureæ vicina fuit Rosa candida, utramque  
 Utraque dum certant sit prior utra, premit.  
 Utraque sed florem Rosa jam coalescit in unum,  
 Quoque potest uno lris cadit illa modo.  
 Nunc Rosa se pandit, nunc se explicat una, sed  
 omnes  
 Una habet hæc dotes, quas habuere due.  
 Scilicet huic uni species, odor, atque voluptas,  
 Et color & virtus est utriusque Rosæ:  
 Alterutram ergo Rosam, uel solam quisquis a-  
 mavit,  
 Hanc in qua nunc est quicquid amavit amet.  
 At qui tam ferus est, ut non amet, ille timebit:  
 Nempe etiam spinas flos habet iste suas.

Atque

Atque ita tandem Pax firma , à majoribus nostris toties exoptata coaluit , finemque imposuit Bello illi intestino & funesto, quod Angliam , plurimos per annos , gravissimè afflixerat : adeò ut inimici Henrici Statum regni perturbare frustrà postea niterentur , ut ex præcedentibus satis liquet. Illi successit filius Henricus , ejus nominis, in Regum ferie, Octavus, vix XVIII annorum adolescens , qui regnavit postea annos 37. menses 9. diésque 6. tumque deliciis potius , quàm annis , aut laboribus confectus , obiit.

F I N I S.

---











